






~~25 7 38~~
XXVII. Л. 94.
Р. С. Т. М.

2





CATECHISMVS,
 Ex Decreto Concilii Tridentini,
 AD PAROCHOS,
 PII QVINTI PONT. MAX.
 IVSSV EDITVS.



R O M A E,
 In ædibus Populi Romani,
 apud Paulum Manutium,
 M D L X V I.

CVM PRIVILEGIO PII V. PONT. MAX.



Manutius Paulus

THE UNIVERSITY OF CHICAGO
LIBRARY
1100 EAST 58TH STREET
CHICAGO, ILL. 60637



ROBERT A. L. ...
...
...
...
...
...

P II V. PONT. MAX.

PRIVILEGIUM.

MOTV proprio &c. Pastoralí officio cupiētes quam diligentissime possumus diuina adiuuante gratia fungi, & ea, quæ Sacro Tridētino Concilio statuta; & decreta fuerunt, exequi, curauimus, ut a delectis aliquot Theologis in hac alma Vrbe componeretur Catechismus: quo Christi fideles de eis rebus, quas eos nosse, profiteri, & seruare oporteret, Parochorū suorum diligentia edocerentur. Qui liber cum Deo iuuante perfectus, in lucem edendus sit: prouidendum duximus, ut quāmdiligentissime, & fidelissime imprimatur. Itaque in hac alma Vrbe eum potissimum imprimi uoluimus dilecti filij Pauli Manutij diligentia, qui alios ecclesiasticos libros hic imprimere solet. Quia uero, si alibi imprimeretur, euenire posset, ut non pari fide, ac diligentia talis argumenti liber imprimeretur: ob hanc causam, & quia etiam indemnitati, ut æquum est, consultum uolumus ipsius Manutij, qui in eo imprimendo magnos sumptus fecit, & multum laboris suscepit: uniuersis, & singulis librorum impressoribus, & bibliopolis tam extra, quam intra Italiam, sub excommunicationis latæ sententiæ pœna, nostris uero, & Sanctæ Romanæ Ecclesiæ temporali ditioni immediate, mediæque subiectis, etiam sub pœna quingentorum ducatorum auri, Fisco nostro applicandorum, & amissionis librorum, ipso facto etiam sine declaratione cuiusquam Iudicis incurrenda, inhibemus, & interdiciamus ne quis prædictū Catechismum latinum, aut in uulgarem sermonem translatum, intra quinquennium proximū possit imprimere, uel ab aliis impressum uendere, ac ne post quinquennium quidem absque licentia nostra, & Sedis Apostolicæ: Mandantes dilectis filiis nostris Cameraio, & Vicario Urbis, necnon Gubernatori, Senatori, Cameræ Apostolicæ causarum Auditori, & aliis Urbis ordinariis Iudicibus, Legatisque, Vicelegatis, Gubernatoribus,

Potestatibus terrarum Sanctæ Romanæ Ecclesiæ, Baricellisque earundem, ac uenerabilibus fratribus singularum extra terras prædictas ciuitatum Archiepiscopis, & Episcopis, eorumque vicariis: ut, quotiens ipsius Pauli nomine requisiti fuerint, ei efficacia defensionis præsidio assistentes præmissa omnia, & singula contra inobedientes, & contraueniens ad executionem censurarum, & poenarum prædictarum, omni, & quacumque appellatione remota, procedant, & quilibet eorum procedat, inuocato etiam, si opus fuerit, auxilio brachii secularis. Quia uero difficile esset hanc nostram cedulam originalem ad singula loca deferri: uolumus quod de eius tenore, quod ad prohibitionem nostram huiusmodi attinet, credi debeat exemplis in ipsis libris imprimendis, quodque præsentis nostri Motus proprii, etiam absque illius registratura, sola signatura sufficiat, & ubique fidem faciat in iudicio & extra, quacumque regula, siue constitutione Apostolica contraria non obstante: Non obstantibus constitutionibus, & ordinationibus Apostolicis, priuilegiis quoque, indultis quibuscumque aliis in contrarium fortasse facientibus.

Placet Motu proprio M.

Dat. Romæ apud Sanctum Marcum, septimo Kalend.
Octobris anno primo.

CATECHISMVS,
EX DECRETO CONCILII TRIDENTINI,
AD PAROCHOS,

S.^{mi} D. N. PII. QVINTI IVSSV EDITVS.



EST humanæ mentis, & intelligentiæ ratio, ut, cum alia multa, quæ ad diuinarum rerum cognitionem pertinent, ipsa per se, magno adhibito labore, & diligentia, inuestigauerit, ac cognouerit, maximam tamen illorum partem, quibus æterna salus comparatur, cuius rei in primis causa homo conditus, atque ad imaginem & similitudinem Dei creatus est, naturæ lumine illustrata cognoscere, aut cernere numquam potuerit. Inuisibilia quidem Dei, ut docet Apostolus, a creatura mundi per ea, quæ facta sunt, intellecta conspiciuntur: sempiterna quoque eius uirtus, & diuinitas: uerum mysterium illud, quod absconditum est a sæculis, & generationibus, ita humanam intelligentiam superat, ut, nisi manifestatum fuisset sanctis, quibus uoluit Deus fidei munere notas facere diuitias gloriæ sacramenti huius in gentibus, quod est Christus, nullo studio homini ad eam sapientiam aspirare licuisset. Cum autem fides ex auditu concipiatur, perspicuum est, quam necessaria semper fuerit ad æternam salutem consequendam, doctoris legitimi fidelis opera, ac ministerium: siquidem dictum est; Quo modo audient sine prædicante? quo modo uero prædicabunt, nisi mittantur? & quidem ab ipsius mundi origine, clementissimus ac benignissimus Deus suis numquam defuit, sed multifarie, multisque modis locutus est patribus in prophetis, eisque pro temporum conditione ad cælestem beatitudinem certum; ac directum iter monstrauit. Sed quoniam prædixerat, daturum se doctorem iustitiæ in lucem gentium, ut esset salus eius usque ad extremum terræ, nouissime locutus est nobis in filio, quem etiam, uoce e cælo delapsa a magnifica gloriâ, iussit ut omnes audirent, eiusque præceptis obtemperarent. Deinde uero Filius alios dedit apostolos, alios prophetas, alios pastores, & doctores, qui uerbum uitæ annuntiarent; ne circumferremur: tamquam paruuli, fluctuantes omni uento

Ad Rom. 1.

Ad 1. Cor. 1.

Ad Rom. 10.

Rom. 10.

Ad Heb. 1.

Psalm. 49.

Ad Heb. 1.

1. Pet. 1.

Ad Eph. 4.

B doctrinæ,

doctrinæ, sed firmo fidei fundamento adhærentes, cōdificemur in habitaculum Dei, in Spiritu sancto.

*Verba Passio-
rum Ecclesiæ
tanquam Dei
uerba reci-
pienda.*

Luc. 10.

Matt. 18.

1. Ioan. 4

Hier. 23.

Mat. 16.

*Quo assen-
sui sint usi
ad impia dog-
mata infan-
denda.*

Ac ne quis uerbum auditus Dei ab Ecclesiæ ministris, tamquam uerbum hominum, sed, sicut uere est, uerbum Christi acciperet, ille ipse saluator noster tantam auctoritatem eorum magisterio tribuendam esse statuit, ut diceret: Qui uos audit, me audit: & qui uos spernit, me spernit. quod quidem non de iis tantum, quibuscum sermo habebatur, intelligi uoluit, uerum de omnibus etiam, qui legitima successione docendi munus obirent, quibus se omnibus diebus usque ad consummationem sæculi assuturū esse pollicitus est. At uero, cum hæc diuini uerbi prædicatio numquam intermitteri in Ecclesiâ debeat, tum certe hoc tempore maiori studio, & pietate elaborandum est, ut sana, & incorrupta doctrina, tamquam pabulo uitæ, fideles nutriantur, & confirmentur. exierunt enim falsi prophætæ in mundum, de quibus dixit Dominus: Non mittebam prophetas, & ipsi currebant: non loquebar ad eos, & ipsi prophetabant, ut uariis doctrinis & peregrinis, Christianorum animos deprauarent. Qua in re illorū impietas omnibus Satanæ artibus instructa, tam longe progressa est, ut nullis fere certis finibus cōtineri posse uideatur. ac, nisi saluatoris nostri præclara illa promissione niteremur, qui se adeo stabile Ecclesiæ suæ fundamentum posuisse affirmauit, ut portæ Inferi aduersus eam præualere numquam possint: maxime uerendum esset, ne hoc tempore, tot undique hostibus obfessa, tot machinis tentata, & oppugnata, concideret.

Nam ut omittamus nobilissimas prouincias, quæ olim ueram, & catholicam religionem, quam a maioribus acceperant, pie, & sancte retinebant, nunc autem derelinquentes uiam rectam, errauerunt, atque in eo se maxime pietatem colere palam profitentur, quod a patrum suorum doctrina quam longissime recesserunt, nulla tam remota regio, aut tam munitus locus, nullus Christianæ reip. angulus inueniri potest, quo hæc pestis occulte irrepere non tentarit. Qui enim fidelium mentes corrumpere sibi proposuerunt, cum fieri nullo modo posse intelligerent, ut cum omnibus coram colloqueretur, & in eorum aures uenenatas uoces infunderent, idem alia ratione aggressi, multo facilius, ac latius impietatis errores disseminarunt. Nam præter illa ingentia uolumina, quibus catholicam fidem euertere conati sunt, a quibus tamen cauere, cum apertam hæresim continerēt, non magni fortasse laboris, ac diligentiae fuit, infinitos etiam libellos cōscripserunt: qui cum pietatis speciem præseferret, incredibile est, quam

quam facile incautos simplicium animos deceiverint. Quamobrem Patres œcumenicæ Tridentinæ Synodi, cum tanto, & tam pernicio- *Trid. Syn.*
 so huic malo salutarem aliquam medicinam adhibere maxime cu-
 perent, non satis esse putarunt, grauiora catholicæ doctrinæ capita
 contra nostri temporis hæreses decernere, sed illud præterea sibi fa-
 ciendum censuerunt, ut certam aliquam formulam & rationem
 Christiani populi ab ipsis fidei rudimentis instituendi, traderent;
 quam in omnibus ecclesiis illi sequerentur, quibus legitimi Pasto-
 ris, & doctoris munus obeundum esset. Multi quidem adhuc in
 hoc descriptionis genere cum magna pietatis & doctrinæ laude uerfa-
 ti sunt: sed tamen Patribus uisum est maxime referre, si liber sanctæ
 Synodi auctoritate ederetur, ex quo Parochi, uel omnes alii, quibus
 docendi munus impositum est, certa præcepta petere, atque deprom-
 ere ad fidelium ædificationem possint; ut, quemadmodum, unus
 est Dominus, una fides, ita etiam una sit tradendæ fidei, ad omniaq;
 pietatis officia populum Christianum erudiendi, communis regula,
 atque præscriptio. *Catechismus*
 Ergo cum multa sint, quæ ad hanc rationem pertinere uidean- *curadus.*
 tur, nemo existimet illud sanctæ Synodo propositum fuisse; ut
 omnia Christianæ fidei dogmata, uno libro comprehensa, subtiliter
 explicarentur: quod ab iis fieri solet, qui se profitentur uniuersæ re-
 ligionis institutionem, & doctrinam tradere: id enim & infiniti pe-
 ne operis fuisset, & instituto minus conuenire perspicuum est: sed
 quoniam Parochos, sacerdotesque, animarum curatores, earum re-
 rum cognitione instruendos suscepit, quæ pastoralis muneris maxi-
 me propriæ sunt, & ad fidelium captum accommodatæ, ea tantum
 in medium afferri uoluit, quæ hæc in re pium Pastorum studium,
 si in difficilioribus diuinarum rerum disputationibus non ita uer-
 sati fuerint, adiuuare possent. Quæ cum ita sint, antequam ad ea sin-
 gillatim tractanda accedamus, quibus huius doctrinæ summa con-
 tinetur, institutæ rei ordo postulat, ut pauca quædam exponan-
 tur, quæ Pastores considerare, sibi que ante oculos proponere in
 primis debent; ut sciant, quonam, ueluti ad finem, omnia eorum
 consilia, labores, studia referenda sint; quo ue pacto id, quod uo-
 lunt, facilius consequi, & efficere possint. Illud igitur primum ui-
 detur esse, ut semper meminerint, omnem Christiani hominis
 scientiam hoc capere comprehendere, uel potius, quemadmodum sal-
 uator noster ait, Hæc est uita æterna, ut cognoscant te solum ue- *Ioan. 17.*
 rum Deum, & quem misisti, Iesum Christum. Quamobrem in

- eo præcipue ecclesiastici doctoris opera uersabitur, ut fideles scire
1. Cor. 2. ex animo cupiant Iesum Christum, & hunc crucifixum, sibi que cer-
 to persuadent, atque intima cordis pietate & religione credant,
Mat. 4. aliud nomen non esse datum hominibus sub cælo, in quo oporteat
 nos saluos fieri, siquidem ipse propitiatio est pro peccatis nostris.
1. Ioan. 2. At uero quia in hoc scimus, quoniam cognouimus eum, si manda-
 ta eius obseruemus, proximum est, & cum eo, quod diximus, maxi-
 me coniunctum, ut simul etiam ostendat, uitam a fidelibus non in
 otio & desidia degendam esse, uerum oportere, ut quemadmodum
1. Ioan. 3. ipse ambulauit, ita & nos ambulemus, sectemurque omni studio ius-
 titiam, pietatem, fidem, charitatem, mansuetudinem; dedit enim
Ad Tit. 2. semetipsum pro nobis, ut nos redimeret ab omni iniquitate, &
 mundaret sibi populum acceptabilem, sectatorem bonorum ope-
 rum, quæ Apostolus Pastoribus præcipit, ut loquantur, & exhorten-
Mat. 23. tur. Cum autem Dominus, ac saluator noster non solum dixerit, sed
 etiam exemplo suo demonstrarit, legem, & prophetas ex dilectione
1. ad Tim. 1. pendere, Apostolus deinde confirmarit, charitatem esse finem præ-
 cepti, ac legis plenitudinem, dubitare nemò potest, hoc, tamquam
Ad Rom. 13 præcipuum munus, omni diligentia curandum esse, ut fidelis po-
 pulus ad immensam Dei erga nos bonitatem amandam exciteretur, ac
 diuino quodam ardore incensus, ad summum illud & perfectissi-
 mum bonum rapiatur; cui adhærere, solidam, & ueram felicitatem
Psalm. 72. esse is plane sentiet, qui illud prophetæ dicere poterit: Quid enim
1. ad Cor. 12 mihi est in cælo, & a te quid uolui super terram? Hæc nimirum est
 uia illa excellentior, quam idem Apostolus demonstraui, cum
1. ad Cor. 13 omnem doctrinæ, & institutionis suæ rationem ad charitatem; quæ
 numquam excidit, dirigeret. Siue enim credendum, siue sperandum;
 siue agendum aliquid proponatur, ita in eo semper charitas Domini
 nostri commendari debet, ut qui uis perspiciat, omnia perfectæ Chri-
 stianæ uirtutis opera non aliunde, quam a dilectione ortum habere,
 neque ad alium finem, quam ad dilectionem referenda esse.
- Cum autem in omni re tradenda plurimum intersit, utrum hoc,
 an illo modo aliquid doceas, tum uero hoc in Christiani populi in-
 stitutione maximi momenti existimandum est. Obseruanda est enim
 audientium ætas, ingenium, mores, condicio, ut qui docendi mu-
 nus exercet, omnia omnibus efficiatur, ut & omnes Christo lucrifi-
1. ad Cor. 9. ciat, & se ipsum fidelem ministrum, & dispensatorem probare possit,
1. ad Cor. 4. ac ueluti seruus bonus, & fidelis, dignus sit, qui super multa consti-
Mat. 25. tuatur a Domino. Neque uero unius tantum generis homines fidei
 suæ

*Catechismi
 doctrina ad
 captum eu-
 angelium accom-
 modata.*

Ad Parochos .

suæ cōmissos esse arbitretur, ut præscripta quadam, & certa docendi
 formula erudire, atque ad ueram pietatem instituere æque omnes
 fideles possit: sed cum alij ueluti modo geniti, infantes sint, alij in
 Christo adolescere incipiant, nonnulli uero quodam modo confir-
 mata sint ætate, necesse est diligenter considerare, quibus lacte, qui-
 bus solidiore cibo opus sit, ac singulis ea doctrinæ alimenta præbe-
 re, quæ spiritum augeant, donec occurramus omnes in unitatem fi-
 dei, & agnitionis filii Dei in uirum perfectum, in mensuram ætatis
 plenitudinis Christi. Id uero Apostolus in seipso omnibus obser-
 uandum indicauit, cum dixit, se Græcis, & barbaris, sapientibus,
 & insipientibus debitorem esse; ut uidelicet intelligerent, qui ad
 hoc ministerium uocati sunt, ita in tradendis fidei mysteriis, ac ui-
 tæ præceptis, doctrinam ad audientium sensum, atque intelligen-
 tiam accommodari oportere, ut cum eorum animos, qui exercita-
 tos sensus habent, spirituali cibo expleuerint, ne interim paruulos
 fame perire patiantur, ut qui panem petant, & non sit qui frangat
 eis. Neque uero cuiusquam studium in docendo retardari debet,
 propterea quod interdum necesse sit auditorem earum rerum præ-
 ceptis instrui, quæ leuiiores, & humiliores uidentur, nec sine mo-
 lestia ab ijs porissimum tractari solent; quorum animus in subli-
 mium rerum contemplatione uersatur, ac conquiescit. Nam si
 ipsa æterni patris sapientia in terras descendit, ut in carnis nostræ
 humilitate cælestis uitæ præcepta nobis traderet; quem non com-
 pellat charitas Christi, ut paruulus fiat in medio fratrum suorum,
 & tamquam nutrix fouens filios suos ita cupide proximorum salu-
 tem desideret, ut, quod de se ipso Apostolus testatur, eis uelit non
 solum euangelium Dei, sed etiam animam tradere?

Omnis autem doctrinæ ratio, quæ fidelibus tradenda sit, uerbo
 Dei continetur, quod in scripturam, traditionesque distributum
 est. Itaque in harum rerum meditatione Pastores dies, noctesque
 uersabuntur, memores illius D. Pauli admonitionis, quam ad Timo-
 theum scriptam, omnes, quicumque animarum curæ præpositi
 sunt, ad se pertinere existimabunt. est autem hæc admonitio in
 hunc modum. Attende lectioni, exhortationi, & doctrinæ: est enim
 omnis scriptura diuinitus inspirata utilis ad docendum, ad arguen-
 dum, ad corripiendum, ad erudiendum in iustitia, ut perfectus sit
 homo Dei, ad omne opus bonum instructus. Sed quoniam, quæ
 diuinitus tradita fuerunt, multa sunt, & uaria, ut nec ita facile aut
 animo comprehendi, aut etiam, mente comprehensa, memoria

1. Pet. 2.

1. ad Cor. 3.

Ad Heb. 5.

Ad Eph. 4.

Ad Rom. 1.

Thren. 4.

1. ad Thes. 2.

1. ad Thes. 2.

Doctrina fi-
 dei catholica
 continetur scri-
 ptura & tra-
 ditionibus:
 rum de Sym-
 bolo, Sacra-
 mentis, Deca-
 logo, oratio-
 ne Dominica.

1. ad Tim. 4.

2. ad Tim. 2.

ripræsentat
 communi

via, modo forma

1. ad Tim. 1.

LUC. 11.

teneri possint, ut cum se obtulerit docēdi occasio, eorum parata sit & prompta explicatio, sapientissime maiores nostri totā hanc vim, & rationem salutaris doctrinæ, in quatuor hæc capita redactam, distribuerunt, apostolorum Symbolum, Sacramēta, Decalogum, Dominicam orationem. nam omnia, quæ Christianæ fidei disciplina tenenda sunt, siue ad Dei cognitionem, siue ad mundi creationem & gubernationem, siue ad humani generis redemptionē spectent, siue ad bonorum præmia, & malorum pœnas pertineant, Symboli doctrina continentur. Quæ autem signa sunt, & tamquam instrumenta ad diuinam gratiam consequendam, hæc septem sacramentorum doctrina complectitur. Iam uero quæ ad leges referuntur, quorum finis est charitas, Decalogo descripta sunt. Quidquid denique ab hominibus optari, sperari, ac salutariter peti possit, id Dominica præcatione comprehenditur. Quare sequitur, ut, explanatis quatuor his quasi communibus sacræ scripturæ locis, nihil fere ad eorum intelligentiam, quæ Christiano homine discenda sunt, desiderari possit. Itaque uisum est monēre Parochos, ut, quoties usu uenerit, ut aliquem interpretentur euangelij, uel quemuis alium diuinæ scripturæ locum, intelligant, eius loci, quicumque is fuerit, sententiam cadere sub unum aliquod quatuor illorum capitum, quæ diximus, quo tamquam ad eius doctrinæ fontem, quod explicandum sit, confugient. exempli causa, si explanandum sit illud euangelium primæ dominicæ Aduentus: Erunt signa in sole & luna &c. quæ ad eam rationem pertinent, tradita sunt illo Symboli articulo, Venturus est iudicare uiuos, & mortuos: quibus inde assumptis Pastor una eademque opera fidelem populum & Symbolum, & Euangelium docebit. Quare in omni docendi, & interpretandi munere, hanc consuetudinem tenebit dirigendi omnia ad prima illa quatuor genera, ad quæ refertur uniuersam diuinæ scripturæ vim, atque doctrinam diximus.

DOCENDI autem ordinem eum adhibebit, qui & personis, & tempori accommodatus uidebitur: nos Patrum auctoritatem secuti, qui iniciandis Christo domino, & in eius disciplina instituēdis hominibus, a fidei doctrina initium fecerunt, operæpretium diximus, quæ ad fidem pertinent, prius explicare. Sed quoniam in diuinis litteris multiplex est fidei significatio, hic de ea loquimur, cuius ui omnino assentimur iis, quæ tradita sunt diuinitus. Hanc autem ad salutem consequendam esse necessariam, nemo iure dubitabit, præsertim cum scriptum sit: Sine fide impossibile est placere

placere Deo. Cum enim finis, qui ad beatitudinem homini propo-
 situs est, altior sit, quam ut humanæ mentis acie perspicui possit, ne-
 cessè ei erat, ipsius a Deo cognitionem accipere: Hæc uero cogni-
 tio nihil aliud est, nisi fides, cuius uirtus efficit, ut id ratum habea-
 mus, quod a Deo traditum esse sanctissimæ matris Ecclesiæ aucto-
 ritas comprobarit. nulla enim fidelibus potest accidere dubitatio
 in iis, quorum Deus auctor est, qui est ipsa ueritas. ex quo intelli-
 gimus quantum inter hanc fidem, quam Deo habemus, inter sit, &
 illam, quam humanæ hystoriæ scriptoribus adhibemus. Fides au-
 tem, quamquam late pateat, & magnitudine, ac dignitate differat,
 (est enim sic in sacris litteris: Modicæ fidei quare dubitasti? & Ma-
 gna est fides tua: & Adauge nobis fidem: item, Fides sine operibus
 mortua: & Fides, quæ per charitatem operatur) tamen est idem ge-
 nere, & diuersis fidei gradibus eadem definitionis uis, & ratio con-
 uenit. Quam uero fructuosa sit, & quantam ex ea utilitatem capia-
 mus, in articulorum explicatione dicitur. Quæ igitur primum
 Christiani homines tenere debent, illa sunt, quæ fidei duces docto-
 resque sancti apostoli, diuino spiritu afflati, duodecim Symboli arti-
 culis distinxerunt. Nam cum mandatum a Domino accepissent,
 ut pro ipso legatione fungentes, in uniuersum mundum proficisce-
 rentur, atque omni creaturæ euangelium prædicarent, Christianæ
 fidei formulam componendam censuerunt, ut scilicet id ipsum
 omnes sentirent, ac dicerent, inque ulla essent inter eos schisma-
 ta, quos ad fidei unitatem uocassent, sed essent perfecti in eodem
 sensu, & in eadem sententia. Hanc autem Christianæ fidei, & spei
 professionem a se compositam, apostoli Symbolum appellarunt, si-
 ue quia ex uariis sententiis, quas singuli in commune contulerunt,
 conflata est, siue quia ea ueluti nota, & tessera quadam uterentur,
 qua desertores; & subintroductos falsos fratres, qui euangelium
 adulterabant, ab iis, qui uere Christi militiæ sacramento se obliga-
 rent, facile possent internoscere.

*Ad Heb. 11.**Mat. 14.**Luc. 17.**Mat. 15.**Ad Gal. 5.**Iacob. 2.**Mar. 16.**Ad Cor. 1.
cap. 1.*

CREDO IN DEVM Cum multa in Christiana religione fidelibus
 proponantur, quorum sigillatim, uel uniuerse certam, & firmam
 fidem habere oportet, tum uero illud primo; ac necessario omni-
 bus credendum est, quod ueluti ueritatis fundamentum, ac sum-
 ma de diuinæ essentia unitate, & trium personarum distinctione,
 earumque actionibus, quæ præcipua quadam ratione illis attribuun-
 tur, Deus ipse nos docuit. Huius mysterii doctrinam breuiter
 in Symbolo apostolorum comprehensam esse, Parochis docebitur.

Nam ut maiores nostri, qui in hoc argumento pie, & accurate uersati sunt, obseruauerunt, in tres potissimum partes ita distributum uidetur, ut in una diuinæ naturæ prima persona & mirum creationis opus describatur; in altera, secunda persona, & humanæ redemptionis mysteriū; in tertia, tertia item persona, caput, & fons sanctitatis nostræ, uariis, & aptissimis sententiis concludatur. Eas autem sententias similitudine quadam a Patribus nostris frequenter usurpata articulos appellamus. Ut enim corporis membra articulis distinguuntur: ita etiam in hac fidei confessione quidquid distincte, & separatim ab alio nobis credendum est, recte, & apposite articulum dicimus.

CREDO IN DEVM PATREM OMNIPOTENTEM CREATOREM CÆLI, ET TERRÆ. His uerbis ea sententia subiecta est: certo credo, ac sine ulla dubitatione profiteor Deum patrem, primam scilicet Trinitatis personam, qui sua omnipotenti uirtute cælum ipsum, & terram, & omnia, quæ cæli, & terræ ambitu continentur, ex nihilo condidit, & condita tuetur, ac regit: neque solum eum corde credo, & ore confiteor, uerum summo studio, ac pietate ad illum, ueluti summum, & perfectissimum bonum, contendo. Hæc igitur sit breuis quædam primi huius articuli comprehensio. Sed quoniam magna mysteria in singulis fere uerbis latent, ea nunc diligentius Parocho perpendenda sunt: ut, quantum Dominus permiserit, ad eius maiestatis gloriam contemplandam cum timore, & tremore fidelis populus accedat.

Verbi huius, credo, in materia fidei euangelicæ acceptio & professio.

1. ad Cor. 1.

Igitur credendi uox hoc loco putare, existimare, opinari non significat, sed, ut docent sacræ litteræ, certissimæ assensionis uim habet, qua mens Deo, sita mysteria aperienti, firme, constanterque assentitur. Quamobrem is credit, (quod ad huius loci explicationem attinet) cui aliquid sine ulla hæsitacione certum, & persuasum est. Neque uero existimare quisquam debet, fidei notitiam minus certam esse, quod ea non cernantur, quæ nobis credenda fides proponit. etenim diuinum lumen, quo ea percipimus, tamen si rebus perspicuitatem non asserat, nos tamen de his dubitare non sinit. Deus enim qui dixit de tenebris lucem splendescere, ipse illuxit in cordibus nostris, ut non sit nobis opertum euangelium, sicut iis, qui pereunt. Iam uero ex ijs, quæ dicta sunt, consequitur, eum, qui cælesti hac fidei cognitione præditus est, inquirendi curiositate liberum esse. Deus enim cum iussit nos credere, nō diuina iudicia scrutanda, eorumque rationem, & causam perquirendā nobis proposuit, sed

sed immutabilem fidem præcepit; quæ efficit, ut animus in æternæ ueritatis noticia conquiescat. Ac profecto cum Apostolus testetur; Deus uerax est, omnis autem homo mendax; si arrogantis, & impudentis hominis est, graui, ac sapienti uiro aliquid affirmanti fidem non habere, sed præterea urgere, ut quod dixerit, rationibus, aut testibus probetur: cuius temeritatis, atque adeo stultitiæ fuerit, Dei uoces audientem, cælestis, ac salutaris doctrinæ rationes requirere? fides itaque, seclusa omni non solum ambiguitate, sed etiam demonstrandi studio, tenenda est. Verum illud præterea doceat Parochus, eum qui dicit *CREDO*, præterquam quod intimum mentis suæ assensum declarat, qui interior fidei actus est, debere id, quod animo inclusum habet, aperta fidei professione præferre, summaque alacritate palam fateri, ac prædicare. Oportet enim fideles eum spiritum habere, quo fretus Propheta dixit; Credidi propter quod locutus sum: imitari Apostolos, qui ad principes populi responderunt; Non possumus, quæ uidimus, & audiuius, non loqui: diui Pauli præclara illa uoce excitari; Non erubescio euangelium: Virtus enim Dei est in salutem omni credenti. Item quo maxime huius sententiæ ueritas confirmatur; Corde creditur ad iusticiam, ore autem confessio fit ad salutem.

IN DEVM. Hinc iam Christianæ sapientiæ dignitatē, & præstantiam, ex eaque quantum diuinæ bonitati debeamus, cognoscere liceat, quibus datum est, statim ad rei præstantissimæ, maximeque experendæ cognitionem, quasi fidei gradibus ascendere. In hoc enim multum inter se differunt Christiana philosophia, & huius sæculi sapientia, quod hæc quidem naturalis tantum luminis ductu ab effectibus, & ab ijs, quæ sensibus percipiuntur, paulatim progressa, non nisi post longos labores uix tandem inuisibilia Dei contemplatur, primamque omnium rerum causam & auctorem agnoscit, atque intelligit. Contra uero illa humanæ mentis aciem ita exacuit, ut in cælum nullo labore penetrare possit, atque diuino splendore collustrata, primum quidem æternum ipsum luminis fontem, deinde quæ infra ipsum posita sunt, intueri, ut nos uocatos esse de tenebris in admirabile lumen, quod est apud apostolorum principem, cum summa animi iucunditate experiamur, & credentes exultemus læticia inenarrabili. Recte igitur fideles primo se in Deum credere profitentur, cuius maiestatem ex Hieremiæ sententia incomprehensibilem esse dicimus; Lucem enim, ut ait Apostolus, inhabitat inaccessibilem, quem nullus hominum uidit, sed nec uidere potest. cum

enim

Exod. 32. enim ad Moysen loqueretur, Non uidebit me, inquit, homo, & ui-
 uet. Nam ut mens nostra ad Deum, quo nihil est sublimius, perue-
 niat, necesse est tam omnino a sensibus abstractam esse, cuius rei fa-
 cultatem in hac uita naturaliter non habemus. Sed quamuis hæc ita
Act. 14. sint, non reliquit tamen Deus, ut inquit Apostolus, semet ipsum si-
 ne testimonio benefaciens, de cælo dans pluuias, & tempora fructife-
 ra, implens cibo, & lætitia corda hominum. Quæ causa fuit philo-
 sophis nihil abiectum de Deo sentiendi, & quidquid corporeum,
 quidquid concretum, & admixtum est, ab eo longissime remouen-
 di: cui etiam bonorum omnium perfectam uim, & copiam tribue-
 runt, ut ab eo, tamquam a perpetuo quodam, & inexhausto fonte
 bonitatis, ac benignitatis, omnia ad omnes creatas res, atque natu-
 ras perfecta bona dimanent: quem sapientem, ueritatis auctorem, &
 amantem, iustum, beneficentissimum, & alijs nominibus appella-
 uerunt, quibus summa, & absoluta perfectio continetur: cuius im-
 mensam, & infinitam uirtutem, omnem complementem locum, & per
 omnia pertinentem esse dixerunt. Hoc ex diuinis litteris longe me-
Ioan. 4. lius constat, & illustrius, ut illo loco, Spiritus est Deus: item, Estote
Mat. 5. uos perfecti, sicut & Pater uester cælestis perfectus est: tum, Omnia
Ad Heb. 4. nuda, & aperta sunt oculis eius: & illud, Quiditas diuitiarum sa-
Ad Rom. 11. pientiar, & scientiar Dei: deinde, Deus uerax est: & Ego sum uia, &
Ad Rom. 3. ueritas, & uita: præterea, Iustitia plena est dextera tua: denique, Ape-
Ioan. 14. ris tu manum tuam, & imple omne animal benedictione: postre-
psal. 47. mo, Quo ibo a Spiritu tuo, & quo a facie tua fugiam? & Si ascende-
psal. 144. ro in cælum, tu illic es: si descendero in infernum, ades: si sumpsero
psal. 138. pennas meas diluculo, & habitauero in extremis maris &c. & Num-
Hier. 23. quid non cælum, & terram ego impleo, dicit Dominus? Magna, &
 præclara hæc sunt, quæ de Dei natura sacrorum librorum auctori-
 tate consentanea, & consequentia ex rerum effectuum inuestigatio-
 ne philosophi cognouerunt. quamquam in eo etiam cælestis doctri-
 næ necessitatem cognoscimus, si animaduertamus, fidem non so-
 lum hoc præstare, quemadmodum supra dictum est, ut quæ uiri tan-
 tum sapientes longo studio consecuti sunt, ea rudibus quoque, &
 imperitis hominibus statim pateant, atque in promptu sint; uerum,
 ut rerum notitia, quæ fidei disciplina comparatur, multo certior, at-
 que ab omni errore purior in mentibus nostris insideat, quam si eas
 ipsas res, humanæ scientiæ rationibus comprehensas, animus intelli-
 geret. Sed quanto præstantior diuini numinis cognitio censenda
 est, ad quam non communiter omnibus naturæ contemplatio, sed
 proprie

proprie credentibus fidei lumen aditum patefecit. hæc autem Symboli articulis continetur, qui nobis diuinæ essentia unitatem, & trium personarum distinctionem, tum uero ipsum Deum esse ultimum hominis finem aperiunt, a quo cælestis, æternæque beatitudinis possessio expectanda sit: siquidē a diuo Paulo didicimus, Deum inquirentibus se remuneratorem esse. Hæc quanta sint, & an eius generis sint bona, ad quæ humana cognitio aspirare potuerit, multo ante eundem Apostolum Esaias propheta his uerbis ostendit: A sæculo non audierunt, neque auribus pereeperunt: oculus non uidit, Deus, absque te, quæ præparasti expectantibus te.

*Ad Heb. 11.**1. ad Cor. 2.**Es. 64. 1.*

Sed ex ijs, quæ diximus, unū etiam Deum esse, non plures Deos, confitendum est. nam cum Deo summam bonitatem, & perfectionem tribuamus, fieri non potest, ut id, quod summum, atque absolutissimum est, inueniatur in pluribus. Quod si cui aliquid ad summum deest, eo ipso imperfectus est: quare nec Dei natura illi conuenit. hoc autem multis sacrarum litterarum locis comprobatur. scriptum est enim: Audi Israel: Dominus Deus noster, Deus unus est. præterea est Domini iussu: Non habebis Deos alienos coram me. deinde per prophetam sæpe adinonet: Ego primus, & ego nouissimus, & absque me non est Deus. Apostolus etiam palam testatur: Vnus Dominus, una fides, unum baptisma: Neque uero nos moueat, quod interdum sacræ litteræ Dei nomen creatis etiam naturis imponunt. Nam quod prophetas, & iudices deos appellarunt, non gentiam more factum est, quæ sibi plures deos stulte, & impie finxerunt, sed quadam loquendi consuetudine significare uoluerunt excellentem aliquam uirtutem, uel functionem, quæ Dei munere illis concessa sit. Deum igitur natura, substantia, essentia unū, quemadmodum ad confirmandam ueritatem in Symbolo Nicæni Concilii dictum est, Christiana fides credit, & profitetur, sed altius etiam ascendens ita unum intelligit, ut unitatem in trinitate, & trinitatem in unitate ueneretur: de quo nobis mysterio nunc dicere incipiendum est. sequitur enim in Symbolo,

*Deut. 6.**Exod. 20.**Es. 44. 48.**41.**Ad Eph. 4.*

P A T R E M. sed quoniam Patris uox non una ratione Deo tribuitur, illud prius declarandum erit, quæ sit magis propria huius loci significatio. Deum nonnulli etiam, quorum tenebris fides lucem non attulit, æternam substantiam esse intellexerunt, a qua res ortæ essent, & cuius prouidentia omnia gubernarentur, suumque ordinem, & statum conseruarent. Ex humanis igitur rebus ducta similitudine, quemadmodum euni, a quo familia propagata est, cuiusque consilio,

consilio, & imperio regitur, patrem uocabant, ita hac ratione factū est, ut Deum, quem omnium rerum opificem, & rectorem agnoscebant, Patrem appellari uoluerint. eodem nomine sacræ etiam litteræ usæ sunt, cum de Deo loquentes uniuersorum creationem, potestatem, admirabilemque providentiam ei tribuendam indicarent. legimus enim: Numquid non ipse est pater tuus, qui possedit te, & fecit, & creauit te? & alibi: Numquid non pater unus omnium nostrum? Numquid non Deus unus creauit nos? At uero multo frequentius, & peculiari quodam nomine, præsertim in noui testamenti libris, Deus pater Christianorum dicitur, qui non acceperunt spiritum seruitutis in timore, sed acceperunt spiritum adoptionis filiorum Dei, in quo clamant, Abba pater: eam enim charitatem dedit nobis pater, ut filij Dei nominemur, & simus: quod si filij, & heredes, heredes quidem Dei, coheredes autem Christi, qui est primogenitus in multis fratribus, nec confunditur uocare nos fratres. Siue igitur communem creationis & providentiæ, siue præcipuam spiritualis adoptionis causam spectes, merito fideles Deum patrem se credere profitentur.

Pia meditatio circa nomen Patris, in diuinis: et de personarum proprietatibus.

Verum præter eas notiones, quas explicauimus, Patris nomine audito, ad altiora mysteria mentem erigendam esse Parochus docebit. Quod enim in luce illa inaccessibili, quam inhabitat Deus, magis reconditum, & abstrusum est, quodque humana ratio, & intelligentia non consequi, aut ne suspicari quidem poterat, id Patris uocabulo diuina oracula nobis aperire incipiunt. Indicat autem hoc nomen, in una diuinitatis essentia non unam tantum personam, sed personarum distinctionem credendam esse. Tres enim sunt in una diuinitate personæ, Patris, qui a nullo genitus est; Filij, qui ante omnia sæcula a patre genitus est; Spiritus sancti, qui itidem ab æterno ex patre, & filio procedit. Atqui pater est in una diuinitatis substantia, prima persona, qui cum unigenito filio suo, & spiritu sancto unus est Deus, unus est Dominus, non in unius singularitate personæ, sed in unius trinitate substantiæ. Iam uero hæ tres personæ, cum in ijs quidquam dissimile, aut dispar cogitare nefas sit, suis tantummodo proprietatibus distinctæ intelliguntur. Pater siquidē ingenus est: Filius a patre genitus: Spiritus sanctus ab utroque procedit. Atque ita trium personarum eandem essentiam, eandem substantiam confitemur, ut in confessione ueræ, sempiternæque deitatis, & in personis proprietatem, & in essentia unitatem, & in trinitate æqualitatem pie, & sanctæ colendam credamus. Nam quod

patris

patris primam esse personam dicimus, hoc non ita accipiendum est, perinde ac si aliquid in Trinitate prius, aut posterius, maius, aut minus cogitemus. absit enim hæc a fidelium mentibus impietas, cum eandem æternitatem, eandem gloriæ maiestatem in tribus personis Christiana religio prædicet. Sed patrem propterea quod ipse sit principium sine principio, primam esse personam, uere, & sine ulla dubitatione affirmamus; quæ quidem uti patris proprietate distincta est, ita in unam illam præcipue hoc conuenit, quod filium ab æterno genuerit: semper enim Deum simul & patrem fuisse nobis significatur, cum Dei, & patris nomina cōiuncta in hac cōfessione pronunciamus. Verum quoniā in nullius rei, quam huius omnium altissimæ, ac difficillimæ notitiæ, atq. explicatione, aut periculosius uersari, aut grauius errare possumus; doceat Parochus, religiose retinenda esse essentiæ, & personæ propria uocabula, quibus hoc mysterium significatur, & sciant fideles unitatē esse in essentia, distinctionem autem in personis. Sed hæc subtilius exquirere nihil oportet, cū meminerimus illius uocis: Qui scrutator est maiestatis, opprimetur a gloria: satis enim uideri debet, quod fide certū, & exploratum habeamus, nos a Deo (cuius oraculis non assentiri, extremæ stultitiæ, atq. miseræ est) ita edoctos esse. Do-

Proverb. 25

Matth. 28.

1. Ioan. 5.

OMNIPOTENTEM. Solent sacræ litteræ multis nominibus Dei summam uim, & immensam maiestatem explicare, ut ostendant quanta religionē & pietatē illius sanctissimum numen colendum sit: sed in primis doceat Parochus, illi omnipotentem uim frequentissime tribui. ipse enim de se dicit, Ego Dominus omnipotens. & rursus Iacob, cū filios ad Ioseph mitteret, ita illis precatus est: Deus autē meus omnipotēs faciat uobis eum placabilem. deinde uero in Apocalypsi scriptū est, Dominus Deus, qui est, & qui erat, & qui uēurus est omnipotēs.

Gen. 17.

Gen. 43.

Apocal. 1.

C & alibi

Luc. 1.
Num. 11.

Sap. 11.

& Calibi, Dies magnus Dei omnipotētis appellatur. Nonnūquam etiā pluribus uerbis illud idē significari solet. Atque huc pertinet, quod dicitur: Nō erit impossibile apud Deum omne uerbum. Numquid manus Domini inualida est? item, Subest tibi, cum uolueris posse. & alia generis eiusdem. ex quibus uariis dicendi formis id percipitur, quod uno omnipotentis uerbo comprehendendi perspicuum est. Intellegimus autē hoc nomine nihil esse, nihil animo, & cogitatione fingi posse, quod Deus efficere nequeat. etenim nō solū hæc, quæ tametī maxima sunt, aliquo tamē modo in cogitationem nostram cadunt, efficiendi potestatem habet, nimirum, ut omnia ad nihilum recidāt, atque ut plures mundi ex nihilo repente existant, uerum etiā multa maiora in illius potestate sita sunt, quæ humanæ menti, & intelligentiæ suspicari non licet. Neque uero, cum omnia Deus possit, mentiri tamen, aut fallere, aut falli, aut peccare, aut interire, aut ignorare aliquid potest. hæc enim in eam naturam cadunt, cuius imperfecta actio est: Deus uero cuius perfectissima semper est actio, ideo hæc nō posse dicitur, quia, posse ea, infirmitatis est, non summæ, & infinitæ omnium rerum potestatis, quā ille habet. Ita igitur Deum omnipotentem esse credimus, ut ab eo tamen lōge omnia abesse cogitemus, quæ perfectæ eius essentiæ maxime cōiuncta & cōuenientia nō sunt.

Fides de omnipotētia Dei
quam necessaria
& utilis.

Recte autem, sapienterque factum Parochus ostendat, ut, prætermisissis aliis nominibus, quæ de Deo dicuntur, hoc unum nobis credendum in Symbolo proponeretur. Nā cum Deum omnipotentem agnoscimus, simul etiā fateamur necesse est, cum omnium rerū scientiam habere, omnia item eius ditioni, & imperio subiecta esse. Cum uero omnia ab eo fieri posse non dubitemus, consequens est, ut cetera etiā explorata de illo habeamus, quæ si desint, quo modo omnipotens sit, prorsus intelligere non possumus. Præterea nulla res tam ad fidem, & spem nostram confirmandam ualet, quā si fixum in animis nostris teneamus, nihil nō fieri a Deo posse. quidquid enim deinceps credere oporteat, quāuis magnum, & admirabile sit, rerumq. ordinē, ac modum superet, illi tamen facile humana ratio, postquam Dei omnipotētis noticiā perceperit, sine ulla hæsitacione assentitur: quin potius quo maiora sunt, quæ diuina oracula doceant, eo libentius fidem eis habendam esse existimat. Quod si boni etiam aliquid expectandum sit, numquam animus rei magnitudine, quam exoptat, frangitur, sed erigit sese, atque cōfirmat, sæpe illud cogitans, nihil esse, quod ab omnipotenti Deo effici non possit. Quare hæc fide præcipue munitos nos esse oportet, uel cum admiranda aliqua opera ad proximorum usum, & utilitatem edere cogimur, uel cum

a Deo

a Deo precibus impetrare aliquid uolumus. Alterū enim ipse Domi-
nus docuit, cum apostolis incredulitatem obiiciēs diceret: Si habue-
ritis fidem sicut granū sinapis, dicetis monti huic, transi hinc illuc, *Matth. 17.*
& transibit, & nihil impossibile erit uobis. De altero autem sanctus
Iacobus ita testatus est: Postulet in fide nihil hāsītans. qui enim hāsī-
tat, similis est fluctui maris, qui a uēto mouetur, & circumfertur. non *Iacobi 1.*
ergo aestimet homo ille, quod accipiat aliquid a Domino. Multa prae-
terea hāc fides commoda, atq; utilitates nobis praeber, in primis ue-
ro ad omnem animi modestiā, & humilitatem nos instituit: sic enim
inquit Princeps apostolorum: Humiliamini sub potenti manu Dei,
monet etiā nō esse trepidandum, ubi non sit timor, sed unum Deum
timēdum esse, in cuius potestate nos ipsi, nostraq; omnia posita sint.
inquit enim Saluator noster: Ostendā uobis, quem timeatis. Time-
te eum, qui postquam occiderit, habet potestatem mittere in gehennā, *Luc. 12.*

Vtimur deinde hac fide ad immensā erga nos Dei beneficia co-
gnoscenda, & celebranda. Nam qui Deum omnipotentem cogitat,
tam ingrato animo esse non potest, quin saepius exclamet: Fecit mi-
hi magna, qui potens est. Sed quod patrem omnipotentem in hoc
articulo uocamus, neminem eo errore duci oportet, ut arbitretur ita *Luc. 1.*
illi hoc nomen tributum esse, ut filio etiam, & spiritui sancto com-
mune non sit. Nam quemadmodum Deum patrem, Deum filium,
Deū spiritum sanctum, neque tamē tres Deos, sed unum Deum esse
dicimus, ita aequē patrem, ac filium, & spiritum sanctū omnipoten-
tem, neque tamen tres omnipotentes, sed unū omnipotentem esse
confitemur. At uero praecipua quadam ratione, Patrem, quia omnis
originis fons est, hoc nomine uocamus, uti etiam filio, qui aeternum
patris uerbū est, sapientiam, & spiritui sancto, quia utriusque amor
est, bonitatem tribuimus: quamuis hāc & alia huiusmodi nomina
communiter in tribus personis ex catholicae fidei regula dicantur.

CREATOREM CAELI, ET TERRAE. Quam necessarium fuerit,
omnipotentis Dei cognitionē paulo ante fidelibus tradi ex iis, quae
nunc de uniuersorum creatione explicanda erunt, perspicui potest.
Tanti enim operis miraculum facilius creditur, quod nullus de im-
mensa creatoris potestate dubitādi locus relinquitur. Deus enim nō
ex materia aliqua mundū fabricatus est, sed ex nihilo creauit, idque
nulla ui, aut necessitate coactus, sed sua spē, & uoluntate instituit.
Neq; uero ulla alia fuit causa, quae illū ad opus creationis impelleret,
nisi ut rebus, quae ab ipso effectae essent, bonitatē suam impertiretur.
nā Dei natura ipsa per se beatissima nullius rei indigēs est, ut inquit

- Psal. 115.* Daud, Dixi domino, Deus meus es tu, quoniā bonorum meorū nō eges. Quemadmodum autem sua bonitate adductus, quæcumque uoluit fecit ita nō exemplum aliquod, aut formam, quæ extra se posita esset, cum uniuersa cōderet, secutus est; uerum quia rerum omnīū exemplar diuina intelligentia cōtinetur, id summus artifex in se ipso intuens, ac uelut imitatus, summa sapientia, & infinita uirtute, quæ ipsius propria est, rerū uniuersitatem initio procreauit: Ipse enim dixit, & facta sunt: ipse mādauit, & creata sunt. Verū cæli, & terræ nomine, quidquid cælum, & terra complectitur, intelligendum est. Nam præter cælos, quos opera digitorum eius Propheta appellauit, solis etiam splendorem, lunæque, & ceterorum siderum ornatum addidit, atque, ut essent in signa, & tēpora, & dies, & annos, ita cælorum orbis certo, & cōstanti cursu tēperauit, ut nihil perpetua eorum conuersione mobilius, nihil mobilitate illa certius uideri possit.

*De creatione
angelorum,
mundi uisibili-
lis, & ipsius
hominis.*

Ioh. 8.

*Augustinus
lib. 12. de Ci-
ui. Dei ca. 9.*

1. Reg. 14.

Psal. 102.

1. Pet. 1.

Psal. 103.

Præterea spiritualem naturā, innumerabilesque angelos, qui Deo ministrarent atque adlisterent, ipse ex nihilo creauit, quos deinde admirabili gratiæ suæ; & potestatis munere auxit, atque ornauit. Nam cum illud sit in diuinis litteris, Diabolum in ueritate non fuisse; conspicuum est, cum, reliquosque desertores angelos ab ortu sui initio gratia præditos fuisse. de quo ita est apud sanctum Augustinum: Cum bona uoluntate, id est, cum amore casto, quo illi adhærent, angelos creauit, simul in eis & condens naturam, & largiens gratiam. Vnde sine bona uoluntate, hoc est Dei amore, numquam sanctos angelos fuisse credendum est. Quod autem ad scientiam attinet, extat illud sacrarum litterarum testimonium: Tu domine mireris sapiens es, sicut habet sapientiā angelus Dei, ut intelligas omnia super terram. Potestatem denique eis tribuit diuinus Daud illis uerbis: Potentes uirtute, facientes uerbum illius. atque ob eam rem sæpe in sacris litteris uirtutes, & exercitus Domini appellātur. Sed quāuis omnes ii cælestibus donis ornati fuerint, plurimi tamen, quia Deo parente, & creatore suo defecerunt, ex altissimis illis sedibus deturbati, atque in obscurissimum terræ carcerem inclusi, æternas superbix suæ pœnas luunt: de quibus Princeps apostolorum scribit in hunc modum: Angelis peccantibus nō pepercit; sed rudentibus Inferni detractos in Tartarū tradidit cruciādos, in iudicium referuari.

At uero terram etiam super stabilitatem suam fundatam Deus uerbo suo iussit in media mundi parte consistere, effecitque ne ascenderent montes, & descenderent campi in locum, quem fundauit eis: ac, ne aquarum uis illam inundaret, terminum posuit, quem

quem non transgredientur, neque conuertentur operire terram. Deinde non solum arboribus, omnique herbarum, & florum uarietate conuestiuit, atque ornauit, sed innumerabilibus etiam animantium generibus, quemadmodum antea aquas, & aera, ita etiam terras compleuit. Postremo ex limo terræ hominem sic corpore affectum, & constitutum effinxit, ut non quidem naturæ ipsius ui, sed diuino beneficio immortalis esset, & impassibilis. Quod autem ad animam pertinet, eum ad imaginem, & similitudinem suam formauit, liberumque ei arbitrium tribuit: omnes præterea motus animi, atque appetitiones ita in eo temperauit, ut rationis imperio nunquam non parent. Tum originalis iustitiæ admirabile donum addidit, ac deinde ceteris animantibus præesse uoluit: quæ quidem facile erit Parochis ad fidelium institutionem ex sacra Genesis historia cognoscere. Hæc igitur de uniuersorum creatione, cæli, & terræ, uerbis intelligenda sunt: quæ omnia breuiter quidem Propheta complexus est illis uerbis: Tui sunt cæli, & tua est terra: orbem terræ, & plenitudinem eius tu fundasti: sed multo etiam breuius Patres Nicæni Concilii, additis in Symbolo duobus illis uerbis, uisibilem, & inuisibilem, significauerunt. Quæcumque enim rerum uniuersitate comprehenduntur, atque a Deo creatæ esse confitemur, ea uel sub sensum cadunt, & uisibilia dicuntur, uel mente, & intelligentia percipi a nobis possunt, quæ inuisibilem nomine significauerunt. Nec uero ita Deum creatorem, atque effectorem omnium credere oportet, ut existimemus, perfecto, absolutoque opere, ea, quæ ab ipso effecta sunt, deinceps sine infinita eius uirtute constare potuisse. Nam quemadmodum, omnia ut essent, creatoris summâ potestate, sapientia, & bonitate effectum est: ita etiam, nisi conditis rebus perpetua eius prouidentia adesset, atque eadem ui, qua ab initio constitutæ sunt, illas conseruaret, statim ad nihilum reciderent. Atque id scriptura declarat, cum inquit: Quo modo posset aliquid permanere, nisi tu uoluisses, aut, quod a te uocatum non esset, conseruaretur? Non solum autem Deus uniuersa, quæ sunt, prouidentia sua tuetur, atque administrat, uerum etiam quæ mouentur, & agunt aliquid, intima uirtute, ad motum, atque actionem ita impellit, ut quamuis secundarum causarum efficientiam non impediat, præueniat tamen, cum eius occultissima uis ad singula pertineat, & quemadmodum sapiens testatur, Attingat a fine usque ad finem fortiter, & disponat omnia suauiter. Quare ab Apostolo dictum est, cum apud Athenienses antisciparet Deum, quem ignorantes colebant: Non longe est ab unoquoque nostrum.

Tsal. 118.

Ps. 118.

Sap. 11.

Sap. 8.

Act. 17.

In ipso enim uiuimus, & mouemur, & sumus. Atque hæc de primi articuli explicatione satis fuerint, si tamen illud etiã admonuerimus, creationis opus omnibus sanctæ, & indiuiduæ Trinitatis personis commune esse. Nam hoc loco, ex apostolorum doctrina, patrem creatorem cæli, & terræ confitemur: in scripturis sacris legimus de filio, Omnia per ipsum facta sunt: & de spiritu sancto, spiritus Domini ferebatur super aquas: & alibi, Verbo Domini cæli firmati sunt, & spiritu oris eius omnis uirtus eorum.

Ioan. 1.

Gen. 1.

Psal. 3.

ET IN IESVM CHRISTVM, FILIVM EIVS VNICVM, DOMI-

NVM NOSTRVM. Mirificam, & uberrimam esse utilitatem, quæ ex huius articuli fide, & confessione confluit ad humanum genus,

1. Ioan. 4.

& illud sancti Ioãnis testimonium ostendit: Quisquis confessus fuerit, quoniam Iesus est filius Dei, Deus in eo manet, & ipse in Deo: & beatitudinis præconium declarat, quod a Christo domino tribu-

Matth. 16.

tum est principi apostolorum, Beatus es Simõn Bariona, quia caro, & sanguis non reuelauit tibi, sed pater meus, qui in cælis est. Hoc enim fundamentum firmissimum est nostræ salutis, ac redemptionis. Sed quoniam admirabilis huius utilitatis fructus maxime ex felicissimi illius status ruina intelligitur, in quo Deus primò homines collocarat, incumbat in hanc curam Parochus, ut fideles communium miseriarum, & ærumnarum causam cognoscant. Cum enim

Gen. 3.

à Dei obedientia descuisset Adami, interdictumque uiolasset illud, Ex omni ligno paradisi comedas, de ligno autem scientiæ boni, & mali ne comedas: in quocumque enim die comederis ex eo, morte morieris: in summam illam incidit calamitatem, ut sanctitatem, & iustitiam, in quâ constitutus fuerat, amitteret, & reliqua subiret mala,

Conc. Trident.

quæ sancta Tridentina Synodus uberius explicauit. Propter ea uero peccatum, & peccati poenam in uno Adam non constituisse commemorabunt, sed ex eo, tamquam ex semine, & causa, ad omnem posteritatem iure peruenisse. Cum igitur ex altissimo dignitatis gradu condescisset nostrum genus, subleuari inde, & in pristinum locum restitui nullo modo poterat hominum, aut angelorum uiribus. quare reliquum erat illud ruinæ, & malorum subsidium, ut Dei filij infinita uirtus, assumpta carnis nostræ imbecillitatæ, infinitam tolleret peccati uim, & nos reconciliaret Deo in sanguine suo: Huius autem redemptionis fides, & confessio hominibus ad salutem consequendam necessaria est, semperque fuit, quam Deus initio præmonstrauit. nam in illa damnatione humani generis, quæ statim peccatum consecuta est, ostensa etiã fuit spes redemptionis illis uerbis, quibus

ni

proprium

proprium Diabolo damnum, quod ex liberatione hominum facturus erat, denunciauit: Inimicitias ponam inter te, & mulierem, semen tuum, & semen illius: ipsa conteret caput tuum, & tu insidias calcaneo eius. & deinceps eandem promissionem sæpe confirmauit, maioremque sui consilij significationem his præsertim hominibus dedit, quibus uoluit singularem beneuolentiam præstare. inter ceteros uero, cum patriarcha Abraham sæpenumero hoc mysterium significasset, tum eo tempore apertius declarauit, cum ille Dei iussis obediens, filium suum unicum Isaac immolare uoluit: inquit enim: Quia fecisti hanc rem, & nō pepercisti filio tuo unigenito, benedicam tibi, & multiplicabo semen tuum sicut stellas cæli, & uelut arenam, quæ est in littore maris: possidebit semen tuum portas micorum tuorum, & benedicentur in semine tuo omnes gentes terræ, quia obedisti uoci meæ. Ex quibus uerbis facile colligi poterat; ex progenie Abraham futurum, qui omnibus ab immanissima Sathana tyrannide libertatis salutem afferret. illum autem Dei filium, natum ex semine Abraham, secundum carnem fore necesse erat: Non ita multo post Dominus, ut eiusdem promissionis memoria conseruaretur, idem fœdus cum Iacob Abraham nepote sanciuir. Nam cum ille in somnis uidit scalam stantem super terram, & cacumen illius tangens cælos, angelos quoque Dei ascendentes, & descendentes per eam, ut testatur scriptura, adiuuic etiam Dominum in ianixum scale, dicentem sibi: Ego sum dominus Deus Abraham patris tui, & Deus Isaac. terram, in qua dormis, tibi dabo, & semini tuo, eritque semen tuum quasi puluis terræ. Dilataberis ad orientem, & occidentem, & septentrionem, & meridiem, & benedicentur in te, & in semine tuo cunctæ tribus terræ. Neque postea destitit Deus, eadem sui promissi memoria renouanda, & generi Abraham, & multis præterea hominibus Saluatoris expectationem commouere: siquidem Iudæorum republica, & religione constituta, notio populo suo fieri cœpit. nam & multe res significarunt, & homines prædixerunt, quæ, & quanta nobis bona saluator ille, & redemptor noster Christus Iesus allaturus esset. Ac prophætæ quidem, quorum mens cælesti lumine illustrata fuit, filii Dei ortum, admirabilia opera, quæ hominibus efficit, doctrinam, mores, consuetudinem, mortem, post resurrectionem, ceteraque eius mysteria, hæc omnia, quasi sum ad essent, palam docentes, populo prænuciarunt; ita ut, si futuri, & præteriti temporis tollatur diuersitas, nihil iam inter prophetarum prædicta, & apostolorum prædicationem, nihil inter ueterum patriarcharum

fidem, & nostram interesse uideamus. Sed iam de singulis articulis partibus dicendum uidetur.

Is vs, proprium est nomen eius, qui Deus, & homo est, quod saluatorem significat, non quidem fortuito, aut hominum iudicio, & uoluntate, sed Dei consilio, & præcepto illi impositum. Angelus enim Mariæ matri ita annunciauit: Ecce concipies in utero, & paries filium, & uocabis nomen eius Iesum. Ac deinde Ioseph uirginis sponso non solum, ut eo nomine puerum appellaret, præcepit, sed etiam, ut ita nominandus esset, declarauit: inquit enim: Ioseph fili David noli timere accipere Mariam coniugem tuam: quod enim in ea natum est, de spiritu sancto est: pariet autem filium, & uocabis nomen eius Iesum: ipse enim saluum faciet populum suum a peccatis eorum. Ac multi quidem hoc nomine fuerunt in diuinis litteris, nam idem nomen Naue filio fuit, qui Moyse successit, & populum a Moyse ex Aegypto liberatum, in terram promissionis, quod illi negatum fuerat, deduxit. Eodem etiam nomine Iosedech, sacerdotis filius appellatus est. Sed quanto uerius Saluatorem nostrum hoc nomine appellandum existimabimus? qui non uni alicui populo, sed uniuerfis omnium ætatum hominibus, non quidem fame, aut Aegyptiaco, uel Babylonico dominatu oppressis, sed in umbra mortis sedentibus, & durissimis peccati, & Diaboli uinculis obstrictis, lucem, libertatem, & salutem dedit; qui eis celestis regni ius, & hereditatem acquisierit; qui eos Deo patri reconciliauerit. in illis Christum dominum adumbratum uidemus, a quo iis beneficiis, quæ diximus, cumulatam est genus humanum. Quæ præterea nomina prædicta sunt Dei filio diuinitus imponenda, ad unum hoc Iesus nomen referuntur. cum enim cetera salutem, quam nobis datum erat, aliqua ex parte attingerent, hoc ipsum uniuerse salutis humanæ uim, rationemque complexum est.

Iesus Christus, rex, sacerdos, et propheta summus.

Iesus nomini Christi etiam nomen additum est, quod unctum significat, & honoris, & officii nomen est, nec unius rei proprium, sed commune multorum. nam ueteres illi patres nostri christos appellabant sacerdotes, & reges, quos Deus Propter muneris dignitatem ungi præceperat. Sacerdotes enim ii sunt, qui populum assiduis precibus Deo commendant, qui sacrificia Deo faciunt, qui pro populo deprecantur. Regibus autem populorum gubernatio commissa est; ad eosque pertinet maxime, legum auctoritatem, in nocentium uitæ tueri, & nocentium audaciam ulcisci. Quoniam igitur utraq; harum functionum Dei maiestatem referre in terris uidetur, ideo qui uel

ad

ad regium, uel ad sacerdotale munus obeundum delecti erant, unguento ungebantur. Prophetas etiam ungendi mos fuit, qui Dei im-
 mortalis interpretes, & internuncii celestia arcana nobis aperue-
 runt, atque ad emendandos mores salutaribus præceptis, & futuro-
 rum prædictione hortati sunt. At uero cum Iesus Christus Saluator
 noster in mundum uenit, trium personarum partes, & officia suscep-
 pit, prophetæ, sacerdotis, ac regis, atque ob eas causas Christus di-
 ctus est, & unctus ad illorum munerum functionem, non quidem
 alicuius mortalis opera, sed celestis patris uirtute, non terreno un-
 guento, sed spiritali oleo, quippe cum in sanctissimam eius animâ
 Spiritus sancti plenitudo, gratiaque, & omnium donorum uberior
 copia effusa sit, quam ulla alia creata natura capere potuerit. atque
 id præclare Propheta ostendit, cum redemptorem ipsum affatus di-
 ceret: Dilexisti iustitiam, & odisti iniquitatem: propterea unxit te
 Deus Deus tuus oleo lætitiæ præ consortibus tuis. Idem etiam, ac
 multo apertius Isaias iis uerbis demonstrauit: Spiritus Domini su-
 per me, eo quod unxit Dominus me, ad annunciandum mansues-
 cis misit me. Itaque Iesus Christus summus propheta, & magister
 fuit, qui nos Dei uoluntatem docuit, & a cuius doctrina orbis terra-
 rum partis celestis cognitionem accepit: quod ei nomē præclarius;
 ac præstantius conuenit, quod omnes quicumque prophetæ nomi-
 ne dignati sunt, eius discipuli fuerunt, atque ob illam præcipue cau-
 sam missi, ut prophetam hunc, qui ad saluandos omnes uenturus
 erat, prænunciarent. Christus item sacerdos fuit, non quidem ex or-
 dine, ex quo in ueteri lege leuiticæ tribus sacerdotes extiterunt, ue-
 rum ex illo, de quo Dauid propheta cecinit: Tu es sacerdos in æter-
 num secundum ordinem Melchisedec. cuius rei argumentum
 Apostolus ad Hebræos scribens, accurate persecutus est. sed Chri-
 stum, non solum ut Deus, uerum ut homo, ac nostræ naturæ parti-
 ceps est, regem etiam agnoscimus: de quo angelus testatus est: Re-
 gnabit in domo Iacob in æternū, & regni eius non erit finis. Quod
 quidem Christi regnum spirituale est, atque æternum, in terris que
 inchoatur, in cælo perficitur. Ac regis quidem officia admirabili
 prouidentia suæ præstat Ecclesiæ: ipse eam regit, ipse ab hostium im-
 petu, atque insidijs tuetur: ipse ei leges præscribit: ipse non solum
 sanctitatem, iustitiam largitur, uerum etiam ad perseverandum fa-
 cultatem, & vires præbet. quamquam autem huius regni finibus
 tam boni, quam mali contineantur, atque adeo omnes homines iure
 ad illud pertineant; ij tamen præ ceteris summam regis nostri
 bonitatem

*Psal. 44.**Isa. 61.**Psal. 109.**Ad Heb. 5. 7**Luc. 1.*

bonitatem, & beneficentiam experiuntur, qui ex eius præceptis integram, atque innocētem uitam degunt. neque uero hoc illi regnū hereditario aut humano iure obigit, tametsi genus a clarissimis regibus duceret, sed rex fuit, propterea quod Deus in illum hominem contulit quidquid potestatis, amplitudinis, dignitatis hominis natura capere posset. Illi igitur totius mundi regnum tradidit, eique omnia, quod iam fieri cœptum est, plene, perfecteque in die iudicii subijcientur.

FILIVM EIVS VNICVM. His uerbis altiora mysteria de Iesu credenda, & contemplanda fidelibus proponuntur, nimirum filium Dei esse, & uerum Deum, sicuti pater est, qui cum ab æterno genuit. præterea illum diuinæ Trinitatis secundam personam aliis duabus omnino æqualem confitemur. nihil enim impar, & dissimile in diuinis personis aut esse, aut fingi animo debet, cum unam omnium essentiam, uoluntatem, potestatem agnoscamus. quod cum multis pateat diuinæ scripturæ oraculis, tum præclarissime illud ostendit sancti Ioannis testimonium: In principio erat uerbum, & uerbum erat apud Deum, & Deus erat uerbum. Sed cum Iesum filium Dei esse audimus, nihil terrenum, aut mortale de eius ortu cogitandum est; uerum ortum illum, quo ab omni æternitate pater filium genuit, quem ratione percipere, atque perfecte intelligere nullo modo possumus, constanter credere, & summa animi pietate colere debemus, ac ueluti mysterii admiratione obstupescit, illud cum Propheta dicere, Generationē eius quis enarrabit? Hoc igitur credendum est, filium eiusdem esse naturæ, eiusdem potestatis, & sapiētiae cum patre, ut in Symbolo Nicæno explicatius cōfitemur: inquit enim: Et in Iesum Christum filiū eius unigenitum, & ex patre natū ante omnia sæcula, Deum de Deo, lumē de lumine, Deum uerū de Deo uero, genitum nō factum, consubstantialē patri, per quem omnia facta sunt. Ex omnibus autem, quæ ad indicādum modum, rationemq. æternæ generationis similitudines afferuntur, illa propius ad rem uidetur accedere, quæ ab animi nostri cogitatione sumitur. quamobrem sanctus Ioannes filium eius uerbum appellat. Vt enim mens nostra, se ipsam quodam modo intelligens, sui effingit imaginem, quam Verbum theologi dixerunt: ita Deus, quantum tamen diuinis humana conferri possunt, se ipsum intelligens, Verbum æternum generat. etsi præstat contemplari, quod fides proponit, & sincera mente Iesum Christum uerum Deum, & uerum hominem credere, & confiteri, genitum quidem, ut Deum, ante omnium sæculorum ætates,

ex

ex patre, ut hominem uero natum in tempore ex matre Maria uirgine. & quamquam duplicem eius natiuitatem agnoscamus, unum tamen filium esse credimus. Vna enim persona est, in quam diuina, & humana natura conuenit. Et quod ad diuinam generationem attinet, nullos aut fratres, aut coheredes habet, cum ipse patris unicus filius, nos uero homines figmentum, & opus manuum eius simus. At si humanum ortum consideremus, multos ille non solum fratrum nomine appellat, sed fratrum etiam loco habet, ut una cum eo paternæ hereditatis gloriam adipiscantur. ij sunt, qui fide Christum dominum receperunt, & fidem, quam nomine profitentur, re ipsa, & charitatis officiis præstant. quare primogenitus in multis fratribus ab Apostolo uocatur. *Ad Rom. 1.*

DOMINVM NOSTRVM. Multa sunt, quæ de Salvatore nostro in sacris litteris dicuntur: quorum alia, ut Deus est, alia, ut homo, ipsi cõuenire perspicuum est, quoniam a diuersis naturis diuersas earum proprietates accepit. Igitur uere dicimus Christum esse omnipotentem, æternum, immensum, quod a diuina habet. Rursus de illo dicimus, passum, mortuum esse, resurrexisse, quæ naturæ hominum conuenire nemo dubitat. Verum præter hæc quædam alia utrique naturæ congruunt, ut hoc loco, cum Dominum nostrum dicimus. Igitur si ad utramque naturam hoc nomen referatur, merito Dominus noster prædicandus est. Nam quemadmodum ipse æternus Deus est, uti pater, ita etiam omnium rerum æque dominus est, ac pater. & quemadmodum ipse & pater non est alius, atque alius Deus, sed idem plane Deus, ita etiã ipse, & pater non est alius, atque alius dominus. Sed recte etiam multis rationibus, ut homo est, Dominus noster appellatur. Ac primum quidem, quoniam ipse redemptor noster fuit, atque a peccatis nos liberauit, iure hanc potestatem accepit, ut uere Dominus noster esset, ac diceretur. ita enim Apostolus docet: Humiliauit semetipsum, factus obediens usque ad mortem, mortem autem crucis: propter quod & Deus exaltauit illum, & donauit illi nomen, quod est super omne nomen, ut in nomine IESU omne genu flectatur, cælestium, terrestrium, & infernorum: & omnis lingua confiteatur, quia dominus Iesus Christus in gloria est Dei patris. Atque ipse de se post resurrectionem, Data est, inquit, mihi omnis potestas in cælo, & in terra. ob eam quoque rem Dominus dicitur, quod in una persona duæ naturæ, diuina, & humana, coniunctæ sint. hac enim admirabili coniunctione meruit, ut quamuis pro nobis mortuus non esset, tamen Dominus constitueretur *Ad Phil. 2.*
Matt. 28.

tueretur communiter quidem omnium rerum, quæ conditæ sunt, præcipue autem fidelium, qui illi parent, atque summo animi studio inferuiunt.

*Quis homo
Christia-
nus Christo
debeat.*

Quod igitur reliquum est, Parochus fidelem populum ad eam rationem cohortabitur, ut sciat æquissimum esse, præ ceteris hominibus, nos, qui ab eo nomen inuenimus, Christianique uocamur, &, quanta ille in nos beneficia contulerit, ignorare non possumus, ob id maxime, quod eius munere hæc omnia fide intelligimus; æquum esse, inquam, nos ipsos, non secus ac mancipia, redemptori nostro, & domino in perpetuum addicere, & consecrare. Et quidem, cum baptismo initiaremur, ante ecclesiæ fores id professi sumus. declarauimus enim nos Sathanæ, & mundo renūciare, & Iesu Christo totos nos tradere. Quod si, ut Christianæ militiæ adscriberemur, tum sancta, & sollempni professione nos ipsos Domino nostro deuouimus: quo supplicio digni erimus, si, postquam ecclesiam ingressi sumus, Dei uoluntatem, & leges cognouimus; postquam sacramentorum gratiam percepimus, ex mundi, & Diaboli præceptis, ac legibus uixerimus, perinde ac si, cum baptismo abluti sumus, mundo, & Diabolo, non Christo domino, ac redemptori, nomen dedissemus? sed cuius animum amoris facibus non incendat tanti domini tam benigna, & propensa in nos uoluntas, qui, tametsi nos in potestate sua, & dominatu ueluti seruos sanguine suo redemptos habeat, ea tamē

Joan. 15.

charitate complectitur, ut non seruos uocet, sed amicos, sed fratres? Hæc profecto iustissima causa est, atque haud scio an omnium sit maxima, cur eum perpetuo debeamus dominum nostrum agnoscere, uenerari, & colere.

QVI CONCEPTVS EST DE SPIRITU SANCTO, NATVS EX MARIA VIRGINE. Maximo quidem, & singulari beneficio humanum genus a Deo affectum esse, qui nos e durissimi tyranni seruitute in libertatem uindicat, ex ijs, quæ superiori articulo declarata sunt, intelligere fideles possunt: at uero si consilium etiam, & rationem, qua potissimum id efficere uoluit, nobis ante oculos ponamus, profecto nihil diuina in nos beneficentia, ac bonitate illustrius, nihil magnificentiùs esse uidebitur. Eius igitur mysterij magnitudinem, quod nobis tamquam salutis nostræ præcipuum caput sacræ litteræ considerandum sapissime proponunt, Parochus a teritii articuli explicatione ostendere incipiet: cuius hanc esse sententiam docebit, nos credere, & confiteri, cum ipsum Iesum Christum, unicum Dominum nostrum, Dei filium, cum pro nobis humanam carnem suscepit

suscepit in utero uirginis, non ex uirili semine, ut alij homines, sed supra omnem naturæ ordinem spiritus sancti uirtute conceptum esse, ita ut eadem persona Deus permanēs, quod ex æternitate erat, homo fieret, quod ante non erat. Ea autem uerba ita accipienda esse, ex sacri Concilii Constantinopolitani confessione plane perspici-
tur: inquit enim: Qui propter nos homines, & propter nostram salutem descendit de cælis: & incarnatus est de spiritu sancto ex Maria uirgine, & homo factus est. Atque id etiam sanctus Ioannes euangelista explicauit, ut qui ex ipsius Domini saluatoris pectore, altissimi huius mysterii cognitionem hausisset. nam cum diuini uerbi naturā declarasset illis uerbis: In principio erat uerbum, & uerbū erat apud Deum, & Deus erat uerbum: ad extremum cōcludit: Et uerbum caro factum est, & habitauit in nobis. Verbum enim, quod diuinæ naturæ hypostasis est, ita humanā naturam assumpsit, ut una, & eadem esset, diuinæ, & humanæ naturæ hypostasis, ac persona. quo factum est, ut tam admirabilis coniunctio utriusque naturæ actiones, & proprietates conseruaret, atque, ut est apud sanctum Leonem magnum illum Pontificem, Nec inferiorem consumeret glorificatio, nec superiorem minueret assumptio.

Ioh. 1.

S. Leo papa.

Sed quoniam prætermittenda non est uerborum explanatio, doceat Parochus, cum dicimus, Dei filium spiritus sancti uirtute conceptum esse, unam hanc diuinæ Trinitatis personam incarnationis mysterium non confecisse. Quamuis enim unus filius humanam naturam assumpsit, tamen omnes diuinæ Trinitatis personæ, Pater, Filius, & Spiritus sanctus, huius mysterii auctores fuerunt. siquidem illa Christianæ fidei regula tenenda est: Omnia, quæ Deus extra se in rebus creatis agit, tribus personis communia esse, neque unam magis quam aliam, aut unam sine alia agere. Quod autem una persona ab alia procedat, hoc unum omnibus commune esse non potest. nam filius a patre tantum generatur, spiritus sanctus a patre, & filio procedit: quidquid uero extra illas ab ipsis proficiscitur, tres personæ sine ullo discrimine agunt: atque ex hoc genere filij Dei incarnatio censenda est. Quamquam uero hæc ita se habeant, solent tamen sacræ litteræ earum rerum, quæ omnibus personis communes sunt, aliam aliis tribuere; quemadmodum summā omnium rerum potestatem patri, sapientiam filio, spiritui sancto amorē adscribunt. Et quoniam diuinæ incarnationis mysterium singularem, atque immensam Dei erga nos benignitatem declarat, ob eam rem peculiari quadam ratione hoc opus spiritui sancto tribuitur. In hoc

D mysterio

mysterio quædam supra naturæ ordinem, quædam naturæ ui effecta esse animaduertimus. Nam, quod ex purissimo uirginis matris sanguine Christi corpus formatum credimus, in eo naturam humanam agnoscimus, cum illud omnium hominum corporibus commune sit, ut ex matris sanguine formentur. Quod uero & naturæ ordinem, & humanam intelligentiam superat, illud est, simul atque beata uirgo angeli uerbis assentiens dixit: Ecce ancilla Domini, fiat mihi secundum uerbum tuum: statim sanctissimum Christi corpus formatum, ei que anima rationis conipos coniuncta est, atque ita in ipso temporis articulo perfectus Deus, & perfectus homo fuit. Hoc autem nouum fuisse, atque admirabile spiritus sancti opus, nemo dubitare potest, cum seruato naturæ ordine, nullum corpus, nisi intra præscriptum temporis spatium, hominis anima informari queat. Deinde uero illud accedit, maxima admiratione dignum, quod, ut primum cum corpore anima coniuncta fuit, ipsa etiâ diuinitas cum corpore, & anima copulata est. quare simul corpus formatum, atque animatum est, corpore, & animæ diuinitas coniuncta. ex quo fit, ut eodem temporis puncto perfectus Deus, & perfectus homo esset, & uirgo sanctissima uere, & proprie mater Dei, & hominis diceretur, quod eodem momento Deum, & hominem concepisset. Hoc autem ab angelo ei significatum est, cum ait: Ecce concipies in utero, & paries filium, & uocabis nomen eius *Isa. 7. 14* *Isa. 7.* hic erit magnus, & filius altissimi uocabitur. Et euentu comprobatur, quod *Isa. 7.* prædixit: Ecce uirgo concipiet, & pariet filium. Idem quoque *Isa. 7.* Elisabeth, cum spiritu sancto repleta, filii Dei conceptionem intellexisset, his uerbis declarauit: Vnde hoc mihi, ut ueniat mater Domini mei ad me? Sed quemadmodum Christi corpus ex purissimis integerrimæ uirginis sanguinibus sine ulla uiri opera, ut antea diximus, uerum sola spiritus sancti uirtute formatum est: ita etiam ut primum conceptus est, illius anima uberrimam spiritus Dei copiam, atque omnem charismatum abundantiam accepit. neque enim, ut aliis hominibus, qui sanctitate, & gratia ornantur, ipsi ad mensuram, ut restatur sanctus Ioannes, dat Deus spiritum, sed omnem gratiam tam affluenter in eius animam infudit, ut de plenitudine eius nos omnes acceperimus. Neque tamen filium Dei adoptiuum appellare licet, quamuis spiritum illum habuerit, quo sancti homines filiorum Dei adoptionem consequuntur. nam cum natura filius Dei sit, adoptionis gratiam, aut nomen in eum conuenire nullo modo existimandum est. Hæc sunt, quæ de admirabili conceptionis mysterio explicanda uisa

uifa sunt. ex quibus ut salutaris fructus ad nos redundare possit, illa in primis fideles memoria repetere, ac sæpius cogitare cum animis suis debent, Deum esse, qui humanam carnem assumpsit; ea uero ratione hominem factum, quam mente nobis assequi non licet, ne dum uerbis explicare; ob eum deniq. finem hominem fieri uoluisset, ut nos homines filii Dei renasceremur. Hæc cum attente considerauerint, tum uero omnia mysteria, quæ hoc articulo continentur, humili, ac fideli animo credant, & adorent; nec curiosæ, quod sine periculo uix umquam fieri potest, illa inuestigare, ac perscrutari uelint.

NATVS EX MARIA VIRGINE. Hæc altera est huius articuli pars, in qua explicanda Parochus diligenter uersabitur, cum fidelibus credendum sit, Iesum dominum non solum conceptum Spiritus sancti uirtute, sed etiam ex Maria uirgine natum, & in lucem editum esse. cuius mysterii fides quanta cum lætitia, & iucunditate animi meditanda sit, angeli uox, qui primus felicissimum nunciū mundo attulit, declarat: inquit enim: Ecce euangelizo uobis gaudium magnum, quod erit omni populo. Tum ex illius cælestis militiæ cantico: Gloria in altissimis Deo, & in terra pax hominibus bonæ uoluntatis, quod angeli cecinerunt, facile est intelligere. Hinc etiam amplissimum illud Dei promissum ad Abraham impleri incepit, cui dictum est, fore aliquando, ut in eius semine omnes gentes benedicerentur. Maria enim, quam uere matrem Dei prædicamus, & colimus, quod eam personam, quæ simul Deus, & homo erat, peperit, a Dauide rege originem duxit. Sed quemadmodum conceptio ipsa naturæ ordinem prorsus uincit, ita in ortu nihil non diuinum licet contemplari. Præterea, quo nihil admirabilius dici omnino, aut cogitari potest, nascitur ex matre sine ulla maternæ uirginitatis diminutione. & quo modo postea ex sepulcro clauso, & obsignato egressus est, atque ad discipulos clausis ianuis introiuit: uel, ne a rebus etiam, quæ natura quotidie fieri uidemus, discatur, quo modo solis radii concretam uitri substantiam penetrant, neque frangunt tamen, aut aliqua ex parte lædunt: simili, in quâ, & altiori modo Iesus Christus ex materno aluo, sine ullo maternæ uirginitatis detrimento, editus est. ipsius. n. incorruptâ, & perpetuâ uirginitatē uerissimis laudibus celebramus. Quod quidem Spiritus sancti uirtute effectum est, qui in filii conceptione, & partu, matri ita affuit, ut ei & fecunditatem dederit, & perpetuam uirginitatem conseruari. Solet interdū Apostolus Christum Iesum nouissimum Adam appellare, cumq. primo

Luc. 2.

Luc. 2.

Gen. 22.

Ioh. 10.

1. ad Cor. 15.

- 1. ad Cor. 15.* Adam conferte. nam, ut in primo omnes homines moriuntur, ita in secundo omnes ad uitam reuocantur: atque ut Adam, quod ad naturalem condicionem pertinet, humani generis parens fuit, ita Christus gratiæ, & gloriæ auctor est. Ad eum modum nobis etiam licet uirginem matrem cum Eua ita conferte, ut priori Eux secunda Eua, quæ est Maria, respondeat, quemadmodum secundum Adam, hoc est Christum, primo Adam respondere ostendimus. Eua enim, quia serpenti fidem habuit, maledictum, & mortem in humanum genus inuexit: & Maria postquam angelo credidit, Dei bonitate effectum est, ut benedictio, & uita ad homines perueniret: propter Euam nascimur filii iræ, a Maria Iesum Christum accepimus, per quæ
- Gen. 3.* filii gratiæ regeneramur, Eux dictum est: In dolore paries filios. Maria hac lege soluta est, ut quæ, salua uirginalis pudicitie integritate, sine ullo doloris sensu, ut antea dictum est, Iesum filium Dei peperit.
- Prophecia et figura conceptionis et natiuitatis Iesu Christi.*
Exod. 44. Cum igitur tanta, & tam multa sint admirandæ huius conceptionis, & natiuitatis sacramenta, diuinæ providentiæ consentaneum fuit, ut ea multis figuris, & otaculis significarentur. Quare huc pertinere sancti Doctores intellexerunt multa, quæ in uariis sacre scripturæ locis legimus, præcipue uero Portam illam sanctuarii, quam Ezechiel clausam uidit: item lapidem de monte sine manibus abscissum, ut est apud Danielelem, qui factus est magnus mons, & impleuit uniuersam terram: deinde Aaron uirgam, quæ una inter uirgas principum Israelis germinauit: & rubum, quem Moyses nudit ardere, & non comburi. Multis uerbis sanctus Euangelista, Christi natiuitatis historiam descripsit. quæ de re nihil est, quod plura a nobis dicantur, cum ea lectio Parocho in promptu sit. Danda autem illi est opera, ut hæc mysteria, quæ ad doctrinam nostram scripta sunt, infixa animo, & mentibus fidelium hæreant; primum quidem, ut tanti beneficii commemoratione aliquam gratiam eius auctori Deo referant; deinde ut eximium hoc, & singulare humilitatis exemplum eis ante oculos ad imitandum proponat. Quid enim nobis utilius, atque ad animorum nostrorum superbiam, & elationem comprimendam accommodatius esse potest, quàm sæpius cogitare, Deum ita sese humiliare, ut cum hominibus gloriam suam comunicet, & hominum infirmitatē, fragilitatemque assumat; Deum hominem fieri, summamque illam, & infinitam maiestatem homini ministrare; ad cuius nutum columnæ cæli, ut inquit scriptura, cōtremiscunt, & pauent, eumque
- Iob 26.* in tetra nasci, quem in cælis angeli adorant? Quid igitur, cum hæc Deus nostra causa faciat, quid, inquam, nos, ut illi obsequamur, facere

facere oportet? quam libenti, atque alacri animo debemus omnia humilitatis officia amare, amplecti, præstare? Videant fideles, quam salutari doctrina Christus nascens nos instituat, antequam uocem aliquam emittere incipiat. Nascitur egenus: nascitur ut peregrinus in diuersorio: nascitur in uili præsepio: nascitur media hieme. ita enim scribit sanctus Lucas: Factum est, cum essent ibi, impleti sunt dies, ut pareret, & peperit filium suum primogenitum, & pannis eum inuoluit, & reclinauit eum in præsepio, quia non erat ei locus in diuersorio. Potuit ne euangelista humilioribus uerbis omnem cæli, & terræ maiestatem, & gloriam includere? Neque uero scribit, non fuisse locum in diuersorio, sed ei non fuisse, qui dicit: Meus est orbis terræ, & plenitudo eius. Quod etiam alius euangelista testatur: In propria uenit, & sui eum non receperunt.

Luc. 2.

Psal. 49.

Ioan. 1.

Hæc cum fideles sibi ante oculos proposuerint, tum uero cogitēt, Deum carnis nostræ humilitatem, & fragilitatem subire uoluissē, ut humanum genus in altissimo dignitatis gradu collocaretur. Nam illud unum satis declarat excellentem hominis dignitatem, & præstātiā, quæ illi diuino beneficio tributa est, quod homo fuerit, qui idē uerus, & perfectus Deus sit: ut iam gloriari nobis liceat, filium Dei os nostrum, & carnem nostram esse: quod beatissimis illis spiritibus non licet. nusquam enim, ut est apud Apostolum, angelos apprehendit, sed semen Abraham apprehendit. Præterea cauendum est, ne maximo nostro malo eueniat, ut, quemadmodum illi in diuersorio Bethleem locus, ubi nasceretur, defuit, ita etiam, quando iam in carne non nascitur, locum in cordibus nostris inuenire non possit, ubi in spiritu nascatur. hoc enim, cum salutis nostræ cupidissimus sit, uehementer optat. nam ut ille spiritus sancti uirtute supra naturæ ordinem homo factus, & natus est, sanctusque, atque adeo sanctitas ipsa fuit: ita nos oportet, non ex sanguinibus, neque ex uoluntate carnis, sed ex Deo nasci, ac deinde ueluti nouam creaturam in nouitate spiritus ambulare, sanctitatem illam, ac mentis integritatem custodire, quæ homines spiritu Dei regeneratos maxime decet. hæc enim ratione sanctæ huius filii Dei conceptionis, & natiuitatis imaginem aliquam in nobis ipsis exprimemus, quam fideli animo credimus, & credentes Dei sapientiam in mysterio, quæ abscondita est, suspicimus, & adoramus.

*Incarnatio-
nis filij Dei
mysterium
quanto pietas
studio re-
colendum.*

Ad Heb. 2.

Ioan. 1.

ad Rom. 6. 7

1. ad Cor. 2.

PASSVS SUB PONTIO PILATO, CRUCIFIXVS, MORTVVS, ET SEPVLTVS. Quantam habeat necessitatem huius articuli cognitio, & quam diligenter Parochus curare debeat, ut fideles

in tribus sup

D 3 dominicæ

1. ad Cor. 2.

dominicæ passionis memoriâ sæpissime animo repetant, docet Apostolus, qui nihil aliud se scire testatus est, nisi Iesum Christum, & hunc crucifixum. Quare in hoc argumento omne studium, & opera adhibenda est, ut quammaxime illustretur, fidelesque tanti beneficii commemoratione excitati, totos se ad Dei erga nos amorem, & bonitatem suspiciendam conuertant. Fides itaque priori articuli parte (nam de altera postea dicetur) illud nobis credendum proponit, Christum dominum, cum Pontius Pilatus Tiberii Cæsaris iussu Iudæam prouinciam administraret, cruci affixum esse. nam captus, irrisus, uariis iniuriarum, & cruciatuum generibus affectus, deum in terram sublatum est. Nec uero cuiquam dubitandum est, eius animam, quod ad inferiorem partem attinet, ab iis cruciatibus liberam non fuisse. nam quod humanam naturam uere assumpsit, necesse est fa-

Matth. 26.

Mar. 14.

teri, animo etiam grauissimum dolorem sensisse. quare inquit: Tristis est anima mea usque ad mortem. Nam etsi personæ diuinæ humana natura coniuncta fuit, tamen propter eam coniunctionem nihil minus passionis acerbiter sentit, quam si ea coniunctio facta non fuisset, cum in una Iesu Christi persona, utriusque naturæ, diuinæ, & humanæ, proprietates seruatae sint: atque idcirco, quod erat passibile & mortale, passibile & mortale permansit: rursus uero, quod impassibile, & immortale erat, qualein esse diuinam naturam intelligimus, suam proprietatem retinuit. Quod autem hoc loco, tam diligenter obseruari uidemus, Iesum Christum eo tempore passum esse, quo Pontius Pilatus Iudæam prouinciam procuraret, id eare factum esse docebit Parochus, quia tantæ rei, & tam necessariæ cognitionis exploratio omnibus esse poterat, si rei gestæ certum, quod & ab Apostolo Paulo factum legimus, tempus describeretur: cum etiâ, quia iis uerbis declaratur, illam Saluatoris prædictionem exitu comprobata esse: Tradent, inquit, eum gentibus ad illudendum, & flagellandum, & crucifigendum.

1. ad Tim. 6.

Matth. 20.

Cur Christus
in ligno mor-
tē perpeius.

Sed quod potissimum in ligno crucis mortem petulit, hoc etiam diuino cōsilio tribuendum est, ut scilicet unde mors oriebatur, inde uita resurgeret. Serpens enim, qui in ligno primos parentes uicerat, uictus est a Christo in ligno crucis. Plures eius rei afferri rationes possunt, quas sancti Patres latius persecuti sunt, ut ostendamus consentaneum fuisse, redemptionem nostram crucis potissimum subire. Verum satis esse Parochus admoneat, si fideles credant illud genus mortis a Salvatore delectum esse, quod quidem ad humani generis redemptionem aptius, atque accommodatius uideretur, quemadmodum

quemadmodum certe nullum turpius, atque indignius esse potuit. Non solum enim apud Gentiles crucis supplicium execrandum, & dedecoris, ignominiaeque plenissimum semper existimatum est, uerum etiam in lege Moysis, maledictus homo appellatur, qui penderet in ligno. Neque uero Parochus huius articuli historiam praetermitteret, quae diligentissime a sanctis euangelistis exposita est, ut saltem summa eius mysterii capita, quae ad confirmandam fidei nostrae ueritatem magis necessaria uidentur, fideles cognita habeant. Hoc enim articulo, ueluti fundamento quodam, Christiana religio, & fides nititur, eoque posito, reliqua omnia recte constituta sunt. Nam si quid aliud humanae menti, & intelligentiae difficultatem affert; certe crucis mysterium omnium difficillimum existimandum est, uixque percipi a nobis potest, salutem nostram ex cruce ipsa, & ex eo, qui pro nobis ligno illi affixus est, pendere. Sed in hoc, ut docet Apostolus, summam Dei providentiam licet admirari. Nam quia in Dei sapientia non cognouit mundus per sapientiam Deum, placuit Deo per stultitiam praedicationis saluos facere credentes. Quare mirandum non est, si prophetae ante Christi aduentum, apostoli post eius mortem, & resurrectionem tantopere laborarunt, ut hominibus persuaderent, hunc esse mundi redemptorem, eosque in crucifixi potestatem, atque obedientiam redigerent. Quare Dominus, cum nihil tam ab humana ratione remotum esset, quam crucis mysterium, statim post peccatum numquam destitit tum figuris, tum prophetarum oraculis filii sui mortem significare. Atque ut de figuris pauca quaedam attingamus, Abel primum, qui fratris inuidia occisus est, deinde de Isaac sacrificium, praeterea Agnus, quem Iudaei, cum e terra Aegypti egrederetur, immolarunt, tum serpens aeneus, quem Moyses in deserto exaltauit, Christi domini passionis, ac mortis figuram praemonstrabant. Quod autem ad prophetas pertinet; quam multum extiterint, qui de ea uaticinati sunt, id uero multo notius est, quam ne explicari hoc loco oporteat. Sed praeter ceteris, ut Dauidem omnino laudamus, qui omnia praecipua redemptionis nostrae mysteria in psalmis complexus est, Isaiae oracula tam aperta, & clara sunt, ut recte diciqueat, eum potius rem gestam exposuisse, quam futuram praedixisse. *B. Hieron.*

MORTUUS, ET SEPULTUS. His uerbis Parochus credendum explicabit, Iesum Christum, postquam crucifixus est, uere mortuum, ac sepultum esse. Neque uero sine causa hoc separatim fidelibus credendum proponitur, cum non defuerint, qui eum in cruce mortuum negarent. illi igitur errori hanc fidei doctrinam sancti apostoli merito

merito opponendam censuerunt: de cuius articuli ueritate dubitan-
Matth. 27. di nullus nobis locus relinquitur. nam omnes euangelistæ consen-
Matth. 19. tiunt, Iesum spiritum emisisse. Præterea cum Christus, uerus, & per-
Luc. 23. fectus homo fuerit, uere etiam mori potuit: moritur autem homo,
Ioh. 19. cum anima separatur a corpore. Quare cum Iesum mortuum esse di-
 cimus, id significamus, eius animam a corpore diuisam esse: neque
 tamen concedimus diuinitatem seiunctam a corpore: quin potius
 constanter credimus & confitemur, anima eius a corpore diuisa, di-
 uinitatem tum corpori in sepulcro, tum animæ apud inferos con-
Ad Hebr. 2. iunctam semper fuisse. Decebat autem filium Dei mori, ut per mor-
 tem destrueret eum, qui habebat mortis imperium, idest Diabolū,
 & liberaret eos, qui timore mortis per totam uitam obnoxii erant
 seruituti. Sed illud in Christo domino singulare fuit, quod tūc mor-
 tuus est, cum ipse mori decreuit, & mortem non tam aliena ui illa-
 tam, quam uoluntariam obiit. Nec uero mortem solum, sed locum
 etiam, & tempus, in quo moreretur, ipse sibi constituit. ita enim
Isa. 53. Isaias scripsit: Oblatus est, quia ipse uoluit. Atque idem Dominus
Ioh. 10. de se antepassionem dixit: Ego pono animam meam, ut iterum su-
 mam eam: nemo tollit eam a me, sed ego pono eam a me ipso: pote-
 statem habeo ponēdi eam, & potestatem habeo iterum sumendi eā.
Luc. 13. Quod autem ad tempus, & locum attinet, cum Herodes eius uitæ
 insidiaretur, ipse inquit: Dicite uulpi illi, ecce eiicio dæmonia, &
 sanitates perficio hodie, & cras, & tertia die consumor: uerumta-
 men oportet me hodie, & cras, & sequenti die ambulare: quia non
 capit prophetam perire extra Hierusalem. Ille igitur nihil inuitus,
 aut coactus fecit, sed ipse sese uolens obtulit, arque inimicis suis ob-
Ioh. 18. uiam procedens dixit: Ego sum, & sponte sua ea omnia supplicia
 pertulit, quibus illum iniuste, & crudeliter affecerunt. quo quidem
 nihil ad commouendos animi nostri sensus maiorem uim habere
 potest, cum pœnas, tormenta que eius omnia cogitatione perpendi-
 mus. Nam si quispiā nostra causa omnes dolores patiat, non quos
 ipse sua uoluntate suscipiat, sed quos uitare nequeat, hoc uero haud
 magni beneficii loco a nobis ponetur: uerum si nostro tantum no-
 mine mortem, quā defugere poterat, libenter occumbat, profecto
 hoc beneficii genus tantum est, ut omnem non solum referendæ,
 sed etiam habendæ gratiæ facultatem uel gratissimam cuique eripiat:
 ex quo Iesu Christi summa, & eximia charitas, cuiusque diuinitas, &
 immensum in nos meritum perspici potest.
Sepultura Iam uero quod sepultum fuisse confitemur, hoc quidem ueluti
 articuli

articuli pars non constituitur, quod nouam aliquam difficultatem habeat, præter ea, quæ iam de morte dicta sunt. Nam si Christum mortuum credimus, facile etiam nobis persuaderi potest eum sepultum esse. Verum hoc additum est, primum, ut minus dubitare de morte liceat; cum maximo argumento sit, aliquem mortuum esse, si eius corpus sepultum probemus: deinde ut resurrectionis miraculum magis declaratur, atque eluceat. Neque uero hoc solum credimus, Christi corpus sepultum esse, sed illud præcipue his uerbis credendum proponitur, Deum sepultum esse, quemadmodum ex fidei catholicæ regula uerissime etiam dicimus, Deum mortuum, & ex uisipne natum esse. nam cum diuinitas numquam diuisa fuerit à corpore, quod in sepulchro conditum est, recte consistitur Deum sepultum esse. Ac de genere quidem, & loco sepulture illa Parochiatis erunt, quæ a sanctis euangelistis dicta sunt. Duo uero in primis obseruanda sunt, alterum, Christi corpus in sepulchro nulla ex parte corruptum esse; de quo Prophetia ita uaticinatus erat: Non dabis sanctum tuum uidere corruptionem. Alterum est, quod ad omnes huius articuli partes attinet, sepulturam scilicet, passionem etiam, & mortem Christo Iesu, ut homini, non ut Deo convenire. nam pati, & mori, in humanam tantum naturam cadunt: quauis Deo etiam hæc omnia tribuantur, quoniam de illa persona, quæ simul perfectus Deus, perfectus homo fuit, recte dici perspicuum est. His cognitis, ea de Christi passione, & morte Parochus explicabit, ex quibus tanti mysterii immensitatem si non comprehendere, contemplari saltem fideles possint. Ac primum quidem considerandum est, quis ille sit, qui hæc omnia patitur. Et quidem nunc his uerbis eius dignitatem explicare, aut mente comprehendere possumus. Sanctus Ioannes uerbum esse dicit, quod erat apud Deum. Apostolus magnificis uerbis describit in hunc modum: Esse eum, quem Deus constituit heredem uniuersorum, per quem fecit & sæcula: quod est splendor gloriæ, & figura substantiæ eius, qui portat omnia uerbis uirtutis suæ. Hic igitur purificationem peccatorum faciens, sedens ad dexteram maiestatis in excelsis. Atque ut uno uerbo complectamur, patitur Iesus Christus Deus & homo: patitur creator pro iis, quos ipse condidit: patitur dominus pro seruis: patitur is, per quem angeli, homines, cæli, elementa facta sunt, ille, inquam, in quo, per quem, & ex quo sunt omnia. Quare mirandum non est; si, eorum passionum tormentis commoto, totum etiam ædificium concussum est. nam, ut inquit scriptura, Terra mota est, & petra scissæ sunt: tenebræ etiam factæ

*Christi curæ
pressa mentio
Et quid de il-
lus. passione
meditandum.*

*Matth. 27.
Mar. 15.
Luc. 23.
Ican. 19.
Ioh. 19.
Act. 2.*

*Ioh. 1.
Ad Heb. 1.*

*Matth. 27.
Luc. 23.*

factæ per uniuersam terram, & sol obscuratus est. Quod si mutæ etiâ res, & sensu carentes creatoris sui passionem luxerunt, cogitent fideles quibus lacrymis ipsi, tamquam uiui lapides huius ædificii, dolorem suum declarare debeant.

*Passionis
Christi cau-
sa, & de gra-
uitate rela-
tionum.*

Iam uero causæ etiam passionis exponendæ sunt, ut eo magis diuinæ erga nos charitatis magnitudo, & uis appareat. Si quis igitur quærat, quæ causa fuerit cur filius Dei acerbissimam passionem subierit, hanc potissimum fuisse inueniet, præter hereditariam labem primorum parentum, uitia, & peccata, quæ homines a mundi origine usque ad hanc diem admiserunt, ac deinceps usque ad consummationem sæculi admissuri sunt. hoc enim in passione & morte filius Dei saluator noster spectauit, ut omnium ætatum peccata redimeret, ac deleteret, & pro eis patri abunde, cumulateque satisfaceret. Illud etiâ accedit ad augendam rei dignitatem, quod non solum Christus pro peccatoribus passus est, sed etiam pœnarum omnium, quas pertulit, peccatores & auctores, & ministri fuerunt: de quo Apostolus nos

Ad Heb. 12.

admonet, ita ad Hebræos scribens: Recogitate eum, qui talem sustinuit a peccatoribus aduersus semetipsum contradictionem, ut ne fatigemini animis uestris deficientes. Atque hac culpa omnes teneri iudicandum est, qui in peccata sæpius prolabantur. nam cum peccata nostra Christum dominum impulerint, ut crucis supplicium subi-

Ad Hebr. 6.

ret, profecto qui in flagitiis, & sceleribus uolutantur, rursus, quod in ipsis est, crucifigunt in semetipsis filium Dei, & ostentui habent. Quod quidem scelus eo grauius in nobis uideri potest, quam fuerit

1. ad Cor. 2.

in Iudæis, quod illi, eodem Apostolo teste, Si cognouissent, numquam dominum gloriæ crucifixissent. Nos autem & nosse eum profiteremur; & tamen factis negantes, quodam modo uiolentas ei manus uidemur inferre. Sed a patre etiam, & a semetipso Christum dominum traditum esse sacræ litteræ testantur: inquit enim apud Isa-

Isa. 53.

iam: Propter scelus populi percussus est. & paulo ante idem propheta, cum Dominum plagis, & uulneribus affectum spiritu Dei plenus

Isa. 53.

uideret, dixit: Omnes nos quasi oues errauimus, unusquisque in uiam suam declinauit, & posuit Dominus in eo iniquitatem omnium

Isa. 53.

nostrum. De filio autem scriptum est: Si posuerit pro peccato animam suam, uidebit semen longæuum. Sed eandem rem Apostolus grauioribus etiam uerbis expressit, cum tamen ex altera parte uellet ostendere, quâturn nobis de immensa Dei misericordia & bonitate

Ad Rom. 8.

sperare liceat: inquit enim: Qui etiâ proprio filio suo non pepercit, sed pro nobis omnibus tradidit illum, quo modo non etiam cum illo

illo omnia nobis donauit? Sequitur nunc, ut quanta fuerit passionis acerbitas Parochus doceat. quamquā si memoria teneamus, sudorē Domini factum ut guttas sanguinis decurrentis in terrā, cum ille tormenta, & cruciatus animo præciperet, quibus paulo post afficiendus erat, facile ex eo unusquisque intelliget, nihil ad illum dolorem addi potuisse. nam si malorum imminētium cogitatio tam acerba fuit, id quod sanguinis sudor declarauit, quid ipsam perpeſſionem fuisse existimandum est? Sed tamen Christum dominum summis tum animi, tum corporis doloribus affectum esse constat. Ac primū quidem nulla fuit eius corporis pars, quæ grauissimas pœnas non senserit. nam & pedes, & manus clauis cruci affixæ, caput spinis compunctum, & arundine percussum, facies sputis sœdæta, alapis cæsa, totum corpus flagellis uerberatum est. Præterea omnium & generum, & ordinum homines cōuenerunt in unum aduersus Dominum, & aduersus Christum eius. Gentes enim & Iudæi passionis suosores, auctores, ministri fuerunt: Iudas eum prodidit, Petrus negauit, ceteri omnes deseruerunt. Iam uero in cruce ipsa acerbitatem ne, an ignominiam, an utrumque simul queremus? Ac profecto nullū aur tantius genus mortis, aut acerbius excogitari eo potuit, quo affici possent nisi nocentissimi, & sceleratissimi homines consueuerunt, & in quo summi doloris, & cruciatus sensum mortis diuturnitas uehementior rem efficiebat. Augebat autem pœnarū magnitudinem ipsa Christi Iesu corporis constitutio, & habitus: quod quidem cum spiritus sancti uirtute formatum esset, multo perfectius, & temperatius fuit, quā aliorum hominum corpora esse possunt: atque ideo actiorem quoque sentiendi uim habuit, & grauius tormenta illa omnia perpeſsum est. Quod uero ad intimum animi dolorem pertinet, nemo dubitare potest, quin summus in Christo fuerit. Sanctis enim hominibus, quicūque supplicia, & cruciatus pertulerūt, non defuit animæ solatium diuinitus datum, quo recreati, tormentorum uim æquo animo ferre possent: immo uero in cruciatibus plerique intima læticia efferebantur: inquit enim Apostolus: Gaudeo in passionibus pro uobis: & adimpleo ea, quæ defunt passionum Christi in carne mea pro corpore eius, quod est Ecclesia. & alibi: Repletus sum cōsolatione: superabundo gaudio in omni tribulatione nostra: Verum Christus dominus amarissimæ passionis calicem, quem bibit, nulla suauitate permixta temperauit. humanæ enim naturæ, quem assumpserat, sentire omnia tormenta permisit, non secus, ac si homo, non etiam Deus fuisset.

Reliquum

- Reliquum modo est, ut commoda etiam, & bona; quæ ex passione Domini percepimus, a Parocho accurate explicantur. Primum igitur Domini passio, peccati liberatio fuit. nam, ut est apud sanctum
- Apocal. 1.* loannem, Dilexit nos, & lauit nos a peccatis nostris in sanguine suo;
- Ad Col. 2.* & Apostolus inquit: Conuiuificauit uos, donans uobis omnia delicta, delens quod aduersum nos erat chirographum decreti, quod erat contrarium nobis, & ipsum tulit de medio affigens illud cruci. Deinde a dæmonis tyrannide nos eripuit: ipse enim Dominus in-
- Ioan. 12.* quit: Nunc iudicium est mundi: nunc princeps huius mundi eijcitur foras: & ego, si exaltatus fuero a terra, omnia trahā ad me ipsum, Pœnam præterea peccatis nostris debitam persoluit. Tum uero quia nullum gratius, & acceptius Deo sacrificium afferri potuit, patri nos reconciliauit, eumque nobis placatum, & propitium reddidit. Postremo quoniam peccata sustulit, cælorum etiam aditum, communi humani generis peccato interclusum, nobis patefecit. Atque id
- Ad Heb. 10.* Apostolus significauit illis uerbis: Habemus fiduciā in introitu sanctorum in sanguine Christi. Neque uero in ueteri lege huius mysterii figura, & imago quædam defuit. nam illi, quibus interdictum erat, ne in patriam ante summi sacerdotis mortem reuerterentur, hoc significabant, nemini, quamuis iuste, & pie uiuisset, aditum in cælestem patriam patere, antequam summus ille, atque æternus sacerdos Christus Iesus mortem obiret. qua quidem obita, statim cæli fores patuerunt iis, qui sacramētis expiati, hincque, spe, & charitate præditi, passionis eius participes fiunt. Hæc autem omnia maxima, & diuina bona Parochus docebit ex Domini passione ad nos peruenisse; primum quidem, quia est integra, atque omnibus numeris perfecta satisfactio, quam admirabili quadam ratione Iesus Christus pro peccatis nostris Deo patri persoluit. Neque uero pretium, quod pro nobis persoluit, debitis nostris par solum, & æquale fuit, uerum ea longe superauit. Deinde sacrificium Deo acceptissimum fuit; quod cum illi filius in ara crucis obtulit, patris iram, atque indignationem prorsus mitigauit. atque hoc nomine Apostolus usus est, cum inquit:
- Ad Eph. 5.* Christus dilexit nos, & tradidit semetipsum pro nobis oblationem & hostiam Deo in odorem suauitatis. Præterea redemptio, de qua est
- 1. Pet. 1.* apud apostolorum Principem: Non in corruptibilibus auro, uel argento redempti estis de uana uestra conuersatione paternæ traditionis, sed pretioso sanguine quasi agni immaculati Christi, & incontaminati. & Apostolus docet: Christus nos redemit de maledicto legis, factus pro nobis maledictum. Verum, præter hæc immensa
- Ad Gal. 3.* beneficia,

beneficia, illud etiam uel maximum consecuti sumus, ut in hac una passione, omnium uirtutum clarissima exempla habeamus: nam & patientiam, & humilitatem, & eximiam charitatem, & mansuetudinem, & obedientiam, & summam animi constantiam non solum in perferendis propter iustitiam doloribus, sed etiam in morte oppetenda ita ostendit, ut uere dicere possimus, saluatorem nostrum, quem cumque uite præcepta toto prædicationis suæ tempore uerbis nos docuit, ea omnia uno passionis die in se ipso expressisse. Atque hæc breuiter de Christi domini saluberrima passione & morte dicta sint: Utinā uero hæc mysteria in animis nostris assidue uersentur, & una cum Domino pati, & mori, & sepeliri discamus, ut deinde, abiecta omni sorde peccati, ad nouam uitam cum illo resurgentes, aliquando tandem, ipsius gratia, & misericordia, digni simus, qui celestis regni, & gloriæ participes efficiamur.

DESCENDIT AD INFEROS, TERTIA DIE RESURREXIT A MORTUIS. Maxime quidem refert, nosse gloriam sepulturæ domini nostri Iesu Christi, de qua proxime dictum est: sed plus interest fidelis populi, cognoscere illustres triumphos, quos ex deo, & spoliatis inferorum sedibus deportauit: de quibus, simulque de resurrectione dicendum est. qui locus etiam separatim per se recte tractari possit: nos tamen, sanctorum Patrum auctoritatem secuti, eum cum descensu ad inferos coniungendum putauimus. Eius igitur priori parte hoc nobis credendum proponitur, Christo iam mortuo, eius animam ad inferos descendisse, ibique tamdiu mansisse, quamdiu eiusdem corpus in sepulcro fuit. His autem uerbis simul etiam confitemur, eandem Christi personam eo tempore & apud inferos fuisse, & in sepulcro iacuisse. Quod quidem cum dicimus, nemini mirum uideri debet: propterea quod, ut sæpe iam docuimus, quamuis anima a corpore discesserit, numquam tamen diuinitas uel ab anima, uel a corpore separata est.

Sed quoniam articuli explanationi plurimum lucis asferre potest, si Parochus prius doceat, quid hoc loco inferorum uocabulo intelligendum sit, monere oportet, inferos hoc loco pro sepulcro non accipi, ut quidam non minus impie, quam imperite putauerunt. superiori enim articulo Christum dominum sepultum esse edocti sumus: nec ulla causa erat, cur in fide tradenda alio, & quidem obscuriori loquedi genere idem a sanctis apostolis repeteretur.

E uerum

De multiplici uocis, Inferni, significatione: ubi & de Purgatorio quædam.

uerū inferorum nomen abdita illa receptacula significat, in quibus animæ detinentur, quæ cælestem beatitudinem non sunt consecutæ. Ita uero sacræ litteræ hanc uocem multis in locis usurparunt.

ad Philip. 2. nam apud Apostolum legimus: In nomine Iesu omne genu flecti cælestium, terrestrium, & inferorum. & in Actis apostolorum

Act. 2. D. Petrus testatur, Christum dominum suscitatum solutis doloribus Inferni. Neque tamen ea receptacula unius, & eiusdem generis sunt omnia. est enim teterrimus, & obscurissimus carcer, ubi perpetuo, & inextinguibili igne damnatorum animæ simul cum immundis spiritibus torquentur, qui etiam gehenna, abyssus, & propria significatione Infernus uocatur. Præterea est purgatorius ignis, quo piorum animæ ad definitum tempus cruciatæ expiantur,

Apo. 21. ut eis in æternam patriam ingressus patere possit, in quam nihil coinquinatum ingreditur. Ac de huius quidem doctrinæ ueritate, quam & scripturarum testimoniis, & apostolica traditione confirmatam esse sancta Concilia declarant, eo diligentius, & sæpius Patrocho differendum erit, quod in ea tempora incidimus, quibus homines sanam doctrinam non sustinent. Tertiū postremo receptaculi genus est, in quo animæ sanctorum ante Christi domini aduentum excipiebantur; ibique sine ullo doloris sensu, beatā redemptionis spe sustentati, quæta habitatione fruebantur. Horum igitur piorum animas, qui in sinu Abrahamæ saluatorem expectabant, Christus dominus ad inferos descendens liberauit. Nec uero existimandum est, cum sic ad inferos descendisse, ut eius tantummodo uis ac uirtus, non etiam anima eo peruenerit. Sed omnino credendum est ipsam animam re, & præsentia ad inferos descendisse, de quo extat

Psal. 115. firmissimum illud Dauidis testimonium: Non derelinques animam meam in Inferno. Verum etsi Christus ad inferos descendit, nihil de eius summa potestate detractum est: neque eius sanctitatis splendor macula aliqua aspersus: cum potius hoc facto uerissima esse omnia, quæ de illius sanctitate celebrata erant, cumque filium Dei esse, quemadmodum antea tot prodigiis declarauerat, apertissime comprobatum sit. Id quod facile intelligemus, si causas, cur Christus, & alij homines in ea loca uenerint, inter se conferamus. Ceteri enim omnes captiui descenderant: ipse uero inter

Psal. 117. mortuos liber, & uictor, ad profligandos dæmones, a quibus illi ob noxam inclusi, & constricti tenebantur, descendit. Præterea alij omnes, qui descenderunt, partim pœnis acerbissimis torquebântur, partim

partim uero, ut alio doloris sensu carerent, tamen Dei aspectu priuati, & spe beatæ gloriæ, quam expectabant, suspensi torquebantur. At Christus dominus descendit, non ut aliquid pateretur, uerum ut sanctos, & iustos homines ex misera illius custodiæ molestia liberaret, eisque passionis suæ fructum impertiret. Quod igitur ad inferos descendit, nulla prorsus de summa eius dignitate, & potestate diminutio facta est.

His expositis, docendum erit, propterea Christum dominum ad inferos descendisse, ut, ereptis dæmonum spoliis, sanctos illos parreres ceterosque pios e carcere liberatos secum adduceret in cælum, quod ab eo admirabiliter summaque cum gloria perfectum est; statim enim illius aspectus clarissimam lucem captiuis attulit, eorumque animas immensa læticia, gaudioque impleuit: quibus etiam optatissimam beatitudinem, quæ in Dei uisione consistit, impertiuit. quo facto, id comprobatum est, quod latroni promiserat illis uerbis: Hodie mecum eris in paradiso. Hanc uero piorum liberationem Oseas tæto ante prædixerat in hunc modum: Ego mors tua, o mors; morsus tuus ero Inferne. Hoc etiam significauit Zacharias propheta, cum ait: Tu quoque in sanguine testamenti tui emisisti uinctos tuos delacu, in quo non est aqua. Id ipsum denique expressit Apostolus illis uerbis: Expolians principatus, & potestates, traduxit confidenter palam triumphans illos in semet ipso. Verum, ut huius mysterii uim melius intelligamus, sæpe illud memoria repetere debemus, pios homines, non solum qui post aduentum Domini in lucem editi erant, sed qui illum post Adam antecesserant, uel qui usque ad finem sæculi futuri sunt, eius passionis beneficio salutem consecutos esse. Quamobrem ante quam ille moreretur, ac resurgeret, cæli portæ nemini umquam patuerunt: sed piorum animarum, cum e uiuis excessissent, uel in sinum Abraham deferebantur, uel, quod etiam nunc iis contingit, quibus aliquid diluendum, & persoluendum est, Purgatorii igne expiabantur. Est illa præterea causa cur descenderit ad inferos Christus dominus, ut ibi etiam, quemadmodum in cælo, & in terris, uim suam, potestatemque declararet, & omnino, ut in nomine eius omne genu flecteretur cælestium, terrestrium, & infernorum. Quo loco quis summam Dei benignitatem in genus humanum non admiretur, & obstupescat, qui non modò pro nobis acerbissimam mortem subire, sed infimas etiam terræ partes penetrare uoluerit, ut sibi charissimas animas, inde ereptas, ad beatitudinem traduceret?

Quibus de causis Christus ad inferos descendit.

Luc. 23.

Os. 13.

Zach. 9.

Ad Colos. 2.

Ad Phil. 2.

*De gloriosa
resurrectione
Christi
mysterio.*

2. ad Tim. 2.

Sequitur altera articuli pars: in qua explicanda quantum laborare Parochus debeat, declarant illa Apostoli uerba: Memor esto, dominum Iesum Christum resurrexisse a mortuis. quod enim Timotheo præcipit, idem etiam reliquis animarum curatoribus præceptum esse dubitandum non est. Ea autem articuli est sententia: Postquam Christus dominus sexta feria, hora diei nona, in cruce spiritum emisit, & eadem die uespere sepultus est ab eius discipulis, qui Pilati præsidis permissu corpus Domini e cruce depositum in propinqui horti monumentum nouum intulerunt; tertio a morte die, qui fuit dominicus, summo mane illius anima corpori iterum coniuncta est: atque ita is, qui triduum illud mortuus fuerat, ad uitam, ex qua moriens discesserat, rediit, & surrexit. sed resurrectionis uoce non illud solum intelligendum est, Christum a mortuis excitatum esse, quod multis aliis commune fuit, sed sua ui, ac uirtute resurrexisse, quod proprium in illo fuit, & singulare. Neque enim natura patitur, nec ulli homini concessum est, ut se ipsum possit uirtute sua a morte ad uitam reuocare. Hoc uero summæ Dei potestati tantummodo refer uatum est, ut ex illis Apostoli uerbis intelligimus: Et si crucifixus est ex infirmitate, sed uiuit ex uirtute Dei. quæ quoniam neque a Christi corpore in sepulcro, neque ab anima, cum ad Inferos descendisset, seiuncta unquam fuit, diuina uis tum in corpore inerat, quæ animæ iterum coniungi, tum in anima, quæ ad corpus denuo reuertere posset: quæ & licuit sua uirtute reuiuiscere, atque a mortuis resurgere. Id uero Dauid spiritu Dei plenus prædixit his uerbis: Saluaui sibi dextera eius, & brachium sanctum eius. Deinde ipse Dominus diuino oris sui testimonio confirmauit: Ego pono animam meam, ut iterum sumam eam: & potestatem habeo ponendi eam, & potestatem habeo iterum sumendi eam. Iudæis etiam ad confirmandam doctrinæ ueritatem dixit: Soluite templum hoc, & in tribus diebus excitabo illud. Quod quidem tametsi de templo illo magnifice ex lapidibus structo intelligerent, ille tamen, ut scripturæ uerbis eodem in loco declaratum est, dicebat de templo corporis sui. Quamuis autem in scripturis interdum legamus, Christum dominum a patre suscitatum esse, hoc ad eum, ut ad hominem, referendum est: quem admodum illa rursus ad eundem, ut Deum; spectant, quibus significatur, eum sua uirtute resurrexisse.

ad Col. 1. Sed illud etiam præcipuum Christi fuit, quod ipse primus omnium hoc diuino resurrectionis beneficio affectus est: nam in scripturis &

Apocal. 1. primogenitus ex mortuis, & primogenitus mortuorum uocatur. Atque ut est

ut est apud Apostolum, Christus resurrexit a mortuis primitiæ domi-
 nicium: quoniã quidem per hominem mors, & per hominẽ resurre-
 ctio mortuorũ: & sicut in Adam omnes moriuntur, ita & in Chri-
 sto omnes uiuificabuntur. Vnusquisque autem in suo ordine, primi-
 tiæ Christus: deinde ij, qui sunt Christi. quæ quidẽ uerba de perfecta
 resurrectione interpretanda sunt, qua ad immortalem uitam, omni
 prorsus moriendi necessitate sublata, excitamur. Atque in eò gene-
 re Christus dominus primum locum obtinet. nam si de resurrectione
 loquimur, hoc est de reditu ad uitam, cui iterum moriendi neces-
 sitas adiuncta est; ante Christum multi alii a mortuis excitati sunt:
 qui omnes tamen eã condicione reuixerunt, ut eis iterum moriẽ-
 dum esset: at Christus dominus ita resurrexit, morte subacta, & op-
 pressa, ut mori amplius non posset: quod quidem apertissimo illo tẽ-
 stimonio confirmatur: Christus resurgens ex mortuis iam non mo-
 ritur: mors illi ultra nõ dominabitur. Quod uero articulo additur,
 TERTIA DIE, Parocho explanandum erit, ne fideles arbitrentur, to-
 tos ipsos tres dies Dominum in sepulcro fuisse: nam quod integrum
 naturalem diem, partemque tum antecedentis, tum consequentis
 diei in sepulcro conditus est, ob eam rem uerissime dicitur triduò in
 sepulcro iacuisse, ac tertia die a mortuis surrexisse. Ne enim diuinita-
 tem suam declararet, resurrectionẽ ad finem seculi differre noluit.
 rursus uero, ut eum uere hominem, uereque mortuum esse credere
 mus, non statim post mortem, sed tertio die reuixit: quod temporis
 spatium ad ueram mortem comprobendam satis esse uidebatur.

Patres primæ Constantinopolitanæ Synodi huic locò addiderunt:
 SECUNDVM SCRIPTURAS. Quod quidem ab Apostolo acce-
 ptum, in fidei Symbolum propterea transtulerunt; quod resur-
 rectionis mysterium maxime necessarium esse, idem Apostolus do-
 cuerit uerbis: Si Christus non resurrexit, inanis est ergo præ-
 dicatio nostra, inanis est & fides uestra: & si Christus non resurre-
 xit, uana est fides uestra: adhuc enim estis in peccatis uestris. Quæ-
 re D. Augustinus, cum huius articuli fidem admiraretur, ita scri-
 psit: Non magnum est credere, quia mortuus est Christus: hoc
 & Pagani, & Iudæi, & omnes iniqui credunt: hoc omnes cre-
 dunt, quia mortuus est: fides Christianorum resurrectio Christi
 est: hoc pro magno habemus, quia credimus eum resurrexisse. ex
 quo factum est, ut frequentissime Dominus de sua resurrectione
 locutus sit: ac nunquam fere de passione sua cum discipulis collo-
 tus est, quin de resurrectione loqueretur, quare cum dixisset: Filius

E 3 hominis

1. ad Cor. 15

Ad Rom. 6.

1. ad Cor. 15

D. August.

Luc. 18.

hominis tradetur gentibus, & illudetur, & flagellabitur, & conspuetur, & postquā flagellauerint, occident eum : ad extremum addidit, Et tertia die resurget. & cum Iudæi ab eo peterent, ut aliquo signo, & miraculo doctrinam suam comprobaret, respondit, nullum aliud signum eis datum iri, quā Ionæ prophætæ signum. sicut enim fuit Ionas in uentre ceti tribus diebus, & tribus noctibus, sic futurum affirmavit, filiū hominis in corde terræ tribus diebus & tribus noctibus.

De necessitate, sine, et utilitate resurrectionis Iesu Christi. Verum, ut huius articuli vim, & sensum melius perspiciamus, tria nobis inuestiganda, & cognoscenda sunt, Primum quidem, quare necesse fuerit Christum resurgere, deinde, qui resurrectionis finis, & scopus sit, & quæ ab ea utilitates, & commoda in nos sint profecta. Quod igitur ad primum attinet, necesse fuit eum resurgere, ut Dei iustitia ostenderetur, a quo maxime decebat eum extolli, qui ut illi obtemperaret, depressus, atque omni ignominia affectus erat.

Ad Phil. 1. Hanc Apostolus causam attulit, cum ad Philippenses inquit : Humiliavit semetipsum factus obediens usque ad mortem, in mortem autem crucis, propter quod & Deus exaltauit illum. Præterea, ut fides nostra confirmaretur, sine qua hominis iustitia constare non potest illud enim maximo argumento esse debet, Christum filium Dei fuisse, quod sua uirtute a mortuis resurrexit : deinde ut spes nostra aleretur, atque sustentaretur. Cum enim Christus resurrexerit, certa spe nitimur fore, ut nos etiam resurgamus : siquidem, membra capitis sui condicionem consequantur, necesse est. ita enim Apostolus argumentationem concludere uidetur, cum ad Corinthios, & Thessalonicenses scribit. & a Principe apostolorum Petro dictum est : Benedictus Deus, & pater domini nostri Iesu Christi, qui secundum misericordiam suam magnam regenerauit nos in spem uiuam per resurrectionem Iesu Christi ex mortuis in hereditatem incorruptibilem. Postremo ob eam etiam rem Domini resurrectionem necessariam fuisse docendum est, ut salutis, & redemptionis nostræ mysterium absolueretur. Christus enim morte sua nos a peccatis liberauit, resurgens uero præcipua nobis bona restituit, quæ peccando amiseramus. Quare est apud Apostolum dictum : Christus traditus est propter delicta nostra, & resurrexit propter iustificationem nostram. Ne quid igitur humani generis saluti deesset, quemadmodum illum mori, ita resurgere etiam oportuit. Ex iis uero, quæ hæcenus dicta sunt, perspicere possumus, quantum utilitatis, Christi domini resurrectio fidelibus attulerit. In resurrectione enim Deum esse immortalem, plenū gloria, mortis & Diaboli uictorem agnoscimus : quod

quod de Christo Iesu sine ulla dubitatione credendum, & confitendum est. Deinde Christi resurrectio nobis etiam corporis resurrectionem peperit; tum quia eius mysterij efficiens causa fuit; tum quia ad Domini exemplum resurgere omnes debemus. Nam quod ad corporis resurrectionem atinet, Apostolus ita testatur: Per hominem mors, & per hominem resurrectio mortuorum. quaecumque enim Deus in redemptionis nostrae mysterio egit, ad omnia Christi humanitate, tamquam efficienti instrumento, usus est. Quare eius resurrectio instrumentum quoddam fuit ad resurrectionem nostram efficiendam. exemplar uero dici potest, quoniam Christi domini resurrectio omnium est perfectissima: ac quemadmodum Christi corpus resurgens ad immortalem gloriam immutatum est, ita nostra etiam corpora, quae prius imbecilla, & mortalia fuerant, gloria, & immortalitate ornata restituentur. Vt enim Apostolus docet, Saluatorem expectamus dominum nostrum Iesum Christum, qui reformabit corpus humilitatis nostrae configuratum corpori claritatis suae. Hoc etiam de anima in peccatis mortua dici potest: cui quo pacto Christi resurrectio exemplar proponatur, idem Apostolus iis uerbis ostendit: Quo modo Christus surrexit a mortuis per gloriam patris, ita & nos in nouitate uitae ambulemus. si enim complantati facti sumus similitudini mortis eius, simul & resurrectionis erimus. Et paucis interiectis, inquit: Scientes quod Christus resurgens ex mortuis, iam non moritur, mors illi ultra non dominabitur. Quod enim mortuus est peccato, mortuus est semel: quod autem uiuit, uiuit Deo. Ita & uos existimate, uos mortuos quidem esse peccato, uiuentes autem Deo in Christo Iesu.

Duo igitur a Christi resurrectione exempla petere debemus. Alterum est, ut, postquam peccati maculas eluimus, nouum uitae genus instituamus, in quo morum integritas, innocentia, sanctitas, modestia, iustitia, beneficentia, humilitas eluceant. Alterum est, ut in eo uitae instituto ita perseueremus, ut, adiuuante Domino, a iustitiae uia, quam semel ingressi fuerimus, non excidamus. Neque uero Apostoli uerba id solum demonstrant, Christi resurrectionem ad resurrectionis exemplum nobis proponi: uerum etiam resurgendi uirtutem nobis praebere, uiresque, & spiritum largiri, quo in sanctitate, & iustitia permaneamus, ac Dei praecepta seruemus, declarant. nam quemadmodum ex eius morte non solum peccatis moriendi exemplum capimus, sed uirtutem etiam haurimus, qua peccatis moriamur: ita eius resurrectio ad iustitiam consequendam nobis uires affert, ut,

E 4 deinde

deinde pie, & sancte Deum colentes, in nouitate uitæ ambulemus, ad quā resurgimus. Hoc enim maxime resurrectione sua Dominus effecit, ut qui antea una cum illo peccatis, & huic sæculo mortui eramus, cum illo etiam ad nouam uitæ institutionem, & disciplinam resurgeremus. Huius resurrectionis quæ potissimum signa obser-

ad Col. 3. uanda sint, Apostolus nos admonet. nam cum inquit: Si conresurxistis cum Christo, quæ sursum sunt querite, ubi Christus est in dextera Dei sedens: plane ostendit, eos, qui uitam, honores, otium, diuitias ibi maxime, ubi Christus est, habere cupiūt, uere cum Christo surrexisse. cum uero addit: Quæ sursum sunt sapite, non quæ super terram: alteram etiam hanc ueluti notam apposuit, qua perspicere possimus, num uere cum Christo surreximus. ut enim corporis affectionem & ualitudinem gustus indicare solet: ita, si, quæcunque

Ad Phil. 4. sunt uera, quæcumque pudica, quæcumque iusta, quæcumque sancta alicui sapiant, isque celestium rerum iucunditatem intimò mentis sensu percipiat, hoc maximo argumento esse potest, eum, qui ita affectus sit, ad nouam, & spiritualem uitam una cum Christo Iesu surrexisse.

ASCENDIT AD CAELOS, SEDET AD DEXTERAM DEI PATRIS OMNIPOTENTIS. David propheta, cum beatam, & gloriosam Domini ascensionem spiritu Dei plenus contempleretur, omnes ad eum triumphum summa lætitia, & gaudio celebrandum illis uerbis hortatur, cum inquit: Omnes gētes plaudite manibus, iubilare Deo in uoce exultationis: ascendit Deus in iubilatione. Ex quo intelliget Parochus, maximo studio hoc mysterium explicandum esse, sibi quæ diligenter curandum, ut fideles illud non solum fide, & mente percipiant, sed, quoad eius fieri poterit, iuuante Domino, factis etiam, & uita exprimere studeant. Quod igitur ad sexti articuli explanationem attinet, in quo potissimum de diuino hoc mysterio agitur, a priori eius parte incipiendum est, & quæ eius sit uis, atque sententia, aperiendum. De Christo enim Iesu illud etiam fideles sine ulla dubitatione credere oportet, eum, perfecto iam & absoluto redemptionis nostræ mysterio, ut homo est, in cælum corpore, & anima ascendisse. nam, ut Deus est, numquam ab eo absuit, ut qui diuinitate sua loca omnia compleat. Ascendisse autem sua uirtute, docet, non aliena ui sublatum, quemadmodum Helias, qui igneo curru in cælum euectus est: uel Abacuch propheta, uel Philippus Diaconus, qui diuina uirtute per aerem delati, longinqua terrarum spacia perueniunt. Neque uero solum, ut Deus, præpotenti diuinitatis uirtute in cælos ascendit,

*4 Re. 2.
Dan. 12. 4.
Eccl. 8.*

faciunt uelut

ascendit, sed etiam, ut homo est. Quamuis enim naturali uirid fieri non potuerit, tamē uirtus illa, qua beata Christi anima prædita erat, corpus, ut libuit, mouere potuit: corpus uero, quod iam gloriam adeptum erat, mouentis animæ imperio facile parebat. Atque hac ratione, ut Deus, & ut homo est, Christum in cælum sua uirtute ascendisse credimus. In altera articuli parte hæc sunt: Sedet ad dexteram patris. quo loco tropum, idest uerbi immutationē licet animaduertere fræquētem in diuinis litteris, cum humanas affectiones, & membra ad nostram intelligentiam accommodantes, Deo tribuimus. neque enim, cum spiritus sit, quidquam in eo corporeum cogitari potest. Sed quoniam in humanis rebus ei maiorem honorem tribui existimamus, qui ad dexteram collocatus est; eandem rem ad cælestia etiā transferentes ad explicandam Christi gloriā, quam ut homo præ ceteris omnibus adeptus est, eum in patris dextera esse confitemur. Sedere autem hoc loco non situm, & figuram corporis significat, sed eam regiam, summæque potestatis, ac gloriæ firmam & stabilem possessionem, quam a patre accepit, declarat: de quo ait Apostolus: Suscitans illum a mortuis, & constituens ad dexteram suam in cælestibus supra omnem principatum, & potestatem, & uirtutem, & dominationem, & omne nomen, quod nominatur non solum in hoc sæculo, sed etiā in futuro: & omnia subiecit sub pedibus eius. Ex quibus uerbis apparet, hanc gloriam adeo propriam, & singularem Domini esse, ut cuius alii creatæ naturæ conuenire non possit. Quare alio loco testatur: Ad quem autem angelorum dixit aliquādo: Sede a dextris meis? Sed articuli sensum Parochus lausius explanabit, ascensionis historiam persequens, quā sanctus Lucas euangelista in Actis apostolorum admirabili ordine descripsit. In cuius explicatione illud primum obseruare oportebit, cetera omnia mysteria ad ascensionem, tamquam ad finem, referri, in eoque omnium perfectionē, & absolutionem contineri. nam, ut ab incarnatione Domini omnia religionis nostræ mysteria initium habent, ita ascensione eius peregrinatio concluditur. Præterea, alia Symboli capita, quæ ad Christum dominum pertinent, summam eius humilitatem, & cõemptionem, ostendunt. neque enim abiectius, aut humilius quidquam cogitari potest, quam quod filius Dei pro nobis humanam naturam, & imbecillitatem assumpsit, patique, & mori uoluerit. At uero, quod tum superiori articulo a mortuis resurrexisse, nunc uero in cælum ascendisse, & ad Dei patris dexteram sedere confitemur, nihil ad eius summam gloriam, diuinamque maiestatem declarandam magnificentius

centius dici, aut admirabilius potest.

Christi in cælum ascensionis causa, & quæ nobis in de beneficia.

Iam his expositis, accurate docendum est, cuius rei causa Christus dominus in cælos ascenderit. Primum enim ascendit, propterea quod eius corpori, quod immortalitatis gloria in resurrectione donatum fuerat, non terrenæ huius, & obscuræ habitationis locus, sed altissimum, & splendidissimum cæli domicilium cōueniret: nec uero solum ut eius gloriæ, & regni solium potiretur, quod sanguine meruerat, uerum etiam ut ea, quæ ad salutem nostram pertinebant, curaret: deinde, ut regnum suum nō esse ex hoc mundo re ipsa comprobaret. nam mundi regna, terrena & fluxa sunt, magnisque opibus, & carnis potentia nituntur: Christi uero regnum nō terrenum, quale Iudæi expectabant, sed spirituale, & æternum. itemque eius opes, & diuitias spirituales esse ipse ostēdit, cum suam sedem in cælis collocauit. in quo quidem regno illi diiores, & omnium bonorum copia affluentiores existimandi sunt, qui ea, quæ Dei sunt, diligentius quærunt. nam & sanctus Iacobus testatur, Deum elegisse pauperes in hoc mundo, diuites in fide, & heredes regni, quod repromisit Deus diligentibus se. Sed illud etiam Dominus noster in cælum ascendens efficere uoluit, ut nos cum ascendente mente & desiderio prosequeremur. nam quemadmodum morte, & resurrectione sua moriendi, & resurgendi spiritu exemplum nobis reliquerat, ita ascensu nos docet, atque instruit, ut in terris positi, in cælum nos cogitatione conferamus, confitentes nos peregrinos, & hospites esse super terram, ac patriam inquirentes ciues esse sanctorum, & domesticos Dei. Nostra enim, ut idem inquit Apostolus, conuersatio in cælis est. Iam uero uim, & magnitudinem inexplicabilium bonorum, quæ in nos Dei benignitas effundit, diuinus Dauid, Apostolo interprete, multo ante cecinerat illis uerbis: Ascendens in altum captiuū duxit captiuitatem, dedit dona hominibus. nā decimo die spiritum sanctum dedit, cuius uirtute, atque ubertate compleuit præsentem

Ad Heb. 1.

Ad Eph. 2.

ad Philip. 3.

Psal. 67.

Ad Eph. 4.

Act. 1.

Ioan. 16.

Ad Heb. 9.

1. Ioan. 2.

illam fidelium multitudinem. & uere tum magnifica illa promissa persoluit: Expedit uobis, ut ego uadam. si enim non abiero, paraclētus non ueniet ad uos: si autem abiero, mittam eum ad uos. Ascendit etiam in cælum ex Apostoli sententia, ut appareat nunc uultui Dei pro nobis, & apud patrem aduocati officio fungatur. Filioli mei, inquit sanctus Ioannes, hæc scribo uobis, ut non peccetis: sed & si quis peccauerit, aduocatū habemus apud patrem Iesum Christum iustum, & ipse est propitiatio pro peccatis nostris. Nec uero quidquā est, unde fideles maiorem lætitiā, & animi iucunditatem capere

capere debeant, quam Iesum Christum patronum causæ, ac deprecato-
 rem salutis nostræ cōstitutum esse, cuius sit apud æternum patrem
 summa gratia, & auctoritas. Parauit denique nobis locum, quod *Ioan. 14.*
 etiam se facturum promiserat, atque omnium nostrum nomine ca-
 put ipse Iesus Christus uenit in cælestis gloriæ possessionem. nam in
 cælum abiens, portas, quæ Adamæ peccato interclusæ fuerant, pate-
 fecit, nobisque uiam muniuit, qua ad cælestem beatitudinem per-
 ueniremus; quemadmodum ipse in cena discipulis futurum prædi-
 xerat. quod quidem ut rei etiam euentu aperte comprobaret, pio-
 rum animas, quas ab inferis eripuerat, secum in æternæ beatitudi-
 nis domicilium introduxit. Hanc cælestium munerum admirabi-
 lem copiam salutaris illa commodorum series cōsecuta est. primum
 enim fidei nostræ merito maximus cumulus accessit: nam fide earū
 rerum est, quæ sub aspectum non cadunt, atque ab hominum ra-
 tione, ac intelligentia remotæ sunt. Quare si Dominus a nobis non
 discessisset, fidei nostræ meritum minueretur: siquidem a Christo *Ioan. 10.*
 domino beati prædicantur, qui non uiderunt, & crediderunt. Præ-
 terea Christi in cælum ascensus ad confirmandam spem in cordibus
 nostris magnum momentum habet. nam quoniam Christum homi-
 nem in cælum ascendisse, & humanam naturam in dextera Dei pa-
 tris collocasse credimus, magna in spe sumus, fore ut nos etiam, eius
 membra, illuc ascendamus, atque ibi cum capite nostro coniunga-
 mur: quod ipse Dominus his uerbis testatus est: Pater, quos de- *Ioan. 17.*
 disti mihi, uolo, ut, ubi sum ego, & illi sint mecum. Deinde hoc
 quoque uel maximum beneficium consecuti sumus, quod amorem
 nostrum ad cælum rapuit, ac diuino spiritu inflammauit: nam ue-
 rissime dictum est, ibi cor nostrum esse, ubi thesaurus noster est. Ac *Matth. 6.*
 profecto, si Christus dominus in terris uersaretur, omnis nostra co-
 gitatio in ipso hominis aspectu, & cōsuetudine defixa esset: & illum
 dumtaxat hominem spectaremus, qui nos tantis beneficiis afficeret,
 eumque terrena quadam beneuolentia prosequeremur. uerum in
 cælum ascendens, amorem nostrum spiritalem reddidit, effecitque,
 ut, quem nunc absentem cogitamus, cum, ut Deum, ueneremur,
 & diligamus. Id autem partim apostolorum exemplo intelligimus,
 quibus dum præsens affuit Dominus, humano fere sensu de illo iu-
 dicare uidebantur; partim uero ipsius Domini testimonio cōfirma-
 tum est, cum inquit: Expedi uobis, ut ego uadam. Nam imperfe- *Ioan. 16.*
 ctus ille amor, quo Christum Iesum præsentem diligebant, diuino
 amore perficiendus erat, idque spiritus sancti aduentu: quare statim
 addit:

addit: Si enim non abiero, paracletus non ueniet ad uos. Accedit etiam, quod in terris domum suam, idest Ecclesiam, amplificauit, quæ spiritus sancti uirtute, & ductu gubernaretur. eius uero: uniuersæ inter homines Pastorem, & summum antistitem Petrum, apostolorum principem, reliquit. tum uero dedit quosdam quidem apostolos, quosdam autem prophetas, alios uero euangelistas, alios autem Pastores, & doctores. atque ita ad dexteram patris sedens, aliis, atque aliis diuersa dona semper impertitur. nam testatur Apostolus, unicuique nostrum datam esse gratiam secundum mensuram donationis Christi. Ad extremum uero, quod antea de mortis, & resurrectionis mysterio docuimus, idem etiam de ascensu fidelibus cogitandum est. quamuis enim Christi passioni salutem, & redemptionem nostram debeamus, qui merito suo aditum iustis ad cælum aperuit: tamen eius ascensus non solum ueluti exemplar nobis propositum est, quo alte spectare, & spiritu in cælum ascendere discamus, sed diuinam etiam uirtutem, qua id efficere possimus, largitus est.

INDE VENTURVS EST IUDICARE VIVOS, ET MORTVOS.

Tria sunt domini nostri Iesu Christi ad suam Ecclesiam decorandam, & illustrandam insignia officia & munerata, redemptionis, patrocini, & iudicii. Cum autem superioribus articulis ab eo genus humanum passione, & morte redemptum esse, ascensu etiam in cælum, nostram causam, & patrocinium in perpetuum susceptum constet: sequitur, ut eius iudicium hoc articulo declararetur: cuius articuli ea uis est, & ratio, summo illo die Christum dominum de uniuerso hominum genere iudicaturum esse. Sacræ enim litteræ duos filii Dei aduentus esse testantur, alterum, cum salutis nostræ causam carnem assumpsit, & homo in uirginis aluo effectus est: alterum, cum in consummatione sæculi ad iudicandos omnes homines ueniet. hic aduentus in sacris literis dies Domini appellatur: de quo Apostolus ait: Dies Domini, sicut fur in nocte, ita ueniet. & Saluator ipse: De die autem illa, & hora nemo scit. Ac de summo iudicio satis sit illa auctoritas Apostoli: Omnes nos manifestari oportet ante tribunal Christi, ut referat unusquisque propria corporis, prout gessit, siue bonum, siue malum. Plena enim est sacra scriptura testimoniorum, quæ passim Parochis occurrent, ad rem non solum comprobandam, sed etiam fidelium oculis subiiciendam, ut, quemadmodum a mundi initio dies ille Domini, quo humanam carnem induit, omnibus optatissimus semper fuit, quod in eo mysterio liberationis suæ spem positam haberent; ita deinceps post filii Dei mortem, & ascensum in cælum, alterum diem

diem Domini uehementissimo studio desideremus, expectantes beatam spem, & aduentum gloriæ magni Dei.

Sed duo tempora Parochis ad rei explicationem obseruanda sunt, in quibus unicuique necesse est in conspectum Domini uenire, & singularum cogitationum, actionum, uerborum denique omnium rationem reddere, demumque iudicis præsenrem subire sententiā. Primum est, cum unusquisque nostrum migrat e uita: nam statim ad Dei tribunal sistitur, ibique de omnibus iustissima quæstio habetur, quæcumque aut egerit, aut dixerit, aut cogitarit umquam. atque hoc priuarum iudicium uocatur. Alterum uero, cum uno die, atque uno in loco omnes simul homines ad tribunal iudicis stabunt, ut omnibus omnium sæculorum hominibus inspectantibus, & audientibus, singuli, quid de ipsis decretum, & iudicatum fuerit, cognoscant: cuius sententiæ pronuntiatio impiis, & scelestis hominibus non minima futura est pœnarum, & suppliciorum pars. rursus uero pii, & iusti nō paruū ex ea præmiū, fructūque percipere sunt, cum, qualis quisque in hac uita fuerit, apparebit. hoc autem generale iudicium appellatur: de quo illud necessario ostendendum est, quæ causa fuerit, cur, præter priuatum de singulis, alterum etiam de uniuersis hominibus iudicium exerceretur. nam cum uel ipsis hominibus innotuisset interdum superstites sint filii patrum imitatores, reliqui sint liberi, discipuli, exemplorum, orationum, actionum amatores, ac propugnatores, quibus rebus ipsorum mortuorum præmia, & pœnas augeri necesse est; cū hæc uel utilitas, uel calamitas ad pluri-
mos pertinens, non prius sine in habitura sit, quam extremus ueniat mundo dies; æquum erat de uniuersa hac recte, aut perperam factorum, dictorumque ratione perfectam quæstionem haberi: quod fieri non poterat, nisi facto communi omnium hominum iudicio. Accedit etiam, quod, cum piorum fama sæpe lædatur, impii uero innocentiae laude cōmendantur, diuinæ iustitiæ ratio postulat, ut pii ereptam iniuria apud homines existimationem in publico uniuersorum hominum conuentu, & iudicio recuperent. deinde uerō boni, & mali homines, quæcumque in uita egerunt, cum nō sine corporibus egerint, omnino sequitur, ut benefacta, siue malefacta ad corpora etiam pertineant, quæ actionum ipsarum instrumentum fuerunt. Maxime igitur conueniebat, corporibus una cum eorum animis debita æternæ gloriæ præmia, aut supplicia impertiri: quod quidem neque sine omnium hominum resurrectione, neque sine generali iudicio fieri poterat. Postremo, quoniam in aduersis, & secundis

F hominum

De duplici aduentu Domini, & de necessitate generalis iudicij.

hominū rebus, quæ promiscue nonnunquam bonis & malis eueniunt, probandum erat, nihil non infinira Dei sapientia, & iustitia geri, ac gubernari par fuit, non solum bonis præmia, improbis supplicia in futuro sæculo constitui, uerum etiam publico, ac generali iudicio decerni; quo omnibus notiora, & illustriora fierent, atque ut Deo iustitiæ, & prouidentię laus ab omnibus tribueretur, pro iniusta illa querela, qua sancti etiam uiri deplorare inrerdum, ut homines, solebant, cum improbos ualentes opibus, & honoribus flo-

Psal. 73.

rentes animaduertēt. nam Propheta, Mei, inquit, pene moti sunt pedes, pene effusi sunt gressus mei, quia zelauī super iniquos pacem peccatorum uidens. & paulo post: Ecce ipsi peccatores & abundantes in sæculo obtinuerūt diuitias: & dixi; Ergo sine causa iustificauī cor meum: & laui inter innocentes manus meas: & fui flagellatus tota die: & castigatio mea in matutinis. Atque hæc frequens querela mulorum fuit. Ergo necesse erat, ut generale iudicium exerceretur; ne forte homines dicerent, Deum circa cardines cæli perambulantem non curare terrena. Hæc autem ueritatis formula, iure una ex duodecim fidei Christianæ articulis constituta est, ut, si quorum-

Iob 32.

animi in prouidentia, & iustitia Dei narent, huius doctrinæ ratione confirmarentur. Præterea, proposito iudicio pios recreari, impios rereri oportebat, ut, cognita Dei iustitia, illi ne deficerent, in a malis, æterni supplicii metu, atque expectatione, reuocarentur. Quare Dominus, & saluator noster, cum de extremo die loqueretur, de clarauit futurum aliquando generale iudicium: signaque aduentantis eius temporis descripsit; ut, cum illa uiderimus, finem sæculi prope esse intelligamus. ac deinde in cælum ascendens angelos misit; qui apostolos, eius absentia mærentes, his uerbis consolarentur:

Matth. 24.

Act. 1.

Hic Iesus, qui assumptus est a uobis in cælum, sic ueniet; quemadmodum uidistis eum euntem in cælum.

*Christus cur
index omniū
futurus; ac
de præceden-
tibus iudicij
signis, deque
forma, senten-
tia, modo.*

Ioa. 5.

Verum Christo domino non solum ut Deo, sed etiam ut homini hoc iudicium datum esse, sacræ litteræ declarant. quamuis enim iudicandi potestas omnibus sanctæ Trinitatis personis communis sit: præcipue tamen filio eam tribuimus; quod ipsi quoque sapientiam conuenire dicimus. Quod autem, ut homo, mundum iudicaturus sit, Domini testimonio confirmatur, qui inquit: Sicut pater habet uitam in semetipso, sic dedit & filio habere uitam in semetipso, & potestatem dedit ei iudicium facere, quia filius hominis est. Decebat autem maxime a Christo domino hoc iudicium exerceri, ut, cum de hominibus decernendum esset, illi corporeis oculis iudicem uidere,

uidere, & auribus sententiam, quæ proferebatur, audire possent, & omnino iudicium illud sensibus percipere. Ac præterea æquislimum erat, ut homo ille, qui iniquissimis hominum sententijs condemnatus fuerat, omnium deinde iudex sedere ab omnibus conspiceretur. Quamobrem apostolorum Princeps, cum in Cornelii domo summa Christianæ religionis capita exposuisset, docuissetq. Christum a ludæis in ligno suspensum, atque occisum, tertia uero die ad uitam resurrexisse, subiunxit: Et præcepit nobis, prædicare populo, & testificari, quia ipse est, qui constitutus est a Deo iudex uiuorum, & mortuorum. Sed tria hæc præcipua signa iudicium antecessura esse, sacræ litteræ declarant, prædicationem euangelii per uniuersum orbem, discessionem, Antichristum: inquit enim Dominus: Prædicabitur hoc euangelium regni in uniuerso orbe in testimonium omnibus gentibus, & tunc ueniet consummatio. & Apostolus nos admonet, ne ab aliquo seducamur, quasi instet dies Domini: quoniã, nisi uenerit discessio primum, & reuelatus fuerit homo peccati, iudicium non fiet. Quæ autem iudicii forma, & ratio futura sit, Parochis ex Danielis oraculis, tum ex sanctorum euangeliorum, & Apostoli doctrina facile erit cognoscere. Præterea, sententia, quæ a iudice pronuncianda sit, diligentius hoc loco expendenda erit. Christus enim Saluator noster, lætis oculis pios a dextera stantes intuens, ita de illis iudicium summa cum benignitate pronunciabit: Venite benedicti patris mei: possidete regnum, quod paratum est uobis a constitutione mundi. quibus uerbis nihil iucundius audiri posse illi intelligunt, quia cum impiorum damnatione contulerint, ac cum animo suo cogitauerint, iis uerbis pios & iustos homines a laboribus ad quietem, a lacrymarum ualle ad summum gaudium, a miseriis ad perpetuam beatitudinem, quam illi charitatis officiis promeriti fuerint, uocari. Deinde ad eos, qui a sinistra stabunt, conuersus, suam iustitiam in eos effundet his uerbis: Discedite a me maledicti in ignem æternum, qui paratus est Diabolo, & angelis eius. Prioribus illis uerbis, Discedite a me, maxima poena significatur, quæ impii plectendi erunt, cum a Dei aspectu quamlongissime eiicientur: neque ulla spes eos consolari poterit, fore aliquando, ut tanto bono perfruantur. atque hæc quidem a theologis poena damni appellata est, quod scilicet impii apud inferos diuinæ uisionis luce perpetuo carituri sint. Quod uero additur, Maledicti, mirum in modum auget illorum miseriam, & calamitatem. si enim, cum a diuina præsentia expellendi essent, aliqua saltem

Matth. 25.

benedictione digni haberentur, hoc profecto magno eis solatio esse potuisset. At quoniam nihil eiusmodi ipsis expectandum est, quod calamitatem leuiorem faciat; iure optimo, cum expellentur, diuina iustitia eos omni maledictione persequetur. Sequitur deinde: In ignem æternum. quod quidem alterum pœnarum genus, pœnam sensus theologi uocarunt: propterea quod sensu corporis percipiat, ut in uerberibus, & flagellis, alioue grauiore suppliciorum genere; inter quæ, dubitari non potest, ignis tormenta summum doloris sensum efficere. cui malo cum accedat, ut perpetuum tempus duraturum sit; ex eo ostenditur, damnatorum pœnam omnibus suppliciis cumulandam esse. atque hoc magis declarant uerba illa, quæ in extrema sententiæ parte posita sunt: Qui paratus est Diabolo, & angelis eius. Cum enim ita comparatum sit, ut omnes molestias leuius feramus, si calamitatis nostræ socium aliquem, & consortem habeamus, cuius prudentia, atque humanitate aliqua ex parte iuari possimus: quæ tandem erit damnatorum miseria, quibus in tantis ærumnis a perditissimorum dæmonum societate diuelli numquam licebit? hæc quidem sententia in impios iustissime a Domino saluatore nostro feretur; ut, qui omnia ueræ pietatis opera neglexerint, & esurienti, ac sitiienti nec cibum, nec potum ministrauerint, hospitium non exceperint, nudum non operuerint, aut in carcere inclusum, ærumque non uisitarint. Hæc sunt, quæ Pastores fidelis populi auribus sæpiissime inculcare debent. nam huius articuli ueritas fide concepta maximam uim habet ad frenandas prauas animi cupiditates, atque a peccatis homines abstrahendos. Quare in Ecclesiastico dictum est: In omnibus operibus tuis memorare nouissima tua, & in æternum non peccabis. Ac profecto uix quisquam adeo præceps in scelera feretur, quem illa cogitatio ad pietatis studium non reuocet, fore aliquando, ut ei apud iustissimum iudicem omnium nõ solum factorum, dictorumque, sed occultissimarum etiam cogitationum ratio reddenda, & pro meritis pœna persoluenda sit. Iustus uero ad colendam iustitiam magis ac magis incitetur, ac summa lætitia efferratur, necesse est, quamuis etiam in egestate, infamia, cruciatibus uitam degat, cum animum ad eum diem refert, quo, post ærumnosæ huius uitæ certamina, uictor uniuersis hominibus audientibus declarabitur, & diuinis, atque illis quidem æternis, honoribus, in cælestem patriam receptus, afficietur. Quod igitur reliquum est, hortari fideles oportet, ut optime uiuendi rationem comparent, ad omne pietatis studium se exerceant, quo possint aduentantem magnum illum

*in calcaris est inferni et
in calcaris in eum non
aut hæc non perueniunt
in calcaris in eum non
perueniunt. quæstio, et in
parat à tunc.*

Eccl. 7.

illum diem Domini, maiore cum securitate animi expectare, atque adeo, ut filios decet, cum summa cupiditate expetere.

CREDO IN SPIRITUM SANCTUM. Hactenus, quæ ad primam, & secundam sanctæ Trinitatis personam pertinebant, quantum propositi argumenti ratio postulare uidebatur, exposita sunt: sequitur nunc, ut illa etiam, quæ in Symbolo de tertia persona, hoc est de spiritu sancto traduntur, explicentur. Qua in re declaranda omne studium, & diligentiam Pastores adhibebunt, cum homini Christiano non magis liceat hanc partem ignorare, uel de ea minus recte sentire, quam de alijs superioribus articulis existimandum sit. Quare Apostolus nō permisit Ephesios quosdam spiritus sancti personam ignorare: a quibus cum quæsisset, an spiritum sanctum accepissent, cum illi, ne si spiritus sanctus quidem esset, se scire respondissent, statim rogauit: In quo ergo baptizati estis? Quibus uerbis significauit, distinctam huius articuli noticiam fidelibus maxime necessariam esse: ex qua cum præcipue fructum capiunt, quod cum attente cogitant, se, quidquid habent, spiritus sancti munere, & beneficio consecutos esse; tum uero de se ipsis modestius, & humiliter sentire, & in Dei præsidio omnem spem ponere incipiunt: qui primus homini Christiano gradus ad summam sapientiam, & felicitatem esse debet.

Mat. 19.

Huius igitur articuli explanationem a ui, & notione, quæ hoc loco spiritus sancti uocabulo subiecta est, exordiri oportebit. nam cum illud æque de patre, & filio rectissime dicatur; (uterque enim spiritus est, & sanctus: siquidem Deum spiritum esse confitemur) deinde uero hac uoce angeli etiam, & piorum animæ significantur, cauendum est, ne populus uerbi ambiguitate in errorem inducatur. Quare docendum est in hoc articulo, spiritus sancti nomine tertiam Trinitatis personam intelligi, quo modo in sacris litteris tum ueteris nonnumquam, tum noui testamenti frequenter accipitur. nam Dauid precatur: Et spiritum sanctum tuum ne auferas a me. in libro sapientiæ legimus: Sensum tuum quis sciet, nisi tu dederis sapientiam, & miseris spiritum sanctum tuum de altissimis? & alibi: Ipse creauit illam in spiritu sancto. In nouo uero testamento iubemur baptizari in nomine patris, & filij, & spiritus sancti. & sanctissimam uirginem de spiritu sancto concepisse legimus. tum uero a sancto Ioanne ad Christum mittimur, qui nos spiritu sancto baptizat: ac plurimis præterea alijs in locis ea uox legentibus occurrit. Verum nemo mirari debet, tertiæ personæ, quemadmodum primæ, & secundæ,

*De propria
spiritus sancti
significatione.*

*Psal. 50.
Sap. 9.
Eccl. 1.*

*Matth. 28.
Matth. 1.
Luc. 1.
Ioan. 1.*

proprium nomen tributum non esse. nam secunda persona ideo proprium nomen habet, & filius dicitur, quia eius æternus a patre ortus proprie generatio uocatur, ut in superioribus articulis explicatum est. Ut igitur ortus ille, generationis nomine significatur: ita personam, quæ emanat, proprie filium appellamus, &, a qua emanat, patrem. Nunc cum tertiæ personæ productioni proprium nomen impositum non sit, sed spiratio, & processio appelletur; sequitur, ut etiam persona, quæ producitur, suo nomine careat. Nullum autem proprium nomen eius emanatio habet: propterea quod nomina, quæ Deo tribuuntur, a rebus creatis mutuari cogimur: in quibus quoniam nullam aliam naturæ, & essentiæ communicandæ rationem, quam generandi uirtute, agnoscimus, ob eam causam fit, ut rationem, qua se ipsum totum Deus ui amoris comunicat, proprio uocabulo exprimere non possimus. Quare cōmuni SPIRITVS SANCTI nomine tertia persona appellata est. quod quidem illi maxime conuenire ex eo intelligimus, quia spiritalem uitam in nos infundit, ac sine eius sanctissimi numinis afflatu nihil æterna uita dignum efficere possumus.

*Spiritus sanctus
Eius Patri &
Filio in omni-
bus equalis.*

Verum, explicata uocabuli significatione, docendus in primis erit populus, spiritum sanctum æque ac patrem & filium Deum esse, eidem æqualem, æque omnipotentē, æternum, & infinitæ perfectionis, summum bonum, ac sapientissimum, eiusdemq. cum patre, & filio naturæ. Quod quidem illius uocis, IN, cum dicimus, Credo in spiritum sanctum, proprietatis satis indicat, quæ, ad exprimendam fidei nostræ uim, singulis Trinitatis personis appposita est. Atque id etiam aperta sacrarum litterarum testimonia confirmant:

Act. 5. nam cum sanctus Petrus in Actis apostolorum dixisset: Anania, contempsisti Satanas cor tuum, mentiri te spiritui sancto? mox inquit: Non es mentitus hominibus, sed Deo: quem prius spiritum sanctum appellauerat, eundem statim Deum uocat. Apostolus etiam ad Corinthios, quem Deum dixerat, spiritum sanctum esse interpretatur.

1. ad Cor. 13.

Diuisiones, inquit, operationum sunt, idem uero Deus, qui operatur omnia in omnibus. deinde subiungit: Hæc autem omnia operatur unus, atque idem spiritus, diuidens singulis prout uult. Præterea in Actis apostolorum, quod uni Deo propheta tribuunt, ille spiritui sancto adscribit: dixerat enim Isaias: Audiam uocem Domini dicentis, Quem mittam? & dixit mihi: Vade, & dices populo huic, Excæca cor populi huius, & aurēs eius aggraua, & oculos eius claudes: ne forte uideat oculis suis, & auribus suis audiat. Quæ uerba cū

Apostolus

Apostolus citaret: Bene, inquit, spiritus sanctus locutus est per Isai-
 am prophetā. Deinde uero cum scriptura spiritus sancti personam
 cum patre, & filio coniungit; ut cum patris, & filii, & spiritus sancti
 nomen in baptismo adhiberi præcipit, nullus nobis de huius myste-
 riū ueritate dubitandi locus relinquitur. nam si pater Deus est, & fi-
 lius Deus; omnino fateri cogimur, etiā spiritum sanctum, qui cum
 eis pari honoris gradu coniungitur, Deum esse. Accedit autē, quod
 is, qui in nomine cuiusuis rei creatæ baptizatur, nullum ex eo fru-
 ctum consequi potest. Numquid in nomine Pauli, inquit, baptiza-
 ti estis? ut ostenderet hoc eis nihil ad comparandam salutem profu-
 turum esse. Cum igitur baptizemur in nomine spiritus sancti, cum
 esse Deum fateri oportet. Sed hunc eundem trium personarum ordi-
 nem, quo spiritus sancti diuinitas comprobatur, licet animaduerte-
 re tum in epistola Ioannis; Tres sunt qui testimonium dant in cæl-
 o, pater, uerbum, & spiritus sanctus, & hi tres unum sunt: tum ex
 præclaro illo sanctæ Trinitatis elogio, quo diuinæ laudes & psalmi
 concluduntur; Gloria patri, & filio, & spiritui sancto. Postremo,
 quod ad eam ueritatem confirmandam maxime pertinet, quæ cum-
 que Dei propria esse credimus, ea spiritui sancto conuenire sanctæ lit-
 teræ testantur. Quare illi templorum honorem tribuunt, ut cum
 Apostolus ait: An nescitis, quoniam membra uestra templum sunt
 spiritus sancti? Item sanctificationem, & uiuificationem, & scrutari
 profunda Dei; & per prophetas loqui; & ubique esse: quæ omnia
 diuino tantum numini tribuenda sunt. Sed illud præterea fidelibus
 accurate explanandum est, spiritum sanctum ita Deum esse, ut eum
 tertiā personam in diuina natura a patre, & filio distinctam, & uolun-
 tate productam confiteri oporteat. nam, ut alia scripturarum testi-
 monia omittantur, baptismi forma, quā Saluator noster docuit, aper-
 tissime ostendit, spiritum sanctum tertiā esse personam, quæ in di-
 uina natura per se constat, & ab aliis distincta sit. Quod etiam Apo-
 stoli uerba declarant, cum inquit: Gratia domini nostri Iesu Christi,
 & charitas Dei, & communicatio sancti spiritus sit cum omnibus uo-
 bis, Amen. Idem uero multo apertius demonstrant, quæ Patres in
 Constantinopolitano primo Concilio hoc loco ad cōfutandam im-
 piam Macedonii amentiam addiderunt, Et in SPIRITUM SANCTUM
 DOMINUM, & uiuificatē; qui ex patre, filioque procedit; qui cum
 patre, & filio simul adoratur, & conglorificatur; qui locutus est per
 prophetas. Quod igitur spiritum sanctum Dominum confitentur,
 in eo declarant, quantum angelis antecellat; qui tamen nobilissimi

Act. 13.

1. ad Cor. 1.

2. ad Cor. 13.

1. Ioan. 5.

2. 1. p. 1. uel 1.

2. ad Cor. 13.

1. ad Cor. 13.

1. ad Cor. 13.

2. ad Thes. 2.

2. 1. p. 1.

Ioan. 6.

2. ad Cor. 13.

1. ad Cor. 13.

1. ad Cor. 13.

Matth. 28.

1. ad Cor. 13.

1. ad Cor. 13.

1. ad Cor. 13.

Ad Heb. 1. spiritus a Deo conditi sunt. illos enim omnes sanctus Paulus testatur esse administratorios spiritus, in ministeriū missos, propter eos, qui hereditatem capiunt salutis. *VIVIFICANTEM* uero appellant, quod anima cum Deo coniuncta magis uiuit, quam corpus animæ coniunctione alitur, ac sustinetur. Quoniam uero spiritui sancto sacre litteræ hanc animæ cum Deo coniunctionē tribuunt, rectissime uiuificantem spiritum sanctum uocari perspicuum est. Iam uero quod sequitur, Qui ex patre, filioque procedit, docendi sunt fideles spiritum sanctum a patre, & filio, tāquam ab uno principio æterna processione procedere. id enim ecclesiastica regula, a qua Christiano non licet aberrare, credendum nobis proponit, & diuinarum litterarum, & Conciliorum auctoritate confirmatur. nam Christus

Ioan. 16. dominus, cum de spiritu sancto loqueretur, dixit: Ille me clarificabit, quia de meo accipiet. Hoc idem ex eo colligitur, quod in scripturis sacris spiritus sanctus nonnumquam spiritus Christi, interdū

Ioan. 14. 15. spiritus patris appellatur: modo a patre, modo a filio mitti dicitur, ut æque a patre, & filio procedere non obscure significetur. Qui spiritum Christi non habet, inquit sanctus Paulus, hic non est eius. &

ad Rom. 8. idem spiritum Christi uocat, cum ad Galatas inquit: Misit Deus spiritum filii sui in corda uestra, clamantem Abba pater. Apud sanctum

ad Gal. 4. Matthæum spiritus patris appellatur: Non uos estis qui loquimini, sed spiritus patris uestri. & Dominus in cena inquit: Paraclætus, quem ego mittam uobis spiritum ueritatis, qui a patre procedit, ille testimonium perhibebit de me, tum alibi eundem spiritum sanctum

Matth. 20. a patre mittendum affirmat his uerbis: Quem mitter pater in nomine meo. ex quibus uerbis cum processionem spiritus sancti intelligamus, perspicuum est, eundem ab utroque procedere. Hæc sunt, quæ de spiritus sancti persona tradenda erunt.

De admirandis Spiritus sancti effectibus & donis.

Docere præterea oportebit, quosdam esse spiritus sancti admirabiles effectus, & amplissima quædam munera, quæ ab ipso, tamquā a perenni bonitatis fonte, oriri, & manare dicuntur. Quamuis enim sanctissimæ Trinitatis opera, quæ extrinsecus fiunt, tribus personis communia sint: ex ijs tamen multa spiritui sancto propria tribuuntur, ut intelligamus illa in nos a Dei immensa charitate proficisci. nam cum spiritus sanctus a diuina uoluntate, ueluti amore inflammata, procedat, perspicui potest, eos effectus, qui proprie ad spiritum sanctum referuntur, a summo erga nos Dei amore oriri. Quare ex eo consequitur, ut spiritus sanctus *DOMUM* appelletur. nam domi uocabulo significatur id, quod benigne, & gratuito, nulla spere remunerationis

nerationis proposita, donatur. Ac proinde quæcumque bonæ, & beneficentia a Deo in nos collata sunt, (quid autem habemus, quod a Deo, *1. ad Cor. 4.* ut inquit Apostolus, non acceperimus?) ea nobis spiritus sancti cōcessu, & munere data esse, pio, & grato animo agnoscere debemus. Eius autem plures effectus sunt. nam ut mundi creationem, creaturæque rerum propagationem, & gubernationem omittamus, de quibus in primo articulo commemorauimus; uiuificationem spiritui sancto proprie tribui, paulo ante demonstratum est, & Ezechielis testimonio confirmatur: Dabo, inquit, uobis spiritum, & uiuetis. *Ezech. 37.* Præcipuos tamen, & maxime proprios spiritus sancti effectus Prophetæ enumerat: Spiritum sapientiæ, & intellectus, spiritum consilii, & fortitudinis, spiritum scientiæ, & pietatis, & spiritum timoris Domini: quæ dona spiritus sancti uocantur: interdum autem spiritus sancti nomen eis tribuitur. Quare sapienter D. Augustinus monet, animaduertendum esse, cum in sacris litteris huius uocis SPIRITVS SANCTI mentio fit, ut diiudicare possimus, tertiam ne Trinitatis personam, an eius effectus, atque operationes significet. nam hæc duo eodem intervallo distinguenda sunt, quo etiam creatorem a rebus creatis differre credimus. Atque hæc eo diligentius explicanda sunt, quod ex hisce spiritus sancti donis Christianæ uitæ præcepta haurimus, sentireque possumus, an spiritus sanctus in nobis sit. Verum, præ ceteris eius amplissimis muneribus, gratia illa prædicanda est, quæ nos iustos facit, signatque spiritu promissionis sancto, qui est pignus hereditatis nostræ. hæc enim mentem nostram arctissimo amoris uinculo Deo iungit: ex quo fit, ut summo pietatis studio ac censi, nouam uitam instituamus, ac naturæ diuinæ participes effecti, *1. Ioan. 3.* filij Dei nominemur, & uere simus. *2. Ioan. 2.*

CREDO SANCTAM ECCLESIAM CATHOLICAM. Quanta diligentia curare Pastores debeant, ut huius noni articuli ueritatem fidelibus explicent, si duo potissimum considerantur, facile cognosci poterit. Primum enim, teste sancto Augustino, prophetæ planius, & apertius de Ecclesia, quam de Christo, locuti sunt; cum in eo multo plures errare, ac decipi posse, quam incarnationis sacramento, præuideret. Neque enim defuturi erant impii, qui ad simiæ imitationem, quæ se hominem esse fingit, solos se catholicos esse profiterentur, & catholicam Ecclesiam apud se tantum; non minus nefarie, quam superbe affirmarent. Deinde, si quis hanc ueritatem firmo animo conceptam habuerit, facile horrendum hæresis periculum effugiet. Non enim, ut quisque primum in fide peccarit, hæreticus dicendus est, sed

sed qui, Ecclesiæ auctoritate neglecta, impias opiniones pertinaci animo tuetur. Cum igitur fieri non possit, ut aliquis se hæresis peste commaculet, si ijs fidem adhibeat, quæ in hoc articulo credenda proponantur; curent omni studio Pastores, ut fideles, cognito hoc mysterio, contra aduersarii artes muniti, in fidei ueritate perseuerent. Pendet autem hic articulus a superiori: quia cum iam demonstratum sit, spiritum sanctum omnis sanctitatis fontem, & largitorem esse, nunc ab eodem Ecclesiam sanctitate donatam confitemur.

Quid proprie nomine ecclesia Christianis intelligendum: & qua mysteria contineat.

Mat. 19.

Psal. 35.

S. August.

Ac quoniam Ecclesiæ uocem Latini a Græcis mutuati, post diuulgatum euangelium ad res sacras trāstulerunt; quam uim habeat hoc uocabulum, aperiendum est. Significat autem Ecclesia euocationē; uerum scriptores postea usurparunt pro concilio, & concione. Neque uero refert, utrum populus ille ueri Dei, an falsæ religionis cultor extiterit. in actis enim de Ephesino populo scriptum est, cum scribaturbas sedasset, dixisse: Si quid autem alterius rei queritis, in legitima Ecclesia poterit absolui. Legitimam uocat Ecclesiam populum Ephesinum, Dianæ cultui addictum. Neque solum gentes, quæ Deum non nouerunt, sed etiam malorum, & impiorum hominum concilia interdum Ecclesia nominantur. Odiui, inquit Propheta, Ecclesiam malignantium, & cum impiis non sedebo. Communi uero deinde sacrarum scripturarum consuetudine hæc uox ad rempū, Christianam, fideliumque tantum congregationes significandas usurpata est; qui scilicet ad lucem ueritatis, & Dei notitiam per fidē uocati sunt, ut, reiectis ignorantia, & errorum tenebris, Deum, uerū, & uiuum patrem, & sanctum colant, illique ex toto corde inserviant. atque ut unico uerbo hæc res tota absolualetur, Ecclesia, ut ait sanctus Augustinus, est populus fidelis per uniuersum orbem dispersus. Nec uero leuia mysteria in hoc uocabulo continentur: etenim in euocatione, quam Ecclesia significat, statim diuinæ gratiæ benignitas, & splendor elucet, intelligimusque Ecclesiam ab aliis rebus publicis maxime differre. illæ enim humana ratione, & prudentia nuntantur; hæc autem Dei sapientia, & consilio constituta est. uocauit enim nos intimo quidem spiritus sancti afflatu, qui corda hominum aperit, extrinsecus autē Pastorum & prædicatorum opera, ac ministerio. Præterea, ex hac uocatione quis nobis finis propositus esse debeat, ni mirum æternarum rerum cognitio, & possessio, is optime perspiciet, qui animaduertit, cur olim fidelis populus sub lege positus, synagoga, id est congregatio diceretur. nam, ut docet sanctus Augustinus, hoc ei nomen impositum est, quia per eundem more, quibus

magis

magis congregari conuenit, terrena, & caduca tantum bona spectaret. Quare merito Christianus populus, non synagoga, sed Ecclesia dicitur: quia, terrenis, & mortalibus rebus contemptis, cælestes, & æternas tantummodo consecratur. Multa præterea nomina, quæ plena sunt mysteriis, ad Christianam rempub. significandam traducta sunt. nam & domus, & ædificium Dei ab Apostolo uocatur. Si tardauero, inquit ad Timotheum, ut scias quo modo oporteat te in domo Dei conuersari, quæ est Ecclesia Dei uiui, columna, & firmamentum ueritatis: Domus autem Ecclesia idcirco appellatur, quia sit ueluti una familia, quam unus paterfamilias moderatur, & in qua est bonorum omnium spiritualium communiio. Dicitur etiã grex ouium Christi, quarum ille ostium est, & pastor. Vocatur sponsa Christi. Despondi uos uni uiro uirginem castam exhibere Christo, inquit Apostolus ad Corinthios. Idem ad Ephesios: Viri diligite uxores uestras, sicut & Christus dilexit Ecclesiam. Ac de matrimonio: Sacramentum hoc, inquit, magnum est, ego autem dico in Christo, & in Ecclesia. Dicitur denique Ecclesia Corpus Christi, ut ad Ephesios, & Colossenses licet uidere. Et hæc singula plurimum ualent ad fideles excitandos, ut se dignos immentia Dei clementia, & bonitate præbeant, qui eos, ut populus Dei esset, elegit.

2. ad Cor. 11.

1. ad Tim. 3.

2. ad Cor. 11.

Ad Eph. 5.

Ad Eph. 5.

ad Coloss. 1.

His uero explicatis, necesse erit singulas Ecclesiæ partes enumerare, earumque differentias docere, quo magis Deo dilectæ Ecclesiæ naturam, proprietates, dona, & gratias populus percipiat, & ob eam causam sanctissimum Dei numen laudare numquam intermitat. Ecclesiæ autem duæ potissimum sunt partes, quarum altera Triumphans, altera Militans uocatur. Triumphans est cæterus illè clarissimus, & felicissimus beatorum spirituum, & eorum, qui de mundo, de carne, de iniquissimo dæmone triumpharunt, & ab huius uitæ molestiis liberi ac tuti, æterna beatitudine fruuntur. Militans uero Ecclesia est cæterus omnium fidelium, qui adhuc in terris uiuunt; quæ ideo Militans uocatur, quod illi cum immaniissimis hostibus, mundo, carne, Sathana perpetuum sit bellum. Neque ideo tamè duas esse Ecclesias censendum est: sed eiusdem Ecclesiæ, ut antea diximus, partes duæ sunt: quarum una antecessit, & cælesti patria iam potitur; altera in dies sequitur, donec aliquando cum Salvatore nostro coniuncta, in sempiterna felicitate conquiescat. Iam in Ecclesia Militanti duo sunt hominum genera, bonorum, & improborum: & improbi quidem eorumdem sacramentorum participes, eandem quoque, quam boni, fidem profitentur, uitam, ac moribus dissimiles: boni

Ecclesia cur
Militans &
Triumphans
dicatur, &
quosnam cõ-
plectatur.

ucto

uero in Ecclesia dicuntur ij, qui non solum fidei professione, & communione sacramentorum, sed etiam spiritu gratiæ, & charitatis uin-
culo inter se coniuncti, & colligati sunt: de quibus dicitur: Cognito-

2. ad Tim. 2.

uit Dominus, qui sunt eius. possunt uero etiam homines aliquibus coniecturis opinari, quinam sint, qui ad hunc priorum hominum numerum pertineant: certo autem scire minime possunt. Quare exi-

Matth. 18.

stimandum non est, Christum saluatorem de hac Ecclesiæ parte locum esse, cum ad Ecclesiam nos remisit, eique ut parcamus præcepit. nam cum illa sit incognita, cui certum esse poterit, ad cuius iudicium confugiendum, & cuius auctoritati obtemperandum sit? Bonos igitur, & improbos Ecclesia complectitur, quemadmodum & diuinæ litteræ, & sanctorum uirorum scripta testantur: In quam sententiam scriptum est illud Apostoli: Vnum corpus, & unus spiritus.

Ad Eph. 4.
Ecclesia qui
bus figuris
& similitu-
dinibus desi-
gnata, et qui
nā ab ea ex-
cludantur.

Hæc autem Ecclesia nota est, ubique supra montem sitæ compa-
rata, quæ undique conspicitur. nam cum illi ab omnibus parēdum
sit, cognoscatur necesse est. Neque bonos tantum, sed malos etiam
complectitur, ut multis parabolis euangelium docet, ueluti cum re-
gnum cælorum, idest Militantem Ecclesiam simile esse sagenæ in ma-
re missæ commemorat; uel agro, in quo zizania superseminata sunt;
uel aræ, in qua frumentum cum paleis continetur; uel decem uirgi-
nibus partim fatuis, partim prudentibus. sed multo ante etiam in
arca Noe, qua non solum munda, sed etiam immunda animantia
concludebantur, huius Ecclesiæ figuram, & similitudinem licet in-
tueri. Quamuis autem bonos, & malos ad Ecclesiam pertinere cat-
holica fides uere, & constanter affirmet, ex ijsdem tamen fidei regu-
lis fidelibus explicandum est, utriusque partis diuersam admodum
rationem esse. ut enim paleæ cum frumento in arca confusæ sunt,
uel interdum membra uarie inter mortua corpori cōiuncta, ita etiā
mali in Ecclesiā continentur: ex quo fit, ut tria tantummodo homi-
num genera ab ea excludantur, primo infideles, deinde hæretici &
schismatici, postremo excommunicati: ethnici quidem, quod in Ec-
clesia numquam fuerunt, neque eam umquam cognouerunt, nec
ullius sacramenti participes in populi Christiani societate facti sunt:
hæretici uero, atque schismatici, quia ab Ecclesia desciuerunt. neque
enim illi magis ad Ecclesiam spectant, quam transfugæ ad exercitum
pertineant, a quo defecerunt. Non negandum tamen, quin in Eccle-
siæ potestate sint; ut qui ab ea in iudicium uocentur, puniantur, &
anathemate damnentur. Postremo etiam excommunicati, quod Ec-
clesiæ iudicio ab ea exclusi, ad illius communionem nō pertineant,

donec

Hæreticus est, qui acta aliq-
uotum a receptis rececit.

Schismaticus peccatoris

Schismaticus: i. diuisus, ex-

communicatus, uicior, scilicet,

schizis præc, quos et

indos inde schisma, ar-

tus et discordia, vel

diuisio.

donec resipiscant. De ceteris autem quamvis improbis, & sceleratis hominibus, adhuc eos in Ecclesia perseuerare dubitandum non est, idque fidelibus tradendum assidue; ut, si forte Ecclesie antistitem uita flagitiosa sit, eos tamen in Ecclesia esse, nec propterea quidquam de eorum potestate detrahi, certo sibi persuadeant. Verum uniuersæ etiam Ecclesie partes, Ecclesie nomine significari solent, ut cum Apostolus Ecclesiam, quæ est Corinthi, Galatiæ, Laodicensium, Thessalonicensium nominat. priuatas etiam fidelium familias Ecclesias uocat. nam Priscæ, & Aquilæ domesticam Ecclesiam salutari iubet. item alio in loco, Salutant, uos, inquit, in domino multum Aquila, & Priscilla cum domestica sua Ecclesia. Ad Philemonem etiam scribens eandem uocem usurpauit. Interdum quoque Ecclesie nomine eius præsidēs, ac Pastores significantur: Si te non audierit, inquit Christus, dic Ecclesie. quo in loco præpositi Ecclesie designantur: sed locus etiam, in quem populus siue ad concionem, siue alicuius rei sacræ causa conuenit, ecclesia appellatur. Præcipue uero in hoc articulo Ecclesia bonorum simul, & malorum multitudinem, nec præsidēs solum, sed eos etiam, qui patere debent, significat.

Aperiendæ autem sunt fidelibus huius Ecclesie proprietates: ex quibus licebit agnoscere, quanto beneficio a Deo affecti sint, quibus contigerit in ea nasci, atque educari. Prima igitur proprietas in Symbolo Patrum describitur, ut una sit: Vna enim, inquit, est columna mea, una est speciosa mea. Vocatur autem una tanta hominum multitudo, quæ tam longe, lateque diffusa est ob eas causas, quæ ab Apostolo ad Ephesios scriptæ sunt: unum enim Dominum, unam fidem, unum baptisma tantum esse prædicat. Vnus est etiam eius rector, ac gubernator, inuisibilis quidem Christus, quem æternus pater dedit caput super omnem Ecclesiam, quæ est corpus eius. Visibilis autem is, qui Romanam cathedram, Petri apostolorum Principis legitimus successor, tenet: de quo fuit illa omnium Patrum ratio, & sententia consentiens, hoc uisibile caput ad unitatem Ecclesie constituendam, & conseruandam necessarium fuisse. quod præclare & uidit, & scripsit sanctus Hieronymus, & contra Iouinianum ijs uerbis: Vnus eligitur, ut, capite constituto, schismatis tollatur occasio. & ad Damasum: Faceat inuidia: Romani culminis recedat ambitio: cum successore Piscatoris & discipulo crucis loquor. Ego nullum primum, nisi Christum, sequens, beatitudini tuæ, idest cathedræ Petri, communionem consocior. Super illam petram ædificatâ

G Ecclesiam

*resipiscant, uoluntatem ad
priuata. autem, i. me
aut. in cornu. De i
gim. prius cepit uol
uol.*

*2. ad Cor. 1.
1. ad Cor. 16.
Ad Colof. 4.
1. ad Thes. 1.
ad Rom. 16.
1. ad Cor. 16.*

Matth. 18.

Matth. 23.

*Ecclesia cat
tholica pro
prietates &
pater. quæ
deque eius u
sibilis. sup
capite Petri
ce Romano.
Cant. 6.
Ad Eph. 4.
Ad Eph. 1.*

S. Hieron.

2. ad Damasum.

Ecclesiam scio. Quicumque extra hanc domum agrum comederit, profanus est: Si quis in arca Noe non fuerit, peribit regnante diluvio.

S. Cyprianus. quod & longe antea ab Irenzo probatur, & Cypriano, qui de unitate Ecclesie loquens ait: Loquitur Dominus ad Petrum: Ego Petre dico tibi, quia tu es Petrus, & super hanc petram ædificabo Ecclesiam meam. Super unum ædificat Ecclesiam: & quamvis Apostolis omnibus post resurrectionem suam, parem potestatem tribuat, & dicat: Si cut mihi me pater, & ego mitto vos: accipite spiritum sanctum; tamē, ut unitatem manifestaret, unitatis eiusdem originē, ab uno incipien-
Optatus. tem, auctoritate sua disposuit, &c. Optatus deinde Mileuitanus ait: Ignorantiæ tibi adscribi non potest, scienti in urbe Roma, Petro primo cathedram episcopalem esse collatam, in qua sederit omnium apostolorum caput Petrus; in quo uno cathedræ unitas ab omnibus seruaretur, ne ceteri apostoli singulas sibi quisque defenderent; ut iam schismaticus, & præuicator esset, qui contra singularem cathedram alteram collocaret. Post uero Basilius sic scriptum reliquit: Petrus collocatus est in fundamento: dixit enim; Tu es Christus filius Dei uiui: & uicissim audiuit, se esse petram. licet enim petra esset, non tamen petra erat ut Christus. nam Christus uere immobilis petra: Petrus uero propter petram. Dignitates enim suas Deus largitur aliis: sacerdos est, & facit sacerdotes: petra est, & petram facit; & quæ sua sunt, largitur seruis suis. Postremo uero sanctus Ambrosius ait: Si quis obijciat, Ecclesiam, uno capite, & sponso Iesu Christo contentam, præterea nullum requirere; in promptu responsio est. Ut enim Christum dominum singulorum sacramentorum non solum auctorem, sed intimum etiam præbitorem habemus: (nam ipse est qui baptizat, & qui absoluit, & tamen is homines sacramentorum externos ministros instituit) sic Ecclesie, quam ipse intimo spiritu regit, hominem suæ potestatis uicarium, & ministrum præfecit. nam cum uisibilis Ecclesia, uisibili capite egeat: ita saluator noster Petrum uni uersis fidelium generis caput, & pastorem constituit, cum illi oues suas pascendas uerbis amplissimis commendauit, ut, qui ei successisset, eandem plane totius Ecclesie regendæ, & gubernandæ potestatem habere uoluerit. Vnus præterea, idemque est spiritus, inquit Apostolus ad Corinthios, qui fidelibus gratiam, perinde atque anima corporeis membris uitam, impertitur. Ad quam unitatem seruandam cum Ephesios hortaretur, inquit: Solliciti seruare unitatem spiritus in uinculo pacis: unum corpus, & unus spiritus. Quemadmodum enim humanum corpus multis constat membris; eaque

eaque ab una anima aluntur, quæ oculis uisum, auribus auditum
 & aliis sensibus diuerſas uires ſubminiſtrat: ita corpus Chriſti myſti- *Ad Eph. 4.*
 cum, quod eſt Eccleſia, ex multis fidelibus compoſitum eſt. Vna
 quoque eſt ſpes, ut in eodem loco idem Apoſtolus teſtatur, ad quæ
 uocati ſumus: ſiquidem omnes eandem rem, nempe æternam & bea-
 tam uitam, ſperamus. Vna eſt denique fides, quæ omnibus tene-
 da eſt, at præſerenda. Non ſint, inquit Apoſtolus, in uobis ſchiſ- *1. ad Cor. 1.*
 mata: atque unum baptiſma, quod quidem eſt Chriſtianæ fidei ſa-
 cramentum. Altera proprietas Eccleſiæ eſt, ut ſit ſancta: quod a Prin- *1. Pet. 2.*
 cipe apoſtolorum accepimus eo loco: Vos autem genus electum,
 gens ſancta. Appellatur autem ſancta, quod Deo conſecrata, dedica-
 taque ſit. ſic enim cetera huiusmodi, quamquam corporæ ſint,
 ſancta uocari conſueuerunt, cum diuino cultui addicta, & dedicata
 ſunt. Cuius generis ſunt in lege ueteri uafa, ueſtes, & altaria: in qua
 primogeniti quoque; qui Deo altiffimè dedicabantur, ſancti ſunt *1. ad Cor. 1.*
 appellati. Nec mirum cuiquam uideri debet, Eccleſiam dici ſanctam,
 tametiſi multos peccatores continet. ſancti enim uocantur fideles,
 qui populus Dei effecti ſunt, qui ue ſe fide, & baptiſmate ſuſcepto,
 Chriſto conſecrarunt: quamquam in multis offendit, & quæ pol-
 liciti ſunt, non præſtant. quemadmodum etiam, qui artem aliquam
 profitentur, etſi artis præcepta nõ ſeruent, nomen tamen artificum
 retinent. Quare diuus Paulus Corinthios ſanctificatos, & ſanctos *1. ad Cor. 1.*
 appellat: in quibus nonnullos fuiſſe perſpicuum eſt, quos, ut carna-
 les, & grauioribus etiam nominibus acriter obiurgat. Sancta etiam
 dicenda eſt, quod ueluti corpus cum ſancto capite Chriſto domino,
 totius ſanctitatis fonte, coniungitur, a quo ſpiritus ſancti chariſma-
 ta, & diuinæ bonitatis diuitiæ diffunduntur. Præclare ſanctus Au-
 guſtinus interpretans uerba illa Prophetæ, Custodi animam meam, *S. Auguſt.*
 quoniam ſanctus ſum; Audeat, inquit, & corpus Chriſti, audeat &
 unus ille homo, clamans a ſinibus terræ, cum capite ſuo, & ſub capi-
 te ſuo dicere, ſanctus ſum: accepit enim gratiam ſanctitatis, gratiam
 baptiſmi, & remiſſionis peccatorum. Ac paulo poſt: Si Chriſtia-
 ni omnes, & fideles, in Chriſto baptizati, ipſum induerunt, ſi- *ad Gal. 3.*
 cut Apoſtolus dicit: Quotquot in Chriſto baptizati eſtis, Chri-
 ſtum induiſtis: ſi niembra ſunt facti corporis eius, & dicunt ſe ſan-
 ctos non eſſe, capiti ipſi faciunt iniuriam, cuius membra ſancta
 ſunt. Accedit etiam, quod ſola Eccleſia legitimũ ſacrificii cul-
 tum, & ſalutarem habet ſacramentorum uſum; per quæ tamquam
 efficacia diuinæ gratiæ inſtrumenta Deus ueram ſanctitatem efficit;

ira ut, quicumque uere sancti sunt, extra hanc Ecclesiam esse non possint. Patet igitur, Ecclesiam esse sanctam, ac sanctam quidem: quoniam corpus est Christi, a quo sanctificatur, cuiusque sanguine abluitur. Tertia proprietas Ecclesiæ ea est, ut Catholica, nempe uniuersalis, uocetur: quæ appellatio uere illi tributa est: quoniam, ut testatur sanctus Augustinus, A solis ortu usque ad occasum unius fidei splendore diffunditur. Neque enim, ut in humanis rebus, aut hæreticorum conuentibus, unius tantum regni terminis, aut uno hominum genere Ecclesia definita est: uerum omnes homines, siue illi barbari sint, siue Scythæ, siue serui, siue liberi, siue masculi, siue feminae, charitatis sinu complectitur. Quare scriptum est: Redemisti nos Deo in sanguine tuo ex omni tribu, & lingua, & populo, & natione, & fecisti nos Deo nostro regnum. De Ecclesia dicit David: Postula a me, & dabo tibi gentes hereditatem tuam, & possessionem tuam terminos terræ. Item: Memor ero Raab, & Babylonis scientium me. & Homo natus est in ea. Præterea omnes fideles, qui ab Adam in hunc usque diem fuerunt, quiue futuri sunt, quamdiu mundus extabit, ueram fidem profitētes, ad eandem Ecclesiam pertinent; quæ super fundamento apostolorum fundata est, ac prophetarum, qui omnes in illo lapide angulari Christo, qui fecit utraque unum, & pacem iis, qui prope, & iis, qui longe, annunciauit, constituti sunt, & fundati. Vniuersalis etiam ob eam causam dicitur; quod omnes, qui salutem æternam consequi cupiunt, eam tenere, & amplecti debeant, non secus ac qui arcam, ne diluuiο perirent, ingressi sunt.

Ecclesia uera a falsa dignoscenda certissima regula.

Hæc igitur ueluti certissima regula tradenda est, qua uera, & falsa Ecclesia iudicetur: sed ex origine etiam, quam reuelata gratia ab apostolis ducit, Ecclesiæ ueritatem agnoscimus: siquidem eius doctrina ueritas est, non recens, neque nunc primum orta, sed ab apostolis iam olim tradita, & in omnem orbem terrarum disseminata. ex quo fit, ut nemo dubitare possit, impias hæreticorum uoces longe a ueræ Ecclesiæ fide abesse, cum doctrinæ Ecclesiæ, quæ ab apostolis ad hanc diem prædicata est, aduersentur. Quare, ut omnes intelligerent, quænam esset Ecclesia catholica, Patres in Symbolo illud diuinitus addiderunt, APOSTOLICAM. Etenim spiritus sanctus, qui Ecclesiæ præsidet, eam non per aliud genus ministrorum, quam per apostolicum, gubernat. Qui spiritus primum quidem apostolis tributus est, deinde uero, summa Dei benignitate, semper in Ecclesia mansit. Sed quemadmodum hæc una Ecclesia

Ecclesia errare non potest in fidei, ac morum disciplina tradenda; cum a spiritu sancto gubernetur: ita ceteras omnes, quæ sibi Ecclesiæ nomen arrogat, ut quæ Diaboli spiritu ducantur, in doctrinæ & morum perniciosissimis erroribus uersari necesse est: Sed quoniā magnam uim habent figuræ ueteris testamēti ad excitādos fideiū animos, reuocandamque rerum pulcherrimarum memoriam, cuius rei potissimum causā apostoli his usi sunt; illam quoque doctrinam parietibus, quæ magnas utilitates habet, Parochi non prætermittent. In his autem illustrem significationem habet arca Noë: quæ ob eam rem tantum diuino iussu constructa est; ut nullus dubitandi locus relinquatur, quin Ecclesiā ipsam significet; quam Deus sic constituit, ut, quicumque per baptismum illam ingrederentur, ab omni mortis æternæ periculo tuti esse possent; qui uero extra illam essent, quemadmodum iis euenit, qui in arcam recepti non sunt, suis sceleribus obducerentur. Alia figura est, magna illa ciuitas Hierusalem: cuius nomine scripturæ sæpius sanctam Ecclesiā significant. Nūquid in illa solum offerre Deo sacrificia licebat: quia in sola etiā Dei Ecclesia, neque extra eam usquam, uerus cultus, uerumque sacrificium reperitur, quod Deo placere ullo modo possit. Iam, illud etiā extremo loco de Ecclesia docendū erit, quam ratione nos credere Ecclesiā, ad articulos fidei pertineat: nam etsi quiuis ratione, & sensibus percipit, Ecclesiā, id est hominum conuentum in tertis esse, qui Christo domino additi, & consecrati sunt, neque ad eam rem animo concipiendam fide opus esse uideatur; cum nec Iudæi, nec Turcæ quidem de eo dubitent: tamen illa mysteria, quæ in sancta Dei Ecclesia contineri partim declaratum est, partim in sacramento ordinis explicabitur, mens fide tantummodo illustrata, non uerbis rationibus conuicta, intelligere potest. Cum igitur hic articulus non minus, quam ceteri, intelligentiæ nostræ facultatem, & uires superet; iure optimo confitemur, nos Ecclesiæ ortum, imperia, & dignitatem non humana ratione cognoscere, sed fidei oculis intueri. Neque enim aut homines huius Ecclesiæ auctores fuerunt, sed Deus ipse immortalis, qui eam super firmissimam petram ædificauit, teste Propheta: Ipse fundauit eam altissimus: quam ob causam hereditas Dei, & Dei populus appellatur. Nec potestas, quam accepit, humana est, sed diuino munere tributa. Quare quemadmodum naturæ uiribus comparari non potest: ita etiam fide solum intelligimus, in Ecclesia clauēs regni cælorum esse, eique potestatem peccata remittendi, & excommunicandi; uerumque Christi corpus consecrandi, & traditam.

ad Heb. 3. traditam: deinde ciues, qui in ea morantur, non habere hic ciuitatē permanentem, sed futuram inquirere. Vnam igitur Ecclesiam sanctam, & catholicam esse, necessario credendum est. tres enim Trinitatis personas, Patrem, & Filium, & Spiritum sanctum, ita credimus, ut in eas fidem nostram collocemus. Nunc autem, mutata dicendi forma, sanctam, & non in sanctam Ecclesiam, credere profite mur; ut, hac etiam diuersa loquendi ratione, Deus omnium effector a creatis rebus distinguatur, præclaraque illa omnia, quæ in Ecclesiam collata sunt, beneficia, diuinæ bonitati accepta referamus.

1. Ioan. 1. SANCTORVM COMMVNIONEM. Cum sanctus Ioannes euangelista de diuinis mysterijs ad fideles scriberet, cur eos in illis erudiret, hanc rationem attulit: Vt & uos, inquit, societatem habeatis nobiscum, & societas nostra sit cum patre, & cum filio eius Iesu Christo. Hæc societas in communione sanctorum sita est, de qua in hoc articulo sermo habetur. utinam uero in eo explicando ecclesiæ præsides, Pauli, & aliorum apostolorum diligentiam imitentur. est enim non solum quædam superioris articuli interpretatio, doctrinaque uberrimorum fructuum, sed etiam, quis usus mysteriorū esse debeat, quæ Symbolo continentur, declarat. omnia enim eius rei causa peruestiganda sunt, ac percipienda, ut in hanc tam amplam, & beatam societatem sanctorum admittamur, admissique constanter perseueremus, cum gaudio gratias agentes Deo patri, qui dignos nos fecit in partem sortis sanctorum in lumine. In primis igitur fideles docendi sunt, hunc articulum esse illius, qui de una sancta Ecclesia catholica antea positus est, ueluti explicationem quandam. unitas enim spiritus, a quo illa regitur, efficit, ut, quidquid in eam collatum est, commune sit. omnium enim sacramentorum fructus ad uniuersos fideles pertinet: quibus sacramentis, ueluti sacris uinculis, Christo cōnectuntur, & copulantur, & maxime omnium baptismo, quo, tamquam ianua, in Ecclesiam ingredimur. Hac autem sanctorum communione, sacramentorum communionem intelligi debere, Patres in Symbolo significant illis uerbis: Confiteor unum baptisma. Baptismum uero in primis Eucharistia, & deinceps cetera sacramenta cōsequuntur. nam etsi hoc nomen omnibus sacramentis conuenit, cum Deo nos coniungant, illiusque participes, eius gratiam recipimus, efficiant; magis tamen proprium est Eucharistiae, quæ hanc efficit communionem. Sed alia etiam communio in Ecclesia cogitanda est. Quæcumque enim pie, sancteque ab uno suscipiuntur, ea ad omnes pertinent, & ut illis prosint, charitate, quæ non

non querit, quæ sua sunt, efficitur. Id uero cum S. Ambrosii testimo- S. Ambro.
 nio comprobatur, qui locum illum psalmi explanans, Particeps ego
 sum omnium timentium te, ita inquit: Sicut membrum particeps
 esse dicimus totius corporis, sic coniunctum omnibus timentibus
 Deum. Quare Christus eam nobis orandi formam præscripsit, ut di-
 ceremus; Panem nostrum, non, meum; ac reliqua eius generis; non Math. 6.
 nobis tantum, sed omnium salutem, & commodis prospicientes. At
 uero hæc bonorum communicatio, membrorum humani corporis
 aptissima similitudine in sacris litteris sæpe demonstratur. nam in 1. Cor. 12.
 corpore multa sunt membra: sed etsi multa sunt, unum tamen cor- ad Cor. 1
 pus constituunt, in quo singula proprio, non autem omnia eodem
 munere funguntur. Nec uero omnia eandem dignitatem habent;
 aut æque utiles, & decoras functiones exequuntur: nullique suum,
 sed totius corporis commodum, atque utilitas proposita est. Omnia
 deinde tam apta inter se, & connexa sunt, ut, si unum aliquod dolo-
 re afficitur, cetera item naturæ cognatione, & consensu doleant; si
 contra bene affectum est, communis sit omnibus ille iucunditatis
 sensus. Atque hæc eadem in Ecclesia licet contemplari: in qua etsi
 diuersa sunt membra, nempe uariæ nationes, Iudæorum, Gentium,
 liberi, & serui, pauperes, & diuites, cum tamen baptismo initiat-
 ur, unum corpus cum Christo fiunt, cuius ille caput est. Vnicuique 1. Cor. 12.
 præterea in hac Ecclesia suum munus assignatum est: ut enim alii
 in ea apostoli, alii doctores, omnes uero publicæ utilitatis causa sunt
 constituti: ita aliorum est, præesse, ac docere; aliorum item parere,
 & subiectos esse. At uero tot, tantisque muneribus, ac bonis diuini-
 tus collatis illi fruuntur, qui in charitate uitam Christianam degunt,
 iusti que, & chari Deo sunt. Membra uero mortua, nimirum homi-
 nes sceleribus obstricti, & a Dei gratia alienati, hoc quidem bono
 non priuantur, ut huius corporis membra esse desinant; sed cum sint 1. Cor. 12.
 mortua, fructum spirituales, qui ad iustos, & pios homines per-
 uenit, non percipiunt. tamen, cum in Ecclesia sint, ad amissam gra-
 tiam, uitamque recuperandam ab iis adiuuantur, qui spiritu uiuunt,
 & eos fructus capiunt, quorum expertes esse dubitari non potest, qui
 omnino ab Ecclesia sunt præcisi. Nec uero tantum communia sunt
 ea dona, quæ homines charos Deo, ac iustos reddunt, sed gratiæ etiã
 gratis datæ, in quibus numerantur scientia, prophetia, donum lin-
 guarum; ac miraculorum, & cetera huius generis: quæ dona malis
 etiam hominibus, non priuata, sed publicæ utilitatis causa, ad ædi-
 ficando Ecclesiam conceduntur: nam sanitatis gratia, non illius,

qui ea præditus est, sed ægroti curandi causa tributa est. Ac nihil tandem a uere Christiano homine possidetur, quod sibi cum ceteris omnibus commune esse non existimare debeat. quare ad subleuandam indigentium miseriam prompti, ac parati esse debent. nam qui huiusmodi bonis ornatus est, si uiderit fratrem suum egere; nec illi subuenerit, is Dei charitatem non habere plane conuincitur. Quæ cum ita se habeant, satis constat, eos, qui in hac sancta communione sunt, quadam felicitate perfrui, & uere illud dicere posse: *Quam dilecta tabernacula tua Domine uirtutū: concupiscit, & deficit anima mea in atria Domini: & beati, qui habitāt in domo tua Domine.*

REMISSIONEM PECCATORVM. Nemo est, qui cum uideat, hunc articulum de remissione peccatorum, in ceteris fidei articulis numeratum esse; dubitare possit, eo non solum diuinum aliquod mysterium, sed etiam ad salutem comparandam maxime necessarium contineri, nam antea declaratum est, sine cetera eorum fide, quæ in Symbolo credenda proponuntur, nemini ad Christianam pietatem aditum pateri. Verum si id, quod per se omnibus notum esse debet, aliquod etiam testimonio confirmandum uideatur; satis illud erit, quod Saluator noster paulo ante ascensum in celum de ea re testatus est, cum discipulis sensum aperuit, ut intelligerent scripturas: *Opōt tebat, inquit, Christum pati, & resurgere a mortuis tertia die, & prædicari in nomine eius pœnitentiam, & remissionem peccatorum in omnes gentes incipientibus ab Hierosolyma.* Quæ uerba si Parochi animaduenerint, facile intelligunt, cum cetera, quæ ad religionem pertinent, fidelibus tradenda sint, tum uero præcipue huius articuli diligenter explicandi magnam eis a Domino necessitatem impositam esse. Munus igitur Parochi erit, quod ad hunc locum attingit; docere, non solum peccatorum remissionem in catholica Ecclesia reperiri; de qua Isaias prædixerat: *Populus qui habitabit in ea, auferetur ab eo iniquitas: sed etiam potestatem peccata remittendi in ea esse, quia si rite, & secundum leges a Christo domino præscriptas sacerdotes utantur, uere peccata remitti, & condonari credendum est.* Hæc autem uenia, cum primum fidem profitentes sacro baptismo ablui mur, adeo cumulate nobis datur, ut nihil aut culpæ delendum, siue ea origine contracta, siue quid propria uoluntate omissum, uel commissum sit, aut pœnæ persoluendum relinquatur. Verum per bæptismi gratiam nemo tamen ab omni naturæ infirmitate liberatur, quin potius, cum unicuique aduersus concupiscentiæ motus; quæ nos ad peccata incitare nō desinit, pugnandum sit, uix illius reperiās, qui

qui uel tam acriter resistat, uel tam uigilanter salutem suam tueatur, ut omnes plagas uitare possit.

Cum igitur necesse fuerit, in Ecclesia potestatem esse peccata remittendi, alia etiā ratione, quā baptismi sacramento, clauēs regni cælorum illi concreditæ sunt, quibus possint unicuique pœnitenti, etiā si usque ad extremum uitæ diem peccasset, delicta condonari. Clarissima huius rei testimonia in sacris litteris habemus: nam apud sanctum Matthæum Dominus ita ad Petrum loquitur: Tibi dabo clauēs regni cælorum: & quodcumque ligaueris super terram, erit ligatum & in cælis: & quodcumque solueris super terram, erit solutum & in cælis. Item: Quæcumque alligaueritis super terram, erunt ligata & in cælo: & quæcumque solueritis super terram, erunt soluta & in cælo. Deinde sanctus Iohannes testatur Dominum, cum insuflasset apostolis, dixisse: Accipite spiritum sanctum: quorum remisistis peccata, remittuntur eis: & quorum retinueritis, retenta sunt. Neque uero existimandum est, hanc potestatem certis quibusdam peccatorum generibus definitam esse. nullum enim tam nefarium facinus uel adimitti, uel cogitari potest, cuius remittendi potestatem sancta Ecclesia non habeat: quemadmodum etiam nemo adeo improbus, & scelestus fuerit, quem si erratorum suorum uere pœniteat, certa ei ueniæ spes proposita esse non debeat. Sed neque hæc eadem potestas ita circumscribitur, ut præfinito solum aliquo tempore ea uti liceat. nam quacumque hora peccator ad sanitatem redire uoluerit, reiciendum non esse docuit Saluator noster, cum Principi apostolorum interroganti quoties peccatoribus ignoscendum esset, an septies, respondit, Non septies, sed usque septuagies septies. Verum si ministros diuinæ huius potestatis spectemus, ea minus late petere uidebitur. Dominus enim non omnibus, sed Episcopis tantum, & sacerdotibus tam sancti muneris potestatem dedit. Idem etiam censendum erit, quod ad rationem eius potestatis exercendæ pertinet, nam per sacramenta solum, si eorum forma seruetur, peccata remitti possunt: aliter uero nullum ius a peccatis soluēdi Ecclesiæ datum est. ex quo sequitur, tum sacerdotes, tum sacramenta ad peccata condonanda ueluti instrumenta ualere: quibus Christus dominus auctor ipse, & largitor salutis remissionem peccatorum, & iustitiam in nobis efficit. Ut autem fideles cæleste hoc munus, quod singulari in nos Dei misericordia Ecclesiæ donatum est, magis suspiciant, atque ad eius usum, & tractationem ardentiori pietatis studio accedant, conabitur Parochus huius gratiæ dignitatem, & amplitudinē demonstrare.

strare. ea autem ex hoc potissimum perspicitur, si, cuius uirtutis si peccata remittere, & homines ex iniustis iustos reddere, diligenter expositum fuerit. Constat enim, infinita, & immensa Dei in hoc effici, quam eandem in excitandis mortuis, & in mundi creatione necessariam esse credimus. Quod si etiam, ut Augustini sententia confirmatur, maius opus existimandum est, aliquem ex impio-pium facere, quam cælum, & terram ex nihilo creare, cum ipsa creatio non nisi ex infinita uirtute possit existere: consequens est, ut multo magis peccatorum remissio infinitæ potestati tribuenda sit. Quare uerissimas esse priscorum Patrum uoces agnoscimus, quibus confitentur, ab uno Deo peccata hominibus condonari, neque ad alium auctorem, quam ad summam eius bonitatem, & potentiam, tam mirificum opus referendum esse. Ego sum, inquit ipse Dominus per Prophetam, ego sum ipse, qui deleo iniquitates tuas. Nam scelerum remittendorum eadem ratio uidetur esse, quam in pecunia debita seruare oportet. Quemadmodum igitur a nemine, nisi a creditore, pecunia, quæ debetur, remitti potest: ita, cum uni Deo peccatis obstricti simus, (siquidem quotidie oramus, Dimitte nobis debita nostra) perspicuum est, a nemine, præter illum, debita nobis condonari posse. Hoc uero admirabile, & diuinum munus, antequam Deus homo fieret, nulli creatæ naturæ impertitum est. Primus omnium Christus saluator noster, ut homo, cum idem uerus Deus esset, hoc munus a cælesti patre traditum accepit. Vt sciatis; inquit, quia filius hominis habet potestatem in terra dimittendi peccata, ait paralytico: surge, tolle grabatum tuum, & uade in domum tuam. Cum igitur homo factus esset, ut hominibus hanc peccatorum ueniam largiretur, priusquam in cælum ascenderet, ut ibi ad dexteram Dei in perpetuum sederet, eam potestatem Episcopis, & presbyteris in Ecclesia concessit: quamquam, ut antea docuimus, Christus sua auctoritate, ceteri, ut eius ministri, peccata dimittunt. Quamobrem si, quæ infinita uirtute effecta sunt, maxime admirari, & suspicere debemus: satis intelligimus, pretiosissimum hoc munus esse, quod Christi domini benignitate Ecclesiæ donatum est. sed ipsa etiam ratio, qua Deus, clementissimus pater, mundi peccata delere constituit, animos fidelium ad huius beneficii magnitudinem cōtemplandam uehementer excitabit: sanguine enim unigeniti filii sui scelera nostra expiari uoluit, ut poenam, quam nos pro peccatis commuerimus, ultro ille persolueret, iustusque pro iniustus damnaretur, innocens pro reis morte acerbissima afficeretur. Quare cum animo cogitamus,

mus, nos non corruptibilibus auro, & argento redemptos esse, sed pretioso sanguine quasi agni immaculati Christi, & incontaminati; facile statuimus, nihil nobis salubrius contingere potuisse hac remittendi peccata potestate, quæ inexplicabilem Dei providentiam, summi que erga nos charitatem ostendit. Ex hac autem cogitatione maximus fructus ad omnes perueniat, necesse est. nam qui Deum mortali aliquo peccato offendit, quidquid meritorum ex Christi morte, & cruce consecutus est, statim amittit, & omnino paradisi adiutu, quem prius interclusum saluator noster passione sua omnibus patefecit, prohibetur. Quod quidem cum in mentem venit, facere non possumus, quin humanæ miseriæ consideratio uehementer sollicitos nos habeat. Verum si animum ad hanc admirabilem potestatem referamus, quæ Ecclesiæ diuinitus tributa est; & huius articuli fide confirmati, oblatam unicuique facultatem credamus, ut possit diuina ope adiutus in pristinum dignitatis statum restitui: tunc uero cogimur summo gaudio, & lætitia exultare, & immortales Deo gratias agere. Ac profecto, si grata, & iucunda medicamenta uideri solent, quæ nobis medicorum arte, & industria, cum graui aliquo morbo laboramus, parantur: quanto iucundiora esse debent ea remedia, quæ Dei sapientia ad animorum curationem, atque adeo ad uitam reparandam instituit? cum præsertim non quidem dubiam salutis spem, ut medicinæ illæ, quæ corporibus adhibentur, sed certissimam iis, qui sanari cupiunt, salutem afferant.

Erunt igitur fideles hortandi, postquam tam ampli, & præclari muneris dignitatem cognouerint, ut illud etiam studeant ad suum commodum religiose conuertere. Vix enim fieri potest, ut qui reutili, & necessaria non utatur, eam contemnere non existimetur; præsertim uero cum Dominus hanc potestatem remittendi peccata ea re tradiderit Ecclesiæ, ut omnes hoc salutari remedio uterentur. nam quemadmodum nemo sine baptismo expiari potest: ita, quicumque baptismi gratiâ, mortiferis sceleribus amissam, recuperare uoluerit, ad aliud expiationis genus, nimirum pænitentiae sacramentum, confugiat necesse est. Verum hoc loco admonendi sunt fideles, ne, tam ampla uenientiæ facultate proposita, quam etiam nullius temporis termino definiri declarauimus, uel ad peccandum faciliores, uel ad resipiscendum tardiores reddantur. in altero enim cum iniuriosi, & contumeliosi in hanc diuinam potestatem manifeste deprehendantur, indigni sunt, quibus Deus misericordiam suam impertiatur: in altero uero magnopere uerendum est, ne morte præoccupati, frustra peccatorum

*Beneficiis
remissionis
peccatorum
quanto studio
suscipiendum.*

peccatorum remissionem confessi fuerint, quam tarditate, & procrastinatione merito amiserunt.

CARNIS RESURRECTIONEM. Magnam huius articuli nim esse ad fidei nostræ ueritatem stabilendam, id maxime ostendit, quod diuinis litteris non solum credendus fidelibus proponitur, sed multis etiam rationibus confirmatur. quod quidem cum in aliis Symboli articulis uix fieri uideamus; intelligi potest, hoc ueluti firmissimo fundamento salutis nostræ spem nixam esse. nam, ut Apostolus *1. ad Cor. 15* ratiocinatur: Si mortuorum resurrectio non est, neque Christus resurrexit: quod si Christus non resurrexit, inanis est prædicatio nostra, inanis est & fides uestra. In eo igitur explicando Parochus non minus operæ, & studii ponet, quam in eo euertendo multorum impietas laborarit. magnas enim & præclaras utilitates ex ea cognitione ad fidelium fructum redundare, paulo post demonstrabitur. Sed hoc in primis attendere oportebit, resurrectionem hominum in hoc articulo, carnis resurrectionem appellari. quod quidem sine causa factum non est. nam docere uoluerunt apostoli id, quod necessario ponendum est, animam esse immortalem. quare ne quis forte eam simul cum corpore interiisse, utrumque uero in uitam reuocari existimaret, cum animam plurimis sacrarum litterarum locis immortalem esse plane constet, ob eam rem carnis tantum suscitandæ mentio in articulo facta est. & quamquam sæpe etiam in sacris scripturis caro integrum hominem, ut est apud *Isa. 40.* *Isa. 40.* *Joan. 1.* *1. ad Tim. 1.* Ioannem, Et uerbum caro factum est; significet: hoc tamen loco carnis uox corpus declarat: ut duarum partium, animæ & corporis, quibus homo constat, alteram tantum, nempe corpus, corrumpi, & in puluerem terræ, ex qua compactum est, redire, animam uero incorruptam manere intelligamus. At uero cum nemo, nisi mortuus fuerit, ad uitam reuocetur, anima proprie non dicitur resurgere. Carnis quoque mentio facta est, illius hæresis confutandæ causa, quæ, uiuo Apostolo, Hymenæi, & Phileti fuit; qui asseriebant, cum de resurrectione in scripturis sacris ageretur, non de corporea, sed de spiritali, qua a morte peccati ad uitam innocentem resurgitur, accipiendum esse. Itaque his uerbis planum fit, cum errorem tolli, & ueram corporis resurrectionem confirmari.

Carnis resurrectio exemplis scripturae et testimonijs comprobatur

Verum Parochi partes etunt, hanc ueritatem illustrare exemplis, ex ueteri, nouoque testamento, & ex omni ecclesiastica historia depromptis. alii enim ab Helia, & Heliseo in ueteri testamento; alii, præter eos, quos Christus dominus a morte excitauit, a sanctis apostolis,

stolis, aliisque permultis ad uitam reuocati sunt: quæ resurrectio multorum huius articuli doctrinam cõfirmat. ut enim plures a morte excitatos credimus: ita uniuersos ad uitam reuocatum iri credendum est. quin etiã præcipuus fructus, quem nos ex huiusmodi miraculis capere debemus, ille est, ut summam fidem huic articulo tribuamus. Sunt multa testimonia, quæ Parochis, qui in sacris litteris mediocriter uersati sunt, facile occurrunt. Illustriora uerò loca sunt in ueteri quidem testamento, quæ leguntur apud Iob, cum ait, se in car-
Iob 19.
 ne sua conspecturum Deum suum: & apud Daniëlem deijs, qui in puluere terræ dormiunt, alios in uitam æternã, alios in opprobrium sempiternum euigilatos: in nouo autem testamento, quæ sanctus Mattheus refert de disputatione, quã Dominus cum Sadducæis habuit: præterea, quæ euangelistæ narrant de extremo iudicio. Atque huc etiam referenda sunt, quæ Apostolus ad Corinthios, & ad Thesalonicensēs scribens, accurata oratione differuit. Sed quamuis hoc fide certissimum sit, multum tamen proderit, uel exemplis, uel rationibus ostendere, id, quod fides credendum proponit, a natura, aut ab humanæ mentis intelligentia non abhorrere. Itaque Apostolus querenti quo modo resurgerent mortui, sic respondit: Inspiciens tu quod seminas, non uiuificabitur, nisi prius moriatur: & quod seminas, nõ corpus, quod futurum est, seminas, sed nudum granum, utputa tritici, aut alicuius ceterorum: Deus autem dat illi corpus sicut uult. & paulo post inquit: Seminatur in corruptione, surgit in incorruptione. Ad eam similitudinem multas præterea adiungi pos-
S. Gregorius
 se, sanctus Gregorius ostendit: Lux enim, inquit, quotidie quasi moriendo oculis subtrahitur, & rursus quasi resurgendo reuocatur: & arbuta uiriditatem amittunt, & rursus quasi resurgendo reparantur: & semina putrescendo moriuntur, & rursus germinando resurgunt. Rationes illæ præterea, quæ ab ecclesiasticis scriptoribus afferuntur, satis ad eam rem probandam accommodatæ uideri possunt: Ac primum quidem, cum animæ immortales sint, & tamquam pars hominis ad humana corpora naturalem propensionem habeant, eas a corporibus seiunctas perpetuo inanere, præter naturam existimandum est. Quoniam uerò, quod naturæ aduersatur, ac uolentum est, diuturnum esse non potest, consentaneum fore uiderur, ut denuò cum corporibus iungantur: ex quo etiam sequitur, ut corporum resurrectio futura sit. quo quidem argumentandi genere saluator noster usus est, cum aduersus Sadducæos disputans, ex animarum immortalitate corporum resurrectionem concludit. Deinde cum malis
Matth. 22.
 H
 supplici,

supplicia, bonis præmia a iustissimo Deo sint propofita; ex illis uero quamplurimi, antequam debitas penas pèrfoluant; ex his magna ex parte nullis affectu uirtutis præmiis e uita decedant: necesse est iterum animas cum corporibus coniungi, ut pro fceletibus; aut recte factis corpora, quibus uel uel peccati locijs homines utuntur, una cū anima penæ; uel præmio afficiantur. qui locus diligentissime tractatus est a sancto Chryfostomo in homilia ad populum Antiochenū.

8. Chryfost.

91. 60.

1. ad Cor. 15.

1. ad Cor. 15.

1. ad Cor. 15.

1. ad Cor. 15.

2. ad Thef. 1.

2. ad Thef. 1.

1. ad Cor. 15.

De uaria re-
furgentium
condicione.

ad Cor. 15.

1. ad Cor. 15.

1. ad Cor. 15.

1. ad Cor. 15.

Quare Apostolus, cum de resurrectione disereret, Si in hac uita, inquit, tantum in Christo sperantes sumus, miserabiliores sumus omnibus hominibus. Quæ quidem uerba nemo ad animæ miseriam referri existimabit: quæ cum immortalis sit, quamuis corpora non resurgerent, in futura tamen uita beatitudine frui posset: uerum de toto homine intelligenda sunt. Nisi enim corpori debita pro laboribus præmia reddantur; necesse est, ut, qui, quem admodum apostoli, tot ærumnas, & calamitates in uita perpeffi sunt, omnium sint miserimi. Idem uero inulto apertius docet ad Thessalonicenses his uerbis; Gloriamur in Ecclesijs Dei pro patientia uestra, & fide in omnibus persecutionibus uestris, & tribulationibus; quas sustinetis in exemplum iusti iudicij Dei; ut digni habeamini in regno Dei, pro quo & patimini: si tamen iustum est apud Deum retribuere tribulationem ijs, qui uos tribulant, & uobis, qui tribulamini, requiem nobiscum in reuelatione domini Iesu de cælo; cum angelis uirtutis eius in flamma ignis dantis uindictam ijs, qui non nouerunt Deum, & qui nõ obediunt euangelio domini nostri Iesu Christi. Adde etiam, non posse homines, quam diu anima a corpore sciuncta est, plenam felicitatem, & bonis omnibus cumulata adipisci. Vt enim quælibet pars, a toto separata, imperfecta est: ita etiam anima, quæ corpori non est adiuncta: ex quo sequitur, ut illi ad summam felicitatem nihil desit, corporum resurrectionem necessariam esse.

His igitur, acque alijs huiusmodi rationibus Parochus fideles in hoc articulo erudire poterit. Explicare præterea diligenter oportebit ex Apostoli doctrina, quinam ad uitam suscitandi sint: nam ad Corinthios scribens, Sicut in Adam, inquit, omnes moriuntur, ita & in Christo omnes uiuificabuntur. Omni itaque malorum, bonorumque discrimine remoto, omnes a mortuis, quamquam non omnium par condicio futura est, resurgent, qui bona fecerunt in resurrectionem uitæ, qui uero mala egerunt, in resurrectionem iudicij. Cum autem in Omnes dicimus, tam eos intelligimus, qui aduentante iudicio mortui iam erunt, quam eos, qui moriuntur. Huic enim sententiæ, quæ

asserit

asserit omnes morituros esse, nemine excepto, Ecclesiam acquiescere; ipsamque sententiam magis ueritati conuenire, scriptum reliquit sanctus Hieronymus. idem sentit & sanctus Augustinus. Neque uero huic sententiæ repugnant Apostoli uerba, ad Thessalonicenses scripta: Mortui qui in Christo sunt, resurgent priui: deinde nos, qui uiuimus, qui relinquimur, simul rapiemur cum illis in nubibus obuiam Christo in aëre. nam sanctus Ambrosius, cum ea explanaret, ita inquit: In ipso raptu mors præueniet, & quasi per soporem, ut egressa anima in momento reddatur: cum enim tollentur, morientur, ut peruenientes ad Dominum, præsentia Domini recipiant animos, quia cum Domino mortui esse non possunt. Eademque sententia comprobatur sancti Augustini auctoritate in libro de Ciuitate Dei. Cum uero multū referat, nobis certo persuaderi, hoc ipsum, atque adeo idem corpus, quod uniuscuiusque proprium fuit, quamuis corruptum sit, & in puluerem redierit, tamen ad uitam suscitandum esse, illud etiam Parochus accurate explicandum suscipiet. Hæc Apostoli est sententia, cum inquit: Oportet corruptibile hoc induere incorruptionem: ea uoce, Hoc, proprium corpus aperte demonstrans. Iob etiam de eo clarissime uaticinatus est: *Es in carne mea, inquit, uidebo Deum, quem uisurus sum ego ipse, & oculi mei conspexturi sunt, & non alius.* Hoc idem colligitur ex ipsius resurrectionis definitione. est enim resurrectio, auctore Damasceno, ad eum statum, unde cecideris, reuocatio. Denique si consideremus, cuius rei causa resurrectionem futurā paulo ante demonstratum est; nihil erit, quod cuiusquā animum hac in re dubium facere possit. Idcirco autē corpora excitāda esse docuimus, ut referat unusquisque propria corporis prout gessit, siue bonū, siue malum. Hominē igitur ex ipso corpore, cuius opera uel Deo, uel Dæmoni seruiuit, resurgere oportet; ut cum eodem corpore triumphī coronas, & præmia consequatur, aut pœnas, & supplicia miserrima perferat. Neque uero corpus tantum resurget, sed, quidquid ad illius naturæ ueritatem, atque ad hominis decus, & ornamentum pertinet, restituendum est. Præclarum ea de re sancti Augustini testimonium legimus: Nihil tunc uitij, inquit, in corporibus existeret: si aliqui plus pinguedine obesi, & crassi extiterint, non totam corporis molem assument, sed, quod illam habitudinem superabit, reputabitur superfluum: & e diuerso, quæcumque uel morbus, uel senium cōfecit in corpore, reparabitur per Christum uirtute diuina, ut, si aliqui propter macrorem fuerint graciles; quia Christus nō solum nobis corpus reparabit, sed quidquid

*S. Hieron.**1. ad Thes. 4.**S. Ambro.**1. ad Cor. 15**Iob 19.**Damascenus**2. ad Cor. 5.**S. August.*

S. August. per miseriam huius uitæ fuerit nobis ademptum. Item alio loco: Non resumet homo capillos, quos habuerit, sed quos decuerit, iuxta illud: *Matth. 10.* Omnes capilli capitis uestri numerati sunt, qui secundum diuinam sapientiam sunt reparandi. In primis uero, quoniam membra ad ueritatem humanæ naturæ pertinent, simul restituentur omnia. Qui enim uel ab ipso ortu oculis capti sunt, uel ob aliquem morbum lumina amiserunt, claudi, atque omnino manci, & quibusuis membris debiles, integro, ac perfecto corpore resurgent. aliter enim animæ desiderio, quæ ad corporis coniunctionem propensa est, minime satisfactum esset: cuius tamen cupiditatem in resurrectione explendam esse, sine dubitatione credimus. Præterea, satis constat resurrectionem æque, ac creationem, inter præcipua Dei opera numerari. Quemadmodum igitur omnia a Deo initio creationis perfecta fuerunt, ita etiam in resurrectione futurum omnino affirmare oportet. Neque id de martyribus solum fatendum est, de quibus sanctus Augustinus ita testatur: Non erunt absque illis membris: non enim posset illa mutilatio non esse corporis uitium: alioquin, qui capite truncati sunt, deberent sine capite resurgere. netum tamen extabunt in eorundem membrorum articulis gladij, cicatrices resurgentes super omne aurum, & lapidem pretiosum, ueluti & cicatrices uulnerrum Christi: quod de improbis quoque uerissime dicitur, etsi illorū culpa membra amputata fuerint. nam quo plura membra habebunt, tanto acerbiori dolorum cruciatu conficiuntur. quare illa membrorum restitutio, non ad eorum felicitatem, sed ad calamitatē, ac miseriam est redundatura; cum merita non ipsis membris, sed personæ, cuius corpori coniuncta sunt, adscribantur, nam iis, qui penitentiam egerunt, ad præmium; illis uero, qui eandem contempserint, ad supplicium restituentur. Hæc uero si a Pætochis attente considerentur, numquam eis rerum & sententiarum copia deerit ad excitandos, inflammandosq. pietatis studio fidelium animos, ut uitæ huius molestias, & æumnas cogitantes, beatam illam resurrectionis gloriam, quæ iustis, & pijs proposita est, auide expectent.

Sequitur nunc, ut fideles intelligant, si ea spectemus, quæ corporis substantiam constituunt, quamuis illud ipsum, atque idem corpus a mortuis reuocari oporteat, quod antea extinctum fuerat, longe aliam tamen, & diuersam eius condicionem fore. ut enim cetera omittamus, in eo maxime resurgentium corpora omnia a se ipsis differunt, quod, cum antea mortis legibus subiecta essent, posteaquam ad uitam suscitata fuerint, sublato bonorū, malorumq. discrimine, imimorta-

immortalitatem assequuntur. Quam quidem admirabilem naturæ restitutionem insignis Christi uictoria meruit, quæ de morte reposita, quemadmodum sacrarum scripturarum testimonia nos admonent: scriptum est enim: Præcipitæ mortem in sempiternum, & alibi: Ero mors tua, o mors: quod explicans Apostolus inquit; Non uiuissima iniqua destruetur mors, & apud sanctum Ioannem legimus: Mors ultra non erit. Decebat autem maxime, Christi domini merito, quo mortis imperium euersum est, peccatum Adæ longo intervallo superari. Idem etiam diuinæ iustitiæ consentaneum fuit, ut boni beata uita perpetuo fruerentur; mali uero sempiternas pœnas luctes; quærentes mortem, & non inuenirent; optarent mori, & mors fugeret ab eis. Atque hæc quidem immortalitas bonis, malisque communis erit: Habebit præterea sanctorum rediuiua corpora insignia quædam, & prælara ornamenta, quibus multo nobiliora fuerint, quam unquam antea fuerint. Præcipua uero sunt quatuor illa, quæ dores appellantur, ex Apostoli doctrina a Patribus obseruata: earum prima est impassibilitas, munus scilicet, & dos, quæ efficiet, ne molesti aliquid pati, ullæ uel dolore, aut incommodo affici queant. nihil enim aut frigoris uis, aut flammæ ardor, aut aquarum impetibus obesse eis poterit. Seminatur, inquit Apostolus, in corruptione, surget in incorruptione. Quod autem impassibilitatē potius, quam incorruptionem Scholastici appellarint, ea causa fuit, ut, quod est proprium corporis glorioli, significarent. non enim impassibilitas illis communis est cum damnatis, quorum corpora, licet incorruptibilia sunt, æstuat: tamen possunt, atque algere, uariisque cruciatibus affici. Hanc consequitur claritas, qua sanctorum corpora, tamquam sol, fulgebunt: ita enim apud sanctum Mattheum, testatur saluator noster: Iusti, inquit, fulgebunt sicut sol, in regno patris eorum. Ac hic quis deo dubitaret, suæ transfigurationis exemplo declarari. Hanc interdum Apostolus gloriam, modo, claritatem appello. Reformabit, inquit, corpus humilitatis nostræ configuratum corpori claritatis suæ: & rursum; Seminatur in ignobilitate, surget in gloria. Huius etiam gloriæ, imaginem quandam uidit populus Israël in deserto, cum facies Moysis ex colloquio, & præsentia Dei ita colluceat, ut in eam filii Israël oculos intendere non possent. Est uero claritas hæc fulgor quidam ex superna animæ felicitate ad corpus rediudans, ita ut sit quædam communicatio illius beatitudinis, qua anima fruatur: quomodo etiam anima ipsa beata efficitur, quod in eam paræ diuinæ felicitatis deriuatur. Hoc uero munere

77. 1. 1. 2

Ista. 1. 5.

Ofc. 1. 3.

1. ad Cor. 15

Apocal. 2. 1.

Apocal. 9. 1

2. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

procedunt

1. ad Cor. 15

non æque omnes, perinde ac primo, ornari credendum est. erunt quidem sanctorum corpora omnia æque impassibilia, sed eundem splendorem non habebunt. nam, ut testatur Apostolus, Alia claritas solaris, alia claritas lunæ, & alia claritas stellarum: stella enim à stella differt in claritate, sic & resurrectio mortuorum. Cum hac dote coniuncta est illa, quam agilitatem uocant, qua corpus ab onere, quo nunc premitur, liberabitur: facillimeque in quacumque partem animam uoluerit, ita moueri poterit, ut ea motione nihil celerius esse queat, quemadmodum aperte sanctus Augustinus in libro de Ciuitate Dei, & Hieronymus in Isaiâ, docuerunt. Quare ab Apostolo dictum est:

1. ad Cor. 15

1. ad Cor. 15

Quam salu-
tarem ex ar-
ticulo Resur-
rectionis ca-
pianur fru-
ctus.

Matth. 11.

1. ad Thes. 4.

Iob. 19.

Vt autem fideles sciant, quem fructum ex tot, tantorumque mysteriorum cognitione capere possint; primum, declarare oportebit, maximas a nobis Deo gratias agendas esse, qui hæc sapientibus absconderit, & reuelauerit paruulis: quos enim uiri uel prudentiæ laude præstantes, uel singulari doctrina præditi, in hac tam certa ueritate cæci plane fuerunt? Quod igitur nobis illa patefecerit, quibus ad eam intelligentiam adspirare non licebat, est quod summam eius benignitatem, & clementiam perpetuis laudibus celebremus. Deinde magnus etiam ille fructus ex huius articuli meditatione consequetur, quod scilicet in eorum morte, qui nobis necessitudine, uel beneuolentia coniuncti sunt, facile tum alios, tum nos ipsos consolabimur. quo quidem genere consolationis Apostolum usum esse constat, cum ad Thessalonicenses de dormientibus scriberet. Sed in omnibus etiam aliis ærumnis, & in calamitatibus, futuræ resurrectionis cogitatio summam nobis doloris leuationem afferet; quemadmodum sancti Iob exemplo didicimus, qui una hac spe afflictum, & merentem animum sustentabat, fore aliquando, ut in resurrectione dominum Deum suum cospiceret. Præterea, hoc plurimum ualebit ad persuadendum fidelibus populis, ut rectam uitam, integram, ab omni que prorsus peccati labe puram agere quam diligentissime curent. si. n. cogitauerint, ingentes illas diuitias, quæ resurrectione consequuntur, ipsis propositas esse, facile ad uirtutis, & pietatis studia allicientur. Contra uero nulla res maiorem uim habitura est ad comprimendas animi cupiditates, hominesq.

hominesque a sceleribus auocandos, quam si sæpius admoneantur, quibusnam malis, & cruciatibus improbi afficiendi sunt, qui extremo illo die procedent in resurrectionem indicij.

Ioc. 5.

VITAM AETERNAM. Sancti apostoli, duces nostri, Symbolum, quo fidei nostræ summa continetur, æternæ uitæ articulo claudi, & terminari uoluerunt; tum quia post carnis resurrectionē nihil aliud fidelibus expectandum est, nisi æternæ uitæ præmium; tum uero, ut perfecta illa felicitas, & bonis omnibus cumulata, nobis semper ante oculos uersaretur, doceremurque in ea mentem, & cogitationes nostras omnes defigendas esse. Quare Parochi in erudiendis fidelibus nunquam intermittent, præmiis æternæ uitæ propositis, eorum animos accendere; ut, quæcumque uel difficillima Christiani nominis causa subeunda esse docuerint, facilia, atque adeo iucunda existimēt, promptioresque ad parēdum Deo, & alacriores reddantur. Sed quoniam sub his uerbis, quæ ad beatitudinem nostrā declarandam hoc loco usurpantur, plurima mysteria in occulto latent, ea sic aperienda sunt, ut, quātum cuiusque ingenium ferat, omnibus patere possint. Admonendi igitur sunt fideles, his uocibus, Vitam æternam, non magis perpetuitatem uitæ, cui etiam dæmones, sceleratique homines addicti sunt, quam in perpetuitate beatitudinem, quæ beatorum desiderium expleat, significari. Atque ita intelligebat legis peritus ille, qui a Domino saluatore nostro, quid sibi faciendum esset, ut uitam æternam possideret, in euangelio quæsiuit: perinde ac si diceret: Quænam mihi præstanda sunt, ut ad eum locum, ubi perfecta felicitate frui liceat, perueniam? In hunc uero sensum sacræ litteræ hæc uerba accipiunt, ut multis in locis licet animaduertere: Hoc uero potissimū nomine summa illa beatitudo appellata est, ne quis existimaret eam in rebus corporeis, & caducis, quæ æternā esse non possunt, consistere. Neque enim hæc ipsa beatitudinis uox satis explicare poterat, quod quærebatur; præsertim cum non defuerint homines inanis cuiusdam sapientiæ opinione inflati, qui summum bonum in ijs rebus ponerent, quæ percipiuntur sensibus. hæc enim pereunt, & ueterascunt: beatitudo uero nullo temporis termino definienda est. quin potius terrena hæc longissime a uera felicitate absunt: a qua is quammaxime recedit, qui mundi amore, & desiderio tenetur. scriptum est enim: Nolite diligere mundum, neque ea, quæ in mundo sunt. Si quis diligit mundum, non est charitas Patris in eo: & paulo post: Mundus transit, & concupiscentia eius. Hæc igitur Parochi fidelium mentibus imprimenda diligenter curabunt,

Luc. 18.

1. Ioh. 3.

audinmo

H 4 ut mor-

ad Titum 2.

ut mortalia contemnere, nullamque in hac uita, in qua non ciues, sed aduenæ sumus, felicitatem obtineri posse in animum inducant. Quamquam hic etiam spe beati merito dicemur, si abnegantes impietatem, ac secularia desideria, sobrie, & iuste, & pie uixerimus in hoc sæculo, expectantes beatam spem, & aduentum gloriæ magni Dei, & saluatoris nostri Iesu Christi. Hæc autem cum permulti, qui sibi ipsi sapientes uidebantur, minus intelligerent, & in hac uita felicitatem quærendam putarent, stulti facti sunt, & in maximas calamitates inciderunt. Sed illud præterea ex ui huius nominis, Vitam æternam, percipimus, semel adeptam felicitatem amitti numquam posse, ut falso nonnulli suspicati sunt. nam felicitas ex omnibus bonis sine ulla mali admittance cumulat: quæ cum hominis desiderium expleat, in æterna uita necessario consistit. neque enim potest beatus nõ magnopere uelle, ut illis bonis, quæ adeptus est, sibi perpetuo frui liceat. Quare, nisi ea possessio stabilis, & certa sit, maximo cruciatu timoris angatur, necesse est.

De inenarrabili sanctioris gloria, & de præmijs essentialibus et accidentalibus.

Verum, quanta sit beatorum, qui in cælesti patria uiuunt, felicitas, eaque ab ipsis tantum, præterea nemine, comprehendi possit, hæc ipse uoces, cum uitam beatam dicimus, satis demonstrant. nam cum ad rem aliquam significandam eo nomine utimur, quod cum multis aliis commune est, facile intelligimus deesse propriam uocem, quæ res illa plane exprimitur. Cum igitur felicitas uis uocibus declaratur, quæ non magis in beatos, quam in omnes, qui perpetuo uiuant, recte conueniunt, hoc nobis argumẽto esse potest, altiore, & præstantiorem quandam rem esse, quam ut proprio uocabulo perfecte significare eius rationem possimus. nam et si plurima alia nomina cælesti huic beatitudini in sacris litteris tribuuntur, cuiusmodi sunt, regnum Dei, Christi, cælorum, paradysus, sancta ciuitas, noua Hierusalem, domus patris: tamen perspicuum est, nullum ex ijs ad eius magnitudinem explicandam satis esse. Quare Paroçi hoc loco oblata sibi occasionem non prætermittent, fideles tam amplis præmijs, quæ uitæ æternæ nomine declarantur, ad pietatem, iusticiam, & omnia Christianæ religionis officia inuitandi. Constat enim, uitam in maximis bonis, quæ natura expetuntur, numerari solere. atqui hoc potissimum bono, cum uitam æternam dicimus, beatitudo definitur. Quod si exigua hæc, & calamitosa uita, quæ tot, & tam uarijs miseriis subiecta est, ut mors uicinus dicenda sit, nihil magis amatur, nihil aut carius, aut iucundius esse potest: quo tandem animi studio, qua contentione æternam illam uitam, quæ re debemus, quæ deus dedit omnibus

omnibus malis, perfectam, & absolutam bonorum omnium rationem coniunctam habet: nam, ut sancti Patres tradiderunt, æternæ uitæ felicitas, omnium malorum liberatione, & bonorum adeptione definienda est. De malis clarissima sunt sanctarum litterarum testimonia: scriptum est enim in Apocalypsi: Non esurient, neque sitient amplius: neque cadet super illos sol, neque ullus æstus. & rufus: Absterget Deus omnem lacrymā ab oculis eorum: & mors ultra non erit, neque luctus, neque clamor, neque dolor erit ultra, quæ prima abierunt. Iam uero beatorum immensa gloria, innumeraque solidæ lætitiæ, & uoluptatis genera futura sunt: cuius gloriæ magnitudinem cum animus noster capere, aut illa in animos nostros penetrare nullo modo possit, necesse est, nos in illam, nempe in gaudium Domini, introire; ut eo circumfusi, mentis desiderium cumulate expleamus. Quamuis autem, ut sanctus Augustinus scribit, *S. August.* facilius mala, quibus carituri sumus, quam bona, ac uoluptates, quas hauſuri sumus, numerari posse uideantur: danda tamen erit opera, ut, quæ fideles summæ illius felicitatis adipiscendæ cupiditate inflā, mate poterunt, breuiter, & dilucide explicentur. Sed illa in primis distinctione uti oportebit, quam a grauissimis diuinarū rerum scriptoribus accepimus. ii enim duo bonorum genera esse statuunt, quorum alterum ad beatitudinis naturam pertinet: alterum ipsam beatitudinem consequitur. quare illa essentialia, hæc uero accessoria bona, docendi causa, appellarunt. Ac solida quidem beatitudo, quam essentialē communi nōmine licet uocare, in eo sita est, ut Deum uideamus, eiusque pulchritudine fruamur, qui est omnis bonitatis, ac perfectionis fons, & principium. Hæc est uita æterna, inquit Christus dominus, ut cognoscant te solum Deum uerum; & *Ioan. 17.* quem misisti Iesum Christum: quam sententiam sanctus Ioannes uidetur interpretari, cum ait: Charissimi, nunc filii Dei sumus: & nōdum apparuit, quid erimus: scimus quoniam, cum apparuerit, similes ei erimus, quoniā uidebimus eum, sicuti est. Significat enim beatitudinem ex iis duobus constare; tum quod Deum intuebimur, qualis in natura sua, ac substantia est; tum quod ueluti Dii efficiemur. nam qui illo fruuntur, quamuis propriam substantiam retineant, admirabilem tamen quandam, & prope diuinam formam induant, ut Dii potius, quam homines uideantur. Hoc autem cur ita fiat, ex eo perspicuum est, quod unaquæque res uel ex eius essentia, uel ex eius similitudine, & specie cognoscitur. At quoniam nihil est Dei simile, cuius similitudinis adiumento ad perfectam eius notitiā *1. Ioan. 3.* petuere

1. ad Cor. 13.

S. August.
S. Dionysius
Areopagita.

peruenire possumus: consequens est, ut eius naturam, & essentiam uidere nemini liceat, nisi hæc eadem diuina essentia se nobis coniunxerit. atque id Apostoli uerba illa significant: Videmus nunc per speculum in ænigmate, tunc autem facie ad faciem. nam quod inquit, In ænigmate; interpretatur sanctus Augustinus, in similitudine ad Deum intelligendum accommodata. Quod etiam sanctus Dionysius aperte ostendit, cum affirmat, nulla inferiorum similitudine superiora percipi posse. neque enim ex alicuius rei corporeæ similitudine, eius, quæ corpore careat, essentia, & substantia cognosci potest; cum præsertim necesse sit, rerum similitudines minus concretionis habere, & magis spiritales esse, quam res ipsas, quarum imaginem referunt: quemadmodum in omnium rerum cognitione facile experimur. Quoniam uero fieri non potest, ut alicuius rei creatæ similitudo æque pura, & spiritualis, ac Deus ipse est, reperiatur; ita fit, ut ex nulla similitudine diuinam essentiam perfecte intelligere possimus. Accedit etiam, quod omnes creatæ res certis perfectionis terminis circumscribuntur: at Deus infinitus est, neque ullius rei creatæ similitudo eius immensitatem capere potest. Quo circa una illa ratio diuinæ substantiæ cognoscendæ relinquitur, ut ea se nobis coniungat, & incredibili quodam modo intelligentiam nostram altius extollat, atque ita idonei ad eius naturæ speciem contemplandam reddamur. id uero lumine gloriæ assequemur, cum eo splendore illustrati, Deum lumen uerum in eius lumine uidebimus. nam beati Deum præsentem semper intuentur; quo quidam dono, omnium maximo, & præstantissimo, diuinæ essentiae participes effecti, uera, & solida beatitudine potiuntur: quam nos ita credere debemus, ut eam etiâ Dei benignitate cum certa sp̃e nobis expectandam esse in Symbolo Patrum definitum sit: inquit enim; Expecto resurrectionem mortuorum, & uitam uenturi sæculi. Diuina hæc plane sunt, neque ullis uerbis explicari, aut cogitatione comprehendere a nobis possunt. uerum licet aliquam huius beatitudinis imaginem in iis etiam rebus, quæ sensu percipiuntur, cernere. Nam quemadmodum ferrum, admoto igni, ignem concipit, & quamuis eius substantia non mutetur, fit tamen, ut diuersum quippiam, nimirum ignis, esse uideatur: eodem modo, qui in cælestem illam gloriâ admissi sunt, Dei amore inflammati, ita afficiuntur, cum tamen id, quod sunt, esse non desinant, ut multo magis distare ab ijs, qui in hac uita sunt, merito dici possint, quâ ferrum candens ab eo, quod nullâ caloris uim in se cõtineat. Ut igitur rem paucis complectamur, summa

summa illa, & absoluta beatitudo, quam essentialem uocamus, in Dei possessione constituenda est. Quid enim ei ad perfectam felicitatem deesse potest, qui Deum optimum, & perfectissimum possidet? Verum ad illam tamen quædam accedunt ornamenta, omnibus beatis cõmunia; quæ quoniam ab humana ratione minus remota sunt, uehementius quoque animos nostros commouere, & excitare solent. Huius generis ea sunt, de quibus Apostolus ad Romanos uidetur intelligere: Gloria, & honor, & pax omni operanti bonum. *ad Rom. 2.* nã gloria quidem beati perfruentur, non illa solum, quam tandem essentialẽ beatitudinem, uel cum eius natura maxime coniunctam esse ostendimus: sed ea etiam, quæ constat ex clara, & aperta noticia, quam singuli de alterius eximia, & præstanti dignitate habituri sunt. *q. 1. m. 1.* At uero quantus ille honor existimandus est, qui eis a Domino tribuitur, cum non amplius serui, sed amici, fratres, ac filii Dei uocentur: quare ita electos suos amantissimis, & honorificentissimis uerbis saluator noster compellabit: Venite benedicti Patris mei, possidete paratum uobis regnum: ut merito liceat exclamare, Nimis honorificati sunt amici tui Deus. *Matt. 25. Psal. 138.* Sed laudibus etiam a Christo domino coram patre cælesti, & angelis eius celebrabuntur. Præterea, si hoc commune omnibus hominibus desiderium natura ingenuit honoris, qui a uiris sapientiæ præstantibus habeatur, quod eos locupletissimos uirtutis suæ testes fore existiment, quantum beatorum gloriæ accessurum putamus, quod aliud alium futurum honore prosequetur? Infinita esset omnium oblectationum enumeratio, quibus beatorum gloriâ cumulata erit, ac ne cogitatione quidem fingere eas possumus. Sed tamẽ hoc fidelibus persuasum esse debet, quæcumque nobis iucunda in hac uita contingere, uel etiam optari queant, siue ea ad mentis cognitionem, siue ad corporis perfectum habitum pertineat, earum rerum omnium copiis beatam cælestium uitam circumfluere: quamuis hoc altiore quodã modo, quam oculis uidit, aut auris audiuit, aut in cor hominis ascendit, fieri Apostolus affirmat. nam corpus quidem, quod antea crassum, & cõcretum erat, cum in cælo, detracta mortalitate, tenue, & spiritale effectum fuerit, nullis amplius alimentis indigebit: anima autem æterno gloriæ pabulo, quod magni illius conuiuii auctor transiens omnibus ministrabit, cum summa uoluptate exsaturabitur. Quis uero præteritas uestes, aut regales corporis ornatus desiderare poterit, ubi nullus harum rerum usus futurus sit, omnesque immortalitate, & splendore amicti; & sempiternæ gloriæ corona ornati erunt? Sed si ample

etiam,

- etiam, & magnificæ domus possessio ad humanam felicitatem pertinet; quid cælo ipso, quod Dei claritate undique collustratur, uel amplius, uel magnificentius cogitari potest? Quare Propheta, cum eius domicilij pulchritudinem sibi ante oculos poneret, & ad beatas illas
- Psal. 83.* sedes perueniendi cupiditate arderet, Quam dilecta, inquit, tabernacula tua Domino uirtutum: concupiscit, & deficit anima mea in atria Domini: cor meum, & caro mea exultauerunt in Deum uiuum. Atque, ut hic sit omnium fidelium animus, hæc communis omnium uox, quemadmodum Parochi uehementer optare, ita etiam omni
- Isa. 14.* studio curare debent. nam In domo patris mei, inquit Dominus, mansiones multæ sunt, in quibus maiora, & minora præmia, ut quisque promeritus erit, reddentur. Qui enim parce seminat, parce & metet; & qui seminat in benedictionibus, de benedictionibus & metet. Quare non solum ad eam beatitudinem fideles excitabunt, uerum etiam eius consequendæ certam rationem hanc esse frequenter monebunt, ut fide, & charitate instructi, & in oratione, & sacramentorum salutari usu perseverantes, ad omnia benignitatis officia in proximos se exercent: ita enim Dei inifericordia fiet, qui beatam illam gloriam diligentibus se præparauit, ut aliquando impleatur,
- Isa. 32.* quod dictum est per Prophetam: Sedebit populus meus in pulchritudine pacis, & in tabernaculis fiduciæ, & in requie opulenta.

DE SACRAMENTIS.

- ¶ OMNIS Christianæ doctrinæ pars Pastoris scientiam, diligentiamque desiderat: tum sacramentorum disciplina, quæ & Dei iussu necessaria, & utilitate uberrima est, Parochi facultatem, & industriam postulat singularem; ut eius accurata, ac frequenti perceptione fideles tales euadant, quibus præstantissimæ, ac sanctissimæ res digne & salutariter impertiri possint, & sacerdotes
- Matth. 7.* ab illa diuini interdicti regula non discedant: Nolite sanctum dare canibus, neque mittatis margaritas uestras ante porcos.

Principio igitur, quoniam uniuerse de toto genere sacramentorum agendum est, ab ipsius nominis ui, atque notionē oportet incipere, eiusque ambiguam significationem explanare; ut, quæ huius uerbi sententia hoc loco propria sit, facilius intelligatur. Quare docendi sunt fideles, sacramenti nomen, quod ad propositam rem attinet, aliter a profanis, quam a sacris scriptoribus, acceptum esse: nam alij auctores sacramenti nomine obligationem illam significari uoluerunt,

uoluerunt, cum iurati aliquo seruitutis uinculo obstringimur: ex quo iusiurandum, quo se milites fidelem operam reip. præstatu-
 pollicentur, sacramentum militare dictum est. atque hæc frequen-
 tissima huius uocabuli significatio apud illos uidetur fuisse. Verum
 apud Latinos patres, qui res diuinas scriptis tradiderunt, sacramen-
 ti nomē aliquam rem sacram, quæ in occulto latet, declarat: quem-
 admodum Græci, ad eandem rem significandam, mysterii uocabu-
 lo usi sunt. In eam uero sententiam sacramenti uocem accipiendam
 esse intelligimus, cum ad Ephesios scribitur: Vt notum faceret no-
 bis sacramentum uoluntatis suæ. Deinde ad Timotheum: Magnum
 est pietatis sacramentum. Præterea in libro sapientiæ: Nescierunt
 sacramenta Dei. Quibus in locis, & aliis multis, licet animaduerte-
 re, sacramentum nihil aliud, nisi rem sacram, abditam, atque occul-
 tam, significare. quare Latini doctores signa quædam sensibus sub-
 iecta, quæ gratiam, quam efficiunt, simul etiam declarant, ac uelu-
 ti ante oculos ponunt, sacramenta commode appellari posse existi-
 marunt. Quinquam, ut D. Gregorio placet, ob id sacramenta dici
 possunt, quod diuina uirtus sub rerum corporearum tegumentis oc-
 culte salutē efficiat. Nec uero quisquā putet hoc uocabulum nuper
 in Ecclesiā inductum esse. nam qui sanctos Hieronymū, & Augusti-
 num legerit; facile perspiciet, antiquos religionis nostræ scriptores
 ad eam, de qua loquimur, rem demonstrandā sæpiissime sacramenti
 nomine, interdū uero etiā Symboli, uel mystici signi, uel sacri signi
 uoce usos esse. Atque hæc de sacramēti nomine dicta sint: quod qui-
 dem ueteris etiā legis sacramentis cōuenit: de quibus nihil opus est
 Pastoribus præcepta tradere, cū ea euāgelii lege, & gratia sublata sint.
 Verum, præter nominis notionem, quæ hætenus declarata est;
 rei etiā uis, & natura diligenter inuestiganda, & quid sacramentum
 sit, fidelibus aperiendum est. Sacramenta enim ex genere earum re-
 rum esse, quibus salus & iustitia comparatur; dubitare nemo potest.
 Sed cum multæ rationes sint, quæ ad hanc rem explicandam aptæ, &
 accommodatæ uideantur, nulla tamen planius; & dilucidius eam
 demonstrat, quam definitio a D. Augustino tradita, quam deinde
 omnes doctores scholastici secuti sunt. Sacramentum, inquit ille,
 est signum rei sacræ; uel, ut alijs uerbis, in eandem tamen sententiā,
 dictum est, sacramentum est inuisibilis gratiæ uisibile signum; ad
 nostram iustificationem institutum. Quæ quidem definitio ut ima-
 gis pateat, singulæ eius partes Pastoribus exponendæ erunt. Atque in
 primis docere oportebit, rerum omnium, quæ sensibus percipiuntur,

*Ad Eph. 1.**1. ad Tim. 2.
Sap. 2.**D. Gregorius**De propri-
ni atque natu-
ra sacramēti.**D. August.**De sacramēto,
ut inueniatur
inueniatur
inueniatur*

duo esse genera. aliz enim ob id inuentæ sunt, ut aliquid significet: aliz non alterius rei significandæ, sed sua tantum causa effectæ sunt: quo in numero omnes pene res, quæ natura constant, haberi possunt. At uero in priori genere uocabula rerum, scriptura, uexilla, imagines, tubæ, & alia huiusmodi permulta ponenda sunt. nam si ex uoculis uim significandi detraxeris, sublata uideretur esse causa,

S. August.

quamobrem uocabula instituerentur. Hæc igitur signa proprie dicuntur. illud enim signum esse sanctus Augustinus testatur, quod præter rem, quam sensibus obijcit, efficit etiam, ut ex se alterius rei cognitionem capiamus: sicut ex uestigio, quod tetra impressum intruemur, transisse aliquem, cuius uestigium apparet, facile cognoscimus. Quæ cum ita se habeant, sacramentum ad hoc rerum genus, quæ significandi causa institutæ sunt, referti, perspicuum est: siquidem specie quadam, & similitudine id nobis declarat, quod Deus in animis nostris sua uirtute, quæ sensu percipi non potest, efficit. Baptismus enim, (ut, quod docetur, exemplo notius fiat) cum, adhibitis cettis, & solemnibus uerbis, aqua extrinsecus abluimur, hoc significat; spiritus sancti uirtute omnem peccati maculam, & turpitudinem interius elui, & animas nostras præclaro illo celestis iustitiæ dono augeri atque ornari: simulque ea corporis ablutio, ut postea suo loco explicabitur, illud in animo efficit, quod significat. Sed ex scripturis etiam aperte colligitur, sacramentum inter signa numerandum esse. Apostolus enim de circumcisione, ueteris legis sacramento, quæ Abraham patri omnium credentium data erat, ita ad Romanos scribit: Et signum accepit circumcisionis, signaculum iustitiæ fidei. Et alio loco, cum affirmat nos omnes, qui baptizati sumus in Christo Iesu, in morte ipsius baptizatos esse; licet cognoscere, baptismum huius rei significationem habere, nimirum, ut ait idem Apostolus, nos consепultos esse cum illo per baptismum in mortem. Neque uero parum proderit, si fidelis populus sacramenta ad signa pertinere intellexerit. ita enim fiet, ut, quæ illis significantur, continentur, atque efficiuntur, sancta, & augusta esse facilius sibi persuadeat; cognitaque eorum sanctitate, ad diuinam erga nos beneficentiam colendam, ac uenerandam imago excitetur.

*Sacramentum
esse rei sacra-
signum, quo
modo intelli-
gendum.
S. August.*

Sequitur nunc, ut uerba illa, R. I. SACRÆ, quæ est altera definitionis pars, explicentur. quod quidem ut commode fieri possit, paulo altius repetenda sunt, quæ de signorum uarietate S. Augustinus acute, & subtiliter disputauit. Quædam enim signa naturalia dicuntur, quæ præter se ipsa alterius rei noticiam (quod omnibus

signis

uim habet: ex quo sequitur, ut facile quiuis possit intelligere, imagines sanctorum, cruces, & alia id generis, quamuis sacrarum rerum signa sint, non ideo tamen sacramenta dicenda esse. Huius autem ueritatis doctrinam facile erit omnium sacramentorum exemplo comprobare, si, quod antea de baptismo admonuimus, cum dicebamus solemnem illam corporis ablutionem signum esse, & efficiëntiam habere rei sacræ, quæ interior spiritus sancti ui fieret, idem etiã in alijs sacramentis exercere aliquis uelit. Iam uero hisce mysticis signis, quæ a Deo instituta sunt, illud etiam præcipue conuenit, ut ex Domini institutione non unam aliquam rem, sed plures simul significent. Quod in singulis sacramentis licet cognoscere, quæ non solum sanctitatem, & iustitiam nostram, sed præterea duo alia cum ipsa sanctitate maxime coniuncta declarant, Christi scilicet redemptoris passionem, quæ sanctitatis causa est, & uitam æternam, celestemque beatitudinem, ad quam sanctitas nostra, tãquam ad finem, referri debet. Quod quidẽ cum in omnibus sacramētis perspicui possit, merito sacri doctores unicuique sacramentorum triplicem significandi uim inesse tradiderunt; tum quia alicuius rei præteritæ memoriam afferat; tum quia aliam præsentem iudicet, ac demonstret; tum quia aliam futuram prænunciet. Neque uero existimandum est, hoc ita ab illis doceri, ut etiam sanctarum scripturarum testimonio non probetur. nam cum Apostolus ait: Quicumque baptizati sumus in Christo Iesu, in morte ipsius baptizati sumus: plane ostendit, iccirco baptismum signum dicendum esse, quod Dominicæ passionis & mortis nos admoneat. Deinde cum inquit: Consepulti enim sumus cum illo per baptismum in mortem, ut, quo modo Christus surrexit a mortuis per gloriam patris, ita & nos in nouitate uitæ ambulemus: ex ijs uerbis perspicuum est, baptismum signum esse, quo cælestis gratia in nos infusa declaratur: cuius munere nobis datũ est, ut nouam uitã instituentes, omnia ueræ pietatis officia facile, & libenter animo exequamur. Postremo cum addit: Si enim complãtati facti sumus similitudini mortis eius, simul & resurrectionis erimus: apparet, baptismum uitæ etiam æternæ, quam per illum consecuturi sumus, non obscuram significationem dare. Sed præter hæc, quæ cõmemorauimus, uaria significandi genera, & rationes, sepe etiã cœnit, ut sacramentũ non unam tantum rem præsentem, sed plures demonstret, ac notet. Ad uero sanctissimum Eucharistiæ sacramentum intuentibus facile est intelligere, quo ueri corporis, & sanguinis Domini præsentia, necnon gratia, quã non impure sacra mysteria

ad Rom. 6.

ad Rom. 6.

sumentes percipiunt, designatur. Ex iis igitur, quæ dicta sunt, Pastoribus argumenta deesse non poterunt, quibus ostendant, quanta diuinitatis potentia, quot arcana miracula sacramentis nouæ legis insint; ut, ea summa cum religione colenda, & suscipienda esse, omnibus persuadeant.

Verum ad rectum sacramentorum usum docendum nihil accomodatius uideri potest, quam diligenter causas exponere, cur sacramenta institui oportuerit. Plures autem numerari solent: quarum prima est, humani ingenii imbecillitas. siquidem natura ita comparatum uidemus, ut ad earum rerum noticiam, quæ mente, atque intelligentiâ comprehensæ sunt, nisi per ea, quæ aliquo sensu percipiuntur, nemini adspirare liceat. Vt igitur, quæ occulta Dei uirtute efficiuntur, facilius intelligere possemus, idem summus rerum omnium artifex sapientissime fecit, ut eam ipsam uirtutem aliquibus signis, quæ sub sensum cadunt, pro sua in nos benignitate declararet. nam ut præclare a sancto Chrysostomo dictum est: Si homo corporis *concrecione* caruisset, nuda ipsa bona, neque ullis integumentis inuoluta ei oblata essent: quoniam uero anima corpori coniuncta est, omnino opus fuit, ut rerum, quæ sentiuntur, adminiculo ad ea intelligenda uteretur. Altera uero causa est, quod animus noster haud facile commouetur ad ea, quæ nobis promittuntur, credenda. Quare Deus a mûdi exordio, quæ facere instituerat, uerbis quidem frequentissime indicare consuevit; interdum uero, cum opus aliquod institueret, cuius magnitudo promissi fidem abrogare posset, *scemare, togliere.* alia etiam signa, quæ nonnumquam miraculi speciem haberet, uerbis adiunxit. nam cum Deus Moysen ad Israelitici populi liberationem mitteret; ille uero, ne Dei quidem præcipientis auxilio fretus, timeret, ne onus sibi grauius imponeretur, quam ut sustinere posset, aut ne populus diuinis oraculis, & dictis fidem non adiungeret; Dominus promissionem suam multa signorum uarietate firmavit. *Exod. 3.* Quemadmodum igitur in ueteri testamento Deus fecerat, ut magni alicuius promissi constantiam signis testificaretur: ita etiam in noua lege Christus, saluator noster, cum nobis peccatorum ueniâ, cælestem gratiam, spiritus sancti communicationem pollicitus est, quædam signa oculis, & sensibus subiecta instituit, quibus cum quasi pignoribus obligatum haberemus, atque ita fidelem in promissis futurum dubitare numquam possemus. *Exod. 4.*

Tertia causa fuit, ut illa tamquam remedia, ut scribit sanctus Ambrosius, atque euangelici Samaritani medicamenta ad animarum sa-

Sacramenta, præsertim legis euangelica, cur instituta.

s. Chrysost. compositione, composita, à-mikroze.

Exod. 3.

Exod. 4.

nitatem uel recuperandam, uel tuendam præsto essent. Virtutem enim, quæ ex passione Christi manat, hoc est gratiam, quam ille nobis in ara crucis meruit, per sacramenta, quasi per alueum quædam, in nos ipsos deriuare oportet. aliter uero nemini ulla salutis spes reliqua esse poterit. Quare clementissimus Dominus sacramenta uerbo suo, & promissione sancita relinquere in Ecclesia uoluit, per quæ passionis suæ fructum nobis re ipsa communicari sine dubitatione crederemus; si modo unusquisque nostrum ad se eam curationem pete, & religiose ad moueret.

D. August.

Sed quarta etiam causa accedit, cur sacramentorum institutio necessaria uideri possit; ut scilicet notæ quædā, & symbola essent, quibus fideles internoscerentur, cum præserim nullus hominum cœtus queat, ut etiam a D. Augustino traditum est, siue ueræ, siue falsæ religionis nomine quasi unum corpus coagmentari, nisi aliquo uisibilem signorum fœdere coniungantur. Vtrumque igitur præstant nouæ legis sacramenta, quæ & Christianæ fidei cultores ab infidelibus distinguunt, & ipsos fideles sancto quodam uinculo inter se connectunt.

ad Rom. 10.

Præterea, aliam etiam iustissimam fuisse causam sacramenta instituendi, ex illis Apostoli uerbis, Corde creditur ad iustitiam, ore autem confessio fit ad salutem, ostendi potest. Sacramentis enim fidem nostram in hominum cōspectu profiteri, & notam facere uidemur. Quare ad baptismum accedentes, palam restamus, nos credere, eius aquæ uirtute, qua in sacramento abluimur, spiritualement animæ purificationem fieri. Magnam deinde uim habent sacramenta non solum ad fidem in animis nostris excitandam, & exercendam, sed etiam eam charitatem inflammandam, qua amare inter nos debemus, cum, arctissimo nos uinculo colligatos, & unius corporis membra effectos esse, ex sacrorum mysteriorum cōmunionem, recordamur. Postremo, quod in Christianæ pietatis studio plurimi faciendum est, humanæ mentis superbiam edomant, ac comprimunt, nosque ad humilitatem exercent; dum sensibilibus elementis subijcere nos cogimur, ut Deo obtemperemus, a quo antea impie defeceramus, ut mundi elementis seruiremus. Hæc sunt, quæ potissimum de sacramenti nomine, natura, institutione, fideli populo tradenda esse uisa sunt: quæ posteaquam a Pastoribus accurate exposita fuerint, docere deinceps oportebit, quibus ex rebus singula sacramenta cōstent, quæue sint illorum partes, ac præterea qui ritus, & cærimoniarum additæ illis fuerint.

Primum

Primum igitur explicandum est, rem sensibilem, quæ supra in sacramenti definitione posita est, non unam tantum esse, quamvis unum signum constitui credendum sit. Duo enim sunt, ex quibus quodlibet sacramentum cõstituitur: quorum alterum materiæ rationem habet, atque elementum dicitur: alterum formæ uim, & uerbum communi uocabulo appellatur: sic enim a Patribus accepimus: quæ in re notum est, atque apud omnes peruulgatum illud sancti Augustini testimonium: Accedit uerbum ad elementum, & fit sacramentum. *S. Aug.* Rei igitur sensibilis nomine tum materiam, siue elementum intelligunt, ut in sacramento baptismi aquam, confirmationis chrismam, & extremæ unctionis oleum, quæ omnia sub aspectum cadunt; tum præterea uerba, quæ formæ rationem habent, atque ad aurium sensum pertinent. Apostolus uero utrumque aperte indicauit, cum inquit: Christus dilexit Ecclesiam, & se ipsum tradidit pro ea, ut illam sanctificaret, mundans eam lauacro aquæ in uerbo uitæ. *Ad Eph. 5.* Quo in loco materia, & forma sacramenti exprimitur. Ad denda autem erant uerba ad materiam, ut apertior, clariorque rei, quæ gerebatur, significatio fieret. Verba enim inter omnia signa maximam uim habere perspicuum est: ac, si ipsa desint, plane obscurum erit, quidnam materia sacramentorum designet, ac demonstret, nam, ut in baptismo licet uidere, cum aqua non minus refrigerandi, quam abluendi uim habeat, & utriusque rei symbolum esse possit; nisi uerba addantur, utrum horum in baptismo significet, aliquis fortasse coniectura aliqua dijudicabit; nemo autem ea de re quippiã certi affirmare audebit: ac cum uerba adhibentur, statim intelligimus, abluendi uim, & significationem habere.

In hoc autem nostra sacramenta antiquæ legis sacramentis plurimum præstant, quod in illis administrandis nulla, quod quidem acceperimus, definita forma seruaretur; quo etiam fiebat, ut incerta admodum, & obscura essent: nostra uero formæ uerborum ita præscriptam habent, ut, si forte ab ea discedatur, sacramenti ratio constare nõ possit: ob eamque rem clarissima sunt, ac nullũ relinquunt dubitandi locum. Hæ igitur sunt partes, quæ ad naturam, & substantiam sacramentorum pertinent, & ex quibus unumquodque sacramentum necessario cõstituitur. His accedunt cærimoniæ: quæ tamen prætermitti sine peccato non possunt, nisi aliud facere ipsa necessitas cogat; tamen, si quando omittantur, quoniam rei naturam non attingunt, nihil de uera sacramenti ratione imminui credendum est. Ac merito quidem a primis usque Ecclesiæ temporibus

illud semper seruatum est, ut sacramenta solemnibus quibusdam cærimonijs ministrarentur. Primum enim maxime decuit, sacris mysterijs eum religionis cultum tribuere, ut sancta sancti tractare uideremur. præterea, quæ sacramento efficiuntur, cærimoniæ ipsæ magis declarant, ac ueluti ante oculos ponunt, & earum rerum sanctitatem in animos fidelium altius imprimunt. Deinde uero mentes illorum; qui eas intuentur, & diligenter obseruant, ad sublimium rerum cogitationem erigunt, fidemque in eis, & charitatem excitant: quo maior cura, & diligentia adhibenda erit, ut fideles uim cærimoniarum, quibus singula sacramenta conficiuntur, cognitam, & perspectam habeant.

De necessitate, numero, & utilitate sacramentorum.

Sequitur, ut sacramentorum etiam numerus explicetur. quæ quidem cognitio hanc utilitatem affert, quod populus eo maiori pietate omnes animi sui uires ad laudandam, & prædicandam Dei erga nos singularem beneficentiam conuerter, quo plura salutis, ac beatæ uitæ adiumenta nobis diuinitus parata esse intellexerit. Catholica igitur Ecclesiæ sacramenta, quemadmodum ex scripturis probatur, & Patrum traditione ad nos peruenit, & Conciliorum testatur auctoritas, septenario numero definita sunt. Cur autem neque plura, neque pauciora numerentur, ex iis etiam rebus, quæ per similitudinem a naturali uita ad spiritualem transferuntur, probabili quadam ratione ostendi poterit. Homini enim ad uiuendum, uitamque conseruandam, & ex sua, reiue publicæ utilitate traducendam, hæc septem necessaria uidentur; ut scilicet in lucem edarur, augeatur, alatur; si in morbum incidat, sanetur; imbecillitas uirgū reficiatur; deinde, quod ad remp. attinet, ut magistratus nūquam desint, quorum auctoritare, & imperio regatur; ac postremo, legitima sobolis propagatione se ipsum & humanum genus conseruet. Quæ omnia quoniam uitæ illi, qua anima Deo uiuit, respondere satis apparet, ex iis facile sacramentorum numerus colligetur. Primus enim est Baptismus, ueluti ceterorum ianua, quo Christo renascimur; deinde Confirmatio; cuius uirtute fit, ut diuina gratia augeamur, & roboreremur. baptizatis enim iam apostolis, ut D. Augustinus testatur, inquit Dominus, Sedete in ciuitate, donec induamini uirtute ex alto. Tum Eucharistia, qua, tamquam cibo uere cælesti, spiritus noster alitur, & sustinetur. de ea enim dictum est a Salvatore: Caro mea uere est cibus, & sanguis meus uere est potus. Sequitur quarto loco Pœnitentia, cuius ope sanitas amissa restituitur, postquam peccati uulnera accepimus. Postea uero extrema Unctio, qua peccatorū reliquæ tolluntur,

D. August.

Luc. 24.

1. Tim. 6.

tolluntur, & animi uirtutes recreantur: siquidem D. Iacobus, cum de hoc sacramento loqueretur, ita testatus est: Et si in peccatis sit, remittentur ei. Sequitur Ordo, quo publica sacramentorum ministeria perpetuo in Ecclesia exercendi, sacrasque omnes functiones exequendi potestas traditur. Postremo additur Matrimonium, ut ex maris & feminae legitima, & sancta coniunctione filij ad Dei cultum, & humani generis conseruationem procreentur, & religiose educentur. *Iacob. 5.*

• Illud uero maxime animaduertendum est, quamuis omnia sacramenta diuinam, & admirabilem uirtutem in se contineant, tamen non parem omnia, & æqualem necessitatem, aut dignitatem, aut unam, eandemque significandi uim habere. Atque ex iis tria sunt, quæ tametsi non eadem ratione, tamen præ ceteris necessaria dicuntur. baptismum enim unicuique sine ulla adiunctione necessarium esse, Saluator his uerbis declarauit: Nisi quis renatus fuerit ex aqua, & spiritu, non potest introire in regnum Dei. Pœnitentia uero illis tantummodo necessaria est, qui se post baptismum aliquo mortali peccato obstrinxerunt. neque enim æternum exitium effugere poterunt, nisi eos admissi peccati rite pœnituerit. Ordo præterea, etsi non singulis fidelibus, toti tamen Ecclesiæ omnino necessarius est. Verum si dignitas in sacramentis spectetur, Eucharistia sanctitate, & mysteriorum numero, ac magnitudine longe ceteris antecellit. quæ omnia facilius intelligentur, cum suo loco ea, quæ ad singula sacramenta pertinent, explicabuntur. Deinceps uidebimus, a quo hæc sacra, & diuina mysteria acceperimus: neque enim dubitandum est; quin præclari alicuius muneris dignitas, eius, a quo donum ipsum profectum est, dignitate, & præstantia quam maxime augeatur. Sed ea quæstio difficilem explicationē habere nō potest. Nam cum Deus sit, qui homines iustos efficiat; ipsa uero sacramenta iustitiæ adipiscendæ mirifica quædā instrumenta sint: patet, unum eundeq. Deum in Christo iustificationis & sacramentorum auctorem agnoscendū esse. Præterea, sacramenta eam uini, & efficientiā continent, quæ ad intimam animā penetrat. Cum uero unius Dei potetia proprium sit, in corda & mentes hominū illabi; ex hoc etiā perspicitur, sacramenta a Deo ipso per Christum instituta esse; quæadmodum, ab eo quoque intus dispensari, certa, & cōstanti fide tenendum est. hoc enim testimonium de illo se accepisse S. Iōānes affirmat, cum ait: Qui misit me baptizare in aqua, ille mihi dixit; super quē uideris spiritū descendentem, & manentem super eum; hic est, qui baptizat in spiritu sancto. *Iocn. 1.*

Sed

Sed quamuis Deus sacramentorum auctor, & dispensator sit, ea tamen non per angelos, uerum per homines ministrari in Ecclesia uoluit. non minus enim ministrorum officio, quam materia, & forma, ad sacramenta conficienda opus esse, perpetua sanctorum Patrum traditione confirmatum est. Atque hi quidem ministri, quoniam in sacra illa functione non suam, sed Christi personam gerunt, ea refit, ut, siue boni, siue mali sint, modo ea forma, & materia utantur, quam ex Christi instituto semper Ecclesia catholica seruauit, idque facere proponat, quod Ecclesia in ea administratione facit, uere sacramenta conficiant, & conferant: ita ut gratiae fructum nulla res impedire possit, nisi, qui ea suscipiunt, se ipsos tanto bono fraudare, & spiritui sancto uelint obfistete. Hanc uero in Ecclesia certam, &

3. Aug. 1. exploratam sententiam semper fuisse, sanctus Augustinus in ijs disputationibus, quas aduersus Donatistas conscripsit, clarissime demonstrauit. Quod si etiam scripturae testimonia quaerimus, ipsum

1. ad Cor. 3. Apostolum, his uerbis loquentem, audiamus: Ego, inquit, plantauit, Apollo rigauit: sed Deus incrementum dedit: neque enim qui plantat, est aliquid, neque qui rigat, sed qui incrementum dat Deus. ex quo loco satis intelligitur, quemadmodum arboribus nihil obest eorum improbitas, quorum manusatae sunt; ita nihil uitii aliena culpa contrahi illis posse, qui malorum hominum ministerio Christo insiti sunt. Quare, ut ex D. Ioannis euangelio sancti Patres nostri docuerunt, Iudas etiam Iscariotes plures baptizauit: ex quibus tamen neminem

D. Aug. 1. iterum baptizatum fuisse legimus: ita ut praeclare D. Augustinus scriptum reliquerit: Dedit baptismum Iudas, & non baptizatum est post Iudam: dedit Ioannes, & baptizatum est post Ioannem: quia; si datum est a Iuda, baptismus Christi erat: quod autem a Ioanne datum est;

Mat. 19. Ioannis erat: non Iudam Ioanni, sed baptismum Christi etiam per Iudae manus datum, baptismo Ioannis, etiam per manus Ioannis dato, recte praepo-
nimus.

*Sacramenta
noua legis
pura conscientia
ministrare,
quam per
neciosum
ipsum
ministri:
de eorum
effici.*

Neque uero Pastores, alijue sacramentorum ministri; cum haec audiunt, satis sibi esse arbitrentur, si, posthabita morum integritate, ac conscientiae munditia, illud tantum cogitent, quo modo sacramenta ab illis rite ministrentur. id enim etiam diligenter curandum est; in hoc tamen omnia, quae ad eam functionem pertinent, posita non sunt. Meminisse autem semper debent, sacramenta diuinam quidem uirtutem, quae illis inest, numquam amittere, ac uero impure ea ministrantibus aeternam perniciem, & mortem asferre. Sancta enim, quod semel atque iterum ac sepius admonere oportet, sancte, & religiose

& religiose tractanda sunt. Peccatori, ut est apud Prophetam, dixit *Isal. 49.* Deus: Quare tu enarras iustitias meas, & assumis testamentum meum per os tuum? tu uero odisti disciplinam. Quod si homini peccatis contaminato minus licet de rebus diuinis agere: quantum ab eo scelus concipi existimandum erit, qui sibi multorum scelerum cōsciū est, nec tamen sacra mysteria polluto ore conficere, uel in fixas manus sumere, contrēctare, atque aliis porrigere, & ministrare uereatur? cum præsertim apud sanctum Dionysium scriptum sit, malis *S. Dionysius* symbola (ita enim sacramenta appellat) ne contingere quidem permisum esse. Sanctitatem igitur sacrarum rerum ministri in primis sectentur, pure ad sacramenta ministranda accedant, atque ita se ad pietatem exercent, ut ex eorum frequenti tractatione, & usu, uberiorē in dies gratiam, adiuuante Deo, consequantur.

Sed iam, his rebus explicatis, docendum erit, quinam sacramentorum effectus sit: id enim sacramēti definitioni, quæ supra tradita est, non parū lucis allaturum uidetur. ii autē duo præcipue numerantur. Ac principem quidē locum merito gratia illa obtinet, quam usitato a sacris doctoribus nomine iustificantem uocamus. ita enim Apostolus apertissime nos docuit, cum inquit: Christum dilexisse Ecclesiā, *Ad Eph. 5.* & se ipsum tradidisse pro ea, ut illam sanctificaret, mundās eam lauacro aquæ in uerbo. Quo autem pacto tanta res, & tam admirabilis per sacramentum efficiatur, ut, quemadmodum sancti Augustini sententia celebratum est, Aqua corpus abluat, & contangat; id quidem humana ratione, atque intelligentia comprehendere non potest. Constitutum enim esse debet, nullam rem sensibili suapte natura ea ui præditam esse, ut penetrare ad animam queat. At fidei lumine cognoscimus, omnipotentis Dei uirtutem in sacramentis inesse, qua id efficiant, quod sua ui res ipsæ naturales præstare non possunt. Quocirca, ne ulla umquam huius effectus dubitatio in animis fidelium resideret, cum ministrari sacramenta cœptum est, uoluit clementissimus Deus, quid illa interius efficerent, miraculorū significationibus declarare, ut eadem perpetuo interius fieri constantissime credēremus; quamuis longe a nostris sensibus remota essent. Itaque, ut omittamus, Saluatorem nostrum in Iordane baptizato, celos apertos esse, & spiritum sanctum columbæ specie apparuisse; ut admoneremur, eius gratiam cum salutarī fonte abluimur, in animam nostram infundī: ut hoc inquam omittamus, (magis enim ad baptismi sanctificationem, quam sacramenti administrationem pertinet) nonne legimus, cum Pentecostes die apostoli spiritum sanctum acceperunt, quo *Matth. 3.*
Mar. 1.
Luc. 3. deinde

deinde ad prædicandam fidei ueritatem, adeundaque pro Christi gloria pericula alacriores, & fortiores fuerunt, tunc, facto repente de cælo sonitu, tamquam aduenientis spiritus uehementis, apparuisse illis dispersitas linguas quasi ignis? ex quo intellectum est, sacramento confirmationis eundem nobis spiritum tribui, easque uires addi, quibus possimus carni, mundo, & Satanæ, perpetuis scilicet hostibus nostris, fortiter repugnare, & resistere. Atque hæc miracula, quoties apostoli sacramenta ista ministrarent, initio nascentis Ecclesiæ aliquandiu uisa sunt, donec, firmata iam fide, & corroborata, fieri desierunt.

De excellentia sacramentorum nouæ legis ad uetera comparatorum: et de Characteribus.

Ex iis igitur, quæ de priori sacramentorum effectu, gratia scilicet iustificante, demonstrata sunt, illud etiam plane constat, excellentiorem, & præstantiorem uim sacramētis nouæ legis inesse, quam olim ueteris legis sacramenta habuerunt: quæ cum infirma essent, egenaque elementa, inquinatos sanctificabant ad emundationem carnis, non animæ. quare, ut signa tantum earum rerum, quæ mysteriorum nostris efficienda essent, instituta sunt. At uero sacramenta nouæ legis ex Christi latere manantia, qui per spiritum sanctum semetipsum obrulit immaculatum Deo, emundant cōscientiam nostram ab operibus mortuis ad seruiendum Deo uiuenti, atque ita eam gratiam, quam significant, Christi sanguinis uirtute operantur. Quocirca si ea cum antiquis sacramentis cōferamus, præterquam quod plus efficaciam habent, & utilitate uberiora, & sanctitate augustiora esse inueniuntur. Alter uero sacramentorum effectus non quidem omnibus cōmunis, sed trium tantummodo proprius, baptismi, confirmationis, & ordinis sacri, est character, quem animæ imprimunt;

Ad Heb. 9.

nam cum Apostolus ait: Vixit nos Deus, qui & signauit nos, & dedit pignus spiritus in cordibus nostris; uoce illa, Signauit, non obscure characterem descripsit; cuius proprium est, aliquid signare, & notare. Est autem character ueluti insigne quoddam animæ impressum, quod deleri numquam potest, ei que perpetuo inhærēt: de quo

2. ad Cor. 1.

ita apud sanctum Augustinum scriptum est. An minus forte sacramenta Christiana, quam corporalis hæc nota, qua scilicet miles insignitur, poterunt? illa namque militi, ad militiam, quam deseruisset, reuertenti, non noua imprimitur, sed antiqua cognoscitur, & approbatur. Iam uero character hoc præstat, tum ut apre ad aliquid sacri suscipiendum uel peragendum efficiamur, tum ut aliqua nota alter ab altero internoscatur. Ac baptismi quidē characterē utrūque

D. August.

consequimur, ut ad alia sacramenta percipienda reddamur idonei,

& eo propterea fidelis populus a gentibus, quæ fidem non colunt, distinguatur. Idem autem in charactere confirmationis, & sacri ordinis licet cognoscere: quorum altero ueluti Christi milites ad eius nomini publicam confessionem, & propugnationem, ac contra infirum nobis hostem, & spiritualia nequitæ in cælestibus armamur, atque instruimur, simulque ab iis, qui nuper baptizati, tamquã modo geniti infantes sunt, discernimur: alter uero tum potestatem sacramenta conficiendi, & ministrandi coniunctam habet, tum corû, qui eiusmodi potestate præditi sunt, a reliquo fidelium cœtu distinctionem ostendit. Tenenda igitur est catholicæ Ecclesiæ regula, qua docemur, tria hæc sacramenta characterem imprimere, neque ullumquam tempore iteranda esse.

Hæc sunt, quæ generatim de sacramentis tradêda erunt; in cuius argumenti explicatione, Pastores duo potissimum efficere omnistudio conentur. Primum est, ut fideles intelligant, quanto honore, & cultu, & ueneratione hæc diuina, & cælestia munera digna sint: alterum uero, ut, quoniam a clemētissimo Deo ad cõmunem omnium salutẽ propozita sunt, iis pie & religiose utantur, atque ita Christianæ perfectionis desiderio exardescant, ut, si pænitentia præsertim & Eucharistia saluberrimo usu aliquãdiu careant, plurimum damni se fecisse existiment. Hæc autem facile Pastores assequi poterunt, si, quæ de sacramentorum diuinitate, & fructu supra dicta sunt, auribus fidelium sæpius inculcabû, primum a Domino, saluatore nostro, a quo nihil nisi perfectissimum proficisci potest, instituta esse: præterea, cû ministrantur, spiritus sancti intima cordis nostri permeatis efficacissimum numen præsto esse: deinde, admirabili, & certa curandarum animarum uirtute prædita esse: tum, per ea inmensas illas Domini-cæ passionis diuitias ad nos deriuari. Postremo uero ostendent, totû Christianum ædificium firmissimo quidem lapidis angularis fundamento inniti, uerum, nisi uerbi Dei prædicatione, & sacramentorû usu undique fulciatur, magnopere uerendum esse, ne magna ex parte labefactatum concidat. ut enim per sacramenta in uitam suscipimur: ita hoc ueluti pabulo alimur, conseruamur, augemur.

DE BAPTISMI SACRAMENTO.

Ex his quidẽ, quæ hætenus de sacramētis uniuerse tradita sunt, cognosci potest, quã necessarium sit ad Christianæ religionis uel doctrinam percipiendam, uel pietatem exercendam, ea intelligere, quæ

K

de illorum

de illorum singulis credenda catholica Ecclesia proponit: sed, si quis diligentius Apostolum legerit, sine dubitatione ita statuet, perfectā baptismi cognitionē a fidelibus magnopere requiri: adeo nō solū frequēter, sed grauibz uerbis, & spiritu Dei plenis eius mysterii memoriam renouat, diuinitatem commēdat, atque in eo redēptoris nostri mortem, sepulturam, & resurrectionem nobis ante oculos tum ad contemplandum, tum ad imitandum cōstituit. Quare Pastores numquam se satis multam operam, & studium in huius sacramenti tractatione collocasse arbitrētur: uerum, prāter eos dies, in quibus more maiorum diuina baptismi mysteria potissimum explanāda essent in sabbato magnō Paschæ, & Pentecostes, quo tempore Ecclesia summa cum religione, maximisque cārimoniis hoc sacramentum celebrare consueuerāt, aliis etiam diebus occasionem capient de hoc argumento differendi. Atque illud in primis tempus maxime opportu- num ad eam rem uideri poterit, si interdum, cum baptismus alicui ministrandus sit, fidelis populi multitudinem cōuenisse animadu- terint. tūc enim facilius multo erit, si minus liceat omnia capita, quæ ad hoc sacramētum attinent, persequi, unum saltem, aut alterum docere, cum fideles earum rerum doctrinam, quā auribus percipiunt, simul etiam sacris baptismi cārimoniis expressam uident, pioque & attento animo contemplantur. Ex quo deinde fiet, ut unusquisque, ijs rebus admonitus, quæ in alio geri uideat, secum recordetur, quæ se spōsione Deo obligauerit, cū baptismo initiatus est; simulq. illud cogitet, an uita, & moribus talem se prābeat, qualem ipsa Christiani nominis professio pollicetur. Vt igitur, quæ docēda erunt, dilucide exponantur; quænam sit baptismi natura, & substātia, aperiendū est; si prius tamen ipsius uocis significatio explicetur. Ac baptismus quidem græcum esse nomē nemo ignorat: quod etsi in sacris litteris nō solum eam ablutionem, quæ cum sacramento coniuncta est, sed etiā omne ablutionis genus, quod aliquando ad passionem translātū est, significat; tamen apud Ecclesiæ scriptores nō quamuis corporis ablutionem declarat, sed eam, quæ cum sacramento coniungitur, nec sine præscripta uerborum forma ministratur. qua quidem significatione Apostoli ex Christi domini instituto frequentissime usi sunt. Alia quoque nomina ad eandem rem significandam sancti Patres usurparunt. Sacramentum enim fidei appellari, quod illud suscipientes, uniuersam Christianæ religionis fidem profiteantur, D. Augustinus testatur. Alii uero, quia fide corda nostra illuminantur, quam in baptismo profitentur, hoc sacramētū illuminationem uocarūt.

Nam

nam & Apostolus ita inquit: Rememoramini pristinos dies, in quibus illuminati magnum certamen sustinuistis passionum: tempus nimirum, quo baptizati erant, significans. Chrysostomus præterea in oratione, quam ad baptizatos habuit, tum expurgationem, quia per baptismum expurgamus uetus fermentum, ut simus noua conspersio, tum sepulturam, tum plantationem, tum crucem Christi nominat: quarum omnium appellationum causam ex epistola ad Romanos scripta licet colligere. Cur autem D. Dionysius principium sanctissimorum mandatorum uocauerit, perspicuum est; cum hoc sacramentum ueluti ianua sit, qua in Christianæ uitæ societatem ingredimur, atque ab eo diuinis præceptis obtemperandi initium facimus. Atque hæc de nomine breuiter exponenda erunt.

Quod autem ad rei definitionem attinet, etsi multæ ex sacris scriptoribus afferri possunt, illa tamen aptior, & commodior esse uideatur, quam ex uerbis Domini apud Ioannem, & Apostoli ad Ephesios licet intelligere. nam cum Saluator dicat: Nisi quis renatus fuerit ex aqua, & spiritu, non potest introire in regnum Dei: & Apostolus, cum de Ecclesia loqueretur; Mundans eam lauacro aquæ in uerbo: ita fit ut recte, & apposite definiatur, baptismum esse sacramentum regenerationis per aquam in uerbo. Natura enim ex Adam filii iræ nascimur, per baptismum uero in Christo filij misericordiæ renascimur: siquidem dedit hominibus potestatem filios Dei fieri, iis, qui credunt in nomine eius, qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt. Sed quibuscumque tandem uerbis, baptismi naturâ explicari contigerit, docendus erit populus, hoc sacramentū confici ablutione, cui ex Domini saluatoris instituto certa, & solemnia uerba necessario adhibentur, quemadmodum semper sancti Pastres docuerunt. quod apertissimo illo D. Augustini testimonio demonstratur: Accedit uerbum ad elementum, & fit sacramentum. Id uero eo diligētius monere oportebit, ne forte fideles in eū errorem inducantur, ut existiment, quod uulgo dici solitum est, aquam ipsam, quæ ad cōficiendum baptismū in sacro fonte asseruatur, sacramentum esse. tunc enim sacramentum baptismi dicendum est, cum aqua ad abluendum aliquem, additis uerbis, quæ a Domino instituta sunt, re ipsa utimur. Iam uero, quoniam singula sacramenta ex materia, & forma cōstitui initio diximus, cum generatim de omnibus sacramētis ageretur, iccirco, quæ utraque sit in baptismo, a Pastoribus declarandum erit. Materiam igitur, siue elementum huius sacramenti, esse omne naturalis aquæ genus,

*ad Hebr. 10.**S. Chrysost.**S. Dionysius.**Baptismi pro
sacramento
sumpti defi-
nito, mate-
ria, forma,
effectus.**Ioan. 1.**D. Augusti.*

siue ea maris sit, siue fluvii, siue paludis, siue putei, aut fontis, quæ sine ulla adiunctione aqua dici solet. nam & Saluator docuit: Nisi

- Ioan. 3.* quis renatus fuerit ex aqua, & spiritu, non potest introire in regnum Dei. & Apostolus inquit; Ecclesiam lauacro aquæ mundatam esse. Et in beati Ioannis epistola scriptum legimus: Tres sunt, qui testimonium dant in terra, spiritus, aqua, & sanguis. Quod etiã aliis sacrarum litterarum testimoniis comprobatur. Quod uero a Ioanne Baptista dictum est, uenturum esse Dominum, qui baptizaret in spiritu sancto, & igne; id quidem nullo modo de baptismi materia intelligendum est: sed uel ad intimum spiritus sancti effectum, uel certe ad miraculum referri debet, quod die Pentecostes apparuit, cum spiritus sanctus e cælo in apostolos ignis specie delapsus est: de quo alio loco Christus dominus noster prædixit; Ioannes quidem baptizauit aqua: uos autem baptizabimini spiritu sancto non post multos hos dies.

Figura, & prophetia antiqua baptismi.

- Gen. 6.* Verum idem quoque a Domino tum figuris, tum prophetarum oraculis significatum esse, ex diuinis scripturis animaduertimus. Diluuium enim, quo mundus purgatus est, quod multa malitia hominum esset in terra, & cuncta cogitatio cordis intenta esset ad malum, huius aquæ figuram, & similitudinem gessisse, apostolorum Princeps in priori epistola ostendit. Et maris rubri trãsitum eiusdem aquæ significationem habuisse, D. Paulus, ad Corinthios scribens, exposuit. ut interm. omittamus tum Naaman Syri ablutionem, tum probaticæ piscinæ admirabilem uim, & alia id genus multa, in quibus huius mysterii symbolum inesse facile apparet. De prædictionibus autem dubitare nemo potest, quin aquæ illæ, ad quas tam liberaliter Isaias propheta omnes sitientes inuitat, uel quas e tẽplo egrediens Ezechiel in spiritu uidit: tum præterea fons ille, quem domui Dauid habitantibus Hierusalem paratum in ablutionem peccatoris, & menstruatæ Zacharias prænuñciauit, ad salutarem baptismi aquam indicandam, atque exprimendam pertineant. Quantũ uero baptismi naturæ, & uirtuti consentaneum fuerit, ut eius propria materia aqua institueretur, pluribus quidem rationibus D. Hieronymus ad Oceanum scribens demonstrauit. Sed quod ad hunc locum attinet, Pastores docete in primis poterunt, quoniam hoc sacramentum omnibus sine ulla exceptione ad consequendam uitam necessarium erat, ideoque aquæ materiam, quæ nunquam non præsto est, atque ab omnibus facile parari potest, maxime idoneam fuisse. Deinde aqua effectum baptismi maxime significat. ut enim
- aqua

aqua sordes abluir, ita etiam baptismi uim, atque efficientiam, quo peccatorum maculae eluuntur, optime demonstrat. Accedit illud, quod, quemadmodum aqua refrigerandis corporibus aptissima est, sic baptismi cupiditatum ardor magna ex parte restinguitur. Illud uero animaduertendum est, quamuis aqua simplex, quæ nihil aliud admistum habet, materia apta sit ad hoc sacramentum conficiendum, quoties scilicet baptismi ministrandi necessitas incidat, tamen ex apostolorum traditione semper in catholica Ecclesia obseruatum esse, ut, cum solemnibus caerimoniis baptismus conficitur, sacrum etiam chrisma addatur, quo baptismi effectum magis declarari perspicuum est. Docendus quoque erit populus; & si aliquando incertum esse potest, utrum hæc an illa uera aqua sit, qualem sacramenti perfectio requirat; hoc tamen pro certo habendum esse, numquam ex alia materia, quam ex aquæ naturalis liquore, baptismi sacramentum ulla ratione confici posse.

Sed duarum partium, ex quibus baptismus constare debet, postquam altera, hoc est materia, diligenter explicata fuerit, studebunt Pastores eadem diligentia formam etiam tradere, quæ est altera eius pars maxime necessaria. In huius autem sacramenti explicatione, eo maiori cura, & studio elaborandum putabunt, quod tam sancti mysterij notitia non solum sua sponte fideles uehementer delectare potest, quod quidem in omni diuinarum rerum scientia communiter euenit, uerum etiam ad usus fere quotidianos summopere expetenda est. Cum enim sæpe incidant tempora, quemadmodum suo loco planius dicetur, in quibus tum ab alijs de populo, tum sæpissime a mulierculis baptismum ministrari oporteat; ita sit, ut promiscue omnibus fidelibus ea, quæ ad huius sacramenti substantiam pertinent, cognita, & perspecta esse debeant. Quare dilucidis, & apertis uerbis, quæ facile percipi ab omnibus possint, Pastores docebunt, hanc esse perfectam & absolutam baptismi firmam, Ego te baptizo in nomine patris, & filii, & spiritus sancti. Ita enim a Domino, & Salvatore nostro traditum est, cum apostolis apud

Quæ sit necessaria forma baptismi cognosco.

Matth. 28.

oportebat; ideo illud pronomen, *TE*, & distincta diuinarum personarum nomina adduntur, ut absoluta sacramenti forma iis uerbis concludatur, quæ modo exposita sunt, Ego te baptizo in nomine patris, & filii, & spiritus sancti. Neque enim sola filii persona, de quo *Ioh. 1.* a Ioanne scribitur; Hic est, qui baptizat; sed simul omnes sanctæ Trinitatis personæ ad baptismi sacramentum operantur. Quod autem, In nomine, non, In nominibus, dictum est; hoc plane declarat unam Trinitatis naturam, & diuinitatem. etenim hoc loco, Nomen, ad personas non refertur, sed diuinam substantiam, uirtutem, & potestatem, quæ una & eadem est in tribus personis, significat. Sed in hac forma, quam integram, & perfectam esse ostendimus, obseruandum est, quædam prorsus necessaria esse; quæ si omittantur, sacramentum confici non potest; quædam uero non ita necessaria, ut, si desint, sacramenti ratio non constet; cuiusmodi est uox illa, Ego; cuius uis in uerbo BAPTIZO continetur: immo uero in ecclesiis Græcorum uariata dicendi ratione prætermitti consuevit: propterea quod nullam fieri oportere ministri mentionem iudicarunt: ex quo factum est, ut in baptismo hac forma passim utantur, Baptizatur seruus Christi in nomine patris, & filii, & spiritus sancti. a quibus tamen perfecte sacramentum ministrari, ex Concilii Florentini sententia, & definitione apparet, cum iis uerbis satis explicetur id, quod ad baptismi ueritatem attinet, nimirum ablutio, quæ tunc re ipsa peragitur. Quod si etiam aliquando tempus fuisse dicendum est, cum apostoli in nomine tantum domini Iesu Christi baptizarent; id quidem spiritus sancti afflatu eos fecisse, exploratum nobis esse debet; ut initio nascentis Ecclesiæ Iesu Christi nomine prædicatio illustrior fieret, diuinaque, & immensa eius potestas magis celebraretur. Deinde uero rem pepitus introspicientes, facile intelligemus, nullam earum partium in ea forma desiderari, quæ ab ipso Saluatore præscriptæ sunt. qui enim Iesum Christum dicit, simul etiam patris personam, a quo unctus, & spiritum sanctum, quo unctus est, significat. Quamquam dubium fortasse uideri potest, an huiusmodi forma apostoli aliquem baptizauerint; si Ambrosii, & Basilii, sanctissimorum, & grauissimorum Patrum, auctoritatem sequi uolumus, qui ita baptismum in nomine Iesu Christi interpretati sunt, ut dixerint, iis uerbis significari baptismum, non qui a Ioanne, sed qui a Christo domino traditus esset, tamen a communi, & usitata forma, quæ distincta trium personarum nomina continet, apostoli non discederent. Atque hoc loquendi genere Paulus etiam in epistola ad Galatas

S. Ambrosius, & Basiliius.

Galatas usus uidetur, cum inquit: Quicumque in Christo baptizati *Ad Gal. 3.*
estis, Christum induistis: ut significaret, in fide Christi, nec alia ta-
men forma, quam idem Saluator & Dominus noster seruadam præ-
ceperat, baptizatos esse.

Haecenus igitur de materia, & forma, quæ ad baptismi substantiâ
maxime pertinent, fideles docere satis fuit. Quoniam uero in hoc
sacramento conficiendo, legitima: etiam ablutionis rationem serua-
ri oportet; ideo eius quoque partis doctrina a Pastoribus traden-
da est; atque ab eis breuiter explicandum, communi Ecclesiæ more,
& consuetudine receptum esse, ut baptismus uno aliquo ex tribus
modis cõfici posset. nam qui hoc sacramento initiati debent, uel in
aquam merguntur, uel aqua in eos infunditur, uel aquæ asperione
tinguntur. Ex his autem ritibus quicumque seruetur, baptismum
uere perfici credendum est. aqua enim in baptismo adhibetur ad si-
gnificandam animæ ablutionem, quam efficit: quare baptismus ab
Apostolo lauacrum appellatus est. Ablutio autem non magis fit, *Ad Eph. 5.*
cum aliquis aqua mergitur, quod diu a primis temporibus in Eccle-
sia obseruatum animaduertimus; quam uel aquæ effusione, quod
nunc in frequenti usu positum uidemus, uel asperione, quemadmo-
dum a Petro factum esse colligitur, cum uno die tria millia homi-
num ad fidei ueritatem traduxit, & baptizauit. Vtrum uero unica, an
trina ablutio fiat, nihil referre existimandum est. utrius enim mo-
do & antea in Ecclesia baptismum uere confectum esse, & nunc cõfi-
ci posse, ex D. Gregorii Magni epistola, ad Leandrum scripta, satis ap-
paret. Retinendus est tamen a fidelibus is ritus, quem unusquisque
in sua ecclesia seruari animaduertit. Atque illud præcipue mone-
re oportet, non quamlibet corporis partem, sed potissimum caput,
in quo omnes tum interiores, tum externi sensus uigent, abluen-
dum, simulque ab eo, qui baptizat, non ante, aut post ablutionem
uerba sacramenti, quæ formam continent, sed eodem tempore, quò
ablutio ipsa peragitur, pronuntianda esse. His expositis, conueniet
præterea docere, atque in memoriâ fidelium reducere, baptismum,
quemadmodum & reliqua sacramenta, a Christo domino institu-
tum esse. Hoc igitur Pastores frequenter docebunt, explicabuntque
duo diuersa tempota baptismi notanda esse; alterum, cum Saluator
eum instituit; alterum, cum lex de eo suscipiendo sancita est. Ac,
quod ad primum attinet, tunc a Domino hoc sacramentum institu-
tum esse perspicitur, cum ipse a Ioanne baptizatus sanctificandi uir-
tutem aquæ tribuit. testantur enim sancti Gregorius Nazanzenus, *B. Gregorius Nazanzenus*

1. *Auguſt.* & Auguſtinus, eo tempore aquæ uim generandi in ſpiritualem ſcilicet uitâ datam eſſe. Et alio loco ita ſcriptum reliquit: Ex quo Chriſtus in aqua mergitur, ex eo omnia peccata abluit aqua. Et alibi: Baptizatur Dominus, non mundari indigens, ſed tactu mundæ carnis aquas mundans, ut uim abluendi habeant. Arque ad eam rem illud maximo argumento eſſe potuit, quod tunc ſanctiſſima Trinitas, in cuius nomine baptiſmus conficitur, numen ſuum præſens declarauit. Vox enim patris audita eſt: filij perſona aderat: & ſpiritus ſanctus in columbæ ſpecie deſcendit: præterea cæli aperti ſunt, quo nobis iam per baptiſmum licet aſcendere. Quod ſi quis ſcire cupiat, quam ratione tanta, & tam diuina uirtus a Domino aquis tributa ſit; id quidem humanam intelligentiam ſuperat: hoc uero ſatis percipi a nobis poteſt, baptiſmo a Domino ſuſcepto, ſanctiſſimi, & puriſſimi eius corporis tactu aquam ad baptiſmi ſalutârẽ uſum conſecratam eſſe, ita tamen, ut hoc ſacramentum, eſſi ante paſſionem inſtitutum fuerit, a paſſione tamen, quæ omnium Chriſti actionum tamquam finis erat, uim, & efficientiam duxiſſe, credendum ſit. Sed de altero etiam, quo ſcilicet tempore lex de baptiſmo lata fuerit, nullus dubitandi locus relinquitur. nam in reſcriptis ſcriptores conueniunt, poſt Domini reſurrectionem, cum apoſtoliſ præcepit; Eũs docete omnes gentes, baptizantes eos in nomine patris, & filij, & ſpiritus ſancti; ex eo tempore omnes homines, qui ſalutem æternâ conſecuturi erant, lege de baptiſmo teneri cœpiſſe. quod quidem ex apoſtolorum Principis auctoritate colligitur, cum inquit: Regenera uit nos in ſpem uiuam per reſurrectionem Ieſu Chriſti ex mortuis.
- Ad Eph. 5.* Idemque ex illo Pauli loco; Se ipſum tradidit pro ea, ut illam ſanctificaret, (cum de Eccleſia loqueretur) mundans eam lauacro aquæ in uerbo; licet cognoscere. uterque enim baptiſmi obligationem ad tempus, quod mortem Domini conſecutum eſt, uidetur retuliſſe: ut dubitandum nullo modo ſit, uerba etiam illa Saluatoris; Niſi
- Ioan. 3.* quis renatus fuerit ex aqua, & ſpiritu, non poteſt introire in regnum Dei; id ipſum tempus ſpectaſſe, quod poſt paſſionem futurum erat. Ex iis igitur, ſi accurate a Paſtoribus tractentur, haud dubium eſſe poteſt, quin fideles maximam in hoc ſacramento dignitatem agnoſcât, ac ſumma animi pietate uenerêtur: præſertim uero cum cogitarint, præclara illa, & ampliſſima munera, quæ, cum Chriſtus dominus baptizaretur, miraculorum ſignificationibus declarata ſunt, ſingulis, cum baptizantur, intima ſpiritus ſancti uirtute donari, atque impartiri. Vt enim ſi, quæadmodum Eliſæi puero contigit, nobis oculi

ita aperirentur, ut cælestes res intueri possemus, nemo adeo communi sensu carere putandus esset, quem diuina baptismi mysteria in maximam admirationem non traderent: cur idem etiam euenturum non existimemus, cum a Pastoribus huius sacramenti diuitiæ ita expositæ fuerint, ut eas fideles si non corporis oculis, at mentis acie, fidei splendore illuminatæ, contemplari queant?

Iam uero, a quibus ministris hoc sacramentum conficiatur, non utiliter modo, sed necessario tradendum uidetur; tum ut ij, quibus præcipue hoc munus commissum est, illud sancte, & religiose curare studeant; tum ut ne quis, tamquam fines suos egressus, in alienam possessionem intempestiue ingrediatur, uel superbe irrumpat: cum in omnibus ordinem seruandum esse Apostolus admoneat. Doceantur igitur fideles, triplicem esse eorum ordinem: ac in primo quidē Episcopos, & sacerdotes collocandos esse; quibus datum est, ut iure suo, non extraordinaria aliqua potestate, hoc munus exerceant. iis enim in apostolis præceptū est a Domino; Euntes baptizate: quam uis Episcopi, ne grauiorem illam docendi populi curam deferere cogeretur, baptismi ministerium sacerdotibus relinquere soliti essent. Quod uero sacerdotes iure suo hanc functionem exerceant, ita ut præsentē etiam Episcopo ministrare baptismum possint, ex doctrina Patrum, & usu Ecclesiæ constat. nam cum ad Eucharistiam consecrandam instituti sint; quæ est pacis & unitatis sacramentum: consentaneum fuit, potestati ijs dari omnia illa administrandi, per quæ necessario huius pacis, & unitatis quilibet particeps fieri posset. Quod si aliquando Patres sacerdotibus, sine Episcopi uenia, baptizandi ius permissum non esse dixerunt; id de eo baptismo, qui certis anni diebus solempni cærimonia administrari consueuerat, intelligendum uidetur. Secundum ministrorum locum obtinet Diaconi; quibus, sine Episcopi, aut sacerdotis concessu, non licere hoc sacramentum administrare, plurima sanctorum Patrum decreta testantur. Extremus ordo illorum est, qui, cogente necessitate, sine solempnibus cærimonijs baptizari possunt: quo in numero sunt omnes, etiam de populo, siue mares, siue femina; quamcumque illi sectam profiteantur. nam & Iudæis quoque, & infidelibus, & hæreticis, cū necessitas cogit, hoc munus permissum est; si tamen id efficere propositum eis fuerit, quod Ecclesia catholica in eo administrationis genere efficit. Hæc autem cum multa ueterum Patrum, & Conciliorum decreta confirmarūt; tum uero a sacra Tridentina Synodo anathema in eos sancitum est, qui dicere audeant, baptismum, qui etiā

*Qui proprii
sint ministri
baptismi.*

1. ad Cor. 14

Matt. 28.

Conc. Trid.

datur

datur ab hæreticis in nomine patris, & filii, & spiritus sancti, cum intentione faciendi quod facit Ecclesia, non esse uerum baptismum. In quo profecto summam Domini nostri bonitatem, & sapientiam licet admirari. nam cum hoc sacramentum necessario ab omnibus petciendum sit; quemadmodum aquam eius materiam instituit, qua nihil magis commune esse potest, sic etiã neminem ab eius administratione excludi uoluit: quamuis, ut dictum est, non omnibus liceat solemnes cærimonias adhibere: non quidem quod ritus, aut cærimoniarum plus dignitatis, sed quod minus necessitatis, quam sacramentum, habeant. Neque uero, hoc munus ita omnibus promiscue permissum esse, fideles arbitrentur, quin ordinem aliquem ministrorum statuere maxime debeat. mulier enim, si mares adsint, laicus item præsentem clerico, tum clericus coram sacerdote, baptismi administrationem sibi sumere non debent. Quãquam obstetrices, quæ baptizare consueuerunt, improbandæ nõ sunt, si interdũ, præsentem aliquo uiro, qui huius sacramenti conficiendi minime peritus sit, quod alias uiri magis propriũ officium uideretur, ipsæ exequatur.

*De patrinis
baptizandorum.*

Accedit autem ad eos ministros, qui, ut hætenus declaratum est, baptismum cõficiunt, aliud etiam ministrorum genus, qui ad sacrã, & salutatem ablutionem celebrandam ex uetustissima catholice Ecclesie consuetudine adhiberi solent. ij nunc patrini, olim susceptores, sponsores, seu fideiussores, communi uocabulo, a rebus diuinarum scriptoribus uocabantur. De quorum numero, quoniam ad omnes fere laicos pertinet, accurate a Pastoribus agendum erit; ut fideles intelligant, quæ potissimum ad illud recte perficiendum necessaria sint. In primis uero explicare oportet, quæ causa fuerit, cur ad baptismum præter sacramenti ministros patrini etiam, & susceptores adiungeretur. quod quidem optimo iure factum esse, omnibus uidebitur, si meminerint, baptismum esse spiritualem regenerationem, per quam filii Dei nascimur. de ea enim ita loquitur D. Petrus: Sicut modo geniti infantes rationabiles, sine dolo lac concupiscite. Ut igitur, postquam aliquis in hanc lucem editus est, nutrice, & pædagogo indiget, quorum ope, atque opera educetur, ac doctrina, & bonis artibus erudiatur: ita etiam necesse est, ut, qui ex baptismi fonte uitam spirituales uiuere incipiunt, alicuius fidei, & prudentiæ committantur, a quo Christianæ religionis præcepta haurire; ad omnemque pietatis rationem institui possint, atque ita paulatim in Christo adolescere, donec tandem uiri perfecti, iuante Domino euadãt; cum præsertim Pastoribus, qui publicæ parochiarum

cutationi

urationi præpositi sunt, tantum temporis nō superfit, ut priuatam
 illam curam pueros in fide erudiendi suscipere possint. Huius autem
 uetustissimæ consuetudinis præclarum testimoniū a D. Dionysio ha-
 bemus, cum inquit: Diuinis nostris ducibus (sic enim apostolos uo-
 cat) in mētem uenit, & uisum est suscipere infantes, secundum istum
 sanctum modum, quod naturales parentes pueri cum cuidam do-
 cto in diuinis, ueluti pædagogo, traderent, sub quo, sicut sub diui-
 no patre, & saluationis sanctæ susceptore, reliquum uitæ puer dege-
 ret. Eandem uero sententiam confirmat Higinij auctoritas. Quam-
 obrem sapientissime a sancta Ecclesia constitutum est, ut non solum
 is, qui baptizat, cum baptizato, sed etiam susceptor cum eo, quem
 suscipit, & cum eius ueris parentibus affinitate deuinciantur: ita ut
 legitima nuptiarum fœdera inter hos omnes iniri nō possint, atque
 inita dirimantur. Præterea docere oportet fideles, quæ sint suscepto-
 ris partes. etenim hoc munus adeo negligenter in Ecclesia tractatur,
 ut nudum tantum huius functionis nomē relictum sit; quid autem
 sancti in eo contineatur, ne suspicari quidem homines uideantur.
 Hoc igitur uniuersæ susceptores semper cogitent, se hac potissimum
 lege obstrictos esse, ut spirituales filios perpetuo commendatos ha-
 beant, atque in ijs, quæ ad Christianæ uitæ institutionem spectant,
 curent diligenter, ut illi tales se in omni uita præbeant, quales eos fu-
 turos esse solemnī cærimonia sponponderunt. Audiamus quid ea de
 re sanctus Dionysius scribat, uerba sponforis exprimens: Spondeo
 puerum inducturum, cum ad sacram intelligentiam uenerit, sedulis
 adhortationibus meis, ut abrenunciet contrarijs omnino, profitea-
 tur, peragatque diuina, quæ pollicetur. Item D. Augustinus, Vos,
 inquit, ante omnia tam uiros, quā mulieres, qui filios in baptisma-
 te suscepistis, moneo, ut cognoscatis, fidei uelut apud Deum exti-
 tisse pro illis, quos uisi estis de sacro fonte suscipere. Ac profecto de-
 cet maxime, eum, qui aliquod officium suscepit, in eo diligenter exe-
 quendo numquam defatigari; & qui se alterius pædagogum, & cu-
 stodem professus est, minime pati illum esse desertum, quem semel
 in fidem, & clientelam suam recepit, donec illum opera, & præsidio
 suo egere intellexerit. Quæ autem filijs spiritualibus tradenda sint,
 paucis D. Augustinus comprehendit, cum de hoc ipso susceptorum
 officio loqueretur: inquit enim: Debent eos admonere, ut castita-
 tem custodiant, iustitiam diligant, charitatem teneāt, & ante omnia
 Symbolum, & orationem Dominicam eos doceant; Decalogum
 etiam, & quæ sint prima Christianæ religionis rudimenta. Quæ cum
 ita

*S. Dionysius.**Higinij pp.**D. August.**D. August.*

ita se habeant; facile intelligimus, cuinam hominum generi sanctæ huius tutelæ administratio committenda non sit, nimirum iis, qui eam gerere aut fideliter nolint, aut sedulo, & accurate non queant.

Quocirca, præter naturales parentes, quibus non licet eam curationem suscipere, ut ex eo magis appareat, quantum hæc spiritualis educatio a carnali distet, hæretici in primis, Iudæi, infideles ab hoc munere omnino prohibendi sunt, ut qui in ea cogitatione, & cura semper uersentur, ut fidei ueritatem mendaciis obsecrent, atque omnem Christianam pietatem euertant. Plures quoque ne baptizatum de baptismo suscipiant, sed ut unus tantum, siue uir, siue mulier, uel ad summum unus, & una, Tridentino Concilio statutum est; tum quia disciplinæ, atque institutionis ordo a multitudine magistrorū perturbari poterat; tum quia providere oportebat, ne inter plures eiusmodi affinitates coniungerentur, quæ impedirent, quo minus legitimo matrimonii uinculo hominum inter homines societas la- tius diffunderetur.

*Quam neces-
saria baptis-
mi susceptio
tam adultis,
quam infan-
tibus.*

Sed cum ceterarum rerum cognitio, quæ hæctenus expositæ sunt, fidelibus utilissima habenda sit; tum uero nihil magis necessarium uideri potest, quam ut doceantur, omnibus hominibus baptismi le- gem a Domino præscriptam esse, ita ut, nisi per baptismi gratiâ Deo renascantur, in sempiternam miseriam, & interitum a parentibus, siue illi fideles, siue infideles sint, procreentur. Igitur sæpius a Pasto-

Ioan. 3.

ribus explicandum erit, quod apud Euangelistam legitur: Nisi quis renatus fuerit ex aqua, & spiritu, non potest introire in regnum Dei. Quam legem non solum de ijs, qui adulta ætate sunt, sed etiam de pueris infantibus intelligendam esse, idque ab apostolica traditione Ecclesiam accepisse, communis Patrum sententia, & auctoritas confir- mat. Præterea, credendum est, noluisse Christum dominum bap- tismi sacramentum, & gratiam pueris denegari, de quibus dicebat:

Matth. 19.

Marc. 9.

Sinite paruulos, & nolite eos prohibere ad me uenire: taliū est enim regnum cælorum. quos amplexabatur, super quos manus impone- bat, quos benedicebat. Deinde, cum legimus, totam aliquam fami-

1. ad Cor. 1.

liam a Paulo baptizatā esse, satis apparet, pueros etiam, qui in illo- rum numero erant, saluari fonte ablutos esse. Deinde circumcisio, quæ figura fuit baptismi, eum morem maxime commendat. Pueros enim octauo die circumcidi solitos, nemo est, qui ignoret. Ac qui- bus circumcisio manufacta in expoliatione corporis carnis prode- rat, iisdem baptismum, qui est circumcisio Christi non manufacta,

ad Rom. 5.

prodesse perspicuum est. Postremo, ut Apostolus docet, si unius delicto

delicto mors regnavit, per unum multo magis abundantiam gratiæ; & donationis, & iustitiæ accipientes, in uitâ regnabunt per unum Iesum Christum. Cum itaque per Adæ peccatum pueri ex origine noxâ contraxerint; multo magis per Christum dominum possunt gratiâ, & iustitiâ cōsequi, ut regnent in uitam: quod quidem sine baptismo fieri nullo modo potest. Quare docebunt Pastores, infantes omnino baptizandos: & deinde paulatim teneram ætatē Christianæ religionis præceptis ad ueram pietatem informandam esse. nam, ut a sapiente præclare dictum est; Adolescens iuxta uiam suam, etiam cum senuerit, non recedet ab ea. Neque. n. dubitare licet, quin fidei sacramenta, cum abluuntur, accipiant; nō quia mentis suæ assensione credant; sed quia parentum fide, si parentes fideles fuerint, sin minus, fide (ut D. Augustini uerbis loquamur) uniuersæ societatis sanctorum muniuntur. etenim ab iis omnibus recte dicimus eos baptismo offerri, quibus placet, ut offerantur, & quorum charitate ad cōmunio nem sancti spiritus adiunguntur. Hortandi autem sunt magnopere fideles, ut liberos suos, quāprimum id sine periculo facere liceat, ad ecclesiam deferēdos, & solemnibus cærimonijs baptizandos curēt, nam cum pueris infantibus nulla alia salutis cōparandæ ratio, nisi eis baptismus præbeatur, relicta sit, facile intelligitur, quam graui culpa illi sese obstringant, qui eos sacramenti gratia diutius, quam necessitas postulet, carere patiantur; cum præsertim, propter ætatis imbecillitatem, infinita pene uitæ pericula illis impendeant. Diuersam uero rationem in ijs seruandam esse, qui adulta ætate sunt, & perfectum rationis usum habent, qui scilicet ab infidelibus oriuntur, antiquæ ecclesiæ consuetudo declarat. nam Christiana quidem fides illis proponēda est, atque omni studio ad eam suscipiendam cohortandi, alliciendi, inuitandi sunt. quod si ad dominum Deum cōuertantur; tum uero nonere oportet, ne ultra tempus, ab Ecclesia præscriptū, baptismi sacramentū differant. nā cum scriptū sit; Nō tardes cōuertere ad Dominum, & ne differas de die in diem: docendi sunt, perfectam conuersionem in noua per baptismum generatione positam esse: præterea, quo serius ad baptismum ueniunt, eo diutius sibi carendum esse ceterorum sacramentorum usu, & gratia, quibus Christiana religio colitur, cū ad ea sine baptismo nulli aditus patere possit deinde etiā maximō fructu priuari, quem ex baptismo percipimus: siquidem non solū omnium scelerū, quæ antea admissa sunt, maculā & sordes baptismi aqua prorsus eluit, ac tollit, sed diuina gratia nos ornat; cuius ope, & auxilio in posterū etiā peccata uitare possumus, iustitiāq. & innocentia tueri: qua in re summā Christianæ uitæ cōstare facile omnes intelligunt. Sed quamuis hæc ita sint; nō consueuit

D. Augustinus.

tamen Ecclesia baptismi sacramentum huic hominū generi statim tribuere, sed ad certum tēpus differendum esse constituit. neque enim ea dilatio periculum, quod quidem pueris imminere supra dictum est, coniunctū habet cum illis, qui rationis usu præditi sunt. baptismi suscipiendi propositum, atque consilium, & male actæ uitæ prænitentia satis futura sit ad gratiam, & iustitiam, si repentinus aliquis casus impediat, quo minus salutari aqua ablui possint. Contra uero hæc dilatio aliquas uidetur utilitates asserre. Primum enim, quoniā ab Ecclesia diligenter prouidendum est, ne quis ad hoc sacramentū ficto, & simulato animo accedat, eorum uoluntas, qui baptismum petunt, magis exploratur, atque perspicitur. cuius rei causa in antiquis Concilijs decretū legimus, ut qui ex Iudæis ad fidem catholicā ueniunt; antequā baptisimus illis ministraretur, aliquot mēses inter catechumenos essent: deinde, in fidei doctrina, quam profiteri debent, & Christianæ uitæ institutionibus erudiuntur perfectius. Præterea, maior religionis cultus sacramento tribuitur, si constitutis tantum Paschæ, & Pentecostes diebus, solemni cærimonia baptismū suscipiant. Sed interdū tamen baptismi tempus iusta aliqua & necessaria de causa differendū non est, ueluti si uitæ periculum instare uideatur, ac præsertim si illi abluēdi sint, qui iam fidei mysteria plene perceperint. quod quidem Philippū, & apostolorū Principem fecisse satis cōstat, cum alter Cādacis reginæ Eunuchū, alter Cornelium nulla interposita mora, sed statim ut se fidē amplecti professi sunt, baptizauit.

Act. 8. et 10

Docendum præterea, & populo explicandum erit, quo modo affecti esse debent, qui baptizandi sunt. In primis itaque opus est, ut uelint, propositumq. illis sit, baptismum suscipere. nam cum unusquisque in baptismo, peccato moriatur, & nouā uiuendi rationem, & disciplinā suscipiat, æquum est, non inuito cuiquam, aut recusanti, sed illis tantum, qui sponte sua, & libenti animo accipiunt, baptismum præberi. Quare ex sancta traditione semper seruatum animaduertimus, ut nemini baptismus ministraretur, nisi prius interrogatus fuerit, an uelit baptizari. Nec uero in pueris quoq. infantibus eam uoluntatem deesse existimādum est, cum Ecclesiæ uoluntas, quæ pro illis spōdet, obscura esse non possit. Præterea, amentes, & furiosos, qui cum aliquando compotes mentis essent, in insaniam deinde inciderunt, ut qui eo tempore nullā baptismi suscipiendi uoluntatem habeant, nisi uitæ periculum immineat, baptizandos non esse: cum autem in uitæ discrimine uersantur, si antequam furere inciperent, eius uoluntatis significationem dederunt, abluendi sunt; sin minus, a baptismi administratione abstinendum est. Idemque iudicium de dormien-

dormientibus fieri debet. Quod si in mentis potestate numquā fuerunt, ita ut nullum rationis usum habuerint, eos in fide Ecclesiæ nō secus ac pueros, qui ratione carent, baptizandos esse, Ecclesiæ auctoritas, & consuetudo satis declarat. Verum præter baptismi uoluntatē fides etiā ea ratione, qua de uoluntate dictum est, ad consequendam sacramenti gratiam maxime necessaria est. etenim Dominus, & Saluator noster docuit: Qui crediderit, & baptizatus fuerit, saluus erit. Deinde, ut quēlibet admissorum scelerum, & male actæ uitæ pœniteat, atque ut idē in posterum a peccatis omnibus abstinere statuat, opus est. aliter enim, qui ita baptismum peteret, ut tamen peccandi consuetudinem nollet emendare, omnino repellendus esset. nihil enim baptismi gratiæ, & uirtuti tam repugnat, quam eorum mens, & consilium, qui nullum umquam peccādi finem sibi constituunt. Cum itaque baptismus ob eam rem expetendus sit, ut Christum induamus, & cum eo coniungamur; plane constat, merito a sacra ablutione reiiciendū esse, cui in uitiis, & peccatis perseverare propositū est: præsertim uero, quia nihil eorum, quæ ad Christum, & Ecclesiam pertinent, frustra suscipiendum est, inanemque baptismum, si iustitiæ, & salutis gratiam spectemus, in eo futurum esse, satis intelligimus, qui secundum carnem ambulare, non secundum spiritum, cogitat: etsi, quod ad sacramentum pertinet, perfectam eius rationem sine ulla dubitatione consequitur, si modo, cum rite baptizatur, in animo habeat id accipere, quod a sancta Ecclesia administratur. Quāobrem Princeps apostolorum magnæ illi hominum multitudini, qui, ut ait scriptura, compuncti corde, ab eo, & a reliquis apostolis, quid sibi faciendum esset, quæsiuerāt, ita respondit: Pœnitentiā agite, & baptizetur unusquisque uestrū. & alio loco, Pœnite mini, inquit, & conuertimini, ut deleantur peccata uestra. Item beatus Paulus, ad Romanos scribens, aperte ostendit, ei, qui baptizatur, omnino moriendum esse peccatis: quare nos monet, ne exhibeamus mēbra nostra arma iniquitatis peccato, sed exhibeamus nos Deo, tamquam ex mortuis uiuētes. Hæc uero si fideles sæpe meditati fuerint, primum quidem summam Dei bonitatem uehementer admirari cogentur, qui nihil tale merentibus, tam singulare, & diuinum baptismi beneficium sola sua misericordia adductus tribuit: deinde, cum sibi ante oculos proponent, quam aliena esse debeat ab omni crimine eorum uita, qui tanto munere ornati sunt, illud etiam in primis a Christiano homine requiri facile intelligent, ut quotidie tam sancte & religiose traducere uitam student, perinde

Mar. 16.

Ad Rom. 8.

Mat. 2.
Mat. 3.

Ad Rom. 8.

ac si ea ipsa die baptismi sacramentum, & gratiam consecuti essent. Quamquam ad inflammandos ueræ pietatis studio animos nihil magis proficiet, quam si Pastores accurata oratione explicauerint, quoniam sint baptismi effectus.

Concupiscentia in renatis non adscribitur culpa.

Eze. 36.

1. ad Cor. 6.

D. Augustinus.

S. Hieronymus.

Trid. Syn.

D. Augustinus.

De his igitur quoniam sæpe agendum est, ut fideles magis perspiciant, se in altissimo dignitatis gradu positos esse, nec se ab eo deijci ullis aduersarij insidiis, uel impetu, ullo umquam tempore patiantur; hoc primum tradere oportet, peccatum, siue a primis parentibus origine contractum, siue a nobis ipsis commissum, quamuis etiã adeo nefarium sit, ut ne cogitari quidem posse uideatur, admirabili huius sacramenti uirtute remitti, & condonari. Id uero multo ante ab Ezechiele prænunciatum est, per quem dominus Deus ita loquitur: Effundam super uos aquã mundam, & mundabimini ab omnibus inquinamentis uestris. Et Apostolus ad Corinthios, post longã peccatorum enumeratione subiicit: Et hæc quidem fuistis, sed abluti estis, sed sanctificati estis. Atque hanc doctrinam perpetuo a sancta Ecclesia traditam esse, perspicuum est. Sanctus enim Augustinus in libro, quem de baptismo paruulorum conscripsit, ita testatur: Generante carne tantum contrahitur peccatum originale: regenerante autem spiritu, non solum originalium, sed etiam uoluntariorum peccatorum sit remissio. & sanctus Hieronymus ad Oceanum, Omnia, inquit, in baptismo condonata sunt crimina. Ac ne dubitare amplius ea de re cuiquã liceret, post aliorum Conciliorum definitionem, sacra etiam Tridentina Synodus idem declarauit, cum anathema in eos decreuit, qui aliter sentire auderent, quiue asseuerare non dubitarent, quamuis peccata in baptismo remittantur, ea tamen prorsus non tolli, aut radicitus euelli, sed quodam modo abradi, ita ut peccatorum radices animo infixæ adhuc remaneant. Namque, ut eiusdem sanctæ Synodi uerbis utamur, in renatis nihil odit Deus: quia nihil damnationis est ijs, qui uere consepulti sunt cum Christo per baptismum in mortem; qui non secundum carnem ambulant; sed ueterem hominem exuentes, & nouum, qui secundum Deum creatus est, induentes, innocentes, immaculati, puri, innoxii, ac Deo dilecti effecti sunt. Ac fateri quidem oportet, sicut eodem loco ipsius Synodi auctoritate decretum est, in baptizatis concupiscentiam uel fomitem remanere: sed illa uere peccati rationem non habet. nam ex diui quoque Augustini sententia, in paruulis baptizatis concupiscentiæ reatus absoluitur, ad agonem relinquitur. atque idem alibi testatur; Cõcupiscentiæ reatus in baptismo soluitur, sed infirmitas

mitas manet. concupiscentia enim, quæ ex peccato est, nihil aliud est, nisi animi appetitio, natura sua rationi repugnans: qui tamen motus si uoluntatis consensum, aut negligentiam coniunctam non habeat, a uera peccati natura longe abest. Ac cum D. Paulus inquit: Concupiscentiam nesciebam, nisi lex diceret, Non concupisces; ex his uerbis non ipsam concupiscendi uim, sed uoluntatis uitium intelligi uoluit. Eandem doctrinam tradit D. Gregorius, ita scribens: Si qui sunt, qui dicant peccata in baptismo superficie tenus dimitti, quid est hac prædicatione infidelius? cum per fidei sacramentum anima, peccatis radicitus absoluta, soli Deo inhæreat. Atque ad eam rem demonstrandam Saluatoris nostri testimonio utitur, cum apud sanctum Ioannem ait: Qui lotus est, non indiget, nisi ut pedes lauet, sed est mundus totus. Quod si cui expressam huius rei figuram & imaginem libet intueri, proponat sibi ad contemplandum Naaman Syrii leprosi historiam; qui cum septies Iordanis aqua se abluisset, restante scriptura, ita a lepra mundatus est, ut eius caro, caro pueri uideretur. Quare baptismi proprius effectus est peccatorum omnium, siue originis uitio, siue nostra culpa contracta sint, remissio. cuius rei causa a Domino, & Saluatore nostro institutum esse, clarissimis uerbis apostolorum Princeps, ut alia testimonia omittamus, explicauit, cum inquit: Pœnitentiam agite, & baptizetur unusquisque uestrum in nomine Iesu Christi, in remissionem peccatorum.

Iam uero, in baptismo non solum peccata remittuntur, sed peccatorum etiam, & scelerum pœnæ omnes a Deo benigne condonantur. nam etsi omnibus sacramentis hoc commune est, ut per illa uirtus passionis Christi domini communicetur: de solo tamen baptismo dictum est ab Apostolo, nos per ipsum Christo commori, & sepeliri. ex quo sancta Ecclesia semper intellexit, sine maxima sacramenti iniuria fieri non posse, ut ei, qui baptismo expiandus sit, cuiusmodi pietatis officia, quæ usitato nomine sancti Patres opera satisfactionis uocant, imponantur. Nec uero, quæ hoc loco traduntur, ueteris Ecclesiæ consuetudini aduersantur: quæ olim Iudæis, cum baptizarentur, præcipiebat, ut quadraginta continuos dies ieiunarent. neque enim illud institutum ad satisfactionem pertinebat; sed qui baptismum percepissent, ea ratione admonebantur, ut sacramenti dignitatem uenerantes, ieiunijs, & orationibus aliquādiu sine intermissione operā darent. Sed quamquā in baptismo pœnas peccatorum cōdonari exploratū esse debet: ab eo tamē pœnarū genere, quæ ciuilibus iudicijs ob graue aliquod scelus persoluendæ

*Ad Rom. 7.**D. Gregorius**Ioan. 13.**4. Reg. 5.**Act. 2.*

Per baptismum non solum peccata, sed etiam pœnæ remitti: & cur non restituatur status natura integra.

sunt, nemo liberatur, ita ut, qui morte dignus sit, per baptismum a pœna, quæ legibus constituta est, eripiat. Tametsi uehementer laudanda esset eorum principum religio, & pietas, qui eam quoque animaduersionem, ut Dei gloria in suis sacramentis illustrior fieret, fontibus remitterent, ac condonarent. Efficat præterea baptismus post huius uitæ curriculum, pœnarum ominum, quæ originale peccatum consequuntur, liberationem. siquidem merito in ortis Domini factum est, ut hæc consequi possemus. Baptismo autem, ut supra dictum est, ei commorimur. Si enim, ut inquit Apostolus, cõplantati facti sumus similitudini mortis eius, simul & resurrectionis erimus.

Ad Rom. 6.

Quod si querat aliquis, cur statim post baptismum in hac etiam mortali uita his incommodis non careamus, atque ad perfectũ illum uitæ gradum, in quo Adam primus humani generis parens ante peccatum collocatus fuerat, sacræ ablutionis uirtute non transferamur; id quidem duabus potissimum de causis factum esse, respondetur. Quarum prima est, quod nobis, qui per baptismum Christi corpori coniuncti, atque eius membra effecti sumus, plus aliquid dignitatis tribuendum non erat, quam ipsi capiti nostro tributum esset. Cum igitur Christus dominus, etsi ab initio ortus sui gratiæ, & ueritatis plenitudinem habuit, tamen humanæ naturæ fragilitatem, quam suscepit, non ante deposuit, quam passionis tormenta, & mortem pertulit, ac deinde ad immortalis uitæ gloriam resurrexit: quis miretur, cum uideat fideles, qui iam per baptismum cælestis iustitiæ gratiam adepti sunt, adhuc tamen caduco, & fragili corpore uestiri, ut, postquam multis laboribus pro Christo perfuncti, & morte obita denovo ad uitam reuocati fuerint, tandem digni sint, qui cū Christo æuo sempiterno perfruantur? Altera uero causa, cur in nobis post baptismum infirmitas corporis, morbus, dolorum sensus, concupiscentiæ motus relinquatur, illa est, ut scilicet tamquam segetem, & materiam uirtutis haberemus, ex qua deinde uberiores gloriæ fructum, atque ampliora præmia consequeremur. nani cum patienti animo uitæ incommoda omnia tolleramus, prauasque animi nostri affectiones sub rationis imperium diuina ope subijcimus, certa spe niti debemus, fore, ut, si cum Apostolo bonũ certamen certauerimus, cursum consummauerimus, fidem seruauerimus, repositam quoque iustitiæ coronam reddat nobis Dominus in illa die iustus iudex. Sic uero etiam cū filijs Israel uideretur Dominus egisse: quos etsi ab Ægyptiorũ seruitute, Pharaone, atque

1. ad Tim. 4.

atque eius exercitu in mare demerso, liberauit, tamen non statim in beatam illam promissionis terram introduxit, sed prius in multis, uariisque casibus exercuit, ac deinde, cum eos in promissæ terræ possessionem misisset, ceteros quidem incolas e patriis sedibus exturbauit; quasdam uero nationes reliquas fecit; quas delere non potuerunt, ut populo Dei bellicæ uirtutis, & fortitudinis exercendæ occasio nunquam deesset. Huc accedit, quod, si per baptismum, præter dona cælestia, quibus anima ornatur, corporis etiā bona tribueretur, dubitari merito posset, quin multi præsentis potius uitæ commodi, quam futuræ speratæ gloriæ consecrantes, ad baptismū uenirent; cum tamen non falsa hæc, & incerta, quæ uidentur, sed

2. ad Cor. 4.

uera, atque æterna, quæ nō uidentur, bona Christiano homini semper proposita esse debeant. Sed interim tamen huius uitæ condicio, quæ miseriarum plena est, suis uoluptatibus, & lætitiis non caret. Quid enim nobis, qui iam per baptismum, ueluti palmites, insiti sumus in Christum, iucundius, aut optabilius esse potest, quam, cruce in humeros nostros sublata, cum ducem sequi, nullique aut laboribus defatigari, aut periculis retardari, quo minus ad præmium supernæ uocationis Dei omni studio contendamus, aliū uirginitatis lauream, alii doctrinæ, & prædicationis coronam, alii martyrii palmam, alii alia uirtutum decora a Domino accepturi? Quæ quidem præclara laudis insignia nemini darētur, nisi prius nos ipsos in huius ærumnosæ uitæ stadio exercuissemus, atq. in acie inuicti stetissemus. Sed ut ad baptismi effectus oratio redeat, exponendum erit, huius sacramenti uirtute nos non solum a malis, quæ uere maxima dicenda sunt, liberari, uerum etiam eximiis bonis, & muneribus augeri. Animus enim noster diuina gratia repletur, qua iusti, & filii Dei effecti æternæ quoque salutis heredes instituimur. nam, ut scriptū est, qui crediderit, & baptizatus fuerit, saluus erit. mundatamque Ecclesiam lauacro aquæ, in uerbo Apostolus testatur. Est autem gratia, quemadmodum Tridentina Synodus, ab omnibus credendū, pœna anathematis proposita, decreuit, non solum per quam peccatorum sit remissio; sed diuina qualitas in anima inhærens, ac ueluti spendor quidam, & lux, quæ animarum nostrarum maculas omnes delet, ipsasque animas pulchriores, & splendidiore reddat. Atque id ex sacris litteris aperte colligitur, cum gratiam effundi dicat, eaq. spiritus sancti pignus soleant appellare. Huic autem additur nobilissimus omnium uirtutum comitatus, quæ in animam cum gratia diuinitus infunduntur. Quare, cum Apostolus ad Titum ait:

De eximiis
Baptismi fru
ctibus.Mar. 16,
Ad Eph. 5

ad Titum 3.

Saluos

D. Augustinus.

Saluos nos fecit per lauacrum regenerationis, & renouationis spiritus sancti, quem effudit in nos abunde per Iesum Christum saluatorem nostrum. D. Augustinus uerba illa, Abunde effudit, explanans, Nimirum, inquit, ad remissionem peccatorum, & copia uirtutum. Iam uero per baptismum, etiam Christo capiti tamquam membra copulamur, & connectimur. Quemadmodum igitur a capite uis manat, qua singulae corporis partes ad proprias functiones apte exequendas mouentur: ita etiam ex Christi domini plenitudine in omnes, qui iustificantur, diuina uirtus, & gratia diffunditur; quae nos ad omnia Christianae pietatis officia habiles reddit. Neque uero mirum cuiquam uideri debet, si, cum tanta uirtutum copia instructi, & ornati simus, tamen non sine magna difficultate, & labore pias, honestasque actiones inchoamus, uel certe absoluiamus. Id enim ob eam rem non euenit, quod uirtutes, a quibus actiones ipsae proficiuntur, Dei beneficio nobis donatae non sint: sed quonia post baptismum acerrima cupiditatis pugna aduersus spiritum relicta est: in qua tamen contentione animo frangi, aut debilitari Christianum hominem non decet; cum Dei benignitate freti, optima spe niti debeamus, fore, ut quotidiana recte uiuendi exercitatione, quaecumque pudica sunt, quaecumque iusta, quaecumque sancta, eadem etiam facilia, & iucunda uideantur, haec libenter cogitemus, haec alacri animo agamus; ut Deus pacis sit nobiscum. Praeterea, per baptismum consignamur charactere, qui ex anima deleri numquam potest: de quo, nihil est, ut plura hoc loco differantur; cum liceat ex iis, quae supra dicta sunt, cum uniuerse de sacramentis ageretur, satis multa, quae ad hoc argumentum pertinent, in hunc locum transferre.

*Ad Philip. 4
2. ad Cor. 13*

*Baptismum
extra sacrilegium
iterari
non posse.
Ad Eph. 4:*

Ad Rom. 5.

Sed quonia ex characteris ui, & natura ab Ecclesia definitum est, baptismi sacramentum nulla ratione iterandum esse, ea de re fideles, ne aliquando in errores inducantur, saepe, & diligenter a Pastoribus admonendi erunt. Hoc uero docuit Apostolus, inquit: Unus Dominus, una fides, unum baptisma. Deinde cum Romanos hortatur, ut mortui per baptismum in Christo, cauerent, ne uitam, quam ab illo accepissent, amitterent, cum inquit; Quod enim Christus mortuus est peccato, mortuus est semel: hoc uidetur aperte significare, sicut ille mori iterum non potest, ita nobis denuo mori per baptismum non licere. Quare sancta etiam Ecclesia, se unum baptismum credere, palam profitetur. quod quidem rei naturae, & rationi uehementer consentaneum esse, ex eo intelligitur, quod baptismus est quaedam spiritalis regeneratio. Quemadmodum igitur
naturali

naturali uirtute semel tantum generamur, & in lucē edimur; atque, ut D. Augustinus ait, uterus non potest repeti: sic etiam una est spiritalis generatio, nec baptismus ullo umquam tempore iterandus est. Neque uero quisquam putet, cum ab Ecclesia iterari, eum, adhibita huiusmodi uerborum formula, aliquem abluit, de quo incertum est, an baptizatus prius fuerit: Si baptizatus es, te iterum non baptizo: si uero nondum baptizatus es, ego te baptizo in nomine patris, & filij, & spiritus sancti. ita enim non impie iterari, sed sancte cum adiunctione baptismum administrari, dicendum est. Qua in re tamen diligenter a Pastoribus aliqua providenda sunt, in quibus fere quotidie nō sine maxima sacramēti iniuria peccatur. neque enim desunt, qui nullum scelus admitti posse arbitrentur, si quemuis sine delectu cum adiunctione illa baptizent. quare si infans ad eos deferatur, nihil prorsus querendum putant, an is prius ablutus fuerit; sed statim ei baptismum tribuunt. quin etiam, quamuis exploratum habeant, domi sacramentum administratum esse, tamen sacram ablutionem in ecclesia, adhibita solemnī cærimonia, cū adiunctione repetere non dubitant. quod quidem sine sacrilegio facere non possunt: & eam maculam suscipiunt, quod diuinarum rerum scriptores Irregularitatem uocant. nam cæta baptismi forma ex Alexandri Papæ auctoritate in illis tantum permittitur, de quibus, re diligenter perquisita, dubium relinquitur, an baptismum rite susceperint. aliter uero numquam fas est, etiam cum adiunctione baptismum alicui iterum administrare. Præter cetera uero, quæ ex baptismo consequimur, illud ueluti extremum est, quo reliqua omnia uidentur referri, quod scilicet cæli aditum, propter peccatum prius interclusum, unicuique nostrum patefacit. Hæc autem, quæ in nobis baptismi uirtute efficiuntur, ex iis plane intelligi possunt, quæ in Saluatoris baptismo contigisse, euangelica auctoritas confirmauit. Etenim cæli aperti sunt, & spiritus sanctus columbæ speciei in Christum dominum descendens apparuit. ex quo significatū est, eis, qui baptizantur, diuini numinis charismata impetiri, & cælorum ianuam referari; non quidē ut, simul atque baptizati sunt, sed ut magis opportuno tempore ingrediatur in illam gloriam; cum omnium miserationum expertes, quæ in beatam uitam cadere non possunt, pro mortali condicione immortalitatem assequantur. Atque hi quidem sunt baptismi fructus: quos, si quidem sacramenti uim spectemus, æque ad omnes pertinere dubitari nō potest: sin autē, quo quisque animo affectus ad illum suscipiendum accesserit, cōsideremus; plus,

minusue

D. Augustinus.

Alexander Papa.

Matth. 3.
Mar. 1.
Luc. 3.

minusue cælestis gratiæ, & fructus ad unum aliquem, quam ad aliū, peruenire, omnino fateri oportet.

*De precatio-
nibus, riti-
bus, & cæri-
monijs ba-
ptismi.*

Restat nunc, ut, quæ de huius sacramenti precationibus, ritibus, & cærimonijs tradenda sint, aperte, & breuiter explicetur. Nam quod Apostolus de linguarum dono admonuit, cum inquit; Sine fructu esse, si, quæ aliquis loquitur, a fidelibus non intelligantur: idem fere ad ritus, & cærimonias transferri potest. imaginem enim, & significationem earum rerum præferunt, quæ in sacramento geruntur. quod si illorum signorum uim, & potestatem fidelis populus ignoret, non magna admodum cærimoniarū utilitas futura esse uidebitur. Danda est igitur Pastoribus opera, ut eas fideles intelligant, certoque sibi persuadeant, si minus necessariæ sint, plurimi tamen faciendas, magnoque in honore esse oportere. Id uero tum instituentium auctoritas, qui sine controuersia sancti apostoli fuerūt, tum, finis cuius causa cærimonias adhiberi uoluerunt, satis docet. ita enim sacramentum maiori cum religione, ac sanctitate administrari, ac ueluti ante oculos poni præclara illa, & eximia dona, quæ in eo continentur, & in animos fidelium immensa Dei beneficia magis imprimi, perspicuum est. Sed omnes cærimoniæ, & precationes, quibus in baptismi administratione Ecclesia utitur, ad tria capita redigendæ sunt, ut in eis explicandis certus ordo a Pastoribus seruari possit, & quæ tradita ab illis fuerint, auditorum memoria facilius retineantur. Ac primum quidem illarum genus est, quæ, antequam accedatur ad baptismi fontem, seruatur: alterū earum, quæ, cum ad ipsum fontem uentum est, adhibentur: tertiū earum, quæ, peracto iam baptismo, addi solent. In primis igitur aqua paranda est, qua ad baptismum uti oportet. Consecratur enim baptismi fons, addito mysticæ unctionis oleo. neque id omni tēpore fieri permissum est: sed more maiorum, festi quidam dies, qui omnium celeberrimi, & sanctissimi optimo iure habendi sunt, expectantur, in quorum uigilijs sacre ablutionis aqua cōficitur: quibus etiam tantum diebus, nisi necessitas aliter facere coegisset, in uetetis Ecclesiæ more positū fuit, ut baptismus administraretur. Sed quamuis Ecclesia hoc tempore, propter communis uitæ pericula, eā consuetudinem retinendam non iudicarit: tamen solemnes illas dies Paschæ, & Pentecostes, quibus baptismi aqua consecranda est, summa cum religione adhuc obseruauit. Post aquæ consecrationem, alia deinceps, quæ baptismum antecedunt, explicare oportet. afferuntur enim, uel etiā adducuntur, qui baptismi initiandi sunt, ad ecclesiæ fores; atque ab eius

ab eius introitu omnino prohibentur; quod indigni sint, qui domū Dei ingrediantur, antequam a se turpissimæ seruitutis iugum repulerint, & totos se Christo domino, eiusque iustissimo imperio addixerint. Tum uero sacerdos ab eis exquirat, quidnam ab Ecclesia petant. quo cognito, primum eos Christianæ fidei doctrina, quam in baptismo profiteri debent, instituit: id autem Catechismo efficitur. cuius institutionis morem a Domini Saluatoris præcepto manasse, nemo dubitare potest; cum ipse apostolis iusserit; *Ite in mundum uniuersum, & docete omnes gentes, baptizantes eos in nomine patris, & filii, & spiritus sancti, docentes eos seruare omnia, quæcumque mandauimus uobis.* Ex quo licet cognoscere, baptismum non esse administrandum, priusquam summa saltem religionis nostræ capita exponantur. Quoniam uero Catechismi ratio ex multis interrogationibus constat, si is, qui instituitur, adulta ætate fuerit; ad ea, quæ rogantur, ipse per se respondet; si autem infans sit, pro illo sponsor rite respondet, solemnemque sponsonem facit. Sequitur Exorcismus, qui ad expellendum Diabolum, eiusque uires frangendas, & debilitandas, sacris, & religiosis uerbis ac precationibus conficitur. Accedunt ad Exorcismum aliæ cærimoniz: quarum singulæ, ut quæ mysticæ sint, propriam, atque illustrem significationem habent. nam cum sal in illius os, qui ad baptismum adducendus est, inferitur, hoc significari perspicuum est, cum fidei doctrina, & gratiæ dono consecuturum esse, ut a peccatorum putredine liberetur, saporemque bonorum operum percipiat, & diuinæ sapientiæ pabulo delectetur. Obsignantur præterea signo crucis frons, oculi, pectus, humeri, aures: quæ omnia declarant, baptismi mysterio sensus baptizati aperiri, ac roborari, ut Deum excipere, præceptaque eius intelligere, ac seruare possit. Postea uero illi nares, & aures salina liniuntur, statimque ad baptismi fontem mittitur: ut, quemadmodum cæcus ille euangelicus, quem Dominus iusserat oculos luto illitos filios aqua ablueri, lumen recuperauit: ita etiā intelligamus sacræ ablutionis eam uim esse, ut menti ad cælestem ueritatem perspicendam lumen afferat. His peractis, ad baptismi fontem ueniunt, ibique aliæ cærimoniz, & ritus adhibentur; ex quibus Christianæ religionis summam licet cognoscere. Sacerdos enim, ter conceptis uerbis, eum, qui baptizandus est, interrogat, Abrenuncias Satanz, & omnibus operibus eius, & omnibus pompis eius? at ille, aut eius nomine patrinus, ad singulas interrogationes, respondet, Abrenuncio. Igitur qui Christo nomen daturus est, hoc primū sancte, & religiose polliceri

Mar. 16.
Matth. 28.

Sal in os baptizandi

Ioan. 9.

polliceri debet, se Diabolum, & mundum deferere, ac nullum umquam tempus fore, in quo utrumque, ueluti hostem terrorem, non detestetur. Deinde ad ipsum baptismi fontem consistens, interrogatur a sacerdote hoc modo: Credis in Deum patrem omnipotentem? cui ille respondet, Credo. Atque ita deinceps de reliquis Symboli articulis rogatus, fidem suam solemniter religione proficitur. quibus sane duabus sponsonibus omnem Christianæ legis uini, & disciplinam contineri perspicuum est. Sed cum iam baptismum administrare oportet, quaerit sacerdos ab eo qui baptizandus est: Num baptizari uelis? quo quidem per se, uel eius nomine, si infans sit, patrino annuente, statim in nomine patris, & filii, & spiritus sancti, salutari aqua cum abluit. Quemadmodum enim homo, sua uoluntate serpenti obediens, merito damnatus est: ita Dominus neminem ad suorum numerum, nisi uoluntarium militem, adscribi uoluit; ut diuinis iussis sponte obtemperans, æternam salutem consequeretur. Iam postquam baptismus absolutus est, sacerdos summum baptizati uerticem chrismate perungit; ut intelligat se ab eo die Christo capiti tamquam membrum coniunctum esse; atque eius corpori insitum, & ea re Christianum a Christo, Christum uero a chrismate appellari. Quid uero chrisma significet, ex his satis intelligi, quæ tunc sacerdos orat, D. Ambrosius testatur. Induit postea sacerdos baptizatum ueste alba, dicens; Accipe uestem candidam, quam immaculatam perferas ante tribunal domini nostri Iesu Christi, ut habeas uitam æternam. Infantibus uero, qui uestitu non utuntur, iisdem uerbis album sudariolum datur. Quo Symbolo significari sancti Patres docent tum resurrectionis gloriam, ad quam per baptismum nascimur; tum nitorem, & pulchritudinem, qua, dilutis peccatorum maculis, anima in baptismo ornatur; tum innocentiam, atque integritatem, quam in omni uita baptizatus seruare debet. Et deinde ceceus ardens in manum traditur, qui ostendit, fidem charitate inflammatam, quam in baptismo accepit, bonorum operum studio alendam, atque augendam esse: Ad extremum uero nomen baptizato imponitur, quod quidem ab aliquo suspendum est, qui propter excellentem animi pietatem, & religionem in sanctorum numerum relatus est. ita enim facile fiet, ut quouis nominis similitudine, ad uirtutis, & sanctitatis imitationem excitetur. ac præterea, quem imitari studeat, cum quoque precetur, & speret sibi aduocatum ad salutem tum animi, tum corporis defendendam uenturum esse. Quare reprehendendi sunt, qui gentilium nomina, & eorum præcipue,

qui

D. Ambrosius.

qui omnium sceleratissimi fuerunt, tam diligenter conſecrantur, & pueris imponunt: cum ex eo intelligi poſſit, quanti Chriſtianæ pietatis ſtudium faciendum exiſtiment, qui impiorum hominum memoria tantopere delectari uidentur, ut uelint fidelium aures huiusmodi profanis nominibus undique circumſonare. Hæc de baptiſmi ſacramento ſi a Paſtoribus explanata fuerint, nihil eorum fere prætermiſſum eſſe uidebitur, quæ ad hanc cognitionem maxime pertinere exiſtimanda ſunt. Demonstratum eſt enim, quid ipſum baptiſmi nomen ſignificet; quæ ſit eius natura, & ſubſtantia; tum, ex quibus partibus conſtet. Dictum eſt, a quo inſtitutus fuerit; qui miniſtri ad conſiciendum ſacramentum neceſſarii ſint; quosue tamquani præda gogos ad ſuſtentandam baptizati imbecillitatem adhibere oporteat. Traditum eſt etiam, quibus, & quemadmodum animo affectiſ baptiſmus adminiſtrari debeat; quæ ſit eius uirtus, & efficiētia: poſtremo, qui titus, & cærimonix ſeruentur, quantum propoſita ratio poſtulabat, ſatis copioſe explicatum eſt. Quæ omnia ob eam præcipue cauſam docēda eſſe Paſtores meminerint, ut fideles in hac cura, & cogitatione perpetuo uerſentur; ut in iis, quæ adeo ſanctæ, & religioſe ſponſponderunt, cū baptiſmo initiati ſunt, fidem ſeruent, atq. eā uitā inſtituāt, quæ ſanctiſſimæ Chriſtiani nominis profeſſioni reſpōdeat.

DE CONFIRMATIONIS SACRAMENTO.

I N ſacramento Confirmationis explicando Paſtorum diligentia requirenda umquam fuit, nunc certe opus eſt, illud quantum maxime illuſtrare; cum in ſancta Dei Eccleſia hoc ſacramentū a multis omnino prætermittatur; pauciſſimi uero ſint, qui diuinæ gratiæ fructum, quem deberent, ex eo capere ſtudeāt. Quare fideles ita de huius ſacramenti natura, ui, dignitate, tum in die Pentecoſtes, quo præcipue die adminiſtrari ſolet: tum aliis etiam diebus, cum id Paſtores commode fieri poſſe iudicauerint, docendi erunt, ut intelligant, non ſolum negligendū non eſſe, ſed ſumma cum pietate, & religione ſuſcipiendū; ne ipſorum culpa, maximoq. malo eueniat, ut fruſtra in eos diuinū hoc beneficium collatum eſſe uideatur. Sed ut a nomine initiū ſumatur, Confirmationē ab Eccleſia hoc ſacramentum iccirco uocari, docendū eſt: quoniam, qui baptizatus eſt, cū ab Epifcopo ſacro chriſmate ungitur, additis ſolemnibus illis uerbis; Signo te ſigno crucis, & confirmo te chriſmate ſalutis, in nomine patris, & filij, & ſpiritus ſancti, niſi aliud ſacramenti efficiētiā impediat, nouæ uirtutis robore firmior, atq. adeo perfectus Chriſti miles eſſe incipit. In cōfirmatione autem uerā & propriā ſacramēti rationē

M catholica

*S. Melchia.
papa.
S. Clemens
Papa.*

catholica Ecclesia seper agnouit: quod & Melchiades Pótifex, & plures etiá alii sanctissimi, & uerustissimi Pontifices aperte declarant. Ac sanctus Clemens eius ueritatis doctrinâ grauiori sententia cōprobare non potuit; inquit enim: Omnibus festinādum est sine mora renasci Deo, & demum ab Episcopo consignari, idest septiformē gratiam spiritus sancti percipere; cum alioqui perfectus Christianus ne quaquā esse possit is, qui iniuria, & uoluntate, non autē necessitate compulsus, hoc sacramentum prætermiserit, ut a B. Petro accepimus, & ceteri apostoli, præcipiente Domino, docuerunt. Hanc uero eandem fidem doctrina sua confirmarunt, qui eodem spiritu pleni pro Christo sanguinem profuderunt, Urbanus, Fabianus, Eusebius, romani Pontifices, quemadmodum ex eorum decretis licet perspicere. Accedit præterea sanctorum Patrum consentiens auctoritas: inter

S. Dionysius

quos Dionysius Areopagita, Athenarum Episcopus, cum diceret, qua ratione hoc sacrum unguentum conficere, eoque uti oporteret, ita inquit: Baptizatum sacerdotes induunt ueste congrua munditiæ, ut ad Pontificē ducant: ille uero sacro, atque prorsus diuino unguento baptizatum signans, sacratissimæ communionis participē

Eusebius Cæsariensis.

facit. Eusebius quoque Cæsariensis tantum huic sacramento tribuit, ut dicere non dubitarit; Nouatum hæreticum spiritum sanctum promereri non potuisse: quia, cum baptizatus esset, in graui ægitudine signaculo chrisinatis non est signatus. Sed clarissima habemus huius rei testimonia tum a D. Ambrosio in eo libro, quem de iis, qui initiantur, inscripsit; tum a D. Augustino in libris, quos aduersus Petiliani Donatistæ epistolas edidit: quorum uterque adeo de huius sacramenti ueritate nihil dubitari posse existimauit, ut eam scripturæ etiam locis doceat, ac confirmet. Quare alter quidem uerba

*D. Ambrosio
sunt.
D. Augustinus.*

Ad Eph. 4.

illa Apostoli; Nolite contristare spiritum sanctum Dei, in quo signati estis: alter uero, quod in psalmis legitur; Sicut unguentum in capite, quod descendit in barbam, barbam Aaron: tum illud eiusdem

Psalm. 132.

Ad Rom. 5.

Apostoli, Charitas Dei diffusa est in cordibus nostris per spiritum sanctum, qui datus est nobis, ad confirmationis sacramentum referri

S. Melch. pp.

testatus est. Quamuis autem a Melchiade dictum sit, baptismum confirmationi maxime coniunctum esse: non idem tamen sacramentum, sed ab altero longe disiunctum, existimandum est. constat enim, uarietatem gratiæ, quam singula sacramenta tribuunt, & rei sensibus subiectæ, quæ ipsam gratiam significat efficere, ut uaria quoque & diuersa sacramenta sint. Cum igitur baptismi gratiâ homines in nouā uitam gignantur, confirmationis autem sacramen-

1. ad Cor. 13.

to, qui iam geniti sunt, uiri euadāt, euacuatis, quæ erant paruuli, satis intelligitur,

intelligitur, quantum in naturali uita generatio ab incremento distat, tantundem inter se differre baptismum, qui regenerandi uim habet, & confirmationem, cuius uirtute fideles augetur, & perfectum animi robur assumunt. Præterea, quoniam nouū atque distinctum sacramenti genus constituendum est, ubi animus in nouā aliquam difficultatem incurrit; facile perspicitur, quemadmodum baptismi gratia ad mentem fide informandam indigemus: ita etiam maxime cōducere, fidelium animos alia gratia confirmari, ut nullo pœnarum, suppliciorum, mortis periculo, aut metu a ueræ fidei confessione deterreantur. Quod quidem cum sacro cōfirmationis chrismate efficiatur, ex eo aperte colligitur, huius sacramenti rationem a baptismo diuersam esse. Quare Melchiades Pōtifex utriusque discrimen accurata oratione persequitur, ita scribens: In baptismate homo ad militiam recipitur, & in confirmatione coarmatur ad pugnam. In fonte baptismatis spiritus sanctus plenitudinem tribuit ad innocentiam, confirmatione autem perfectionem ad gratiam ministrat: in baptismo regeneramur ad uitam, post baptismum ad pugnam cōfirmamur: in baptismo abluimur, post baptismum roboramur: regeneratio per se saluat in pace baptismum recipientes, confirmatio armat, atque instruit ad agones. Verū hæc iam non solū ab alijs Concilijs tradita, sed præcipue a sacra Synodo Tridētina decreta sunt; ut iā de ijs nō solū aliter sentire, sed ne dubitare quidē ullo modo liceat.

S. Melch. pp.

Syn. Trid.

Quoniam uero supra demonstratum est, quam necessarium esset, communiter de omnibus sacramentis docere, a quonam ortum habuerint; idem etiā de Confirmatione tradere oportet, ut fideles huius sacramenti sanctitate magis afficiantur. Igitur a Pastoribus explicandum est, Christum dominum non solum eius auctorem fuisse, sed, sancto Fabiano Pōtifice Romano teste, chrismatis ritum, & uerba, quibus in eius administratione catholica Ecclesia utitur, præcepisse. quod quidem ijs facile probari poterit, qui confirmationem sacramentum esse consentiunt; cum sacra omnia mysteria humanæ naturæ uices superent, nec ab alio, quam a Deo, possint institui. Iam uero, quæ sint eius partes, ac primum quidem de materia dicendum est. Hæc autem Chrisma appellatur: quo nomine a Græcis accepto, etsi profani scriptores quodlibet unguenti genus significant, illud tamen, qui res diuinas tradunt, communi loquendi consuetudine ad illud tantummodo unguentum accommodarunt, quod ex oleo, & balsamo, solempni Episcopi consecratione cōficitur. Quare duæ res corporeæ permixtæ, cōfirmationis materiam præbent: quæ quidem

De origine, auctore, materia, & forma sacramenti confirmationis.

S. Fab. papa.

diuersarum rerum compositio quemadmodū multiplicē spiritus sancti gratiam, quæ confirmatis tribuitur, declarat, ita etiam ipsius sacramenti excellentiam satis ostendit. Quod autem ea sit huius sacramenti materia, eam sancta Ecclesia, & Concilia perpetuo docuerunt: tum a sancto Dionysio, & cōpluribus alijs grauissimis Patribus traditum est, in primis quæ a Fabiano Pontifice, qui apostolos chrismatis confirmationē a Domino accepisse, nobisque reliquisse testatus est. Neque uero ulla alia materia, quā chrismatis, aptior uideri poterat ad illud declarandū, quod hoc sacramento efficitur. Oleum .n. quod pingue sit, & natura sua manet, ac diffuat, gratiæ plenitudinē exprimit: quæ per spiritum sanctum a Christo capite in alios redundat, atque effunditur, sicut unguentū, quod descendit in barbā Aaron, usque in orā uestimenti eius. Vixit enim cum Deus oleo lætitiæ præ consortibus suis, ac de plenitudine eius nos omnes accepimus: balsamum uero, cuius odoratus iucundissimus est, quid aliud significat, quam fideles, cum sacramento confirmationis perficiuntur, eam uirtutum omnium suauitatem effundere, ut illud apostoli queant dicere; Christi bonus odor sumus Deo? Habet præterea balsanum eam uim, ut, quidquid eo circumlitū fuerit, putrescere non sinat. quod quidē ad huius sacramenti uirtutem significandā ualde accommodatum uidetur; cum plane constet, fidelium animos cælesti gratia, quæ in confirmatione tribuitur, præparatos, facile a scelerum contagione defendi posse. Consecratur autem chrisma solemnibus cærimonijs ab Episcopo. ita .n. saluatorem nostrū docuisse in extrema cena, cū chrismatis conficiendi rationē apostolis cōmendaret, Fabianus Pontifex, sanctitate, & martyrii gloria clarissimus, tradidit. quamquā, cur ita fieri debuerit, ratione etiā ostendi potest. Etenim in plerisque alijs sacramentis Christus ita eorū materiam instituit, ut sanctitatem quoque illi tribuerit. nō solum .n. aquam elementū baptismi esse uoluit, cum inquit: Nisi quis renatus fuerit ex aqua, & spiritu, nō potest introire in regnū Dei: sed cū ipse baptizatus est, effecit, ut ea deinceps ui sanctificandi prædita esset. quare dictū a S. Chrysostomo: Aqua baptismi purgare peccata credentiū nō posset, nisi tactu Domini corporis sanctificata fuisset. Quoniā igitur Dominus hāc cōfirmationis materiā usu ipso, & tractatione nō sacrauit, necessariū est, ut sanctis, & religiosis precationibus cōsecratur: neque ad alium ea cōfectio, nisi ad Episcopum, pertinere potest; qui eiusdem sacramenti ordinarius minister institutus est. Sed explicanda erit præterea altera pars, ex qua sacramentum constituitur, forma scilicet, & uerba, quæ

S. Dionysius

1. Fab. Papa

Psal. 132.

Psal. 54.

Ioan. 1

3. ad Cor. 2.

S. Fab. papa

Ioan. 3.

S. Chrysostomus.

quæ ad sacram unctionē adhibentur: monendique fideles, ut in hoc sacramento suscipiendo, tunc maxime, cum ea pronunciarī animadueriant, ad pietatem, fidem, & religionem animos excitent, ne quid ea lesti gratiæ impedimēti esse possit. His igitur uerbis Cōfirmationis forma absoluitur. **SIGNO TE SIGNO CRUCIS, ET CONFIRMO TE CHRISMATE SALVTIS, IN NOMINE PATRIS, ET FILII, ET SPIRITVS SANCTI.** Sed tamen, si ad ueritatem rationem quoque reuocemus, idem facile probari potest. etenim sacramenti forma cōmnia continere debet, quæ ipsius sacramenti naturam, & substantiam explicant. Atqui maxime hæc tria in Cōfirmatione obseruanda sunt, diuina potestas, quæ ut principalis causa in sacramento operatur; tum robur animi, & spiritus, quod per sacram unctionem fidelibus ad salutē tribuitur, deinde signum, quo notatur is, qui in certamen Christianæ militiæ descensurus est. Ac primum quidem uerba illa; In nomine patris, & filij, & spiritus sancti; quæ extremo loco posita sunt: aliter ea, Confirmo te chrismate salutis; quæ in medio sunt: tertium, quæ in principio formæ locantur; Signo te signo crucis; satis declarant. Quamquam si etiam ratione aliqua probari non possit, hanc esse huius sacramenti ueram, & absolutam formā, Ecclesiæ catholicæ auctoritas, cuius magisterio ita semper edocti fuimus, non patitur nos ea de re quidquam dubitare.

Docere etiam Pastores debent, quibus potissimum huius sacramenti administratio commissā sit. Nam cum multi sint, ut est apud Prophetam, qui currant, neque tamen mittantur; necesse est, qui ueri, & legitimi eius ministri sint, tradere, ut fidelis populus Cōfirmationis sacramentum, & gratiam consequi possit. Solum itaque Episcopum huius sacramenti conficiendi ordinariā potestatem habere, sacræ litteræ ostendunt. nam in Actis apostolorum legimus; cum Samaria uerbū Dei acceperat, Petrum, & Ioannem ad eos missos esse, qui orauerunt pro ipsis, ut acciperent spiritum sanctum. nondum enim in quemquam illorum uenerat, sed baptizati tantum erant. Quo in loco licet uidere, eum, qui baptizauerat, quod tantum esset Diaconus, confirmandi potestatem nullam habuisse; sed in unum illud perfectioribus ministris, hoc est apostolis, reseruatū esse. Quin etiam, ubicumque sacræ scripturæ huius sacramenti mentionem faciunt, idem obseruari potest. neque ad eam rem demonstrandam desunt sanctorum Patrum, arque Pontificum, Urbani, Eusebii, Damasi, Innocentii, Leonis, clarissima testimonia; que in admodum ex eorum decretis perspicuum est. D. quoque Augustinus grauior

Quis prius sacramenti Cōfirmationis minister? & de patris.

Al. s.

S. Vrb. pp. Eusebii. Damasi. Innocentii. Leo. D. August.

queritur de corrupta Ægyptiorum, & Alexandrinorum consuetudine, quorum sacerdotes audebant Confirmationis sacramentum administrare. Ac iure quidem hoc factum esse, ut eiusmodi munus ad Episcopos deferretur, hac similitudine possunt Pastores declarare. Ut enim in extruendis ædificiis, et si fabri, qui inferiores ministri sunt, cementa, calcem, ligna, & reliquam materiam parant, atque componunt, absolutio tamen operis ad architectum spectat: ira etiam hoc sacramentum, quo ueluti spirituale ædificium perficitur, a nullo alio, nisi a summo sacerdote, administrari opus erat. Additur uero etiam patrinus, quemadmodum in baptismo fieri demonstratum est. Nam si, qui gladiatoriam dimicationem subeunt, alicuius indigent, cuius arte, & consilio doceantur, quibus ictibus, ac petitionibus, saluis ipsis, conficere aduersarium possint: quanto magis fideles, cum sacramento Confirmationis quali firmissimis armis recti, ac muniti in spirituale certamen, cui æterna salus proposita est, descendunt, ducis, ac inonitoris indigebunt? Recte igitur ad huius quoque sacramenti administrationem patrini aduocandi sunt, quibuscum eadem spiritualis affinitas coniungitur, quæ legittima nuptiarum fœdera impedit, ut antea docuimus, cum de patrinis ageretur, qui ad baptismum adhibendi sunt. Sed quoniam sæpe euenit, ut fideles in hoc sacramento suscipiendo aut præpropere festinatione, aut dissoluta quadam negligentia, & eundatione utantur; nam de iis, qui ad eum impietatis gradum uenerunt, ut illud contemnere, & aspernari audeant, nihil est quod dicamus,) aperiendum est etiam Pastoribus, qui, qua ætate, quo pietatis studio prædicti esse debeant, quibus Confirmationem dare oportet. Atque illud in primis docendum est, hoc sacramentum cuiusmodi necessitatem non habere, ut sine eo saluus quis esse non possit. quamquam uero necessarium non est, a nemine tamen prætermitti debet: sed potius maxime cauendum est, ne in re sanctitatis plena, per quam nobis diuina munera tam large impertiuntur, aliqua negligentia committatur. quod enim omnibus cõmuniter ad sanctificationem Deus proposuit, ab omnibus etiã summo studio expectandum est. Ac sanctus quidem Lucas, cum admirabilem illam spiritus sancti effusionem describeret, ita inquit: Et factus est repente de cælo sonus tamquam aduenientis spiritus uehementis, & repleuit totam domum. Deinde, paucis interiectis: Et repleti sunt omnes spiritu sancto. Ex quibus uerbis licet intelligere, quoniam domus illa sanctæ Ecclesiæ figuram, & imaginem gerebat, ad omnes fideles Confirmationis sacramentum,

mentum, cuius initium ab eo die ductum est, pertinere. Atque id etiā ex ipsius sacramenti ratione facile colligitur. illi enim sacro chrismate confirmari debent, quibus spiritali incremento opus est, & qui ad perfectum Christianæ religionis habitum perducendi sunt, at nulli id non maxime convenit. ut enim hoc spectat natura, ut, qui in lucem eduntur, adoleſcant, atque ad perfectam ætatem perveniant, etiā si interdum, quod vult, minus assequatur: ita communis omnium mater catholica Ecclesia vehementer optat, ut in eis, quos per baptismum regeneravit, Christiani hominis forma perfecte absolvaatur. id autem quoniam mysticæ unctionis sacramento efficitur, perspicuum est, eam ad uniuersos fideles atque pertinere. in quo illud obseruandum est, omnibus quidem post baptismum Confirmationis sacramentum posse administrari; sed minus tamen expedire hoc fieri, ante quā pueri rationis usum habuerint. quare si duodecimus annus non expectandus uideatur, usque ad septimum certe hoc sacramentum differre, maxime convenit. neque enim Confirmatio ad salutis necessitatem instituta est, sed ut eius uirtute optime instructi, & parati inueniremur, cum nobis pro Christi fide pugnandum esset: ad quod sane pugnx genus pueros, qui adhuc usu rationis carent, nemo aptos esse iudicabit. Ex his igitur efficitur, ut, qui adulta jam ætate confirmandi sunt, siquidem huius sacramenti gratiam, & dona consequi cupiant, eos non solum fidem, & pietatem asserre, sed grauiora etiā peccata, quæ admiserunt, ex animo dolere oporteat. Qua in re elaborandum est, ut peccata etiā prius confiteantur, & Pastorum cohortatione ad ieiunia, & alia pietatis opera suscipienda incitentur, admoneanturque, laudabilem illam antiquæ Ecclesiæ consuetudinem renouandam esse, ut non nisi ieiuni hoc sacramentum susciperent. quod quidem fidelibus facile persuaderi posse, existimandum est, si huius sacramenti dona, admirabilesque effectus intellexerint.

Itaque Pastores docebunt, Confirmationem hoc cum ceteris sacramentis commune habere, ut, nili impedimentum aliquod ex parte eius, qui recipit, inferatur, nouam gratiam tribuat. etenim hæc sacra, & mystica signa cuiusmodi esse, demonstratum est, quæ gratiam declarant, atque efficiunt. Sed præter hæc, quæ cum aliis communia censenda sunt, primum quidem illud proprie Confirmationi tribuitur, quod baptismi gratiam perficit. qui enim per baptismum Christiani effecti sunt, quasi infantes modo geniti teneritatem adhuc & molliem quandam habent; ac deinde chris-

*Plas ad confirmationem
conuenias.*

*Concilium
Anr.*

matris sacramento aduersus omnes carnis, mundi, & Diaboli impetus robustiores fiunt; & eorum animus in fide omnino confirmatur ad confitendum, & glorificandum nomen Domini nostri Iesu Christi: ex quo etiam nomen ipsum inuentum esse nemo dubitavit. Neque enim, ut quidam non minus imperite, quam impie finxerunt, Confirmationis uocabulum ab eo deducitur, quod olim, qui infantes baptizati erant, cum iam adulti essent, ad Episcopum adducebantur, ut fidem Christianam, quam in baptismo susceperant, confirmarent: ita ut Confirmatio nihil a catechesi differre uideatur.

Conc. Trid.

cuius consuetudinis nullum probatum testimonium afferri potest: sed ab eo nomen rei impositum est, quod huius sacramenti uirtute Deus in nobis id confirmat, quod baptismo operari cepit, nosque ad Christianæ soliditatis perfectionem adducit. Nec uero confirmat solum, sed augeat etiam: de quo Melchisedech ita testatur:

S. Melchisedech.

Papa.

Spiritus sanctus, qui super aquas baptismi salutarifero descendit illapsus, in fonte plenitudinē tribuit ad innocentiam; in Cōfirmatione augmentum præstat ad gratiam; deinde nō augeat modo, sed admirabili quadam ratione augeat. Hoc autem pulcherrime indumenti translationē scriptura significauit, atque expressit: inquit enim Dominus saluator, cum de hoc sacramento loqueretur: Sedete in ciuitate,

Luc. 24.

quoad usque induamini uirtute ex alto. Quod si Pastores uoluerint diuinam huius sacramenti efficientiam ostendere; (hoc uero ad commouendos fidelium animos maximam uim habiturum esse, dubitari non potest) satis erit, quid ipsis apostolis euenerit, explicare. Illi enim ante passionem, uel sub ipsam passionis horam adeo infirmi, & remissi fuerunt, ut, cum Dominus comprehensus est, statim se in fugam coniecerint; Petrus uero, qui Ecclesiæ petra, & fundamentum designatus erat, & summam constantiam excelsique animi magnitudinem præfulerat, unius mulierculæ uoce perterritus, se Iesu Christi discipulum esse, nō semel, aut iterum, sed tertio negauerit; ac post resurrectionē omnes propter metum Iudæorum inclusi domi se continuerint. At uero in die Pentecostes tanta spiritus sancti uirtute omnes repleti sunt, ut, dum euangeliū, quod eis commissum erat, non solum in Iudæorū regione, sed in uniuerso orbe audacter, & libere disseminaret, nihil sibi felicius accidere posse existimauerint, quam quod digni haberentur, qui pro Christi nomine contumeliam, uincula, tormenta, cruces perferrent. Habet præterea Confirmatio eam uim, ut characterē imprimat: quo fit, ut nulla umquā ratione iterari possit: quod etiam in baptismo supra obseruatū est:

Act. 2.

ac de

Act. 5.

ac de sacramento ordinis quoque suo loco planius exponetur. Hæc igitur si a Pastoribus sæpe, & accurate explicata erūt; uix fieri poterit, quin fideles, cognita huius sacramenti dignitate, atque utilitate, illud summa cum diligentia sancte, & religiose suscipere studeant. Restat nunc, ut aliqua etiam de ritibus, & cærimoniis, quibus in hoc sacramento administrando catholica Ecclesia utitur, breuiter perstringantur. quæ explicatio quanto usui futura sit, Pastores intelligent, si, quæ antea dicta sunt, cum hic locus tractaretur, repetere uoluerint. Qui igitur confirmantur sacro chrismate, in fronte unguntur: nam hoc sacramento spiritus sanctus in animos fidelium sese infundit, in eisque robur, & fortitudinem auget, ut in spiritali certamine uiriliter pugnare, & nequissimis hostibus resistere queant. Quocirca declaratur, eos nullo metu, aut uerecundia, quarum affectionum signa maxime in fronte solent apparere, a libera Christiani nominis confessione absterrendos esse. Præterea nota illa, qua Christianus a cæteris ueluti miles insignibus quibusdam ab alijs distinguitur, in illustriori corporis parte imprimenda erat. Sed illud quoque solennis religione in Ecclesia Dei seruatum est, ut in Pentecoste præcipue hoc sacramentum administraretur; quod hoc maxime die apostoli, spiritus sancti uirtute roborati, & conformati sint; cuius diuini facti recordatione fideles admonerentur, quæ, quantaque mysteria in sacra unctione cogitanda essent. Deinde uero qui unctus, & confirmatus est, ut meminerit se tamquam fortem athletam paratum esse oportere ad omnia aduersa inuicto animo pro Christi nomine ferenda, manu leuiter in maxilla ab Episcopo cæditur. Postremo autem pax ei datur, ut intelligat se gratiæ cælestis plenitudinem, & pacem, quæ exuperat omnem sensum, consecutum esse. Atque hæc summa eorum sit, quæ de chrismatis sacramento a Pastoribus notam quidem nudis uerbis, & oratione, quam inflammato quodam pietatis studio explicanda sunt, ut ea in animis, intimisque fidelium cogitationibus inserere uideantur.

DE EVCHARISTIÆ SACRAMENTO.

Q Vemadmodum ex omnibus sacris mysteriis, quæ nobis tamquam diuinæ gratiæ certissima instrumenta Dominus saluator noster commendauit, nullum est, quod cum sanctissimo Eucharistiæ sacramento comparari queat: ita etiã nulla grauior alicuius sceleris animaduersio a Deo metuenda est, quam si res omnis sanctitatis plena, uel potius quæ ipsum sanctitatis auctorem, & fontem continet, neque sancte, neque religiose a fidelibus tractetur. Id uero Apostolus & sapienter uidit, & de eo nos aperte admonuit. nam cum declarasset, quãto illi scelere obstricti essent, qui corpus Domini non diiudicarent, statim subiicit: Ideo inter uos multi infirmi & imbecilles, & dormiunt multi. Vt igitur fidelis populus, cum cælesti huic sacramento diuinos honores tribuendos esse intellexerit, & gratiæ uberes fructus capiat, & iustissimam Dei iram effugiat, illa omnia a Pastoribus diligentissime exponenda erunt, quæ eius maiestatem magis illustrare posse uideantur. Quia in re opus erit, ut Pauli apostoli ratione secuti, qui se, quod a Domino acceperat, Corinthiis tradidisse professus est, in priniis huius sacramenti institutione fidelibus explicent. ita uero gestam rem esse, ex Euangelista perspicue colligitur. Cum enim Dominus dilexisset suos, in finem dilexit eos. cuius quidem amoris ut diuinum aliquod, atque admirabile pignus daret, sciens horam iam aduenisse, ut transiret ex hoc mundo ad Patrem, ne ullo umquam tempore a suis abesset, inexplicabili consilio, quod omnem naturæ ordinem, & condicionem superat, perfecit. Etenim, celebrata cum discipulis agni paschalis cena, ut figura ueritati, umbra corpori cederet, panem accepit, Deoque gratias agens benedixit, ac fregit, deditque discipulis suis, & dixit: Accipite, & manducate: Hoc est corpus meum, quod pro uobis tradetur: hoc facite in meam commemorationem. Similiter & calicem accepit postquam cenauit, dicens: Hic calix nouum testamentum est in meo sanguine: hoc facite, quotiescumque bibetis, in meam commemorationem. Huius ergo admirabilis sacramenti dignitatẽ, atque excellentiam, cum sacri scriptores fieri nullo modo posse intelligerent, ut uno uocabulo demonstrarent, pluribus eam nominibus exprimere conati sunt. interdum enim Eucharistiam appellant: quod uerbum, uel bonam gratiam, uel gratiarum actionem latine reddere possumus. Ac recte quidem, bona gratia, dicendum est;

1. ad Cor. 11.

Iom. 13.

Matt. 26.

Mar. 14.

Luc. 22.

1. ad Cor. 11.

est; tum quia uitam æternam, de qua scriptum est; Gratia Dei uita æterna, præsignificat: tum quia Christum dominum, qui uera gratia, atque omnium charismatum fons est, in se continet. Nec uero minus apte gratiarum actionem interpretamur: siquidem cuni hæc purissimam hostiam immolamus, immensas quotidie gratias pro uniuerfis in nos beneficijs Deo agimus: atque in primis pro eius gratiæ tam excellenti bono, quam nobis hoc sacramento tribuit. Sed id ipsum etiam nomen, cum his, quæ a Christo domino gesta esse in hoc mysterio instituendo legimus, optime cõuenit. Etenim panem accipiens fregit, ac gratias egit. Dauid quoque, cum huius mysterij magnitudinem contempleretur, antequam carmen illud pronunciaret; Memotiam fecit mirabilem suorum misericors & miserator Dominus, escam dedit timentibus se; gratiarum actionem præponendam existimauit, cum inquit: Confessio, & magnificentia opus eius. Frequenter etiam nomine sacrificij declaratur; de quo mysterio paulo post latius dicendum erit. Vocatur præterea communio: quod uerbum ex illo Apostoli loco sumptum esse liquet, ubi ait: Calix benedictionis, cui benedicimus, nonne communicatio sanguinis Christi est? & panis, quem frangimus, nonne participatio corporis Domini est? Nam, ut Damascenus explanauit, hoc sacramentum Christo nos copulat, atque eius carnis, & deitatis participes efficit, nosque inter nos in eodem Christo conciliat, ac coniungit, & ueluti unum corpus coagmentat. Ex quo factum est, ut sacramentum etiã pacis, & charitatis diceretur, ut intelligeremus, quam indigni sint Christiano nomine, qui inimicitias exercent, odiaque, dissidia, & discordias, ut tæterrimas fidelium pestes, omnino exterminandas esse: cum præsertim quotidiano religionis nostræ sacrificio, nihil nos seu diosius seruare quam pacem, & charitatem profiteamur. Sed uiarium etiam frequenter a sacris scriptoribus appellatur; tum quia spiritalis cibus est, quo in huius uitæ peregrinatione sustentamur; tum quia uiam nobis ad æternam gloriam, & felicitatem munit. Quare ex ueteri Ecclesiæ catholicæ instituto seruari uidemus, ut nemo fidelium sine hoc sacramento e uita excedat. Ac uetustissimi quidem Patres, Apostoli auctoritatem secuti, cenæ etiam nomine sacram Eucharistiam interdum uocarunt, quod in illo nouissimæ cenæ salutari mysterio a Christo domino sit instituta. neque uero propterea a cibo, aut potione Eucharistiam conficere, aut sumere licet, quod ab apostolis salutariter introducta consuetudo, quemadmodum ueteres scriptores memoriæ prodiderunt, perpetuo retenta, ac seruata est, ut

*Ad Rom. 6.**Mar. 26.**Mar. 14.**Luc. 22.**1. ad Cor. 11**Psal. 110.**1. ad Cor. 10.**Damascenus.**1. ad Cor. 11**D. Augustinus.*

est, ut a ieiunis tantum perciperetur. Sed, explicata nominis ratione, docēdum erit, hoc uerum esse sacramentum, atque unum ex septem illis, quæ sancta Ecclesia semper religiose coluit, ac uenerata est. nam cum calicis consecratio fit, mysterium fidei appellatur. Præterea, ut infinita pene sacrorum scriptorum testimonia omittamus, qui hoc inter uera sacramenta numerandum esse, perpetuo senserunt, ex ipsa ratione, & natura sacramenti idem conuincitur. Etenim in eo signa sunt externa, & sensibus subiecta. habet deinde gratiæ significationem, & efficientiam. præterea de Christi institutione, neque Euangelistæ, neque Apostolus dubitandi locum relinquunt. Quæ omnia cum in unum conueniant ad sacramenti ueritatem cōfirmandam, nullis aliis argumentis opus esse perspicitur. Sed illud diligenter Pastoribus obseruādum est, multa in hoc mysterio esse, quibus aliquando sacramenti nomen sacri scriptores tribuerunt. Interdum enim & consecratio, & perceptio, frequenter uero & ipsum Domini corpus, & sanguis, qui in Eucharistia continetur, sacramētum uocari consuevit. inquit enim D. Augustinus, sacramentum hoc duobus constare, uisibili scilicet elementorum specie, & inuisibili carne, & sanguine ipsius Domini nostri Iesu Christi. Atque ad eundem modum hoc sacramentum adorandum esse, nimirum corpus & sanguinem Domini intelligentes, affirmamus. Verum hæc omnia minus proprie sacramenta dici perspicuum est. Ipsæ autem panis & uini species ueram & absolutam huius nominis rationem habent. Sed quantum hoc sacramentum a reliquis omnibus differat, facile colligitur. nam cetera sacramenta materiæ usu perficiuntur, dum sci licet alicui administrari ea contingit. Baptismus enim sacramenti naturam tunc adipiscitur, cum re ipsa homo aqua abluitur: at uero ad Eucharistiæ perfectionem satis est ipsius materiæ cōsecratio; utrumque enim sacramentū esse nō definit, quamuis in pyxide asseruetur. Deinde in conficiendis aliis sacramentis nulla fit materiæ, atque elementi in aliam naturam mutatio. Etenim baptismi aqua, aut chrismatis oleum, cum illa sacramenta administrantur, priorem aquæ, & olei naturam non amittunt. In Eucharistia uero quod panis, & uinum ante consecrationem erat, confecta consecratione, uere est corporis & sanguinis Domini substantia. Licet autem duo sint elementa, panis scilicet, & uinum, ex quibus integrum Eucharistiæ sacramentum conficitur: nō tamen plura sacramenta, sed unum tantum esse, Ecclesiæ auctoritate docti confitemur. aliter enim septenarius sacramentorum numerus, quemadmodum semper traditum, atque

a Conciliis

D. Augustinus.

a Concilijs, Lateranensi, Florentino, & Tridentino, decretum est, cō-
 stare non poterit. nam cum huius sacramenti gratia unum corpus
 mysticum efficiatur, ut sacramentum ipsum rei, quam efficit, conue-
 niat, innum esse oportet; atque unum quidem, nōa quia indiuiduū
 sit, sed quia unius rei significationē habet. Nā quemadmodū cibus,
 & potio, quæ duæ diuersæ res sunt, ad unā tantum rem adhibētur, ut
 scilicet vires corporis reficiātur: ita etiā duās illis diuersas sacramēti
 species respondere, cōsentaneum fuit, quæ cibum spiritualement signi-
 ficarent, quo mentes sustinentur, & recreātur. Quare a Domino sal-
 uatore dictum est: Caro mea uere est cibus, & sanguis meus uere est
 potus. Sed diligēter explicandū est; quid Eucharistiæ sacramentū si-
 gnificet; ut fideles sacra mysteria oculis intuentes, simul etiā diuina-
 rum rerū cōtemplatione animum pascant. Tria uero sunt, quæ nobis
 hoc sacramento indicātur. Primū est Christi domini passio, quæ iam
 præterit: ipse enim docuit; Hoc facite in meam commemorationē:
 & Apostolus testatus est; Quotiescumque manducabitis panē hunc;
 & calicem bibetis, mortem Domini annuntiabitis, donec ueniat.
 Alterum est diuina, & cælestis gratia, quæ præsens ad animam alen-
 dam & conseruandam hoc sacramento tribuitur. Quemadmodum
 enim baptismo in nouam uitam gignimur, confirmatione robora-
 mur, ut Satanae repugnare; & palam Christi nomen profiteri possi-
 mus: ita Eucharistiæ sacramento alimur, ac sustentamur. Tertium
 est, quod futurum prænunciat, æternæ iucūditatis, & gloriæ fructus,
 quem in cælesti patria ex Dei promissione capiemus. Hæc igitur tria,
 quæ instantis, præteriti, & consequentis temporis uarietate distin-
 gui perspicuum est, sacris mysteriis ita significantur, ut totum sacra-
 mentum, quamuis ex diuersis speciebus constet, ad singula horum
 declaranda, tamquam ad unius rei significationem, referatur. Sed in
 primis cognoscenda est a Pastoribus huius sacramenti materia; tum
 ut ipsi rite illud possint conficere; tum etiam ut fideles admoneātur,
 cuius rei symbolum sit, atque eius rei, quam significat, studio, & de-
 siderio exardeant. Duplex itaque est huius sacramenti materia, atq;
 ra panis ex tritico confectus, de qua primo ageitur: de altera postea
 dicendum erit. Nam, ut docent euangelistæ Matthæus, Marcus, &
 Lucas, Christus dominus panem in manus accepit, benedixit, & fre-
 git, dicens; Hoc est corpus meum. Apud Ioannē quoque idem Sal-
 uator noster se ipsum panem appellauit, cum inquit: Ego sum panis
 uiuus, qui de cælo descendi. Cum autem uaria sint panis genera, uel
 quia materia differunt, ut cum alius ex tritico, alius ex ordeo, aut ex

N legumi-

leguminibus, ceterisque terræ fructibus confectus est, uel quia diuersis qualitatibus præditi sunt: (uni enim fermentum additur, alter uero fermenti omnino expers esse potest) quod ad primum attinet, Saluatoris uerba ostendunt, panem ex tritico confici oportere. communi enim loquendi consuetudine, cum panis absolute dicitur, panem ex tritico intelligi satis constat. Id eriam ueteris testamenti figura declaratur. præceptum enim a Domino fuerat, ut panes propositionis, qui

Leuit. 24. hoc sacramentum significabant, ex simila conficerentur. Sed quemadmodum nullus panis, nisi triticeus, aptus ad sacramentum materia putandus est: (hoc enim apostolica traditio nos docuit, & Ecclesiæ catholicæ auctoritas firmavit) ita etiam ex ijs, quæ Christus dominus gessit, azymum esse debere, facile intelligitur. ipse enim primo

Matth. 26.
Mar. 14.
Luc. 22. azymorum die, quo nihil fermentati domi habere ludæis licebat, hoc sacramentum confecit, atque instituit. Quod si quis Ioannis euangeliste auctoritatem opponat, qui hæc omnia ante festum diem Paschæ acta esse commemorat; ea ratio facile dissolui potest. Etenim quem primum azymorum diem ceteri euangelistæ appellauerunt, quod feria quinta uesperæ dies festi azymorum inciperent, quo tempore Saluator noster Pascha celebrauit; eum ipsum diem Ioannes pridie Paschæ fuisse describit; ut qui dici naturalis sparium, quod ab oriente Sole inchoatur, in primis notandum existimari. Quapropter diuus etiam Chrysostomus primum azymorum diem interpretatur cum diem, quo ad uesperam azyma comedenda essent. Sed azymi panis consecratio quantum conueniat integritati, & mentis munditiæ quam fideles ad hoc sacramentum asferre debent, ab Apostolo docemur, cum inquit: Expurgate uetus fermentum, ut sitis noua conspersio, sicut estis azymi: etenim Pascha nostrum immolatus est Christus: itaque epulemur non in fermento ueteri, neque in fermento malitiæ, & nequitie, sed in azymis sinceritatis, & ueritatis. Neque tamen ea qualitas adeo necessaria existimanda est, ut, si illa panis desit, sacramentum confici non possit: utrumque .n. panis genus uerâ & propriam panis rationem, & nomen habet. Quamquam nemini licet priuata auctoritate, uel potius temeritate laudabile Ecclesiæ suæ ritum immutare, atque eo minus id facere Latinis sacerdotibus permissum est, quibus præterea Pontifices Max. præceperunt, ut ex azymo tantum sacra mysteria conficerent. Atque hæc de altera huius sacramenti materia exposuisse satis sit: in quo tamen illud animaduertendum est, quam multa materia ad sacramentum conficiendum uti oporteat, definitum non esse; cum illorum etiam

certus

certus numerus definiti nequeat, qui aut possint; aut debeant facta mysteria percipere. Superest; ut de altera huius sacramenti materia; & elemento dicatur. Esta autem uinum ex uitis fructu expressum, cui modicum aquæ permixtum sit. nam Dominum saluatorem uino in huius sacramenti institutione usum esse, catholica Ecclesia semper docuit, cum ipse dixerit; Non bibam a modo de hoc genimine uitis usque in diem illum. Quo in loco Chrysostomus, De genimine; inquit, uitis, quæ certe uinum, non aquam pròduxit. Vt tanto ante illorum hæresim, qui aquam solam in hisce mysteriis adhibendâ senserunt, còuellere uideretur. Aquam uero, Dei Ecclesia uino semper admiscuit; primum; quod id a Christo domino factum esse, & Conciliorum auctoritate, & sancti Cypriani testimonio comprobatur; deinde; quod sanguinis, & aquæ, quæ ex eius latere exierunt, hæc permissione memoria renouatur. Tum uero aquæ, ut in Apocalipsi legimus, populum designante: quare aqua uino admista fidelis populi cum Christo capite coniunctionem significat. Atque hoc ex apostolica traditione perpetuo sancta Ecclesia seruauit. Sed quâuis aquæ admiscenda ita graues rationes sint, ut eam sine mortali peccato prætermittere non liceat; ea tamē si desit, sacramentum cōstare potest. Illud autem sacerdotibus animaduertendum est, ut, quæ admodum in sacris mysteriis aquam uino adhibere oportet, sic etiā modicam infundendam esse. nam ecclesiasticorum scriptorum sententia, & iudicio, aqua illa in uinum conuertitur. quare de eo Honorius Pontifex ita scribit: Perniciosus in tuis partibus inoleuit abusus, uidelicet, quod maior quantitas aquæ in sacrificio, quam uini, adhibetur; cum, secundum consuetudinem rationabilem Ecclesiæ generalis, longe plus uini, quam aquæ, adhibendum sit. Huius igitur sacramenti hæc duo tantum elementa sunt: ac merito pluribus decretis sancitum est, ne quid aliud præter panem, & uinum, quod nō nulli facere non uerebantur, offerre liceat. Sed iam uidendū est, hæc duo panis, & uini symbola quam apta sint ad eas res declarandas, quarum sacramenta esse credimus, & cōfitemur. Primum enim Christū nobis significant, ut uera est hominū uita. ipse enim Dominus ait: Caro mea uere est cibus, & sāguis meus uere est potus. Cū igitur corpus Christi domini uitæ æternæ alimentū illis præbeat, qui eius sacramentū pure, & sancte suscipiunt; recte iis potissimum rebus conficitur, quibus hæc uita continetur: ut fideles facile possint intelligere, pretiosi corporis, & sanguinis Christi communionem mentem, animumque saturari. Nō nihil etiam hæc ipsa elementa ad id ualent,

*Matth. 26.**Mar. 14.**S. Chrysostomus.**S. Cyprianus**Apoc. 17.**Honorius Papa.**Ioan. 6.*

ut eam cognitio nem accipiant homines, esse in sacramento corporis, & sanguinis Domini ueritatem. nam cum panem, & uinum in humanam carnem & sanguinem ui naturæ quotidie immutari animaduertamus; facilius adduci possumus hac similitudine, ut credamus, panis, & uini substantiam in ueram Christi carnem, uerumque eius sanguinem cælesti benedictione conuerti. Affert etiam aliquid adiuuenti hæc admirabilis elementorum mutatio ad adumbrandū, quod fit in anima. Vt enim, & si nulla extrinsecus parīs, & uini mutatio apparet, tamen eorum substantia in carnem, & sanguinē Christi uere transit: ita etiam, tamen in nobis nihil immutatum uidetur, interius tamen ad uitam renouamur, dum ueram uitam Eucharistiæ sacramento accipimus. Accedit ad hæc, quod, cum unum Ecclesiæ corpus ex multis membris compositum sit, nulla re magis elucet ea coniunctio, quam panis uinique elementis. Panis enim ex multis granis conficitur, & uinum ex multitudine racemorum existit. atque ita nos, cum multi simus, huius diuini mysterii uinculo arctissime colligari, & tamquam unum corpus effici declarant.

*Eucharistiæ
conficienda
forma; & il-
lius effectus
admirandi.*

*Matt. 26.
Mat. 14.
Luc. 22.
1. ad Cor. 10*

Sequitur nunc, ut de forma, qua ad consecrandū panem uti oporteat, agatur, non quidem eius rei causa, ut hæc mysteria fidei populo, nisi necessitas cogat, tradantur: (eos enim, qui sacris initiati nō sunt, de his erudiri necessarium non est) sed ne, formæ ignorance, in sacramento conficiendo a sacerdotibus turpissime peccetur. itaque a sanctis euāgelistis, Matthæo, & Luca, itemq. ab Apostolo docemur, illā esse formam, **HOC EST CORPUS MEVM.** scriptū est enim: Cenātibus illis accepit Iesus panem, & benedixit, ac fregit, deditque discipulis suis, & dixit: Accipite, & manducate: Hoc est corpus meum. Quæ quidem consecrationis forma cum a Christo domino seruata sit, ea perpetuo catholica Ecclesia usa est. Prætermittenda sunt hoc loco sanctorum Patrum testimonia, quæ infinitum esset enumerare, & Concilii Florentini decretum, quod omnibus patet, atque in promptu est; cum præsertim ex illis Saluatoris uerbis; Hoc facite in meam commemorationem; idem liceat cognoscere. nam quod Dominus faciendum præcepit, non solum ad id, quod egerat, sed etiam ad ea, quæ dixerat, referri debet, atque ad uerba maxime pertinere intelligendum est, quæ non minus efficiendi, quam significandi causa prolata erāt. Sed ratione etiam id facile persuaderi potest. nā forma ea est, qua illud significatur, quod in hoc sacramento efficitur: cum autem hæc uerba id, quod fit, significant, ac declarent, hoc est, panis conuersionem in uerum Domini nostri corpus, sequitur, formam

formam in illis ipsis uerbis cōstituendam esse . in quam sententiam, quod ab Euangelista dictum est, Benedixit, licet accipere. Perinde enim uidetur intelligendum, ac si dixisset, accipiens panem benedixit, dicens; Hoc est corpus meum. Quamuis enim Euangelista uerba illa, Accipite, & comedite, prapōuerit: illis tamen non materię consecrationem, sed usum tantummodo significari, perspicuum est. quare a sacerdote quidem omnino proferri debent, sed ad sacramētum conficiendū necessaria non sunt: quemadmodum etiam profertur coniunctio illa, ENIM, in corporis & sanguinis consecratione: aliter enim fiet, ut, si hoc sacramentum nemini administrandum sit, confici non oporteat, aut non possit quidem; cum tamen dubitare non liceat, quin sacerdos, prolatis ex more, atque instituto sanctę Ecclesię uerbis Domini, aptam panis materiam uere consecret; quamuis deinde contingat, ut nulli umquam sacra Eucharistia administretur. Iam uero, quod ad uini, quę est altera huius sacramenti materia, consecrationem attinet, ob eandem causam, quam supra commemorauimus, opus est, ut sacerdos eius formam cognitam, & perspectam habeat. Eam igitur his uerbis comprehendere, certo credendum est: Hic est calix sanguinis mei, noui, & æterni testamenti, mysterium fidei, qui pro uobis, & pro multis effundetur in remissionem peccatorum. Ex quibus uerbis plura quidem a factis scripturis colliguntur: quędam uero in Ecclesia ex apostolica traditione conseruata sunt. nam quod dicitur: Hic est calix: a D. Luca, & ab Apostolo scriptum est. quod uero sequitur: Sanguinis mei, uel sanguis meus noui testamenti, qui pro uobis & pro multis effundetur in remissionem peccatorum: partim a D. Luca, partim a D. Matthæo dictum est. Verba autē illa, Aeterni, & Mysterium fidei, sancta traditio, catholicę ueritatis interpret & custos, nos docuit. Verū de hac forma nemo dubitare poterit, si, quod antea dictum est de forma consecrationis, quę ad panis elementum adhibetur, hoc etiam loco attendatur. constat enim, ijs uerbis, quę uini substantiam in sanguinem Domini conuerti significant, huius elementi formam contineri. Quare cū uerba illa hoc aperte declarent, perspicuum est, aliam formam constituendam non esse. Exprimunt autem præterea quosdā effusi sanguinis in passione Domini admirabiles fructus, qui ad hoc sacramentū maxime pertinet. Vnus est, aditus ad æternam hereditatem, quę noui, atque æterni testamenti iure ad nos uenit: Alter est, aditus ad iusticiam per mysterium fidei: Iesum enim per fidem in sanguinem eius propitiatorem Deus proposuit, ut ipse sit

iustus, & iustificans eum, qui ex fide est Iesu Christi. Tertius est, remissio peccatorum. Quoniam uero hæc ipsa consecrationis uerba plena mysteriorum sunt, aptissimeque ad rem conueniunt, diligentius perpendere ea oportet. Quod uero dicitur: Hic est calix sanguinis mei; sic intelligendum est: Hic est sanguis meus, qui hoc calice continetur. Recte autem, & apposite, dum sanguis hic, ut est fidelium potus, consecratur, calicis mentio facienda est. neque enim sanguis huiusmodi potionem satis significare uideretur, nisi uase aliquo exceptus esset. Sequitur deinde, Noui testamenti: quod quidem ob eam rem additum est, ut intelligeremus Christi domini sanguinem non figura, quemadmodum in ueteri testamento fiebat, (de eo enim apud *Ad Heb. 9.* Apostolum ad Hebræos legimus, Sine sanguine testamentum dedicatum non esse) sed uere, & re ipsa hominibus tradi; quod ad nouum testamentum pertinet. Quare Apostolus inquit: Ideo noui testamenti mediator est Christus, ut, morte intercedente, repromissionem accipiat, qui uocati sunt, æternæ hæreditatis. Verbum uero, Aeterni, ad hereditatem æternam, quæ Christi domini, æterni testatoris, morte ad nos iure peruenit, referendum est. Quod subiungitur; Mysteriorum fidei; non rei ueritatem excludit, sed, quod occulte latet, atque ab oculorum sensu remotissimum est, certa fide credendum esse significat. Diuersa uero hisce uerbis sententia hoc loco subiecta est ab ea, quam habent, cum baptismo etiam tribuitur. nam quod sanguinem Christi, sub uini specie latentem, fide cernimus, mysterium fidei dicitur. At baptismus, quoniam uniuersam Christianæ fidei professionem complectitur, a nobis fidei sacramentum, a Græcis mysterium iure appellatur. Quamquam alia etiam ratione sanguinem Domini, fidei mysterium dicimus, quod scilicet in eo maxime plurimum difficultatis, & negotij humana ratio experiatur, cum nobis fides credendum proponit Christum dominum, uerum Dei filium, simulque Deum, & hominem mortem pro nobis pertulisse: quæ quidem mors sanguinis sacramento designatur. Quapropter apposite hoc loco potius, quam in consecratione corporis, passio Domini commemoratur, his uerbis: Qui effundetur in remissionem peccatorum. Sanguis enim, separatim consecratus, ad passionem Domini, & mortem, & passionis genus ante omnium oculos ponendam maiorem uim, & momentum habet. Sed uerba illa, quæ adduntur; Pro uobis, & pro multis; a Matthæo, & Luca, singula a singulis sumpta sunt, quæ tamen sancta Ecclesia, spiritu Dei instructa, simul coniunxit: pertinent autem ad passionis fructum, atque utilitatem declaran-

*Matth. 26.
Luc. 22.*

declarandam. nam si eius uirtutem inspiciamus, pro omnium salute sanguinem a Salvatore effusum esse fatendum erit: si uero fructum, quem ex eo homines perceperint, cogitemus, non ad omnes, sed ad multos tantum eam utilitatem peruenire, facile intelligemus. Cum igitur; Pro uobis; dixit, uel eos, qui aderant, uel delectos ex Iudæorum populo, quales erant discipuli, excepto Iuda, quibuscum loquebatur, significauit. Cum autē addidit; Pro multis; ~~et~~ reliquos electos ex Iudæis, aut gentibus intelligi uoluit. Recte ergo factum est, ut, pro uniuersis, non diceretur; cum hoc loco tantummodo de fructibus passionis sermo esset, quæ salutis fructum delectis solum attulit. Atque huc spectant uerba illa Apostoli; Christus semel oblatuſ est ad multorum exhaurienda peccata. Et quo Dominus apud Ioannem inquit; Ego pro eis rogo, non pro mundo rogo, sed pro his, quos dedisti mihi, quia tui sunt. Plurima alia in huius consecrationis uerbis latent mysteria; quæ Pastores assiduæ rerum diuinarum meditatione, & studio ipsi per se, iuuante Domino, facile assequetur.

*Ad Heb. 9.**Ioan. 17.*

Sed iam ad earum rerum explicationem oratio reuertatur, quæ ut a fidelibus ignorentur, nullo modo committendum est. Ac quoniā Apostolus admonet, grauissimum scelus admitti ab ijs, qui nō dijudicant corpus Domini; hoc in primis doceant Pastores, animum atque rationem a sensibus omni studio auocandam esse. Si enim fideles ea tantum in hoc sacramento contineri sibi persuaſerint, quæ sensibus percipiunt; in summā impietatem adducatur, necesse est, cum nihil aliud, præter panis, ac uini speciem, oculis, tactu, odoratu, gustu sentientes, panem tantummodo, ac uinum in sacramento esse iudicauerint. Curandum igitur est, ut fidelium mentes, quam maxime fieri potest, a sensuum iudicio abſtrahantur, atque ad immensam Dei uirtutem, & potentiam contemplandam excitentur. Tria enim sunt maxime admiranda, atque suspicienda, quæ in hoc sacramento uerbis consecrationis effici, fides catholica sine ulla dubitatione credit, ac confitetur. Primum est, uerum Christi domini corpus, illud idem, quod natum ex uirgine, in cælis sedet ad dexteram Patris, hoc sacramento contineri. Alterum est, nullam in eo elementorum substantiam remanere; quamuis nihil magis a sensibus alienum, & remotum uideri possit. Tertium est, quod ex utroque facile colligitur, & si uerba consecrationis id maxime exprimunt, accidentia, quæ aut oculis cernuntur, aut alijs sensibus percipiuntur, sine ulla re subiecta esse, mira quadam, atque inexplicabili ratione. Ac panis quidē, & uini accidentia omnia licet uidere, quæ tamen nulli substantiæ in-

1. ad Cor. 11.

hærent, sed per ipsa constant; cum panis, & uini substantia in ipsum Domini corpus ita mutetur, ut panis, & uini substantia omnino esse desinant. Verum, ut prius de primo agatur, conentur Pastores explicare, quam perspicua, & clara sint Saluatoris nostri uerba, quæ corporis eius ueritatem in sacramento demonstrant. nam cum inquit;
Mat. 26. Hoc est corpus meum; Hic est sanguis meus: nemo, qui modo sanæ
Mar. 14. mentis sit, ignorare potest, quid nobis intelligendum sit; præsertim
Luc. 22. cum de humana natura sermo habeatur: quam in Christo uere fuisse, catholica fides dubitare neminem patitur: ut uir sanctissimus, atque doctissimus Hilarius præclare scripserit de ueritate carnis & sanguinis Christi, cum ex ipsius Domini professione, & fide nostra, caro eius uere sit cibus, relictum non esse ambigendi locum. Verum alter præterea locus a Pastoribus enucleandus est, ex quo aperte licet cognoscere, uerum Domini corpus, & sanguinem in Eucharistia contineri. Nam Apostolus posteaquam commemorauit panem, & uinū a Domino consecratum, & sacra mysteria apostolis suis administrata esse, subiungit: Probet autem se ipsum homo, ac sic de pane illo edat, & de calice bibat: qui enim manducat & bibit indigne, iudicium sibi manducat, & bibit, non dijudicans corpus Domini. Quod si, ut hæretici dictitant, nihil aliud in sacramento uenerandum esset præter memoriam & signum passionis Christi, quid opus erat tam grauius uerbis fideles hortari, ut seipsos probarent? Graui enim illa, *1VDICI*, uoce declarauit Apostolus, nefariū aliquod scelus ab eo ad mitti, qui impure sumēs corpus Domini, quod in Eucharistia occultelatet, ab alio ciborum genere non distinguit. quod etiam supra in eadem epistola uberius explicauit Apostolus his uerbis: Calix benedictionis, cui benedicimus, non ne communicatio sanguinis Christi est? & panis, quem frangimus, non ne participatio corporis Domini est? Quæ quidem uerba uerani corporis, & sanguinis Christi domini substantiam demonstrant.

Hæc igitur scripturæ loca Pastoribus explicanda erunt, atque in primis docendum, nihil in eis dubij, aut incerti relictum esse; præsertim cum hæc Ecclesiæ Dei sacrosancta auctoritas interpretata sit: ad cuius sententiæ cognitionem duplici uia & ratione possumus peruenire. Prima est, cum Patres, qui ab initio Ecclesiæ, atque omni deinceps ætate floruerunt, & ecclesiasticæ doctrinæ optimi testes sunt, consulimus. hi uero summo consensu omnes huius dogmatis ueritatem apertissime tradiderunt. Quorum singula testimonia afferre, quoniam operosi laboris esset, satis erit pauca notare, uel indicare potius,

potius, ex quibus iudicium de ceteris facile fieri poterit. Primus igitur D. Ambrosius fidem suam proferat, qui in libro de iis, qui initiatur mysteriis, testatus est, uerum Christi corpus in hoc sacramento sumi, sicut uerum ex Virgine sumptum est, idque certissima fide tenendum esse. & alio loco docet, ante consecrationem panem ibi esse, post consecrationem autem carnem Christi. Accedat alter testis D. Chrysostomus, non minoris fidei, & grauitatis: qui quidem cum multis aliis in locis hanc ipsam ueritatem profitetur, & docet: tum uero præcipue homilia 60. de iis, qui sacra mysteria impure sumunt: itemque homilia 44. & 45. in sanctum Ioannem: inquit enim: Pareamus Deo, neque contradicamus; licet uel cogitationibus, uel oculis nostris uideatur aduersari, quod dicitur: Ipsius enim sermo infallibilis est; sensus noster facile seducitur. His uero omni ex parte consentiunt, quæ D. Augustinus, acerrimus catholicæ fidei propugnator, semper docuit, atque in primis titulum psalmi 33. exponens; scribit enim: Portare se in manibus suis, homini impossibile est, soli que Christo cōuenire potest: ferebatur enim ille in manibus eius, quando commendans ipsum corpus suum ait, Hoc est corpus meum. Ac Cyrillus præterea, Iustinus, & Irenæus adeo aperte lib. 4. in Ioannem ueram Domini carnem in hoc sacramento esse affirmat, ut eius uerba nullis possint fallacibus, & captiosis interpretationibus obscurari. Quod si Pastores alia etiam Patrum testimonia requirerent, facile erit sanctos Dyonisium, Hilarium, Hieronymum, Damascenum addere, innumerabilesque alios, quorum de hac re grauissimas sententias doctorum, & piorum hominum industria, & labore in unum congestos passim legimus. Altera restat uia, qua sanctæ Ecclesiæ iudicium in iis, quæ ad fidem pertinent, inuestigare liceat, contrariæ scilicet doctrinæ, & opinionis damnatio. At uero constat, semper corporis Christi ueritatem in sancto Eucharistiæ sacramento, ita per uniuersam Ecclesiam diffusam, & disseminatam esse, & consentienti uoluntate ab omnibus fidelibus receptam, ut, cū ante quingentos annos Berengarius id negare ausus esset, ibique signum tantummodo esse assereret, statim in Vercellensi Concilio, quod Leonis IX. auctoritate conuocatum fuerat, omnium sententijs condemnatus, ipse hæresim suam anathemati addiderit. qui postea cum ad eandem impietatis insaniam rediisset, tribus alijs Concilijs, Turonensi, & duobus Romanis, quorum alterum Nicolaus II. alterum Gregorius VII. Pontifices Max. conuocarunt, damnatus est. Eam postea sententiam Innocentius III. in Concilio Lateranensi magno confir-

D. Ambros.

S. Chrysost.

S. August.

S. Cyrillus,
Iustinus, &
Irenæus.

Concilio Lat.

confir-

*Const. conc.
Flor. Trident.*

confirmauit: ac deinceps a Florentina, & Tridentina Synodis eiusdem ueritatis fides apertius declarata, ac stabilita est. Hæc igitur si Pastores diligenter exposuerint, (ut nihil dicamus de ijs, qui erroribus obæcati, nihil magis, quam ueritatis lucem, oderunt) & infirmos confirmare, & piorum tuentes summa quadam læticia, & uoluptate afficere poterunt; cum præsertim fidelibus dubitare nō liceat, quin inter ceteros fidei articulos huius etiam dogmatis fides comprehendatur. nam cum Dei summam omnium rerum potestatem credunt, & consentiunt; credant etiam necesse est, potestatem ei non defuisse inaximi huius operis efficiendi, quod in Eucharistiæ sacramento admiramur, & colimus. Deinde cum credunt sanctam Ecclesiam catholicam; necessario sequitur, ut simul credant eam esse, quam explicauimus, huius sacramenti ueritatē. Sed nihil est profecto, quod ad piorum iucunditatem, & fructum addi possit, cum huius altissimi sacramenti dignitatem contemplantur. Primum enim intelligūt, quanta sit euangelicæ legis perfectio, cui datum est, id re ipsa habere, quod signis tantum & figuris Mosæicæ legis tempore adumbratum fuerat. Quare diuinitus dictum est a Dionysio, Ecclesiam nostram mediam esse inter Synagoga, & supremam Hierusalem, ac propterea utriusque participem. Ac profecto satis mirari fideles uideamus, quam poterunt sanctæ Ecclesiæ perfectionem, eiusque gloriæ altitudinem; cum integram, & cælestem beatitudinem unus tantum gradus interesse uideatur. Hoc enim nobis cum cælitibus commune est, ut utrique Christum Deum, & hominem præsentem habeamus: sed, quo uno gradu ab eis distamus, illi præsentem beatam uisionem perfruuntur; nos præsentem, & tamen ab oculorum sensu remotum, sacrorum mysteriorum admirabili integumento se occultare, firmam, & constanti fide ueneramur. Præterea, fideles hoc sacramento Christi saluatoris nostri perfectissimam charitatē experiuntur. eius enim bonitatem maxime decuit, naturam, quam a nobis sumpserat, a nobis numquam subtrahere: sed, quantum fieri posset, esse, uersarique nobiscum uelle; ut illud omni tempore uere, & proprie dictum uideretur; Deliciæ meæ esse cum filiis hominum.

Prouerb. 8.

*De cōcomitā
tia partium
corporis Chri
sti in hoc sa
cramento.*

Iam uero hoc loco a Pastoribus explicandum est, non solum, uerum Christi corpus, & quidquid ad ueram corporis rationem pertinet, ueluti ossa, & neruos: sed etiam totum Christum in hoc sacramento contineri. Docere autem oportet, Christum nomen esse Dei & hominis, unius scilicet personæ, in quo diuina, & humana natura cōiuncta sit. quare utramque substantiam, & quæ utriusque sub-

stantia

stantiæ consequentia sunt, diuinitatem, & totam humanam naturā, quæ ex anima & omnibus corporis partibus, & sanguine etiam constat, completitur: quæ omnia in sacramento esse credendum est. Nam cum in cælo tota humanitas diuinitati in una persona & hypostasi coniuncta sit; nefas est suspicari, corpus, quod in sacramento inest, ab eadem diuinitatē seiunctum esse. In quo tamē Pastores animaduertant, necesse est, non omnia eadem ratione, aut uirtute in hoc sacramento contineri. Quædam enim sunt, quæ ex ui, & efficiētia consecrationis in sacramento esse dicimus. nam cum uerba illa efficiant, quidquid significant, id esse in sacramento ex ui sacramenti diuinarum rerum scriptores appellarunt, quod uerborum forma exprimitur. ita si contingeret, ut aliquid ab aliis rebus omnino seiunctum esset, id solum, quod forma significaret, in sacramento esse, cetera non item esse docuerunt. quædam uero in sacramento cōtinentur, quod illis rebus coniuncta sint, quæ forma exprimuntur, nam cum forma, quæ ad panem consecrandum adhibetur, corpus Domini significet; cum dicitur; Hoc est corpus meum; ipsum Christi domini corpus ex ui sacramenti in Eucharistia erit. At quia corpori sanguis, anima, & diuinitas coniungitur, hæc quoque in sacramēto erunt omnia, non quidem ex cōsecrationis uirtute, sed ut ea, quæ corpori coniuncta sunt. Atque hæc ex concomitantia in sacramēto esse dicuntur: qua ratione totum Christum in sacramento esse perspicuum est. si enim duo aliqua inter se te ipsa coniungātur; ubi unum sit, ibi alterum etiam esse necesse est. Sequitur itaque, totum Christum usqueadeo tam in panis, quam in uini specie cōtineri, ut, quemadmodum in panis specie non corpus modo, sed etiā sanguis, & totus Christus uere inest, sic contra in uini specie non solum sanguis, sed corpus, & totus Christus uere insit. Sed quamquam, hæc ita se habere, omnibus fidelibus certum & persuasissimum esse debet: optimo tamen iure institutum est, ut separatim duæ consecrationes fierent. Primo enim, ut passio Domini, in qua sanguis a corpore diuisus est, magis referatur: cuius rei causa in consecratione sanguinē effusum esse meminimus. Deinde maxime consentaneum fuit, ut, quoniam sacramēto ad alendam animam utendum nobis erat, tamquam cibus & potus institueretur, ex quibus perfectum corporis alimentum constare perspicuum est. Neque uero illud prætermittendum, non solum in utraque specie, sed in quauis utriusque speciei particula totum Christum contineri. sic enim Augustinus scriptum reliquit: Singuli accipiunt Christum dominum, & in singulis portionibus

S. August.

tionibus totus est, nec per singulos minuitur, sed integrum se præbet in singulis: atque id præterea ex euangelistis facile colligi potest. Neque enim credendum est, singula panis frustra propria uerborum forma a Domino consecrata esse, sed eadem simul omnem panem, qui ad facta mysteria conficienda, atque apostolis distribuenda satis futurus esset. id quod de calice factum esse apparet, cum ipse dixit:

Luc. 22. Accipite, & diuidite inter uos. Hactenus quæ explicata sunt, eo pertinent, ut ostendat Pastores, uerum Christi corpus, & sanguinem in Eucharistiæ sacramento contineri. Nunc, quod alterum erat propositum, docebunt etiam panis & uini substantiam in sacramento post consecrationem non remanere. Hoc uero quamuis maximam admirationem merito habere possit, tamen cum eo, quod prius demonstratum est, necessario coniungitur. Etenim si est uerum Christi corpus sub panis, & uini specie post consecrationem; omnino necesse est, cum ibi antea non esset, hoc uel loci mutatione, uel creatione, uel alterius rei in ipsum conuersione factum esse. At uero fieri non posse constat, ut corpus Christi in sacramento sit, quod ex uno in alium locum uenerit. ita enim fieret, ut a cæli sedibus abesset: quoniam nihil mouetur, nisi locum deserat, a quo mouetur. Creati autem corpus Christi minus credibile est, ac ne in cogitationem quidem cadere hoc potest. relinquitur ergo, ut in sacramento sit corpus Domini, quod panis in ipsum conuertatur. Quare nulla panis substantia remaneat, necesse est. Hac ratione adducti Patres & maiores nostri, in Concilijs, Latetanensi magno, & Florentino, huius articuli ueritatem apertis de ceteris confirmant. a Tridentina uero Synodo explicatius ita definitum est: Si quis dixerit in sacrosancto Eucharistiæ sacramento remanere substantiam panis, & uini, una cum corpore, & sanguine domini nostri Iesu Christi, anathema sit. Hæc uero ex testimonijs scripturarum facile fuit colligere; primum, quod in eius sacramenti institutione ipse Dominus dixit; Hoc est corpus

*Later. Conc.
Eugenius. 4.
Decr.
Trid. Syn.*

*Mat. 26.
Mar. 14.
Luc. 22.
1. ad Cor. 11*

Ioan. 6.

meum. uocis enim, *hoc*, ea uis est, ut omnem rei præsentis substantiam demonstret. quod si panis substantia remaneret, nullo modo uere dici uideretur; Hoc est corpus meum. Deinde Christus dominus apud Ioannem, Panis, inquit, quem ego dabo, caro mea est pro mundi uita; panem uidelicet carnem suam uocans. Ac paulo post subiicit; Nisi manducaueritis carnem filij hominis, & biberitis eius sanguinem, non habebitis uitam in uobis. & rursus: Caro mea uere est cibus, & sanguis meus uere est potus. Cum ergo tam clavis, & perspicuis uerbis carnem suam panem, & cibum uerum: sanguinem

item

item uerum potum nominauerit; satis uidetur declarasse, nullam in sacramento substantiam panis, & uini remanere. Atque hanc perpetuo sanctorum Patrum consentientem fuisse doctrinam, qui eos euoluerit, facile intelliget. D. quidem Ambrosius ita scribit: Tu forte dicis; meus panis est uisatus; sed panis iste, panis est ante uerba sacramentorum: ubi accesserit consecratio, de pane fit caro Christi. quod quidem ut facilius probare posset, uaria deinde affert exempla; & similitudines. Alibi uero, cū uerba illa interpretaretur; Omnia, quaecumque Dominus uoluit, fecit in cælo, & in terra; Licet, inquit, figura panis, & uini uideatur, nihil tamen aliud, quam caro Christi, & sanguis, post consecrationem credendum est. Atque eisdem fere uerbis eandem sententiam sanctus Hilarius exponens, docuit, quamuis extrinsecus panis, & uinum uideatur, uere tamē corpus, & sanguinem Domini esse. Sed moneant Pastores hoc loco, mirandum non esse, si post consecrationem panis etiam uocetur. hoc enim nomine Eucharistia appellari consuevit, tum quia panis speciem habeat; tum quia naturalē alendi, & nutriendi corporis uim, quæ panis propria est, adhuc retineat. Eam autē esse sacrarum litterarū consuetudinē, ut res ita appellet, cuiusmodi esse uideantur, satis ostēdit, quod in Genesi dictū est, tres uiros Abraham apparuisse, qui tamē tres angeli erāt: Er duo illi, qui apostolis ascendente in cælum Christo domino apparuerūt cū essent angeli, uiri dicuntur. Difficillima est omnino huius mysterij explicatio; sed tamē conabuntur Pastores, ijs, qui magis in diuinarum rerū cognitione profecerūt, (nam qui adhuc imbecilliores sunt, uerendum esset, ne rei magnitudine opprimerentur) conabuntur, inquam, tradere huius admirabilis conuersionis modum: quæ ita fit, ut tota panis substantia diuina uirtute in totam corporis Christi substantiam, totaque uini substantia in totam sanguinis Christi substantiam, sine ulla Domini nostri mutatione conuertatur. Neque enim Christus aut generatur, aut mutatur, aut augetur; sed in sua substantia totus permanet. Quod mysterium cum D. Ambrosius declararet; Vides, inquit, quam operatorius sit sermo Christi. Si ergo tanta uis est in sermone domini Iesu, ut inciperet esse, quæ non erant, mundus scilicet: quanto magis operatorius est, ut sint, quæ erant, & in aliud commutentur? In quam sententiam alij etiam ueteres, & grauissimi Patres scriptum reliquerunt: D. quidem Augustinus: Fideliter fatemur ante consecrationem panem esse, & uinum, quod natura formauit, post consecrationem uerò carnem Christi, & sanguinem; quod benedictio conseruauit. Damascenus: Corpus secundum ueritatem coniunctum est diuinitati, corpus ex

D. Ambros.

S. Hilarius.

Gen. 18.
Ab. 1.

D. Ambros.

D. August.

Damascenus

O sancta

sancta Virgine; non quod ipsum corpus assumptum de cælo descendat: sed quod ipse panis, & unum in corpus & sanguinem Christi transmutentur. Huius itaque admirabilis conuersio conuenienter & proprie a sancta catholica Ecclesia transubstantiatio est appellata, quemadmodum sacra Tridentina Synodus docuit. Ut enim generatio naturalis, quod forma in ea mutatur, recte, & proprie transformatio dici potest: ita etiam, quod in sacramento Eucharistiæ tota unius rei substantia, in totam alterius rei substantiam transeat, uerbum transubstantiationis recte, & sapienter a maioribus nostris inuentum est.

*Sacrosanctæ
Eucharistiæ
sacramentum
pie credendū,
non curiose
scrutandum.*

Sed illud sæpissime a sanctis Patribus repetitum fideles admonendi sunt, ne curiosius inquirent, quo pacto ea mutatio fieri possit. nec enim percipi a nobis potest, nec in naturalibus mutationibus, aut in ipsa rerum creatione eius rei exemplum aliquod habemus. Verum, quid hoc sit, fide cognoscendum est; quo modo fiat, curiosus non inquirendum. Non minorem uero cautionem Pastores adhibeant, oportet, in eo etiam mysterio explicando, quo modo Christi domini corpus, uel in minima panis particula, totum contineatur: uix enim umquam huiusmodi disputationes instituendæ erūt: sed tamen, quando Christiana charitas hoc postulauerit, primum quidem meminerit, fidelium animos illa uoce præmunire; Non erit impossibile apud Deum omne uerbum. Deinde uero doceant, Christum dominum in hoc sacramento, ut in loco, non esse: etenim locus res ipsas consequitur, ut magnitudine aliqua prædictæ sunt. Christum uero dominum ea ratione in sacramento esse non dicimus, ut magnus, aut paruus est, quod ad quantitatem pertinet, sed ut substantia est. Substantia enim panis in Christi substantiam, non in magnitudinem, aut quantitatem, conuertitur. Nemo uero dubitat substantiam æque in paruo, atque in magno spatio contineri. nam & aeris substantia, totaque eius natura licet in parua, ut in magna aeris parte, itemque tota aquæ natura non minus in urnula, quam in flumine insit, necesse est.

Luc. ca. 1.

Cum igitur panis substantiæ, corpus Domini nostri succedat; fateri oportet, ad eundem plane modum in sacramento esse, quo modo panis substantia ante consecrationem. Ea uero utrum sub magna, an sub parua quantitate esset, nihil ad rem omnino pertinebat. Tertium restat, quod in hoc sacramento maximum atque admirabile uideatur: quod quidem, iam duobus aliis explicatis, facilius a Pastoribus tractari posse, existimandum est; panis

panis uidelicet & uini species in hoc sacramento sine aliqua re subie-
cta constare. Nam cum antea demonstratum sit, corpus Domini, &
sanguinem uere in sacramento esse, ita ut nulla amplius subsit panis,
& uini substantia; quoniam ea accidentia Christi corpori, & sangui-
ni inhaerere non possunt: relinquitur, ut supra omnem naturæ or-
dinem ipsa se, nulla alia re nisi, sustentent. Hæc perpetua, & constans
fuit catholicæ Ecclesiæ doctrina; quæ etiam facile eorum testimo-
niorum auctoritate confirmari poterit, quibus antea planum fa-
ctum est, nullam residere in Eucharistia panis; aut uini substan-
tiam. Sed nihil magis fidelium pietati conuenit, quam, omisis sub-
tilioribus questionibus, huius admirabilis sacramenti maiestatem
uenerari, & colere; ac deinde in eo summam Dei prouidentiam su-
spicere, quod sacrosancta mysteria sub panis, & uini specie admini-
stranda instituerit. nam cum a communi hominum natura maxime
abhorreat humanæ carnis esca, aut sanguinis potione uesci; sapien-
tissime fecit, ut sanctissimum corpus & sanguis sub earum rerum
specie, panis, inquam, & uini; nobis administraretur, quorum
quotidiano, & communi alimento maxime delectamur. Adiunctæ
uero etiam sunt duæ illæ utilitates: quarum prima est, quod ab infi-
delium calumnia liberati sumus; quas facile effugere nō possemus,
si Dominum sub propria specie comedere uideremur: altera est,
quod, dum corpus, & sanguinem Domini ira sumimus, ut tamen,
quod uere sit, sensibus percipi non possit, hoc ad fidem in animis
nostris augendam plurimum ualet: quæ quidem, ut sancti Grego-
rii sententia peruulgatum est, ibi non habet meritum, ubi huma-
na ratio præbet experimentum. Hæc autem, quæ hæcenus exposita
sunt, non nisi magna adhibita cautione, pro audientium capto, &
temporum necessitate explicanda erunt.

S. Gregorius
Rom. Pont.

Verum, quæ de huius admirabili sacramenti uirtute, & fructibus
dici possunt, nullum esse genus fidelium existimandum est, ad quos
earum rerum cognitio non pertineat, quibus maxime necessaria ui-
deri non debeat. Ut enim Eucharistiæ utilitatem fideles intelligant,
ob eam potissimum causam, quæ de hoc sacramento tam multis uer-
bis disseruntur, cognoscenda sunt. Sed quoniam immensæ eius
utilitates, & fructus nulla oratione explicari possunt: unus, aut
alter locus a Pastoribus tractandus erit, ut ostendant, quanta in
sacrosanctis illis mysterijs bonorum omnium copia, & affluentia
inclusa sit. hoc uero aliqua ex parte ita assequemur, si, omnium
m. 7

De multiplici
& admirabi-
li fructu tan-
ti sacramenti.

sacramentorum ui, atque natura patefacta, Eucharistiam fonti, cetera riuulis comparauerint. uere enim, ac necessario fons omnium gratiarum dicenda est; cum fontem ipsum caelestium charismatum, & donorum, omniumque sacramentorum auctorem Christum dominum admirabili modo in se contineat; a quo tamquam a fonte ad alia sacramenta, quidquid boni, & perfectionis habent, deriuatur. Ex hoc igitur diuinæ gratiæ amplissima munera, quæ nobis hoc sacramento impertiuntur, facile colligi poterunt. Commode etiam fieri uidebitur, si panis, & uini natura, quæ huius sacramenti symbola sunt, perpendatur. nam quos usus corpori panis, & uinū affert, eos omnes animæ saluti, & iucunditati, ac meliori quidem ac perfectiori ratione, Eucharistiæ sacramentum præbet. Neque enim hoc sacramentum in substantiam nostram, ut panis, & uinum, mutatur; sed nos quodam modo in eius naturam conuertimur: ut

S. August.

recte illud D. Augustini ad hunc locum transferri possit: Cibus sum grandium: cresce, & manducabis me: nec tu me mutabis in te, sicut

Ioan. 1.

cibus carnis tuæ: sed tu mutaberis in me. quod si gratia, & ueritas per Iesum Christum facta est; in animam quoque influat, est necesse, cum eum pure, & sancte accipit, qui de se ipso dixit; Qui manducat meam carnem, & bibit meum sanguinem, in me manet, & ego in illo: nam qui pietatis, & religionis studio affecti hoc sacramentum sumunt, nemini dubium esse debet, quin ita filium Dei in se admittant, ut eius corpori tamquam uiua membra inserantur;

Ioan. 6.

siquidem scriptum est: Qui manducat me, & ipse uiuet propter me. Item: Panis, quem ego dabo, caro mea est pro mundi uita.

Ioan. 6.

Item: Panis, quem ego dabo, caro mea est pro mundi uita.

S. Cyrillus.

Quem locum Cyrillus dum interpretaretur, inquit: Dei uerbum uniens se ipsum propriæ carni, fecit ipsam uiuificatiuam. Eum ergo decebat miro quodam modo uniri corporibus per sacram eius carnem, & pretiosum sanguinem, quæ accipimus in benedictione uiuificatiua in pane & uino. Verum, quod dicitur Eucharistia gratiam tribui, Pastores admoneant, oportet, ita intelligendum non esse, perinde ac necesse non sit, ut, qui re ipsa hoc sacramentum utiliter percepturus est, gratiam antea adeptus fuerit. Constat enim, quemadmodum mortuis corporibus naturale alimentum nihil prodest, ita etiam animæ, quæ spiritu non uiuit, sacra mysteria non prodesse. ac propterea panis, & uini speciem habent, ut significetur, non quidem reuocandæ ad uitam animæ, sed in uita conseruandæ causâ instituta esse.

Verum

Verum hoc ideo dictum est; quoniam prima etiam gratia, (quæ omnes præditos esse oportet, ante quam sacram Eucharistiam ore contingere audeant, ne iudicium sibi inducant, & bibant,) nemini tribuitur, nisi hoc ipsum sacramentum desiderio; & uoto percipiant. Est enim omnium sacramentorum finis; & ecclesiasticæ unitatis, ac coniunctionis symbolum: neque extra Ecclesiam consequi gratiam ullus potest. Deinde, quoniam, uti corpus cibo naturali non confectur, uatut modo, sed etiam augetur, gustusque nouam quotidie ex eo uoluptatem, & suauitatem percipit: ita etiam sacræ Eucharistiæ cibibus non solum animam sustentat, sed uires illi addit, efficitque ut spiritus diuinarum rerum delectatione magis, ac magis commoueatur. ob eam causam fit, ut, gratiam hoc sacramento tribui, recte, & uel rissime dicatur. iure enim manna comparari potest, ex quo omnis saporis suauitas percipiebatur. Remitti uoto Eucharistia, & condonari leuiora peccata, quæ uenialia dici solent, non est quod dubitari debeat. Quidquid. n. cupiditatis ardore anima amisit, dum leui aliquid in teparum offendit, totum id Eucharistia, eas ipsas minores culpas abstergens, restituit: quemadmodum etiam (neque enim a proposita similitudine discedendum uidetur) quod innati caloris uis quotidie detrahitur; ac deperit, paulatim addi, & refici naturali alimento sentimus. Quare merito a diuo Ambrosio de hoc celesti sacramento dictum est: Ille panis quotidianus sumitur in remedium quotidianæ infirmitatis. Verum hæc de ijs peccatis intelligenda sunt, quorum sensu, & delectatione animus non permouetur. Illa præterea in sacris mysteriis uis est, ut nos a criminibus puros, & integros, atque a tentationum impetu incolumes seruet, ac tamquam celesti medicamento animam præparet; ne alicuius mortiferæ perturbationis ueneno facile infici, ac corrumpi queat. Atque ob eam etiam causam, ut testatur diuus Cyprianus, cum olim a tyrannidis fideles ad tormenta; & eadem propter Christiani nominis confessionem uulgo rapentur; ne illi forte dolorum acerbitate uicti, in salutari certamine deficerent, uetus in Ecclesia catholica mos fuit, ut eis ab Episcopis Domini corporis, & sanguinis sacramenta præberentur. Sed carnis etiam libidinem cohibet, ac reprimat. dum enim charitatis igne animos magis incendit, concupiscentiæ ardorem restinguat, necesse est. Postremo, ut uno uerbo omnes huius sacramenti utilitates, & beneficia comprehendantur, dicendum est, sacræ Eucharistiæ summam uiam esse ad æternam gloriam comparandam. scriptum est enim: Qui manducat meam carnem,

& bibit meum sanguinem; habet uitam æternam: & ego resuscitabo eum in nouissimo die. Huius uidelicet sacramenti gratia fideles, dum hanc uitam degunt, summa conscientie pace, & tranquillitate perfruuntur; deinde eius uirtute recreati, non secus atque Helias, qui subcineritij panis fortitudine ambulauit usque ad montem Dei Horeb, cum ex uita emigrandi tempus aduenit, ad æternam gloriam, & beatitudinem ascendant. Hæc omnia a Pastoribus latissime explicabuntur, si uel D. Ioannis cap. 6. in quo multiplices huius sacramenti effectus aperiuntur, tractandum sumpserint: uel admiranda Christi domini facta percurrentes, ostenderint, cum eos iure ac merito beatissimos fuisse existimamus; in quorum testa mortalis receptus est, uel qui illius uestis, aut simbrie tactu sanitatem recuperarunt: multo nos beatiores, & feliciores esse, in quorum animam immortali gloria prædictus ingredi non grauetur, ut eius uulnera sanet omnia; eamque, amplissimis muneribus ornata, sibi coniungat.

De usu et modo sumendi sacramenti: deque præparatione cū animi, tum etiam corporis.

1. ad Cor. 11.

D. Augustinus.

1. ad Cor. 11.

Ad Gal. 3.

1. ad Cor. 11.

Verum docendum est, a quibus ingentes illi sacre Eucharistie fructus, qui modo commemorati sunt, percipi possint, neque unã tantum esse communicandirationem, ut fidelis populus discat meliora charismata æmulari. Recte igitur, & sapienter maiores nostri, ut in Tridentina Synodo legimus, tres huius sacramenti sumendi rationes distinxerunt. Alii enim sacramentum tantum accipiunt, ut peccatores, qui sacra mysteria impuro ore, & corde accipere non uerentur, quos Apostolus ait indigne manducare, & bibere corpus Domini. De his D. Augustinus ita scribit: Qui non manet in Christo, & in quo non manet Christus, proculdubio non manducat spiritua-liter eius carnem, licet carnaliter, & uisibiliter premar dentibus sacramenta corporis, & sanguinis. Qui itaque hoc modo affecti sacra mysteria accipiunt, non solum ex his nullum capiunt fructum, sed, ipso Apostolo teste, iudicium sibi manducant, & bibunt. Alii uero spiritu tantummodo Eucharistiam sumere dicuntur: ij sunt, qui desiderio, & uoto propositum cælestem illum panem comedunt, fide uiua incensi, quæ per dilectionem operatur: ex quo si non omnes, maximos certe utilitatis fructus consequuntur. Alii denique sunt, qui sacramento, & spiritu, sacram Eucharistiam percipiunt; qui cū ex Apostoli doctrina prius se probauerint, ac ueste nuptiali ornati ad diuinam hanc mensam accesserint, ex Eucharistia capiunt uberrimos illos, quos antea diximus, fructus. Quare perspicuum est, eos se maximis, & cælestibus bonis priuare, qui cū ad corporis Domini sacra-

sacramentum etiam sumendum parati esse possint, satis habent spiritu tantum sacram communionem accipere. Sed iam docendū est, qua ratione præparatos fidelium animos esse oporteat, antequam ad sacramentalem Eucharistiæ perceptionem ueniant. Ac primum quidem ut pateat, eam præparationem maxime necessariam esse, Saluatoris nostri exemplum proponendum est. Nam ante quam apostolis pretiosi corporis, & sanguinis sui sacramenta daret, quamuis iam mundi essent, pedes eorum lauit, ut declararet omnem diligentiam adhibendam esse, ne quid nobis ad summam animi integritatem, & innocentiam desit, cum sacra mysteria percepturi sumus. Deinde uero fideles intelligant, quemadmodum, si optime affecto, & præparato animo Eucharistiam aliquis sumat, amplissimis cælestis gratiæ munetibus ornatur: ita contra, si imparatus accipiat, non solum nihil commodi, sed maxima etiam incommoda, & detrimenta eum accipere. Optimis enim rebus, & maxime salutaribus hoc proprium est, ut, si in tempore iis utamur, uehementer profint; si alieno tempore adhibeantur, perniciem, & exitium afferant. Quare mirandum non est, ingentia quoque, & præclarissima Dei dona, cum bene constituto animo accipiuntur, ad cælestem gloriam consequendam maximo nobis adiumento esse; at uero, cum iis nos ipsos indignos præbemus, sempiternam mortem afferre. Id uero arce Domini exemplo cõprobatur. arca enim fœderis, qua nihil præstantius Israeliticus populus habuit, cui etiam per illam maxima, & innumerabilia beneficia Dominus tribuerat, a Philisteis ablata summam illis pestem, & calamitatem cum æterno dedecore coniunctam importauit. sic etiam cibi, qui ore accepti in stomachum bene affectum illabuntur, corpora alunt, & sustentant; qui uero in stomachum uitiosis humoribus plenum infundi solent, graues morbos efficiunt. Primam itaque illam præparationem fideles adhibeant, ut discernant mensam a mensa, hanc sacram ab aliis profanis, cælestem hunc panem a communi. Atque hoc fit, cum certo credimus præsens esse uerum corpus, & sanguinem Domini, quem in cælo angelii adorant, ad cuius nutum columnæ cæli contremiscunt, & pauent, cuius gloria plenum est cælum & terra. Hoc nimirum est diiudicare corpus Domini, quod Apostolus admonuit: cuius tamen mysterii magnitudinem uenerari potius oportet, quam in disputationibus eius ueritatem curiosius perquirere. Altera uero illa præparatio maxime necessaria est, ut unusquisque a se ipso quærat, num pacem cum aliis habeat, num proximos uere atq. ex animo diligit. Si ergo

Ioan. 13.

1. Reg. 5.

Job. 26.

1. ad Cor. 11.

- Matth. 5.* offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offers munus tuum. Deinde conscientiam nostram scrutari diligenter debemus, ne forte exitiali aliquo peccato cõtaminati simus, cuius pænitere necessesse sit; ut prius contritionis & cõfessionis medicamento illud eluatur. *Syn. Trid.* Definitum est enim a sancta Tridentina Synodo, nemini licere, quem mortalis peccati conscientia stimulet, si sacerdotis facultas data sit, antequam se sacramentali confessione purgarit, quantumvis sibi contritus esse uideatur, sacram Eucharistiam accipere. Præterea, taciti cum animis nostris cogitemus, quam indigni simus, quibus diuinum hoc beneficium a Domino tribuatur: quare illud Centurionis, de quo idem ipse Saluator testatus est, se non inuenisse tantam fidem in Israel, ex animo dicendum est: Domine, non sum dignus, ut intres sub tectum meum. Exquiramus etiam a nobis ipsis, an illud Petri usurpare nobis liceat: Domine, tu scis, quia amo te. Meminisse enim oportet, cum, qui sine ueste nuptiali in Domini conuiuio accubuerat, in tenebrosam carcerem cõiectum, sempiternis pœnis addictum fuisse. Neque uero animi solum, sed etiam corporis præparatione opus est. nam ieiunium ad sacram mensam accedere debemus, ita ut saltem a dimidia antecedentis diei nocte, usque ad illud temporis punctum, quo Eucharistiam accipimus, nihil omnino comederimus, aut biberimus. Postulat etiam tanti sacramenti dignitas, ut qui matrimonio iuncti sunt, aliquot dies a concubitu uxoribus abstineant; *1. Reg. 21.* Dauidis exemplo admoniti, qui cum panes propositionis a sacerdote accepturus esset, purum se, & pueros suos ab uxoribus consuetudine tres ipsos dies esse professus est. Hæc fere sunt, quæ maxime obseruari a fidelibus oportet, ut se ad sacra mysteria utiliter accipienda ante parent. reliqua enim, quæ hac in re prouidenda esse uideantur, ad hæc ipsa capita facile redigi poterunt.
- Eucharistia sacramentum quando, quoties, et a quibus sumendum.*
Cicilio Late. Sed ne forte aliqui segniores ad hoc sacramentum percipiendum reddantur, quod tantam præparationem adhibere graue admodum, & difficile ducant, fideles sæpe admonendi sunt, omnibus eam legem propositam esse, ut sacram Eucharistiam accipiant. Præterea, constitutum est ab Ecclesia, ut, qui semel saltem singulis annis in Pascha non communicauerit, ab ecclesia arceatur. Neque tamẽ fideles hoc satis habeant, se huius decreti auctoritati obtemperantes semel tantummodo corpus Domini quotannis accipere; uerum sæpius iterandam Eucharistiae communionem existiment. Verum autem singulis mensibus

menſibus, uel hebdomadis, uel diebus id magis expediat, certa omnibus regula præſcribi non poteſt. ueruntamen illa eſt ſancti Auguſtini norma certiffima; Sic uiue, ut quotidie poſſis ſumere. Quare Parochi partes erunt, fideles crebro adhortari, ut, quemadmodum corpori in ſingulos dies alimentum ſubminiſtrare neceſſarium putant: ita etiam quotidie hoc ſacramēto alendæ, & nutriendæ animæ curam non abijciant: neque enim minus ſpiritali cibo animant, quam naturali corpus, indigere perſpicuum eſt. Vehementer autem proderit hoc loco repetere maxima illa, & diuina beneficia, quæ, ut antea demonſtratum eſt, ex Euchariftiæ ſacramentali communionem conſequimur. illa etiam figura erit addēda, cum ſingulis diebus corporis uires manna reficere oportebat; itemque ſanctorum Patrum auctoritates, quæ frequentem huius ſacramenti perceptionem magnopere commendant. Neque enim unius ſancti patris Auguſtini ea fuit ſententia: Quotidie peccas, quotidie ſumes: ſed, ſi quis diligenter attenderit, eundem omnium Patrum, qui de hac re ſcripſerunt, ſenſum fuiſſe, facile comperiet. Ac tempus quidem olim fuiſſe, cum fideles quotidie Euchariftiam acciperent, ex apoſtolorum actis intellegimus: omnes enim, qui tunc Chriſtianam fidem proficiſcebantur; uera & ſincera charitate ita ardebant, ut, cum ſine intermiſſione orationibus, & aliis pietatis officiis uacarent, quotidie ad ſacra Domini corporis myſteria ſumenda parati inuenirentur. Eam poſtea conſuetudinem, quæ intermittere uidebatur, Anaclethus, ſanctiſſimus martyr, & Pontifex, aliqua ex parte renouauit: præcepit enim, ut miniſtri, qui Miſſæ ſacrificio intereſſent, communicarent: quod ab Apoſtolis conſtitutum eſſe affirmaret. Diu etiam in Eccleſia ille mos fuit, ut ſacerdos, peracto ſacrificio, cum Euchariftiam ſumpſiſſet, ad populum, qui aderat, conuerſus, his uerbis ad ſacram menſam fideles inuitaret: Venite fratres ad communionem. tunc qui parati erant, ſumma cum religione ſacroſancta myſteria ſumebant. Sed cum dein de charitas, & pietatis ſtudium adeo refrixiſſet, ut raro admodum ad communionem fideles accederent; ſancitum eſt a Fabiano Pontifice, ut ter quotannis, Natali Domini, & Reſurrectione, & Pentecoſte omnes Euchariftiam ſumerent. id quod poſtea a multis Cōciliis, præſertim uero ab Agathenſi primo confirmatum eſt. Ad extremū, cum eo res adducta eſſet, ut non modo ſancta illa & ſalutaris præcepto non ſeruaretur; ſed in plures etiam annos ſacræ Euchariftiæ cōmunio diſſeretur, decretum eſt in Lateranenſi Cōcilio, ut ſemel ad minus ſingulis annis in Paſcha fideles omnes ſacrum Domini corpus

S. Auguſt.

Exod. 16.

D. Auguſt.

Act. 2.

*S. Anacle-
tus Papa.*

*S. Fabianus
Papa.*

*Agatheſi. 1.
Conc.*

Conc. Later.

corpus acciperent; qui uero id facere neglexissent, ecclesiæ aditu prohiberentur. Verum quamuis hæc lex Dei, et Ecclesiæ auctoritate sancita, ad omnes fideles pertineat, docendum est tamen eos excipi, qui nondum rationis usum propter ætatis imbecillitatem habent: hi enim neque sacram Eucharistiā a profano & communi pane sciūt discernere, neque ad eam accipiendam pietatem animi, & religionē afferre possunt. atque id etiam a Christi domini institutione alienissimum uidetur: inquit enim: Accipite, & comedite. Infantes autem

Matt. 26.

idoneos non esse, qui accipiant, & comedant, satis constat. Verus quidem illa fuit in quibusdam locis consuetudo, ut infantibus etiā sacram Eucharistiā præbereat: sed tamen tum ob eas causas, quæ ante dictæ sunt, tum ob alias Christianæ pietati maxime cōsentaneas iamdiu eiusdem Ecclesiæ auctoritate id fieri desit. Qua uero ætate pueris sacra mysteria danda sint, nemo melius constituere poterit, quam pater, & sacerdos, cui illi continentur peccata. ad illos enim pertinet explorare, & a pueris percunctari, an huius admirabilis sacramenti cognitionem aliquam acceperint, & gustum habeant: Amentibus præterea, qui tunc a pietatis sensu alieni sunt, sacramenta dare minime oportet: quamuis, si, ante quam in insaniam inciderint, piā, & religiosam animi uolūtatem præstulerunt, licebit eis in fine uitæ ex Concilii Carthaginensis decreto Eucharistiā administrare; modo uomitionis, uel alterius indignitatis, & incommodi periculum nullum timendum sit.

1 Cor. 11.

1 Cor. 11.

Quod uero ad cōmunicandi ritum pertinet, doceant Paróchi sanctæ Ecclesiæ lege interdictum esse, ne quis sine ipsius Ecclesiæ auctoritate, præter sacerdotes, corpus Domini in sacrificio conficientes, sub utraque specie sacram Eucharistiā sumat. nam, ut a Tridentina Synodo explicatum est, quamuis Christus dominus in ultima cena altissimum hoc sacramentum in panis, & uini speciebus instituerit, & apostolis tradiderit: ex eo tamen non efficitur, hanc legem a Domino saluatore constitutam esse, ut omnibus fidelibus sacra mysteria sub utraque specie administranda sint. Etenim idem Dominus noster cum de hoc sacramento loqueretur, alterius tantum speciei sapius meminit, ut cum inquit: Si quis manducauerit ex hoc pane, uiuet in æternum: & Panis quem ego dabo, caro mea est pro mundi uita: & Qui manducat hunc panem, uiuet in æternum. Multis uero, & ijs quidem grauissimis rationibus adductam esse Ecclesiam patet, ut hanc potissimum sub altera specie cōmunicandi consuetudinem nō solum approbare, sed etiā decreti auctoritate firmaret.

1 Cor. 11.

1 Cor. 11.

Primum

Primum enim maxime cauendum erat, ne sanguis Domini in terram funderetur: quod quidem facile uitari posse non uidebatur, si in magna populi multitudine eum ministrare oportuisset. Præterea, cum sacra Eucharistia ægrotis præsto esse debeat, magnopere timendum erat, ne, si diutius uini species asseruaretur, coalesceret. Per multi præterea sunt, qui uini saporem, ac ne odorem quidem perferre ullo modo possint. Quare ne, quod spiritualis salutis causa dandum est, corporis ualitudini noceret, prudentissime sancitum est ab Ecclesia, ut panis tantummodo speciem fideles acciperent. Accedit ad alias rationes, quod in pluribus prouincijs summa uini penuria laboratur. neque id aliunde sine maximis impensis, ac non nisi longissimis, & difficillimis itineribus conuehi potest. Deinde, quod maxime omnium ad rem pertinet, cõuellenda erat eorũ hæresis, qui negabant sub utraque specie totum Christum esse, sed corpus tantum exangue sub panis, sanguinem autem sub uini specie contineri asseriebant. Vt igitur fidei catholicæ ueritas magis ante omnium oculos poneretur, sapientissimo consilio alterius speciei, hoc est panis communio inducta est. Sunt & aliæ rationes ab iis collectæ, qui de hoc argumento disserunt; quæ si opus esse uidebitur, a Parochis afferri poterunt. Iam de ministro, quamuis id a nemine fere ignorari possit, agendum est, ne quid prætermisissimum sit, quod ad huius sacramenti doctrinam pertinere uideatur. itaque tradendum est, solis sacerdotibus potestatem datam esse, ut sacram Eucharistiam conficiant, ac fidelibus distribuunt. Eum autem morem in Ecclesiâ semper seruatum esse, ut fidelis populus a sacerdotibus sacramenta acciperet, sacerdotes autem sacra facientes ipsi se communicarent, sancta Tridentina Synodus explicauit; ostenditque hanc consuetudinem tamquam ab apostolica traditione profectam, religiose retinendam esse; cum præsertim huius rei illustre nobis exemplum Christus dominus reliquerit, qui & sanctissimum corpus suum consecrauit, & apostolis suis manibus porrexerat. Verum, ut quacumque ratione tanti sacramenti dignitati consuleretur, non modo eius administrandi potestas solis sacerdotibus data est, sed lege etiã Ecclesia uetuit, ne quis, nisi consecratus esset, sacra uasa, lintea, & alia instrumenta, quæ ad illius cõfectionem necessaria sunt, tractare, aut tangere auderet; modo grauis aliqua necessitas nõ incideret. Ex quo tum sacerdotes ipsi, tum reliqui fideles intelligere possunt, quanta religione, & sanctitate præditos esse oporteat, qui ad Eucharistiam uel consecrandam, uel administrandam, uel sumendam accedunt. Quamquam, quod

Trident. Syn.

Matth. 26.
Mar. 24.

antea

antea de ceteris sacramentis dictum est, ea non minus per improbos administrari, si, quæ ad illorum perfectam rationem attinent, rite seruentur. idem ualet in Eucharistiæ sacramento. neque enim hæc omnia ministrorum merito niti, sed Christi domini uirtute, & potestate geri credendum est. Hæc sunt, quæ de Eucharistia, ut sacramentum est, explicanda erunt.

Nunc, quod restat dicendum, ut sacrificium est, explanare oportet; ut intelligant Parochi, quæ potissimum de hoc mysterio, quæadmodum sancta Synodus decreuit, Dominicis & festis diebus fidei-populo tradere debeant. Etenim hoc sacramentum non solum thesaurus est cælestium diuitiarum; quo si bene utamur, Dei gratiam nobis conciliamus, & amorem: sed in eo præcipua quædam ratio inest, qua ei pro immensis in nos collocatis beneficiis aliquam gratiam referre possimus. At uero hæc uictima si rite, & legitime immolerur, quam grata, & accepta Deo sit, ex hoc colligitur. Si enim ueteris legis sacrificia, de quibus scriptum est; Sacrificium, & oblatione noluisse: & iterum; Si uoluisses, sacrificium dedissem: utique holocaustis non delectaberis: ita placuerunt Domino, ut scriptura Deum odoratum esse odorem suauitatis, idest grata ei & accepta fuisse, testetur. Quid nobis sperandam de eo sacrificio, in quo ille ipse immolatur, atque offertur, de quo cælestis uox bis audita est; Hic est filius meus dilectus, in quo mihi bene complacui? Hoc igitur mysterium Parochi diligenter exponent, ut, cum fideles ad rem diuinam conuenerint, attente, & religiose sacra illa, in quibus intersunt, meditari discant. In primis autem docebunt, Eucharistiâ duabus de causis a Christo domino institutam esse. altera est, ut cæleste animæ nostræ alimentum esset, quo uitam spiritualem tueri, & conseruare possemus: altera, ut Ecclesia perpetuum sacrificium haberet, quo peccata nostra expiarentur, & cælestis pater, sceleribus nostris sæpe grauiter offensus, ab ira ad misericordiam, a iustæ animaduersionis seueritate ad clementiam traduceretur. Huius rei figuram, & similitudinem in agno Paschali licet animaduerrere, qui ut sacrificiū & sacramentum a filiis Israel offerri, & comedi consueuerat. Nec uero, cum Saluator noster Deo patri se ipsum in ara crucis oblaturus esset, ullam suæ erga nos immensæ charitatis illustriorem significationem dare potuit, quam cum nobis uisibile sacrificium reliquit, quo cruentum illud semel in cruce paulo post immolandum instaurarerur, eiusque memoria usque in finem sæculi quotidie summa cū utilitate ab Ecclesia per uniuersum orbē diffusa coleretur. Differunt

autem

autem plurimum inrer se hæc duæ rationes: sacramentũ enim cõse-
 cratione perficitur: omnis uero sacrificij uis in eo est; ut offeratur.
 Quare sacra Eucharistia, dum in pyxide continetur, uel ad ægrotum
 deferretur, sacramenti, non sacrificij rationem habet: deinde etiam,
 ut sacramentum est, iis, qui diuinam Hostiã sumunt, meriti causam
 affert, & omnes illius utilitates, quæ supra cõmemorate sunt: ut au-
 tem sacrificium est, non merendi solum, sed satisfaciendi quoque ef-
 ficientiam cõtinet. nam ut Christus dominus in passione sua pro no-
 bis meruit, ac satisfecit: sic qui hoc sacrificium offerunt, quo nobis-
 cum communicant, Dominicæ passionis fructus merentur, ac satis-
 faciunt. Iam, de huius sacrificij institutione nullum ambigendi lo-
 cum sancta Tridentina Synodus reliquit: declarauit enim, in extre-
 ma cena a Christo domino institutũ esse; simulque anathematæ eos
 damnauit, qui asserant, uerũ & proprium sacrificium Deo non
 offerri, aut offerre, nihil aliud esse, quam Christum ad manducan-
 dum dari. Nec uero illud prætermisit, quin diligenter explicaret, uni
 Deo sacrificium fieri. nam etsi Ecclesia interdum Missas in memo-
 riam, & honorem sanctorum celebrare consueuit, non tamen illis
 sacrificium, sed uni Deo, qui Sanctos immortalis gloria coronauit,
 offerri docuit. Quare nec sacerdos umquam dicere solet, Offero ti-
 bi sacrificium Petre, uel Paulẽ; sed, dum uni Deo immolat, gratias
 illi agit pro beatissimorum martyrum insigni uictoria; eorũque pa-
 trocinium ita implorat, ut ipsi pro nobis intercedere dignentur in
 cælis; quorum memoriam facimus in terris. Hæc autem, quæ de hu-
 ius sacrificij ueritate a catholica Ecclesia tradita sunt, ex Domini uer-
 bis accepit, cum extrema illa nocte hæc ipsa sacra mysteria apostolis
 commendans; Hoc facite, inquit, in meam commemorationem.
 Eos enim, quemadmodum a sancta Synodo definitum est, tunc sa-
 cerdotes instituit, præcepitque, ut ipsi, et qui eis in sacerdotali mu-
 nere successuri essent, corpus eius immolarent, & offerrent. atque
 id etiam Apostoli uerba ad Corinthios scripta satis denionstrant,
 cum ait: Non potestis calicem Domini bibere, & calicem dæmonio-
 rum: non potestis mensæ Domini participes esse, & mensæ dæmo-
 niorum: Ut enim pro dæmoniorum mensa altare, in quo eis im-
 molabatur, intelligendum est: ita etiam (ut, quod Apostolus pro-
 ponit, probabili argumentatione concludatur) mensa Domini ni-
 hil aliud, nisi altare, in quo sacrificium Domino fiebat, significa-
 re potest.

Quod si ex ueteri testamento huius sacrificij figuras, & oracula re-
 quiramus: primum quidem de eo Malachias apertissime uaticinatus

P

est,

*Eucharistia
 sacramentum
 figuris et pro-
 phetis uete-
 ris testamẽti
 prædictum.*

- Malach. 1.* est, his uerbis: Abortu solis usque ad occasum magnum est nomen meum in gentibus; & in omni loco sacrificatur; & offertur nomini meo oblatio munda: quia magnum est nomen meum in gentibus, dicit Dominus exercituum. Præterea, hæc hostia tam ante, quàm post latam legem, uarijs sacrificiorum generibus prænūciata est. Etenim bona omnia, quæ iis sacrificijs significabantur, hæc una uictima, tamquam omnium perfectio, & absolutio, complexa est. Verumtamen nulla in re eius imaginem magis expressam licet uidere, quàm in
- Ad Hebr. 7.* Melchisedec sacrificio. ipse enim Saluator sacerdotem secundum ordinem Melchisedec se in æternum constitutum declarans, corpus, & sanguinē suum in extrema cena sub speciebus panis, & uini Deo patri obtulit. Vnum itaque & idem sacrificium esse fateamur, & haberi debet, quod in Missa peragitur, & quod in cruce oblatū est: quæadmodum una est, & eadem hostia Christus, uidelicet dominus noster, qui se ipsum in ara crucis semel tantummodo cruentum immolauit. Neque enim cruenta, & incruenta hostia, duæ sunt hostiæ, sed una tantum: cuius sacrificium, postquam Dominus ita præcepit; Hoc facite in meam commemorationem; in Eucharistia quotidie instauratur. Sed unus etiam, atque idem sacerdos est Christus dominus. nam ministri, qui sacrificium faciunt, non suam, sed Christi personam suscipiunt, cum eius corpus & sanguinem cōficiunt. id quod & ipsius consecrationis uerbis ostenditur. neque enim sacerdos inquit; Hoc est corpus Christi; sed, Hoc est corpus meum: personam uidelicet Christi domini gerens, panis, & uini substantiam, in ueram eius corporis, & sanguinis substantiam conuertit. Quæ cum ita sint; sine ulla dubitatione docendum est, id quod etiam sancta Synodus explicauit, sacrosanctum Missæ sacrificium esse non solum laudis, & gratiarum actionis, aut nudam commemorationem sacrificii, quod in cruce factum est: sed uere etiam propitiatorium sacrificium, quo Deus nobis placatus, & propitius redditur. Quare si puro corde, & accensa fide, & intimo nostrorum scelerum dolore affecti hanc sanctissimam Hostiam immolemus, & offeramus; dubitandum nō est, quin misericordiam a Domino cōsecuturi simus, & gratiam in auxilio opportuno. huius enim uictimæ odore ita delectatur Dominus, ut gratiæ, & pœnitentiæ donum nobis impetians peccata cōdonet. Quamobrē & solēnis est illa Ecclesiæ precatio; Quoties huius hostiæ cōmemoratio celebratur, toties opus nostræ salutis exercetur, nimirū uberrimi illi cruētæ hostiæ fructus per hoc incruentū sacrificiū ad nos manāt. Deinde uero huius sacrificii eam uim esse, Parochi docebunt, ut nō solū imolati, & sumēti prosit, sed omnibus etiā fidelibus,
- sive

siue illi nobiscum in terris uiuant, siue iam in Domino mortui, nō dum plane expiati sint. Neque enim minus ex apostolorum certissima traditione pro his utiliter offertur, quam pro uiuorum peccatis, pœnis, satisfactionibus, ac quibusuis calamitatibus, & angustijs. Ex quo facile perspicitur, omnes Missas communes censendas esse, ut quæ ad communem omnium fidelium utilitatem, & salutem pertineant. Habet autem hoc sacrificium multos, eosque maxime insignes, ac solemnes ritus, quorum nullus superuacaneus, aut inanis existimandus est; uerum omnes eo spectant, ut & tanti sacrificii maiestas magis eluceat, & salutaribus mysterijs intuendis ad rerum diuinarum, quæ in eo sacrificio occultæ sunt, contemplationem fideles excitentur. Sed de his nihil est ut plura dicamus; tum quia hoc argumentum lōgiorem explicationem postulare uideretur, quam propositæ institutioni conueniat; tum quia innumerabiles pene libellos, & commentarios, qui de hac re a pijs & doctissimis uiris conscripti sunt, sacerdotes in promptu habebunt. Haëtenuş igitur satis fuerit, earū rerum, quæ ad Eucharistiā, tum quia sacramentū, tum quia sacrificiū sit, pertinent, potiora capita, iuuante Domino, exposuisse:

DE PAENITENTIAE SACRAMENTO.

Q VEMADMODVM humanæ naturæ fragilitas, & imbecillitas
 oninibus nota est, camque in se ipso quisque facile experitur: ita, quantam habeat necessitatem pœnitentiæ sacramentum, ignorare nemo potest. Quod si diligentiam, quæ a Parochis in unoquoque argumēto adhibenda est, ex rei, quā tractant, magnitudine, & pondere metiri oportet: omnino fatebimur, eos numquā in huius loci explicatione adeo diligētes futuros esse, ut satis uideri possit: quin etiam de hoc sacramēto, quam de baptismo, eo accuratius agendum est, quod baptismus semel tantum administratur, nec iterari potest; pœnitentiæ uero toties locus datur, eiusque repetendæ toties necessitas imposita est, quoties post baptismum peccare contingat. ita enim Tridentina Synodo dictum est, sacramentum pœnitentiæ non secus lapsis post baptismum, ac baptismum nondum regeneratis, ad salutem necessarium esse: uulgataq. illa sancti Hieronymi sententia ab omnibus, qui deinceps res sacras tradiderunt, magno opere comprobatur, pœnitentiam esse secundam tabulam. Vt enim, contracta naui, unum uitæ seruandæ perfrugium reliquum est, si forte tabulam aliquam de naufragio liceat arripere: ita,

Triden. Syn.

S. Hieron.

post amissam baptismi innocentiam, nisi quis ad pœnitentiæ tabulam confugiat, sine dubio de eius salute desperandum est. Hæc autem non ad Pastores solum, sed ad reliquos etiam fideles excitandos dicta sint; ne forte in eis rei maxime necessariæ incuria reprehendatur. Primum enim communis fragilitatis memores omni studio optare debent, ut diuina ope adiuti, sine casu, aut prolapsione aliqua in uia Domini progredi possint: quod si nonnumquam offenderint, tum uero summam Dei benignitatem intuentes, qui tamquam bonus Pastor ouium suarum uulnera obligare, eisque mederi solet, hoc saluberrimum pœnitentiæ medicamentum numquam in aliud tempus differendum esse cogitabunt.

*De propria
Pœnitentiæ
significatione.*

Vt autem rem ipsam aggrediamur, prius explicanda est uaria huius nominis potestas, & notio; ne aliquis ambiguitate uocis in errorem inducatur. Nonnulli enim pœnitentiam pro satisfactione accipiunt. Alii, a catholicæ fidei doctrina longissime remoti, cum arbitrentur pœnitentiam nullam temporis præteriti rationem habere, nihil aliud, quam nouam uitam, esse definiunt. Docendum est igitur, multiplicem esse huius nominis significationem. Primum enim pœnitentia de iis dicitur, quibus aliquid displicet, quod ante placuerit, nulla habita ratione huius cogitationis, bonum ne an malum fuerit. Sic omnes pœnitent, quorum tristitia secundum sæculum est, non secundum Deum: cuiusmodi pœnitentia non salutem affert, sed mortem. Altera est pœnitentia, cum quis ex scelere admissio, quod quidem antea placebat, dolorem non Dei, sed sui ipsius causa concipit. Tertia est, cum non solum admissi sceleris causa intimo animi sensu dolemus, uel eius doloris externum etiam aliquod signum damus, uerum unius Dei causa in eo mærore sumus. Ac singulis quidem pœnitentiæ generibus, quæ commemorata sunt, pœnitentiæ

2. Cor. 7.

*Gen. 6.
1. Reg. 15.
Psal. 105.
Hieron. 26.*

*Gen. 6.
1. Reg. 15.*

uox proprie conuenit. nam cum in sacris litteris Deum pœnitere legimus, id per translationem dici perspicuum est. Eo enim loquendi genere, quod ad hominum mores accommodatum est, sacræ litteræ utuntur, cum Deum mutare aliquid constituisse declarant. quod non aliter facere uideatur, quam homines, quos si alicuius rei pœniteat, eam commutare omni studio laborant. Sic ergo scriptum est, Pœnituisse eum, quod hominem fecisset. & alio loco; quod Saul regem constituisset. Verum inter has pœnitentiæ significationes magnum discrimen obseruare oportet. Prima enim in uitio ponenda est: altera est quædam commoti, & perturbati animi affectio: tertiam tum ad uirtutem pertinere, tum sacramentum esse dicimus.

quæ

quæ significatio huius loci propria est. ac primum quidem de ipsa, ut uirtutis parte, agendum est; non solum, quia fidelis populus ad omne uirtutis genus institui a Pastoribus debet; sed etiam, quia huius uirtutis actiones tamquam materiâ præbent, in qua pœnitentiæ sacramentum uersatur; ac nisi prius, quæ sit pœnitentiæ uirtus, recte intelligitur, sacramenti etiam uim ignorari necesse est. Quare in primis monendi, hortandique sunt fideles, ut omni contentione, & studio in intima animi pœnitentia, quam uirtutem dicimus, elaborent; sine qua ea, quæ extrinsecus adhibetur, parum admodum profutura est. Inrima autem pœnitentia est illa, cum ad Deum nos ex animo conuertimus, & commissa a nobis scelera detestamur, & odio habemus: simulque illud nobis certum, & deliberatum est, malam uitæ consuetudinem, corruptosque mores emendare non sine spe ueniz a Dei misericordia consequendæ. Hæc uero dolor, & tristitia, quæ perturbatio, & affectio est, & passio a multis uocatur, consequitur, ueluti comes peccatorum detestationi adiuncta. quamobrem apud complures ex sanctis Patribus pœnitentiæ definitio huiusmodi animi cruciatu declaratur. Verum in eo, quem pœnitet, fides pœnitentiam antecedit, necesse est: neque enim potest quisquam se ad Deum conuertere, qui fide careat. ex quo fit, ut nullo modo pœnitentiæ pars recte dici possit. Quod autem intima hæc pœnitentia, ut antea diximus, ad uirtutem pertineat, aperte ostendunt multa, quæ de pœnitentiâ tradita sunt, præcepta. Lex enim de iis tantum actionibus, quæ sunt, præcipitur cum uirtute, præcipit. Negare præterea nemo potest, quin dolere quando, quo modo, & quatenus oportet, uirtutis sit. hoc autem ut recte fiat, pœnitentiæ uirtus præseat. Interdum enim euenit, ut ex admissis sceleribus minorem, quam par est, dolorem homines capiant. quin etiam, ut a Salomone scriptum est, nonnulli sunt, qui, cum malefecerint, lætantur. rursus uero alij ita se mærori animi, & ægritudini dedunt, ut de salute etiam prorsus desperent: qualis fortasse Caim uideri potest, qui ait; Maior est iniquitas mea, quam ut ueniam merear: & qualis certe Iudas fuit, qui pœnitentia ductus, suspendio uitam, & animam amisit. Ut igitur modum in dolore tenere possimus, pœnitentiæ uirtute adiuuamur. Sed idem etiam ex ijs rebus colligi potest, quas sibi tamquam finem proponit is, quem uere peccati pœnitet. Primum autem hoc ei propositum est, ut peccatum aboleat, omnemque animæ culpam, & maculam abstergat. Alterum est, ut pro sceleribus admissis Deo satisficiat: quod quidē ad iustitiam referri perspicuum est. Nam etsi inter

Prouer. 3.

Gen. 4.

Matth. 27.

Deum & homines, propria iustitiæ ratio intercedere non potest, cum tam longo intervallo inter se distent: aliquam tamen esse iustitiam constat, cuiusmodi est inter patrem, & filios, inter dominum, & seruos. Tertium est, ut homo in Dei gratiam redeat, in cuius offensionem, & odium propter peccati scditatem incurrit. Hæc uero omnia satis declarant, pœnitentiam ad uirtutem spectare.

*Quibus uis
ad uirtutem
Pœnitentiæ
perueniatur.
Hier. cap. 5.*

Sed docendum est etiam, quibus gradibus ad hanc diuinam uirtutem liceat ascendere. Primum itaque Dei misericordia nos præuenit, cordaque nostra ad se conuertit. Quod cū precaretur Propheta; Conuertere, inquit, nos Domine ad te, & conuerteremur. Deinde hoc lumine illustrati per fidem ad Deum animo tēdimus. Credere enim oportet accedentem ad Deum, ut Apostolus testatur, quia est, & in-

Ad Heb. 11.

Isa. 26.

quirentibus se remunerator sit. Præterea motus timoris cōsequitur, & suppliciorum acerbitate proposita, animus a peccatis reuocatur. atque huc uidentur spectare illa Isaïæ uerba; Sicut quæ cōcipit, cum appropinquauerit ad partum, dolens clamat in doloribus suis; sic facti sumus. Huc deinde accedit spes impetrandæ a Deo misericordiæ, qua erecti uitam, & mores emendare constituimus. Postremo charitate corda nostra accenduntur, ex qua liberalis ille timor, probis, & ingenuis filiis dignus, oritur; atque ita unum illud ueriti, ne qua in re Dei maiestati lædamus, peccandi consuetudinem omnino deserimus. Hisce igitur quasi gradibus ad hanc præstantissimam pœnitentiæ uirtutem peruenitur: quæ prorsus diuina & cælestis uirtus existimanda est; cui scilicet regnum cælorum sacræ litteræ pollicentur. nam

Matth. 4.

Ezech. 18.

Ezech. 33.

apud sanctum Matthæum scriptum est: Pœnitentiā agite: appropinquet enim regnum cælorum. & apud Ezechielem: Si impius egerit pœnitentiam ab omnibus peccatis suis, quæ operatus est: & custodierit omnia præcepta mea, & fecerit iudicium, & iustitiam, uita uiuet. tum alio loco: Nolo mortem impij, sed ut cōuertatur impius a uia sua, & uiuat. quod quidem de æterna, & beata uita intelligendum esse, plane constat. De externa uero pœnitentia docendum est, eam esse, in qua sacramenti ratio consistit, habereque externas quasdam res sensibus subiectas, quibus declarantur ea, quæ interiorius in anima fiunt. In primis autem explanandum fidelibus uidetur, quare factum sit, ut Christus dominus pœnitentiā in numerum sacramentorum referri uoluerit. Huius autē rei illa omnino causa fuit, ut nobis de remissione peccatorum, quam Deus pollicitus est, cum ait; Si impius egerit pœnitentiā rei: minus dubitare nobis liceret. uehementer enim pendere animo de intima pœnitentia opus esset, cum

de suo

de suo cuique iudicio in iis, quæ agit, merito timendum sit. Vt igitur Dominus huic nostræ sollicitudini subueniret, pænitentiaæ sacramentum instituit, quo per sacerdotis absolutionem peccata nobis remissa esse consideremus, conscientiaæque nostræ ob fidem, quæ sacramentorum uirtuti merito habenda est, pacatiores redderentur. Neque enim aliter accipienda est uox sacerdotis, peccata nobis legitime condonantis, quam Christi domini, qui ait paralytico: Confide fili: remittuntur tibi peccata tua. Deinde uero, cum nemo salutem, nisi per Christum, eiusque passionis beneficio, consequi possit, consentaneum, nobisque utilissimum fuit, eiusmodi sacramentum institui, cuius ui, & efficientia Christi sanguis ad nos defluens, peccata post baptismum admissa elueret, atque ita reconciliationis beneficiû illi uni Saluatori nostro acceptum referre profiteremur.

Matth. 9.

Quod uero pænitentia sacramentum sit, Pastores ita facile ostendunt: ut enim baptismus sacramentum est, quia peccata omnia, ac præsertim quod origine contractum fuit, delet: eadem ratione pænitentia, quæ peccata omnia post baptismum uoluntate, uel actione suscepta, tollit, uere, & proprie sacramentum dicendum est. Deinde, quod caput est, cum illa, quæ extrinsecus tum a pænitente, tum a sacerdote fiunt, declarent ea, quæ interius efficiuntur in anima; quis neget, pænitentiam uera, & propria sacramenti ratione præditam esse? siquidem sacramentum sacrae rei signum est: peccator autem, quem pænitet, rerum, & uerborum notis plane exprimit, se animum a peccati turpitudine abduxisse; itæque ex iis, quæ a sacerdote geruntur, & dicuntur, misericordiam Dei, peccata ipsa remittentis, facile cognoscimus. Quamquam hoc aperte indicant illa Saluatoris uerba: Tibi dabo clauēs regni cælorum; & quodcumque solueris super terram, erit solutum & in cælis. Absolutio enim, sacerdotis uerbis enunciata, remissionem illam peccatorum signat, quam in anima efficit. Neque uero solum fideles docendi sunt, pænitentiam in numero sacramentorum habendam esse, sed eorum etiam, quæ iterari possunt. Quærenti enim Petro, num sepius uenia peccati danda esset, Dominus respondit: Non dico tibi usque septies, sed usque septuagies septies. Quare si cum eiusmodi hominibus agendum sit, qui summx Dei bonitati, & clementia diffidere uideantur; confirmandus erit illorum animus, atque ad spem diuinæ gratiæ erigendus. Quod quidem facile consequentur tum huius loci, & aliorum tractatione, qui in sacris litteris permulti occurrēt: tum uero ijs rationibus, & argumētis, quæ ex sanctorû Chrysostomi

Pænitentiam esse uere sacramentum, et iterari posse.

Matth. 16.

Matth. 18.

S. Chrysost.

D. Ambros. libro de lapsis, Ambrosii libris de pœnitentia petere licebit. Iam, quoniam nihil fidei populo notius esse debet, quam huius sacramenti materia; docendum est, in eo maxime hoc sacramentum ab aliis differre, quod aliorum sacramentorum materia est res aliqua naturalis, uel arte effecta; sacramenti uero pœnitentiæ quasi materia sunt actus pœnitentis, nempe contritio, confessio, & satisfactio, ut a Tri-

Trid. syn. dentina Synodo declaratum est: qui quatenus in pœnitente, ad integritatem sacramenti, & plenam, ac perfectam peccatorum remissionem ex Dei institutione requiruntur, hac ratione partes pœnitentiæ dicuntur. Neque uero hi actus, quasi materia a sancta Synodo appellantur, quia ueræ materiæ rationem non habeant, sed quia eius generis materia non sint, quæ extrinsecus adhibeatur, ut aqua in baptismo, & chrisma in confirmatione. Quod autem ab alijs dictum est, peccata ipsa huius sacramenti materiam esse; nihil plane diuersum dici uidebitur, si diligenter attendamus. Vt enim ignis materiam ligna esse dicimus, quæ ui ignis consumuntur: ita peccata, quæ pœnitentia delentur, recte huius sacramenti materia uocari possunt. Sed formæ etiam explicatio Pastoribus prætermittenda non est, quod eius rei cognitio excitet fidelium animos ad percipiendam summam religionis huius sacramenti gratiam. est autem forma, Ego te ab-

Matt. 18. soluo: quam non solum ex illis uerbis licet colligere, Quæcumque solueritis super terram, erunt soluta & in cælis; sed ex eadem Christi domini doctrina ab apostolis traditam accepimus. Ac quoniam sacramenta id significant, quod efficiunt; illa, Ego te absoluo, ostendunt peccatorum remissionem huius sacramenti administratione effici; planum est, hanc esse pœnitentiæ perfectam formam. sunt enim peccata tamquam uincula, quibus constrictæ animæ tenentur, & ex quibus pœnitentiæ sacramento laxantur. quod quidem non minus uere de illo etiam homine sacerdos pronunciat, qui prius ardentissimæ contritionis ui, accedente tamen confessionis uoto, peccatorum ueniam a Deo consecutus sit. Adduntur præterea complures preces, non quidem ad formam necessariæ, sed ut ea remoueantur, quæ sacramenti uim, & efficientiam illius culpa, cui administratur, impedire possent. Quamobrem peccatores Deo ingentes gratias agant, qui tam amplam potestatem in Ecclesia sacerdotibus tribuerit. Neque enim, ut olim in ueteri lege, sacerdotes testimonio suo aliquem a lepra liberatum esse, dumtaxat renunciabant; ita nunc in Ecclesia ea tantum potestas sacerdotibus facta est, ut aliquem peccatis absolutum esse declarent: sed uere tamquam Dei ministri absoluunt; id quod

quod Deus ipse, gratiæ, & iustitiæ auctor, ac parens, efficit. Diligenter uero ritus etiam, qui ad hoc sacramentum adhibentur, fideles obseruabunt. ita enim fiet, ut animo magis hæreant, quæ hoc sacramento consecuti sunt, nimirum se tanquam seruos clementissimo domino, uel filios potius optimo parenti reconciliatos esse: & simul facilius intelligant, quid eos facere oporteat, qui uelint: uelle autem omnes debent se tanti beneficii gratos, & memores probare. nam quem peccatorum pœnitet, is se humili, ac demisso animo ad pedes sacerdotis deiicit, ut, cum se tam humiliter gerat, facile possit agnoscere, superbiæ radices euellendas esse, a qua omnia scelera, quæ deflēt, ortum habuerint, & enata sint. In sacerdote autem, qui in eum legitimus iudex sedet, Christi domini personam, & potestatem ueneratur. Sacerdos enim, quemadmodum in alijs, ita in pœnitentiæ sacramento administrando Christi munus exequitur. Deinde peccata sua pœnitens ita enumerat, ut se maxima, & acerbissima animaduersione dignum esse fateatur, supplexque delictorum ueniā petit, quæ sane omnia uetustatis suæ certissima testinonia a sancto Dionysio habent. *S. Dionysius*

Sed nihil profecto tam proderit fidelibus, nihilque maiorem illis alacritatem pœnitentiæ suscipiendæ afferet, quam si a Parochis sæpe explicatum fuerit, quantam ex ea utilitatem capiamus. uere enim de pœnitentia illud dici posse intelligent, eius quidem radices amaras, fructus uero suauissimos esse. Pœnitentiæ itaq. omnis in eo uis est, ut nos in Dei gratiam restituat, cum eoque summa amicitia coniungat. Hanc uero reconciliationem interdum in hominibus pijs, qui hoc sacramentum sancte, & religiose percipiunt, maxima conscientiæ pax, & tranquillitas cum summa spiritus iucunditate cōsequi solet. nullum est enim tam graue, & nefarium scelus, quod pœnitentiæ sacramento non quidem semel, sed iterum, & sæpius non deleatur. Quade re ita Dominus per Prophetam inquit: Si impius egerit pœnitentiam ab omnibus peccatis suis, quæ operatus est, & custodierit præcepta mea, & fecerit iudicium, & iustitiam, uita uiuet, & non morietur: omnium iniquitatum eius, quas operatus est, non recordabor. Et sanctus Ioannes: Si confiteamur peccata nostra, fidelis est, & iustus, ut remittat nobis peccata nostra. Et paulo post, Si quis peccauerit, inquit, nullum uidelicet peccati genus excipiens, aduocatum habemus apud Patrem Iesum Christum iustum, & ipse est propitiatio pro peccatis nostris, non pro nostris autem tantum, sed etiam pro totius mundi. Quod autem in scripturis legimus, quosdam *Quam salutare fructus ex Pœnitentiæ sacramento percipiuntur.*

Eze. 18.

1. Ioan. 1.

1. Ioan. 2.

quosdam a Domino misericordiam non esse consecutos, quamuis eam uehementer implorauerint; id uero iccirco factum esse intelligimus, quod eos uere, atque ex animo delictorum non penitebat. Quare cum eiusmodi sententiæ in sacris litteris, uel apud sanctos Patres occurrunt, quibus uidentur affirmare aliqua peccata remitti non posse; ita eas interpretari oportet, ut difficilem admodum esse ueniam impetrationem intelligamus. Vt enim morbus aliquis ea re infanabilis dicitur, quod ægrotus ita affectus sit, ut salutaris medicinæ uim oderit: sic quoddam est peccati genus, quod non remittitur, nec condonatur, propterea quod proprium salutis remedium, Dei gratiam repellit. In hanc sententiam a D. Augustino dictum est; Tanta labe est illius peccati, cum post agnitionem Dei per gratiam Christi oppugnat aliquis fraternitatem, & aduersus ipsam gratiâ inuidiæ facibus agitur, ut deprecandi humilitatem subire non possit, etiam si peccatum mala conscientia agnoscere, & annunciare cogatur. Sed, ut ad pœnitentiam reuertamur, hæc adeo propria eius uis est, ut peccata debeat, ut sine pœnitentia remissionem peccatorum impetrare, aut ne sperare quidem ullo modo liceat. scriptum est enim: Nisi pœnitentiam habueritis, omnes similiter peribitis. quod quidem de grauioribus, & mortiferis peccatis dictum a Domino est: etsi aliquo etiam pœnitentiæ genere indigent leuiora peccata, quæ uenialia uocantur.

D. August.

Luc. 3.

D. August.

*De partibus
integris Pœ
nitentiæ.*

S. Chrysost.

Sanctus enim Augustinus inquit: Cum quædam sit pœnitentia, quæ quotidie in Ecclesia pro peccatis uenialibus agitur, illa sane frustra esset, si peccata uenialia absque pœnitentia dimitti possent.

Sed quoniam de iis rebus, quæ aliquo modo in actionem cadunt, non satis est uniuersè loqui; curabunt Pastores sigillatim ea tradere, ex quibus ueræ, & salutaris pœnitentiæ ratio a fidelibus percipi queat. Est autem huius sacramenti proprium, ut præter materiam, & formam, quæ omnibus sacramentis communia sunt, partes etiam, ut antea diximus, illas habeat, quæ tamquam totam, integramque pœnitentiam constituent, contritionem scilicet, confessionem, & satisfactionem: de quibus D. Chrysostomus his uerbis loquitur: Pœnitentia cogit peccatorem omnia libenter sufferre, in corde eius contritio, in ore confessio, in opere tota humilitas, uel fructifera satisfactio. Hæc autem partes ex earum partium genere esse dicuntur, quæ ad aliquod totum constituendum necessariæ sunt: quoniam, quemadmodum hominis corpus ex pluribus membris constat, manibus, pedibus, oculis, & alijs huiusmodi partibus, quarum aliqua si desit, merito imperfectum uidetur; perfectum uero, si nulla desideretur;

codem

eodem etiam modo pœnitentia ex hisce tribus partibus ita constituitur, ut, quamvis, quod ad eius naturam attinet, contritio, & confessio, quibus homo iustus efficitur, satis sit: tamen, nisi tertia etiam pars, id est satisfactio, accedat, aliquid ei omnino ad perfectionem desit, necesse sit. Quare adeo inter se hæ partes cōnexæ sunt, ut contritio confitendi, & satisfaciendi consilium & propositum inclusum habeat; confessionem contritio, & satisfaciendi uoluntas, satisfactio uero duæ reliquæ antecendant. Harum autē trium partium eam rationem asserre possumus, quod animo, uerbis, & re ipsa peccata in Deum committantur. Quare consentaneum fuit, ut nos ipsos Ecclesiæ clauibus subiicientes, quibus rebus Dei sanctissimum numen a nobis uiolatum esset, iisdem etiam eius irā placare, & peccatorum ueniam ab eo impetrare conaremur. Sed idem etiā alio argumento confirmari potest. Etenim pœnitentia est ueluti quædam delictorum compensatio, ab eius uoluntate profecta, qui deliquit, ac Dei arbitrio, in quem peccatum commissum est, cōstituta. Quare & uoluntas compensandi requiritur, in quo maxime cōtritio uersatur; & pœnitens sacerdotis iudicio, qui Dei personam gerit, se subiiciat, necesse est; ut pro scelerum magnitudine pœnam constituere in eum possit; ex quo tum confessionis, tum satisfactionis ratio, & necessitas perspicitur. Quoniam uero harum partium uim, & naturam tradere fidelibus oportet; prius incipiendum est a cōtritione, eaque diligenter explicanda. neque enim ad ullum temporis punctum, cum in memoriam præterita peccata redeūt, uel cum aliquid offendimus, contritione animus debet uacare. Hanc Patres in Concilio Tridentino ita definiunt: Contritio est animi dolor, ac detestatio de peccato commisso, cum proposito non peccandi de cetero. Et paulo post, de contritionis motu subiicitur: Ita demum præparat ad remissionē peccatorum, si cum fiducia diuinæ misericordiæ & uoto præstandi reliqua coniunctus sit: quæ ad rite suscipiendum hoc sacramētum requiruntur. Ex hac itaque definitione intelligēt fideles, contritionis uim in eo tantū positā non esse, ut quis peccare desinat; aut propositum ei sit, nouū uitæ genus instituere, aut ipsum iam instituat; sed in primis male actæ uitæ odium, & expiationem suscipiendā esse. Id uero maxime confirmant illi sanctorum Patrum clariiores, quos in sacris litteris frequēter profusos esse legimus: Laboraui, inquit Dauid, in gemitu meo: lauabo per singulas noctes lectū meum. Et: Exaudiuit Dominus uocem fletus mei. & rursus alius: Recogitabo tibi omnes annos meos in amaritudine animæ meæ. Quas certe, & alias

*Conc. Flor.**Conc. Trid.**Psal. 6.**Ezech. 38.*

& alias huiusmodi uoces uehemens quoddam antea actæ uitæ odiū,
& peccatorum detestatio expressit.

*Contritionis
propria uis et
efficacia.*

Quod autem contritio dolore definita est, monendi sunt fideles,
ne arbitrentur eum dolorem corporis sensu percipi. Contritio enim
est uoluntatis actio. Et sanctus Augustinus testatur, dolorem pœnitē
tiæ comitem esse, non pœnitentiam. Verum peccati detestationem
& odium, doloris uocabulo Patres significarunt; tum quia sacræ lit-

Psal. 11.

teræ ita utuntur: inquit enim Dauid; Quamdiu ponam consilia in
anima mea, dolorem in corde meo per diem? tum quia dolor in in-
feriori animæ parte, quæ uim concupiscendi habet, ex ipsa cōtritione
oritur, ut non incommode contritio dolore definita fuerit, quod
dolorem efficiat, ad eumque declarandum pœnitentes uestem etiam
mutare soliti sint. De quo Dominus apud sanctum Matthæum in-

Matth. 11.

quit: Væ tibi Corozaim, uæ tibi Bethsaida: quia si in Tyro, & Si-
done factæ essent uirtutes, quæ factæ sunt in uobis, olim in cilicio,
& cinere pœnitentiam egissent. Recte autem cōtritionis nomen pec-
cati detestationi, de qua loquimur, ad significandā uim doloris im-
positum est, ducta similitudine a rebus corporeis, quæ minutatim
saxo, aut duriore aliqua materia confringuntur: ut eo uocabulo de-
clararetur, corda nostra, quæ superbia obdurerunt, pœnitentiæ ui-
contundi, atque conteri. Quare nullus alius dolor uel ex parentum
& filiorum obitu, uel cuiusuis alterius calamitatis causa susceptus,
hoc nomine appellatur: sed illius tantum doloris proprium est no-
men, quo ex amissa Dei gratia, atque innocentia afficimur: Verum
alii quoque uoculis eadem res declarari solet. nā & contritio cor-
dis dicitur: quia cordis nomen frequenter sacræ litteræ pro uolun-
tate usurpant. ut enim a corde motionum corporis principium su-
mitur: ita uolūtas reliquas omnes animæ uires moderatur, ac regit.

S. Chrysostomus.

Vocatur etiam a sanctis Patribus, cordis compunctio, qui libros de
contritione conscriptos, de compunctione cordis inscribere malue-
runt. Etenim quemadmodum ferro tumida ulcera secantur, ut inclu-
sum uirus possit erūpere: ita corda, quasi scalpello cōtritionis adhi-
bito, inciduntur, ut peccati mortiferum uirus queant eiicere. quare

Isa. 1.

& scissio cordis a Ioele propheta appellata est: Conuertimini, in-
quit, ad me in toto corde uestro, in ieiunio, & in fletu, & in planctu,
& scindite corda uestra. Summum uero & maximum dolorē ex pec-

Isa. 1.

1. Ioan. 3.

catis, quæ commissæ sunt, suscipiendum esse, ita ut nullus maior ex-
cogitari possit, facile erit hisce rationibus demonstrare. nam cū per-
fecta contritio sit charitatis actio, quæ ab eo timore, qui filiorum est,
profici-

proficiscitur; patet eundem charitatis, & contritionis modum statuendum esse: at quoniam charitas, qua Deum diligimus, perfectissimus est amor, hinc fit, ut contritio uehementissimum animi doloris coniunctum habeat. ut enim maxime diligendus est Deus: ita, quæ nos a Deo alienant, maxime detestari debemus. In quo etiam illud obseruandum est, eodem loquendi genere, charitatis, & contritionis magnitudinem in sacris litteris significari. De charitate dictum est: Diliges dominum Deum tuum ex toto corde tuo. Rursus quod ad contritionem pertinet, clamat Dominus per Prophetam; Conuertimini in toto corde uestro. Præterea, si, uti Deus summum bonum est inter omnia, quæ diligenda sunt, ita etiam peccatum summum est malum inter omnia, quæ odisse homines debent, illud sequitur, ut quam ob causam Deum summe diligendum esse confitemur, ob eandem rursus peccati summum odium nos capiat necesse sit. Omnibus uero rebus Dei amorem anteponendum esse, ita ut ne uitæ quidem conseruandæ causâ peccare liceat, aperte nos docet illa Domini uerba: Qui amat patrem, aut matrem plus quam me, non est me dignus: & qui uoluerit animam suam saluam facere, perdet eam. Sed illud etiam animaduertendum est, ut, quemadmodum, sancto Bernardo teste, nullus finis, & modus charitati præscribitur; (Modus enim, inquit ille, diligendi Deum, est, ipsum diligere sine modo) ita peccati detestationi nullus modus definiatur. Sit præterea non solum maxima, sed uehementissima, atque adeo perfecta, omnemque ignauiam, & socordiam excludat. Etenim in Deuteronomio scriptum est: Cum quæsieris dominum Deum tuum, inuenies eum, si tamen toto corde quæsieris, & tota tribulatione animæ tuæ. & apud Hieremiam: Quæretis me, & inuenietis, cum quæsieritis me in toto corde uestro, & inueniat a uobis, ait Dominus. Quamquam si id minus consequi nobis liceat, ut perfecta sit; uera tamen & efficax contritio esse potest. sæpe enim ulu uenit, ut, quæ sensibus subiecta sunt, magis quàm spiritualia nos afficiant. Quare nonnulli interdum maiorem ex filiorum obitu, quam ex peccati turpitudine doloris sensum capiunt. Idem etiâ iudicium faciendum est, si lacrymæ dolois acerbiter non consequantur: quæ tamen in penitentia summopere optandæ, & commendandæ sunt. præclara est enim ea de re sancti Augustini sententia: Non sunt, inquit, in te Christianæ charitatis uiscera, si luges corpus, a quo recessit anima, animam uero, a quo recessit Deus, non luges. Atque huc spectant illa Saluatoris nostri uerba, quæ supra allata sunt: Væ tibi Corozain,

*Deuter. 6.**Joel. 2.**Math. 10.**Math. 16.**Mar. 8.**S. Bernard.**Deut. 4.**Hiere. 29.**S. August.*

Matth. 11. uæ tibi Bethsaida: quia si in Tyro & Sidone factæ essent uirtutes, quæ factæ sunt in uobis, olim in cinere, & cilicio pænitentiam egissent. Tamen ad eam rem comprobendam satis esse debent clarissima Niniuitarum, Dauidis, peccatricis, apostolorum Principis exempla; qui omnes plurimis lacrymis Dei misericordiam implorantes, peccatorum ueniam impetrarunt.

Singula peccata mortalia in confessione exprimenda, et detestanda. Maxime autem hortandi, & mōnendi sunt fideles, ut ad singula mortalia crimina proprium contritionis dolorem adhibere studeant: ita enim Ezechias contritionem describit, cum ait: Recogitabo tibi omnes annos meos in amaritudine animæ meæ. etenim, recogitare omnes annos, est, sigillatim peccata excutere, ut ea ex animo doleamus.

Ezech. 18. Sed apud Ezechielem quoque scriptum legimus: Si impius egerit pænitentiam ab omnibus peccatis suis, uita uiuet. Atque in hanc sententiam sanctus Augustinus inquit: Consideret peccator qualitatem criminis in loco, in tempore, in uarietate, in persona. Neque tamen hac in re desperent fideles de summa Dei bonitate, & clementia: is enim, cum nostræ salutis cupidissimus sit, nullam moram ad tribuendam nobis ueniam interponit, sed peccatorem paterna charitate complectitur, simul atque ille se collegerit, & uniuersæ peccata sua detestatus, quæ deinde alio tempore, si facultas erit, singula in memoriam reducere, ac detestari in animo habeat, ad Dominum se cōuerterit. ita. n. nos per Prophetam iubet sperare, cum inquit: Im

Ezech. 33. pietas impij non nocebit ei, in quacumque die conuersus fuerit ab impietate sua. Ex his igitur colligi poterunt, quæ ad ueram contritionem maxime sunt necessaria: de quibus fidelem populum accurate oportebit docere, ut quisque intelligat, qua ratione comparare eam possit, regulamque habeat, qua diiudicet, quantū absit ab eius uirtutis perfectione. Primū enim necesse est peccata omnia, quæ admisimus, odisse, & dolere; ne, si quædam tantum doleamus, ficta, & simulata, neque salutaris pænitentia a nobis suscipiatur. Nam, ut a sancto Iacobo apostolo dictum est; Quicumque totam legē seruauerit, offendit autem in uno, factus est omnium reus. Alterum est, ut ipsa contritio, cōfitendi, & satisfaciendi uoluntatem coniunctam habeat: de quibus postea suo loco agetur. Tertium est, ut penitus uitæ emendandæ certam, & stabilem cogitationem suscipiat. Hoc uero

Ezech. 18. Propheta his uerbis aperte nos docuit: Si impius egerit pænitentiam ab omnibus peccatis suis, quæ operatus est: & custodierit omnia præcepta mea, & fecerit iudicium, & iustitiam, uita uiuet, & nō morietur; omniū iniquitatū eius, quas operatus est, nō recordabor.

& paulo

& paulo post: Cum auerterit se impius ab impietate sua, quam operatus est, & fecerit iudiciū, & iustitiam, imple animam suam uiuificabit. Ac paucis interiectis; Conuertimini, inquit, & agite pœnitentiam ab omnibus iniquitatibus uestris; & non erit uobis in ruinam iniquitas: projicite a uobis omnes prauaricationes uestras, in quibus prauaricati æstis; & facite uobis cor nouum, & spiritum nouū. Idem etiam Christus dominus mulieri, quæ in adulterio deprehensa est, præscripsit: Vade, inquit, & iam amplius noli peccare. Item paralytico illi, quem ad probaticam piscinā curauerat; Ecce, ait, sanus factus es, iam noli peccare. Sed natura quoque ipsa, & ratio plene ostendunt, duo illa ad contritionem esse in primis necessaria, dolore scilicet peccati admissi, & propositum cautionemque ne quid huiusmodi in posterum committatur. Nam qui amico reconciliari uelit, quem iniuria aliqua affecerit; & doleat oportet, quod in eū iniuriusus, & contumeliosus fuerit; & diligenter reliquo tēpore provideat, ne qua in re amicitiam læsisse uideatur: quæ duo obedientiam adiunctam habeant, necesse est. hominem enim legi, siue naturali, & diuinæ, siue humanæ, quibus subiectus est, parere conuenit. Quare si quid pœnitens alteri per uim, aut per fraudem abstulit, restituat, oportet; itemque alicuius aut commodi, aut officii compensatione illi satisfaciat, cuius dignitatem, aut uitam dicto, factoue uiolauit. tritum enim est omnium sermone, quod apud sanctum Augustinū legimus; Non remittitur peccatum, nisi restituatur ablatum. Neque uero inter cetera, quæ ad contritionem maxime pertinent, minus diligenter, & necessario curandum est, ut, quidquid iniuriarum ab altero acceperis, id totum remittatur, ac condonetur. ita enim Dominus & Saluator noster monet, atque denunciatur: Si dimiseritis hominibus peccata eorum, dimittet & uobis pater uester cælestis delicta uestra; si autem non dimiseritis hominibus, nec pater uester dimittet uobis peccata uestra. Hæc sunt, quæ fidelibus in contritione obseruanda sunt: cetera, quæ ad hanc rem colligi a Pastoribus facile poterunt, efficient quidem, ut in suo genere contritio sit magis perfecta, & absoluta: uerum adeo necessaria existimanda non sunt, ut sine his ueræ, & salutaris pœnitentiæ ratio constare non possit.

Sed quoniā non satis esse Pastoribus debet, si ea doceat, quæ ad salutē uidetur pertinere, nisi etiā omni cura & industria laborēt, ut fideles ad eā ipsam rationē, quæ illis præscripta est, uitæ, actionesq. suas dirigāt, uehementē proderit, cōtritionis uim, & utilitatē sæpius proponere. Nā cū pleraq. alia pietatis studia, ueluti beneficētia in pauperes,

Ioh. 8.
Ioh. 9.

S. August.

Matth. 6.

Proflus &
utilitates con
tritionis.

ieiunia, preces, & alia id genus sancta, & honesta opera, hominum culpa, a quibus proficiſcuntur, a Deo interdum repudientur; ipsa certe contritio numquā illi grata & accepta esse non potest. Nam inquit

Psal. 50. Propheta: Cor contritum & humiliatum Deus non despicias. Quin etiam statim, ut eam meritis nostris concepimus, peccatorum remissionem nobis a Deo tribui, alio loco eiusdē Prophetæ uerba illa

Psal. 31. declarant: Dixi, confitebor aduersum me iniustitiā meam Domino,

Luc. 17. & tu remisisti impietatem peccati mei. Atque eius rei figuram in decem leprosis animaduertimus, qui a Salvatore nostro ad sacerdotes missi, ante quam ad illos peruenirent, a lepra liberati sunt. Ex quo licet cognoscere, ueræ contritionis, de qua supra dictum est, eam uim esse, ut illius beneficio omnium delictorū ueniam statim a Domino impetremus. Plurimum etiam ualebit ad fidelium mētes excitandas, si Pastores rationem aliquam prædiderint, qua se quisque ad contritionem exercere possit. Monere autem oportet, ut omnes conscientiam suam frequenter excutiētes, uideant, num, quæ a Deo, siue ecclesiasticis sanctionibus præcepta sunt, seruauerint: quod si quis alicuius sceleris reum se esse cognouerit, statim se ipsum accuset, supplexque a Domino ueniam exposcat, & spatium tum cōfiteendi, tum satisfaciendi sibi dari postulet: in primisque diuinæ gratiæ præsidio se adiuuari petat, ne in posterū eadem illa peccata admittat, quæ admisisse uehemēter pæniret. Curādum erit præterea Pastoribus, ut in peccata summū fidelium odiū concitetur; tum quia summa est illius fœditas, & turpitudine; tum quia grauissima dāna, & calamitates nobis affert. nā Dei beneuolentia, a quo maxima bona accepimus, longeq. maiora expectare & consequi licebat, a nobis abalienat, & summorū dolorū cruciatibus perpetuo afficiēdos sēpiterne morti nos addicit.

De confessione, sacramēti Pœnitentiæ altera pars: et illius necessitas.

Haec tenus de contritione: nunc ad confessionē, quæ est altera pœnitentiæ pars, ueniamus. Quātum uero curæ & diligentiae in ea explicanda ponere Pastores debeāt, ex eo facile intelligēt, quod omnibus fere pijs persuasum est, quidquid hoc rēpore sanctitatis, pietatis, & religionis in Ecclesia, summo Dei beneficio, cōseruatū est, id magna ex parte cōfessionī tribuendū esse, ut nulli mirādum sit, humani generis hostē, cum fidem catholicā funditus euertere cogitat, per ministros impietatis suæ, & satellites, hāc ueluti Christianæ uirtutis arcē totis uiribus oppugnare conatū esse. Primum itaq. docēdū est, cōfessionis institutionē nobis summo opere utilē, arque adeo necessariā fuisse. Vt. n. hoc cōcedamus, cōfessionē peccata deleri, quis ignorat illā adeo uehementē, acrē, incensam esse oportere, ut doloris acerbitas, cum scelerū magni-

magnitudine æquari, conferrique possit? at quoniam pauci admodum ad hunc gradum peruenirent, fiebat etiam ut a paucissimis hac uia peccatorum uenia speranda esset. Quare necesse fuit, ut clementissimus Dominus faciliori ratione communi hominum saluti consuleret. quod quidem admirabili consilio effecit, cum clauis regni cælestis Ecclesiæ tradidit. Etenim ex fidei catholicæ doctrina omnibus credendum, & constanter affirmandum est; si quis ita animo affectus sit, ut peccata admissa doleat, simulque in posterum non peccare constituat; etsi eiusmodi dolore nō afficiatur, qui ad impetrandam ueniam satis esse possit; ei tamē, cum peccata sacerdoti rite confessus fuerit, ui clauium scelera omnia remitti, ac condonari: ut merito a sanctissimis uiris Patribus nostris celebratum sit, Ecclesiæ clauibus aditum in cælum aperiri: de quo nemini dubitare fas est, cum a Florentino Concilio decretum legamus, pœnitentiæ effectum, esse absolutionem a peccatis. Verum ex eo præterea licet cognoscere, quantam afferat confessio utilitatem, quod iis, quorum est corrupta uitæ consuetudo, nihil tam prodesse ad mores emendandos experimur, quam si interdum occultas animi sui cogitationes, facta, dictaque omnia, prudenti, & fideli amico patefaciant, qui eum opera, & consilio iuuare possit. Quare ad eandem rationem maxime salutare existimandum est iis, qui sceletum conscientia agitantur, ut sacerdoti, tamquam Christi domini uicario, cui perpetui silentii seuetissima lex propofita est, animæ suæ morbos & uulnera aperiant: statim enim parata sibi medicamenta inuenient, quæ nō solum præsentis ægritudinis sanandæ, uerum ita præparandæ animæ cælesti quamdam uim habeant; ut deinceps facile futurum non sit, in eiusdem morbi & uitij genus recidere. Neque uero illa confessionis utilitas prætermittenda, quæ ad uitæ societatem & coniunctionē magnopere pertinet. constat enim, si sacramentalem confessionem e Christiana disciplina exemeris, plena omnia occultis, & nefandis sceleribus futura esse: quæ postea, & alia etiam multo grauiora, homines, peccati consuetudine deprauati, palam committere non uerebuntur. etenim confitendi uerecundia, delinquendi cupiditati, & licentiæ tamquam frenos iniicit, & improbitatem coerces.

Sed iam confessionis utilitate expofita, quæ sit eius natura, & uis, Pastoribus tradendum erit. Eam igitur definiunt esse peccatorum accusationem, quæ ad sacramenti genus pertinet, eo susceptam ut ueniani uirtute clauium impetremus. Recte autē accusatio dicitur, quod peccata ita cōmemoranda nō sunt, quali scelera nostra ostentemus,

*Floren. Conc.
in Decreto
Eugenij. 4.*

*Confessionis
sacramentalis
descriptio &
natura, &
quis eius au-
ctor.*

- Præf. 1.* ut ii faciunt, qui lætantur cum malefecerint, aut omnino enarrada, ut si rem aliquam gestam otiosis auditoribus delectandi causa exponamus. Verum accusatorio animo ita enumeranda sunt, ut ea etiam
- S. Chrysost.* in nobis uindicare cupiamus. Veniæ autem impetrandæ causa, peccata confitemur: quoniam hoc iudicium longe dissimile est forensibus capitalium rerum quæstionibus, in quibus confessioni pœna & supplicium, non culpæ liberatio, & errati uenia cõstituta est. In eandem fere sententiam, quamvis aliis uerbis, sanctissimi Patres uidentur confessionem definisse: ueluti cum sanctus Augustinus inquit; Confessio est, per quam morbus latens spe ueniæ aperitur: & sanctus Gregorius; Confessio est peccatorum detestatio: quarum utraque, quod in superiori definitione continetur, facile ad eam referri poterit. Sed iam, quod omnium maximi faciendum est, docebunt Parochi, ac sine ulla dubitatione fidelibus tradent, hoc sacramentum a Christo domino, qui bene omnia, & unius salutis nostræ causa fecit, ob eius summam bonitatem, & misericordiam institutum esse. Apostolis enim, post resurrectionem unum in locum congregatis, insufflauit, dicens: Accipite spiritum sanctum: quorum remisistis peccata, remittuntur eis; & quorum retinueritis, retenta sunt. Cum igitur Dominus potestatem retinendi, & remittendi peccata sacerdotibus tribuerit; perspicuum est, ipsos etiam ea de re iudices cõstitutos fuisse. Atque idem significare uisus est Dominus, cum apostolis id negotii dedit, ut Lazarum, a mortuis excitatũ, a uinculis soluerent, quibus constrictus erat. nam sanctus Augustinus eum locum ita explanat: Ipsi, inquit, sacerdotes plus iam possunt proficere, plus confitentibus parcere, quibus crimen remittunt: Dominus scilicet per ipsos apostolos Lazarum, quem iam suscitauerat, obtulit discipulis soluendum, ostendens potestatem soluendi esse concessam sacerdotibus. Quo etiam pertinet, quod iis, qui a lepra in itinere curati sunt, præceperat, ut sacerdotibus se ostenderent, illorumque iudicium subirent. Cum igitur Dominus potestatem remittendi, & retinendi peccata sacerdotibus tribuerit; perspicuum est, ipsos etiam ea de re iudices constitutos fuisse. at, quoniam, ut sancta Tridentina Synodus sapienter admonuit, de qualibet re uerum iudicium fieri, atque in repetendis criminum pœnis iustitiæ modus teneri nõ potest, nisi plane cognita, & perspecta causa fuerit; ex eo sequitur, ut pœnitentium cõfessione singillatim peccata omnia sacerdotibus patefacienda sint. Hæc igitur Pastores docebunt, quæ a sancta Tridẽtina Synodo decreta, ac perpetuo a catholica Ecclesia tradita sunt. Si enim sanctissimos
- Patres

Patres attente legimus; nusquam non apertissima testimonia occurrunt, quibus confirmetur, hoc sacramentum a Christo domino institutum esse, & confessionis sacramentalis legem, quam illi exomolegesin, & exagoreusin græco uocabulo appellant, tamquam euangelicam accipiendam esse. Quod si etiam ueteris testamenti figuras exquirimus; sine dubio ad peccatorum confessionem uidentur pertinere uaria illa sacrificiorum genera, quæ ad expianda diuersi generis peccata a sacerdotibus fiebant.

Sed quemadmodum confessionem a Domino saluatore institutã esse fideles docendi sunt: ita etiam monere eos oportet, quosdam ritus, & solemnes cærimonias Ecclesiæ auctoritate additas esse; quæ etsi ad sacramenti rationem nõ spectant, eius tamen dignitatem magis ante oculos ponunt, & confitentium animos pietate accensos, ad Dei gratiam facilius consequendam præparant. Cum enim aperto capite ad pedes sacerdotis abiecti, demisso in terram uultu, supplex manus tendentes, aliaque huiusmodi Christianæ humilitatis signa dantes, quæ ad sacramenti rationem necessaria non sunt, peccata confitemur, ex his perspicue intelligimus, tum in sacramentò cælestem uim agnoscendam, tum a nobis diuinam misericordiam summo studio requirendam, atque efflagitandam esse. Iam uero, nemo existimet confessionem a Domino quidem institutam, sed ita tamen, ut eius usum necessarium esse non edixerit. Etenim sic statuant fideles, oportere eum, qui mortali scelere premitur, confessionis sacramento ad spiritualem uitam reuocandum esse: quod quidem pulcherrima translatione a Domino aperte significatum uidemus; cum huius sacramenti administrandi potestatem, clauem regni cælorum appellauit. Vt enim locum aliquem ingredi nemo potest, sine eius opera, cui clauis commissæ sunt, sic intelligimus neminem in cælum admitti, nisi fores a sacerdotibus, quorum fidei clauis Dominus tradidit, aperiãtur. Aliter enim nullus plane clauium usus in Ecclesia esse uidebitur: ac frustra is, cui clauium potestas data est, quæpiam cæli aditu prohibebit, si tamen alia uia introitus patere queat. Hoc uero præclare a sancto Augustino cognitum est, cum inquit: Nemo sibi dicat, occulte ago apud Dominum pœnitentiam: nouit Deus, qui mihi ignoscat, quid in corde ago: ergo sine causa dictum, quæ solueritis in terra, soluta erunt in cælo: ergo sine causa clauis data sunt Ecclesiæ Dei? Atque in eandem sententiam sanctus Ambrosius in libro de pœnitentia scriptum reliquit, cum Nouatianorum hæresim cõuelleret, qui soli Domino potestatem peccata remittendi.

*De ritibus
& cærimo-
nijs ad Con-
fessionē adhi-
bendis.*

Matth. 16.

*S. Augusti-
nus.*

Matth. 18.

S. Ambros.

reseruandam assererebant: *Ecquis Deum, inquit, magis ueneratur, qui ne mandatis illius obtemperat, an qui resistit? Deus nobis iussit, eius ministris obtemperare: quibus cum pareamus, honorem soli Deo deferimus. Sed cum minime dubitari possit, cōfessionis legem ab ipso Domino latam & constitutam esse; sequitur, ut uidendū sit, quinam, quo ætatis, & anni tempore ei parere debeant. Primum*

Later. Conc.

itaque ex Lateranensis Concilii canone, cuius initium est, *Omnis utriusque sexus, perspicitur, neminem confessionis lege adstrictum esse ante eam ætatem, qua rationis usum habere potest: neque tamē ea ætas certo aliquo annorum numero definita est. Sed illud uniuersē statuendum uidetur, ab eo tempore confessionem puero indictam esse, cum inter bonum, & malum discernēdi uim habet, in eiusque mentem dolus cadere potest. Nam cum ad id uitæ tempus quisque peruenerit, in quo de salute æterna deliberandum est; tum primum sacerdoti peccata confiteri debet; cum aliter salutem sperare nemini liceat, qui scelerum conscientia premitur. Quo uero potissimū tem-*

Later. Conc.

pore cōfiteri oporteat, eo canone, de quo antea diximus, sancta Ecclesia decreuit: iubet enim semel saltem quotānis fideles omnes peccata sua confiteri. Verum si, quid salutis nostræ ratio postulet, consideremus; profecto, quoties uel mortis periculum imminet, uel aliquam rem tractare aggredimur, cuius tractatio homini peccatis contaminato nō conueniat, ueluti cum sacramenta administramus, aut percipimus, toties cōfessio prætermittenda non est. Atque idem omnino seruare oportet; cum ueremur, ne nos alicuius culpæ, quā admiserimus, obliuio capiat. Neque peccata confiteri possumus, quæ non meminimus: neque peccatorum ueniā a Domino impetramus, nisi ea pænitentię sacramentum per confessionem debeat.

De conditionibus & circumstantiis ad confessionem requisitis.

Sed quoniam multa in confessione obseruanda sunt, quorum alia ad sacramenti naturam pertinent, alia non ita necessaria sunt; de his accurate agendum erit. neque enim desunt libelli, & commentarii, ex quibus facile est, horum omnium explicationē deponere. Illud autem in primis doceant Parochi, in confessione curandum esse, ut integra, & absoluta sit. etenim omnia mortalia peccata sacerdoti aperire oportet. nam uenialia, quæ nos a Dei gratia non diuellunt, & in quæ frequentius labimur, tametsi recte, atque utiliter, quod piorū usus demonstrat, confitemur, tamen sine culpa prætermitti, multisque aliis rationibus expiari possunt. At mortifera peccata, ut iam diximus, singula enumeranda sunt, quamuis etiam occultissime lateant, ut eius generis sint, quæ duobus tantum extremis Decalogi capitibus

capitibus interdicuntur. Sæpe enim euenit, ut ea grauius animâ uulnerent, quam illa, quæ aperte, ac palam peccare homines solent. ita uero a sancta Tridentina Synodo definitum, atque a catholica Ecclesia semper traditum est, quemadmodum sanctorum Patrum testimonio declarât. Est enim apud sanctum Ambrosium in hunc modum: Non potest quis iustificari a peccato, nisi confessus fuerit peccatum. Sanctus etiam Hieronymus in Ecclesiâ eadem plane confirmat: inquit enim: Si quem serpens Diabolus occulte momorderit, & nullo conscio, eum peccati ueneno infecerit, si tacuerit, & pœnitentiâ non egerit, nec uulnus suum fratri, aut magistro uoluerit confiteri, magister, qui linguam habet ad curandum, prodesse non poterit. Præterea sanctus Cyprianus in sermone de lapsis apertissime hoc docet, his uerbis: Quamuis nullo sacrificii, aut libelli facinore constrikti sint, quoniam tamen de eo cogitauerunt, id ipsum apud sacerdotes Dei dolenter confiteantur. Denique hæc omnium Ecclesiæ doctorum communis uox est, atque sententia. Sed in confessione summa illa cura, & diligentia adhibenda est, quâ in rebus grauissimis ponere solemus, omneque studium ita eo conferendum, ut sanemus animæ uulnera, & peccati radices euellamus. Neque uero solum peccata grauia narrâdo explicare oportet, uerum etiam illa, quæ unumquodque peccatum circumstant, & prauitatem ualde augent, uel minuunt. Quædam enim circumstantiæ adeo graues sunt, ut peccati mortiferi ratio ex illis tantum constet: quare hæc omnia semper confiteri oportet. Siquis enim hominem interemerit, explicandum est, utrum ille sacris initiatus, an profanus fuerit. Itemque, si cum muliere concubuit, matrimonij ne lege libera, aut alterius uxore, aut propinqua, aut alicuius uoti sponsione Deo consecrata, aperiat, necesse est hæc enim diuersa peccatorum genera cõstituunt, ita, ut primum quidem simplex fornicatio, alterum adulterium, tertium incestus, quartum sacrilegium a diuinarum rerum doctoribus appelletur. Furtum etiâ in peccatis numerandum est: uerum si quis aureum nummum furetur, leuius omnino peccat, quâ is, qui centum, uel ducentos, uel ingentem aliquam auri uim, præsertim uero qui sacram pecuniam abstulit. Quæ etiâ ratio ad locum, & ad tempus pertinet, quorum exempla notiora sunt ex multorum libris, quam ut a nobis commemorentur. Hæc igitur, ut diximus, enumeranda sunt: quæ uero prauitatem rei magnopere nō augent, sine crimine omitti possunt. Sed ad confessionem adeo necessarium est, ut, quod antea diximus, integra, & absoluta sit, ut, si quis dedita opera, alia quidem ex

Triden. Syn.

S. Ambros.

S. Hieron.

S. Cyprianus

ijs, quæ

ijs, quæ explicari debent, prætermittat: alia uero tantummodo confiteatur, non solum ex ea confessione is commodum nullum consequatur, sed etiam nouo scelere se obstringat: neque eiusmodi peccatorum enumeratio confessionis nomine, in qua sacramenti ratio insit, appellanda est: quin potius pœnitenti confessionem repetere est necesse, seque ipsum illius peccati reum facere, quod sacramenti sanctitatem simulatione confessionis uiolauerit. At uero, si alia de causa confessioni aliquid defuisse uideatur, uel quia pœnitens nonnulla crimina oblitus fuerit, uel quia conscientia suæ latebras non ita accurate perquisiuerit, cum tamen illud in animo haberet, ut integre peccata omnia confiteretur; nihil ei opus erit confessionem iterare; satis autem habebit, si quando peccata, quæ oblitus erat, in memoriam reducerit, ea sacerdoti alio tempore confiteri. In quo tamen animaduertendum est, ne forte nimis dissolute, & remisse conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidem uoluisset merito uideri possimus. id enim si factum fuerit, confessionem iterare omnino oportebit. Præterea curandum est, ut confessio nuda, simplex, & aperta sit, non artificiose composita, ut a nonnullis fit, qui potius uitæ suæ rationem exponere, quam peccata confiteri uidentur. Ea enim confessio esse debet, quæ nos tales sacerdoti aperiat, quales nos ipsos nouimus, certaue pro certis, ac dubia pro dubiis demonstret. Quod si uel peccata non recensentur, uel alieni a re, quæ tractamus, sermones inferuntur; perspicuum est, confessionem hac uirtute carere. Vchementer etiam commendandi sunt, qui prudentiam, & uerecundiam in explicandis rebus adhibent. neque enim nimis multis uerbis agendum est, sed, quæ ad cuiusque peccati naturam, & rationem pertinent, breui oratione, quæ modestiam coniunctam habeat, aperienda sunt. Illud uero tum confitenti, tum sacerdoti maxime laborandum est, ut eorum sermo in confessione secreto habeatur. Quare fit, ut nemini omnino neque per nuncium, neque per litteras, quoniam ea ratione nihil iam occulte agi potest, peccata confiteri liceat. Sed nulla res fidelibus adeo curæ esse debet, quam ut frequenti peccatorum confessione animam studeant expiare. Etenim cum aliquis mortifero scelere urgetur, nihil ei magis salutare esse potest, ob multa, quæ impendent, uitæ pericula, quam statim peccata sua confiteri. Nam, ut sibi quisque diuturnum uitæ spatium polliceri queat, turpe profecto est, cum in eluendis corporis, aut uestium sordibus tam diligentes simus, non eadem saltem

saltem diligentia curare, ne animæ splendor turpissimis peccati maculis obsolescat.

Sed iam de ministro huius sacramenti dicendum est. Eum autem sacerdotem esse, qui ordinariam, aut delegatam absoluendi potestatem habeat, ex ecclesiasticis sanctionibus satis apparet. habeat enim oportet non solum ordinis, uerum etiam iurisdictionis potestatem, qui hoc munere fungi debet. Illustre uero huius ministerij testimonium præbent illa Domini uerba apud sanctum Ioannem: Quorum remisistis peccata, remittuntur eis; & quorum retinueritis, retenta sunt. neque enim omnibus, sed apostolis tantum hæc dicta fuisse constat, quibus in hac functione sacerdotes succedunt: idque etiam maxime consentaneum est. nam cum omne gratiæ genus, quæ hoc sacramento tribuitur, a Christo capite ad membra deriuetur; merito debent corpori Christi mystico, idest fidelibus illud administrare, qui soli uerum eiusdem corpus cõficiendi potestatem habent; cum præsertim fideles hoc ipso pœnitentiæ sacramento ad sacram Eucharistiam sumendam apti, idoneique reddantur. Verum quanta olim religione in antiquissima Ecclesia ius ordinarij sacerdotis conseruatum fuerit, ex ueteribus Patrum decretis facile intelligitur; quibus cautum est, ne quis Episcopus, aut sacerdos in alterius parochia aliquid gerere auderet, sine eius auctoritate, qui illi præesset, aut nisi magna necessitas cogere uideretur. Ita uero ab Apostolo sancitum est, cum Tito præcepit, ut in singulis ciuitatibus sacerdotes cõstitueret; qui scilicet doctrinæ, & sacramentorum cælesti pabulo fideles alerent, & educarent. Quamquam si mortis periculum imminet, & propriij sacerdotis facultas non datur; ne hac occasione aliquis pereat, in Ecclesia Dei custoditum fuisse, Concilium Tridentinum docet, ut unicuique sacerdoti liceret, nõ solum omni peccatorum genere, cuiuscumque potestatis sit, illa cõdonare, sed etiam ab excommunicationis uinculo soluere. Iam, præter ordinis, & iurisdictionis potestatem, quæ prorsus necessaria sunt, in primis opus est, ut huius sacramenti minister tum scientia, & eruditione, tum prudentia præditus sit. iudicis enim, & medici simul personam gerit. Ac quod ad primum attinet, satis constat, non uulgarem scientiam necessariam esse, quæ & peccata inuestigare, & ex uarijs peccatorum generibus, quæ grauiora, quæ leuiora sint, pro cuiusque hominis ordine, & genere iudicare possit. ut autem medicus est, summa quoque prudentia indiget. etenim diligenter prouidendum est, ut ea remedia aegroto adhibeantur, quæ ad illius animam sanandam, & in posterum contra morbum

De legitimo et idoneo Cõfessionis sacramentalis ministro.

Ioan. 20.

ad Titum 1.

Trid. Syn.

Ex S. Basilio

uim

uim muniendam aptiora esse uideantur. Ex quo poterunt fideles intelligere, cuius maximo studio curandum esse, ut eum sibi sacerdotem deligat, quem uitæ integritas, doctrina, prudens iudicium commendat; qui, & quantum in eo officio, cui præest, ponderis ac momenti sit, & quæ cuique sceleri pœna conueniat, & qui uel soluendi, uel ligandi sint, optime nouerit. Sed quoniam nemo est, qui nõ uehementer cupiat, scelera, & turpitudinem suã occultari; monendi sunt fideles, nihil esse, quod timeant, ne ea, quæ ipsi confessione patefecerint, a sacerdote ulli umquam indidentur, neue aliquod ex ea periculi genus sibi ullo tempore creari possit. sacræ enim sanctiones grauissime in eos sacerdotes animaduerti uoluerunt, qui peccata omnia, quæ aliquis eis cõfessus fuerit, perpetuo, & religioso silentio compressa non tenuerint. Quare in Cõcilio Lateranensi magno ita legimus: Cãueat omnino sacerdos, ne uerbo, uel signo, uel alio quouis modo prodat aliquatenus peccatorem.

*Ex Leone
Papa.*

Conc. Lat.

*De conditionibus
ad confessionem ue-
re penitentis
necessarijs.*

Sed iam ordo rerum postulat, cum de ministro dictum sit, ut quædam præcipua capita explicentur, quæ ad confessionis usum, & tractationem non parum sunt accomodata. Magna enim fidelium pars, quibus uulgo nihil longius uideri solet, quam, ut dies illi, qui ecclesiastica lege confessioni præfiniti sunt, effluant: tantum absunt a Christiana perfectione, ut uix peccatorum suorum meminerint, quæ sacerdoti patefacienda essent, ne dum cetera diligenter curent, quæ ad diuinam gratiam cõciliandam uim habere maximam perspicuum est. Quare cum illorum saluti omni studio succurrendum sit; hoc primum sacerdotes in pœnitente diligenter obseruabunt, si ueram peccatorum suorum contritionem habeat, certumque illi sit, ac deliberatum in posterum a peccatis abstinere. Quod si ita animo affectum esse animaduernerint, moneant, & uehementer hortentur, ut pro tanto, & tam singulari beneficio maximas gratias Deo agat; ab eoque cælestis gratiæ præsidium petere nunquam desinat; quo munus, ac tectus, facile poterit prauis cupiditatibus resistere, ac repugnare. Docendus est etiam, ut nullum patiatur esse diem, quin aliquid de passionis Domini nostri mysteriis meditetur, ad eũque imitandum, & summa charitate amandum ipse se excitet, atque inflammet. hac enim meditatione assequetur, ut ab omnibus dæmonis tentationibus in dies se tutiorem esse sentiat. Neque enim ulla alia est causa, cur tã cito, uel leuiter ab hoste impugnati, animo, & uiribus succumbamus, quam quod ex cælestium rerum meditatione diuini amoris ignem concipere non studemus, quo mens recreari, atque

crigi

erigi possit. Sin autem sacerdos intellexerit, eum, qui uelit confiteri, adeo peccata sua non dolere, ut uere contritus dicendus sit; conetur magno contritionis desiderio eum afficere, ut deinde huius præclari doni cupiditate incensus, illud a Dei misericordia petere, & efflagitare in animum inducat. In primis autem reprimenda est quorundam superbia, qui scelera sua exculatione aliqua uel defendere, uel minora facere nituntur. Nam exempli causa, cum aliquis fateatur, se ita uehementius commotum fuisse, statim huius perturbationis causam in alium confert, a quo prius sibi iniuriam factam esse queritur. Monendus itaque est, hoc elati animi, & hominis peccati sui magnitudinem uel despicientis, uel plane ignorantis, signum esse: tum uero eiusmodi exculationis genus, ad augendum potius, quam minuendum peccatum pertinere. nam qui ita factum suum probare contendit, hoc uidetur profiteri, se tunc patientia usurum esse, cum a nemine iniuria lædatur. quo quidem nihil homine Christiano indignius esse potest. Etenim cum illius uicem dolere maxime debuerit, qui iniuriam fecit: tamen non peccati prauitate commouetur, sed fratri itascitur, ac, cum ei præclara occasio oblata fuerit, ut Deum patientia colet, & fratrem inasuetudine sua corrigere possit, salutis materiam ad perniciem suam conuertit. Perniciosior autem est illorum culpa existimanda, qui stulta quadam uerècundia impediti, peccata confiteri non audent. his igitur hortando animos addere oportet; monendique sunt, nihil esse, quod uitia sua aperire uereatur, nullique mirum uideri debere, si intelligat homines peccare: qui quidem communis est omnium morbus, & in humanam imbecillitatem proprie cadit. Alij sunt, qui, uel quod raro peccata confiteri solent, uel quod nullam curam, & cogitationem in perue stigandis suis sceleribus posuerunt, nec commissæ confessione expectare, nec, unde eius officii initium ducendum sit, satis sciunt: quos certe acrius obiurgare opus est, atque in primis docere, prius quam ad sacerdotem aliquis adeat, omni studio curandum esse, ut peccatorum suorum contritione commoueatut: id uero præstari nullo modo posse, nisi ea reminiscendo sigillatim recognoscere studeat. Quare si sacerdos huiusmodi homines prorsus imparatos esse cognouerit, humanissimis uerbis a se dimittet, hortabiturque; ut ad cogitanda peccata aliquod spacium sumant, ac deinde reuertantur, quod si forte affirmauerint, se in eam rem omne studium, & diligentiam suam contulisse, (quoniam sacerdoti maxime uerendum est, ne semel dimissi, amplius non redeant) audiendi erunt; præsertim

præfertim uero si emendandæ uitæ studium aliquod præferant, adducique possint, ut negligentiam suam accusent, quam se alio tempore diligenti, & accurata meditatione compensaturos promittant: in quo tamen magna cautio adhibenda est. Si enim, audita confessione, iudicauerit, neque in enumerandis peccatis diligentiam, neque in detestandis dolorem pœnitenti omnino defuisse; absolui poterit. sin autem utrumque in eo desiderari animaduernerit; auctor illi, & suasor erit, ut maiorem curam, quod antea dictum est, in excutienda conscientia adhibeat, hominemque, ut blandissime poterit, tractatum dimittet. Sed quoniam interdum contingit, ut mulieres, alicuius sceleris in priori confessione oblitæ, iterum ad sacerdotem non audeant redire; quod uereantur, ne uel in suspicionem magnæ improbitatis populo ueniant, uel singularis religionis laudem quærere existimentur: sæpe tum publice, tum priuatim docendum est, neminem tanta memoria esse, qui omnia sua facta, dicta, & cogitata meminisse queat: quapropter fideles nulla re deterrendos esse, quo minus ad sacerdotem reuertantur, si in memoriam alicuius criminis redierint, quod antea fuerit prætermisum. Hæc igitur, atque alia huius generis multa in confessione a sacerdotibus obseruanda erunt.

*De satisfactio-
ne Pœnitentia
parte,
eiusque ex-
quenda neces-
sitate.*

Nunc ad tertiam pœnitentiæ partem, quæ satisfactio appellatur, ueniendum est. Primum itaque satisfactionis nomen, & uis exponenda est. hinc enim catholicæ Ecclesiæ hostes amplam occasionem dissidij, & discordiæ, cum maxima Christiani populi perniciæ, arripuerunt. Est autem satisfactio, rei debitæ integra solutio: nam quod satis est, ei nihil uidetur deesse. Quare cum de gratiæ reconciliatione loquimur, idem satisfacere significat; quod alteri tantum præstare, quantum irato animo ad ulciscendam iniuriam satis esse possit: atque ita satisfactio nihil aliud est, quam iniuriæ alteri illatæ compensatio. Quod autem ad hunc locum pertinet, satisfactionis nomen diuinarum rerum doctores ad declarandam eam compensationem usurparunt, cum homo pro peccatis commissis Deo aliquid persoluit. Quo in genere quoniam multi gradus esse possunt, hinc fit, ut satisfactio uarie accipiat. Ac prima quidem, & præstantissima illa est, qua pro scelerum nostrorum ratione, etiâ si Deus summo iure nobiscum uelit agere; quidquid a nobis debeatur, cumulate persolutum est. Hæc uero eiusmodi esse dicitur, quæ nobis Deum propitium, & placatum reddidit; eamque uni Christo domino acceptam ferimus, qui in cruce pretio pro peccatis nostris

nostris soluto plenissime Deo satisfecit. neque enim ulla res creata tanti esse potuit, quæ nos tam graui debito liberaret, atque, ut sanctus Ioannes testatur, ipse est propitiatio pro peccatis nostris, non Joan. 1. pro nostris autem tantum, sed etiam pro totius mundi. Hæc igitur plena, & cumulata est satisfactio, scelerum omnium rationi, quæ in hoc sæculo commissæ sunt, pariter, æqualiterque respondens: cuius pondere hominum actiones apud Deum plurimum ualent, ac sine eo nulla prorsus æstimatione dignæ haberentur. Atque huc Davidis uerba uidentur spectare: qui postquam, secum ipse reputans, illud protulisset, Quid retribuam Domino pro omnibus, quæ retribuit mihi? nihil præter hæc satisfactionem, quam calicis nomine exprefsit, dignum tot, tantisque beneficijs inuenire potuit: quare subiicit: Calicem salutaris accipiam, & nomen Domini inuocabo. Alterum satisfactionis genus, quæ & canonica appellatur, & certo temporis spatio definita perficitur. Quare antiquissimæ Ecclesiæ usu receptum est, ut cum pœnitentes a peccatis soluuntur, pœna aliqua eis irrogetur, cuius pœnæ solutio, satisfactio uocari consueuit. Eodem uero nomine quodlibet etiam pœnæ genus significatur, quam pro peccatis non quidem a sacerdote constitutam, sed sponte nostra susceptam, atque a nobis ipsis repetitam, sustinemus. Verum hæc ad pœnitentiam, ut sacramentum est, minime pertinet, sed illa tantum sacramenti pars censenda est, quam diximus ex præcepto sacerdotis Deo pro peccatis dependi; hoc adiuncto, ut statutum cum animo, & deliberatum habeamus, peccata in posterum omni studio uitare. ita enim nonnulli definierunt: satisfacere, est Deo debitum honorẽ impendere. Quod autem nemo debitum honorem Deo possit tribuere, nisi qui peccata omnino uitare constituat, satis apparet. Et satisfacere, est causas peccatorum excidere, & eorum suggestioni aditum non indulgere. In quam sententiam alij senserunt satisfactione esse purgationem, qua eluitur, quidquid sordium propter peccati maculam in anima resedit, atque a pœnis tempore definitis, quibus tenebamur, absoluihur. Quæ cum ita sint; facile erit fidelibus persuadere, quam necessarium sit, ut pœnitentes in hoc satisfactionis studio se exerceant. Docendi enim sunt, duo esse, quæ peccatum consequuntur, maculam, & pœnam: ac quamuis semper culpa dimissa, simul etiam mortis æternæ supplicium apud inferos constitutum condonetur; tamen non semper contingit, quemadmodum a Tridentina Synodo declaratum est, ut Dominus peccatorum reliquias, & pœnam certo tempore definitam, quæ peccatis

*Psal. 115.**Trident. Syn.*

debetur, remittat. Cuius rei perspicua sunt exempla in sacris litte-
Gen. 3. ris, Genesio tertio capite, Num. xij. & xxij. & aliis permultis locis;
Num. 12. sed illud Davidis clarissimum, & maxime illustre intuemur, cui
2. Reg. 12. etsi Nathan dixerat; Dominus quoque transtulit peccatum tuum,
 non morieris; is tamen gravissimas pœnas ultro subiit, Dei miseri-
Psal. 50. cordiam his uerbis dies noctesque implorans: Amplius laua me ab
 iniquitate mea, & a peccato meo munda me: quoniam iniquitatem
 mea ego cognosco, & peccatum meum contra me est semper. Quibus
 uerbis illud petatum est a Domino, ut non solum crimen, sed pœ-
 nam etiam crimini debitam condonaret, atque a peccati reliquiis
 purgatum, in pristinum decoris, & integritatis statum restitueret.
 Atque hæc cum summis precibus peteret, cum tamen Dominus,
 tum filii ex adulterio suscepti, tum Absalonis, quem unice dilige-
 bat, defectione, & morte mulctauit, aliisque pœnis, & calamitati-
Exod. bus affecit, quas illi antea intentarat. In Exodo etiam, etsi Domi-
 nus, Moysi precibus exoratus, populo idololatraz pepercerat, tamen
 minatus est, se tanti flagitii graues pœnas repetiturum esse; ipseque
 Moses testatus est fore, ut illud Dominus seuertissime in tertiam, &
 quartam usque generationem ulcisceretur. Hæc uero a sanctis Pa-
 tribus in Ecclesia catholica semper tradita esse, ipsorum auctorita-
 te apertissime comprobatur. Verum quæ de causa factum sit, ut pœ-
 na omnis pœnitentiæ sacramento, æque ac baptismo non condo-
Trid. syn. netur, præclare a sancta Tridentina Synodo explicatum est his uer-
 bis. Diuinæ iustitiæ ratio exigere uidetur, ut aliter ab eo in gratiam
 recipiantur, qui ante baptismum per ignorantiam deliquerint: ali-
 ter uero qui semel a peccati, & dæmonis seruitute liberati, & acce-
 pto spiritus sancti dono scientes templum Dei uiolare, & spiritum
 sanctum contristare nō formidauerint. Et diuinam clementiam de-
 cet, ne ita nobis absque ulla satisfactione peccata dimittantur, ut,
 occasione accepta, peccata leuiora putantes, uelut iniurii, & contu-
 meliosi spiritui sancto in grauiora labamur, thesaurizantes nobis irā
 in die iræ. Proculdubio enim magnopere a peccato reuocant, &
 quasi freno quodam coercent hæ satisfactoriæ pœnæ, cautioreque
 & uigilantiores in posterum pœnitentes efficiunt. Accedit, ut tam-
 quam testificationes quædam sint doloris, quem ex peccatis cōmis-
 sis capimus: quæ ratione Ecclesiæ sit satis, quæ nostris sceleribus gra-
S. August. uiter offensa est. Nam ut sanctus Augustinus ait; Cor contritum, &
 humiliatum Deus non spernit: uerum quia plerumque dolor alte-
 rius cordis occultus est alteri, neque in aliorum noticiam per uerba;
 uel alia

uel alia quæcūque signa procedit; recte ab ijs, qui Ecclesiæ præsumt, tempora pænitentiae constituuntur; ut Ecclesiæ, in qua ipsa peccata remittuntur, satisfiat. Præterea, pænitiæ nostræ exempla alios doceant, quo modo ipsi uitam instituere, & pietatem sequi debeant. Cū enim pœnas nobis pro peccatis irrogatas ceteri homines intuentur, & summam cautionem sibi in omni uita adhibendam, & mores pristinos corrigendos esse intelligunt. Quare sapientissime illud ab Ecclesia obseruatum est, ut, cum ab aliquo publice flagitium commissum esset, publica etiam pænitiæ ei indiceretur; ut ceteri timore perterriti, deinceps peccata diligentiùs uirarent: quod etiam in occultis criminibus, quæ grauiora essent, interdum fieri solitum erat. Sed, ut diximus, in publicis hoc perpetuum fuit, ut, qui ea commiserant, ante quam publicam pænitentiam suscepissent, nō absoluerentur. Interim uero Pastores pro illorum salute Deum rogabant, atque, ut ipsi etiam pænitentes idem facerent, eos hortari non desinebant. Quo in genere summa fuit sancti Ambrosij cura, & sollicitudo: cuius lacrymis ferrur quamplurimos, qui duro animo ad pænitentiae sacramentum accesserant, ira molliros esse, ut ueræ contritionis dolorem conceperint. Verum postea tantum de ueteris disciplinæ seueritate remissum est, atque ita charitas refriguit, ut iam plerique ex fidelibus, ad peccatorum ueniam impetrandam, nullum inritum animi dolorem, atque gemitum cordis necessarium putent; sed illud satis esse arbitrentur, si speciem tantum dolentis habeant. Deinde uero huiusmodi pœnarum perpeffione cōsequimur, ut capitis nostri Iesu Christi, in quo passus est ipse, & renratus, similitudinem, & imaginem geramus. nihil enim tam deforme uideri potest, ut a sancto Bernardo dictū est, quam, sub spinoso capite, delicatū esse membrum. nam, reſte Apostolo, coheredes sumus Christi, si tamen cōpartimur, & quod alio loco scripsit, si cōmortui sumus, & cōuiuemus; si sustinebimus, & cōregnabimus. D. etiam Bernardus duo affirmat in peccato reperiri, maculam animæ, & plagam: ac turpitudinē quidem ipsam Dei misericordia tolli; nerum sanādis peccatorum plagis ualde necessariam esse eam curam, quæ in remedio, pænitenriā adhibetur. quemadmodum enim, sanato uulnere, cicatrices quædam remanent, quæ & ipsæ curandæ sunt: ira in anima, culpa condonata, supersunt reliquæ peccatorum purgandæ. Idem plane D. Chrysostomus sententia confirmat, cū ait: Non satis est sagittam e corpore extrahi, sed plaga quoque, a sagitta inflata, sananda est: sic etiā in anima post acceptam peccati ueniam pænitentia curanda est, plaga relicta.

*S. Ambros.**Ad Heb. 2.**D. Bernard.**Ad Rom. 8.**Ad Tim. 2.**D. Bernard.**D. Chrysost.*

S. August. Frequentissime enim a sancto Augustino docemur, duo hæc in pœnitentia animaduertenda esse, Dei misericordiam, & iustitiam; misericordiam, qua peccata, & pœnas æternas illi debitas cōdonat; iustitiam, qua pœnis tempore definitis hominem punit. Postremo, pœnitentiæ pœna a nobis suscepta Dei animaduersionem, suppliciaque

1. ad Cor. 11. in nos constituta anteuerit. ita enim docet Apostolus, cum ait: Si nosmet ipsos diiudicemus, non utique iudicemur: dum iudicamur autem, a Domino corripimur, ut non cum hoc mundo damnemur. Quæ cum fidelibus explicata fuerint, uix fieri poterit, quo minus ad pœnitentiæ opera maxime excitentur. Eius autem quanta uis sit, ex eo colligitur, quod tota a Christi domini passionis inerito pendet. A quo etiam honestis actionibus duo illa maxima bona consequimur. alterum est, ut immortalis gloriæ præmia mereamur; ita ut

Matth. 10. calix etiam aquæ frigidæ, quam in eius nomine dederimus, mercede non careat: alterum, ut pro peccatis nostris satisfaciamus. Neque uero id perfectissimam, & cumulatissimam Christi domini satisfactionem obscurat; sed illud potius contra euenit, ut multo clariorē, & illustriorem reddat. Eo enim copiosior Christi gratia uidetur esse, quod non solum ea nobiscum communicantur, quæ ipse solus, sed illa etiam, quæ tamquam caput in membra suis sanctis, & iustis hominibus promeruit, ac persoluit: qua ratione fieri perspicuum est, ut iustæ, & honestæ piorum actiones tantum ponderis, & dignitatis habeant. Christus enim dominus tanquam caput in membra, & uitis in palmites gratiam suam in eos, qui sibi per charitatem coniuncti sunt, continenter diffundit. Quæ quidem gratia bona opera nostra semper antecedit, comitatur, & consequitur, & sine qua mereri, & satisfacere Deo nullo modo possumus. Atque ita fit, ut iustis nihil deesse uideatur, cum operibus, quæ Dei uirtute efficiunt, & diuinæ legi pro humana, mortaliq; condicione satisfacere, & uitam æternam, quam scilicet, si Dei gratia ornati e uita decesserint, consequentur, mereri possint. nota est enim illa Saluatoris uox: Qui autem biberit ex hac aqua, quam ego dabo ei, nō sitiet in æternum; sed aqua, quam ego dabo ei, fiet in eo fons aquæ salientis in uitam æternam.

1. Ion. 4.

Quæ ad ueram satisfactionem requiruntur.

S. Cyprianus

Sed duo præcipue in satisfactione requiruntur: primum est, ut is, qui satisfacit, iustus sit, ac Dei amicus. Opera enim, quæ sine fide, & charitate fiunt, nullo modo Deo grata esse possunt. alterum, ut eiusmodi opera suscipiantur, quæ natura sua dolorem, & molestiam afferat: cum enim præteritorum scelerum cōpensationes sint, atque, ut sanctus martyr Cyprianus ait, redēptrices peccatorum; omnino necesse

neceſſe eſt, ut aliquid acerbitatis habeant. quamquam non ſemper illud conſequitur, ut, qui ſe in illis moleſtis actionibus exercent, doloris ſenſum habeant. Sæpe enim uel patiendi conſuetudo, uel accenſa in Deum charitas efficit, ut, quæ perpeſſu grauiffima ſunt, ne ſentiantur quidem. Neque tamen iccirco fit, quo minus ea ipſa opera ſatisfaciendi uim habeant. ſiquidem hoc proprium eſt filiorum Dei, ita eius amore, & pietate inflammari, ut acerbiffimis laboribus cruciati, aut nihil fere incommodi ſentiant, aut omnia lætiſſimo animo perferant. Verum omne ſatisfactionis genus Paſtores docebunt ad hæc tria præcipue conferendum eſſe, orationem, ieiunium, eleemoſynam: quæ quidem tribus bonis, animæ, corporis, & iis, quæ æterna commoda dicuntur, quæ omnia a Deo accepimus, reſpondet. Nihil igitur aptius, & conuenientius ad extirpandas omnium peccatorum radices eſſe poteſt. Nam cum omne, quod eſt in mundo, concuſcentia carnis ſit, aut concuſcentia oculorum, aut ſuperbia uitæ; nemo non uidet, hiſce tribus morbi cauſis totidem medicinas, priori ſcilicet ieiunium, alteri eleemoſynam, tertiæ orationē reſtiſſime opponi. Præterea, ſi eos etiam, qui peccatis noſtris offenduntur, ſpectemus; facile erit intelligere, cur ad hæc tria potiſſimum omnium ſatisfactio referatur. hi uero ſunt Deus, proximus, nos ipſi. Quare Deū oratione placamus; proximo eleemoſyna ſatisfacimus: nos ipſos uero ieiunio caſtigamus. Sed quoniam multæ uariæque ærumnæ, & calamitates, dum in hac uita ſumus, nos premunt; illud maxime fideles docendi ſunt, eos, qui patienti animo, quidquid laborioſi, & incommodi Deus immiſerit, ferant, amplam ſatisfaciendi, & merendi materiam naſtos eſſe; qui autem inuiti, & repugnantes pœnam huiusmodi ſuſtineāt, omni ſatisfactionis fruſtu priuari; ſed Dei tantum, peccata iuſto iudicio ulciſcentis, animaduerſionem, & ſupplicium perferre. In eo uero ſumma Dei bonitas, & clemētia maximis laudibus, & gratiarum actionibus prædicanda eſt, qui humanæ imbecillitati hoc condonauit, ut unus poſſet pro altero ſatisfacere. quod quidem huius partis pœnitentiæ maxime proprium eſt. Vt enim, quod ad contritionem, & confeſſionem attinet, nemo pro altero dolere, aut cōfiteri poteſt: ita, qui diuina gratia præditi ſunt, alterius nomine poſſunt, quod Deo debetur, perſoluere. quare ſit, ut quodā pacto alter alterius onera portare uideatur. Nec uero de hoc cuiquam fidelium dubitandi locus relictus eſt, qui in apoſtolorum ſymbolo, ſanctorum communionem cōfiremur. nam cū omnes eodem baptiſmo abluti Chriſto renaſcamur, eoſundem ſacramentorū

1. Iam. 5.

Ad Gal. 6.

R 4 participes

participes simus, in primis uero eiusdem corporis, & sanguinis Christi domini cibo, & potu recreemur; hoc apertissime demonstrat, nos omnes eiusdem esse corporis membra. Quemadmodum igitur neque pes suæ tatum, sed etiam oculorum utilitatis causa munere suo fungitur; neque rursus, quod oculi uideant, ad illorum propriam, sed ad communem omnium membrorum utilitatem referendum est: ita communia inter nos satisfactionis officia existimari debent. Neque tamen id sine ulla exceptione uerum est, si commoda omnia, quæ ex ea capiuntur, spectemus. nam satisfactionis opera, medicinæ etiam & curationes quædam sunt, quæ pœnitenti ad sanandos prauos animi affectus præscribuntur: quo quidem utilitatis fructu eos, qui per se non satisfaciunt, prorsus carere perspicuum est. Hæc igitur de tribus pœnitentiæ partibus, contritione, confessione, & satisfactione, copiose, & dilucide explicanda erunt.

Sed illud in primis a sacerdotibus obseruari oportet, ut, audita peccatorum confessione, ante quam pœnitentē a peccatis absoluant, diligenter curent, ut, si quid ille forte de re, aut de existimatione proximi detraxerit, cuius peccati damnandus merito esse uideatur, cummulata satisfactione compenset. nemo enim absolvendus est, nisi prius, quæ cuiusque fuerint, restituere polliceatur. At quoniā multi sunt, quibus, & si prolixè pollicentur, se officio satis esse facturos, tamen certum est, ac deliberatum nunquā promissa exoluerè; omnino ij cogendi sunt, ut restituant: sæpeque illud Apostoli eis inculcandum est, ut qui furabatur, iam nō fureretur; magis autem laboret, operando manibus suis quod bonum est, ut habeat unde retribuat necessitatem patienti. In interroganda autem satisfactionis pœna, sacerdotes nihil sibi suo arbitratu statuendum esse, sed omnia iustitia, prudentia, & pietate dirigenda existimabunt. Atque, ut hac regula peccata metiri uideantur, & pœnitentes scelerum suorum grauitatem magis agnoscant; operæpretium erit, interdum eis significare, quæ pœnæ quibusdam delictis ex ueterum canonū præscripto, qui pœnitentiales uocantur, constitutæ sint. Igitur uniuersæ satisfactionis modum, culpæ ratio temperabit. Sed ex omni satisfactionū genere maxime conuenit pœnitentibus percipere, ut certis aliquot, & definitis diebus orationi uacent, ac pro omnibus, & præsertim pro iis, qui ex hac uita in Domino decesserunt, præces Deo faciant. Hortari uero etiam eos oportet, ut sæpe eadem satisfactionis opera, a sacerdote indicta, ultero suscipiant, ac repetant; atque ita mores suos componant, ut, ijs omnibus, quæ ad pœnitentiæ sacramentum pertinent, diligenter

diligenter absolutis, tamen virtutis pœnitentiæ studia nunquã intermittant. quod si interdum, etiam ob publicam offensionem, publica pœnitentia præscribenda fuerit, quamvis eã pœnitens refugiat, ac deprecetur, non erit facile audiendus: verum persuadere ei oportebit, ut, quæ tum sibi, tum aliis salutaria futura sunt, libenti, & alacri animo excipiat. Hæc de pœnitentiæ sacramento singulisque eius partibus ita docenda erunt, ut non solum eã fideles perfecte intelligant, sed etiam, iuuante Domino, re ipsa pie, & religiose præstare animuni inducant.

DE EXTREMÆ VNCTIONIS SACRAMENTO,

VM SANCTA scripturarum oracula ita doceant; In om- *Eccle. 7.*
 nibus operibus tuis memorare nouissima tua, & in æter-
 num non peccabis; tacite Parochi admonentur, nullum
 tempus prætermittendum esse fidelem populum cohortandi, ut in
 assidua mortis meditatione uersetur. Quoniam autem extremæ un-
 ctionis sacramentum non potest supremi illius diei memoriam con-
 iunctam nõ habere; facile intelligitur, de eo sæpe agendum esse, nõ
 solum ob eam causam, quod illarum rerũ mysteria, quæ ad salutem
 pertinent, aperire, & explicare maxime conuenit; sed etiam quia fi- *q. 1. 2.*
 deles, moriendi necessitatem omnibus propositam esse, animo repe-
 tentes, prauas cupiditates coercerunt; quare fiet, ut in ipsa mortis
 expectatione minus se perturbari sentiant; sed immortales Deo gra-
 tias agant, qui, ut baptismi sacramento aditum nobis ad ueram uitã
 patefecit, ita etiam, ut ex hac mortali uitã decedentes, expeditiorem
 ad cælum uiam haberemus, extremæ unctionis sacramentum insti-
 tuit. Ut igitur, quæ ad eam explicationem magis necessaria sunt, eo-
 dem fere ordine, qui in aliis sacramentis seruatus est, exponantur;
 primum illud tradendum erit; hoc sacramentum, idcirco extremam
 unctionem appellatum esse, quod hæc omnium sacrarum unctio-
 num, quas dominus Saluator noster Ecclesiæ suæ commendauit, ul-
 tima administranda sit. Quare hæc ipsa unctio a maioribus nostris sa-
 cramentum etiam unctionis infirmorum, & sacramentum exeun-
 tium dicta est: quibus uocabulis fideles in memoriã nouissimi illius
 temporis facile redire possunt. Quod autem extremæ unctioni pro-
 pria sacramenti ratio conueniat, in primis explanandum est. Id uero
 perspicuum fiet, si uerba, quibus sanctus Iacobus apostolus huius sa- *Iacobi 5.*
 cramenti legem promulgauit, attēdamus. Infirmatur quis in uobis?

inquit: Inducat presbiteros ecclesiæ, & orent super eum, ungentes eum oleo in nomine Domini, & oratio fidei saluabit infirmum, & alleuiabit eum Dominus: &, si in peccatis sit, remittentur ei. Nam quod peccata condonari Apostolus affirmat, in eo declarat sacramenti uim, & naturam. Hanc uero catholicæ Ecclesiæ de extrema unctione perpetuam doctrinam fuisse, cum alia plura Concilia testan-

Triden. Syn.

*Innocentius
primus.*

tur, tum a Tridentina Synodo hoc ita declaratum est, ut in eos omnes anathematis pœnam constituerit, qui aliter docere, aut sentire audeant. Ac Innocentius quoque primus hoc sacramentum fidelibus maxime cominendat. Constantiter itaque docendum est a Pastoribus, uerum sacramentum esse; nec plura, sed unum, quamuis per plures unctiones administretur; quarum singulis propriæ preces, ac peculiaris forma adhibenda est. Vnum uero est nō partium cōtinuatione, quæ diuidi non possint, sed perfectione: cuiusmodi sunt cetera omnia, quæ ex pluribus rebus constant. Nam quemadmodum domus, quæ ex multis, & diuersis rebus composita est, una tantum forma perficitur: ita hoc sacramentū, & si ex pluribus rebus, & uerbis constituitur, unum tamen signum est, & unius rei, quam significat, efficientiam habet. Docebunt præterea Parochi, quæ sint huius sacramenti partes, elementum, inquam, & uerbum. hæc enim

Iacobi 5.

Triden. Syn.

a sancto Iacobo prætermissa non sunt: in quibus singulis sua mysteria licet animaduertere. Eius igitur elementum, siue materia, quemadmodum Concilia, ac præcipue Tridentinum decreuit, est oleum ab Episcopo consecratum, liquor scilicet non ex quauis pingui, & crassa natura, sed ex olæarum baccis tantummodo expressus. Aptissime autem hæc materia illud significat, quod ui sacramenti interius in anima efficitur. nam ut oleum ad mitigandos corporis dolores magno opere proficit: ita sacramenti uirtus animæ tristitiam, ac dolorem minuit. Oleum præterea sanitatem restituit, hilaritatem affert, & lumen tamquam pabulum præbet: tum uero ad recreandas defatigati corporis uires maxime accommodatum est. Quæ omnia, quid in ægroto diuina uirtute per huius sacramenti administrationem efficiatur, declarant. Hæc de materia satis sint. Forma uero sacramenti est uerbum, & solemnis illa precatio, quam sacerdos ad singulas unctiones adhibet, cum inquit: Per istam sanctam unctionem indulgeat tibi Deus, quidquid oculorū, siue narium, siue tactus uitio deliquisti. Quod autem hæc uera sit, & propria huius sacramenti forma, sanctus

Iacobi 5.

Iacobus apostolus significat, cum ait: Et orent super eum, & oratio fidei saluabit infirmum. Ex quo licet cognoscere, formā precationis modo

modo proferendam esse; tamen, quibus potissimum uerbis concipienda sit, Apostolus non expresserit. Verum hoc ad nos fideles Patrum traditione permanuit, ita ut omnes Ecclesie eam formæ rationem retineant, qua omnium mater, & magistra sancta Ecclesia Romana utitur. Nam etsi aliqui nonnulla uerba immutant, cum pro; Indulgeat tibi Deus; ponunt, Remittat, uel Pareat, interdum etiam Sanet, quidquid commisisisti; tamen, quoniam nulla sit sententiæ immutatio, constat eandem ab omnibus formam religiose seruari. Nec uero quisquam miretur, cur factum sit, ut aliorum sacramentorum forma uel absolute significet quod efficit, ut cum dicimus; Ego te baptizo, aut; Signo te signo crucis; uel tamquam ab imperantibus pronuncietur, ut cum in sacramento ordinis ministratio dicitur; Accipe potestatem; hæc una uero extremæ unctionis forma precatione quadam absoluitur: id enim optimo iure constitutum est. nam cum hoc sacramentum propterea adhibeatur, ut præter spirituales gratias, quam tribuit, sanitatem etiam restituat ægrotis: tamen, quia non semper sequitur, ut ægri a morbis conualecant, ob eam causam precatione forma conficitur, ut a Dei benignitate id impetremus, quod sacramenti uis constanti, & perpetuo ordine efficere non solet. Adhibentur autem ritus proprii in huius quoque sacramenti administratione. Sed eorum maxima pars precationes continet, quibus sacerdos ad ægroti salutem impetrandam utitur, nullum enim est aliud sacramentum, quod pluribus precibus conficiatur; ac recte quidem: quoniam eo potissimum tempore fideles pijs obsecrationibus adiuuandi sunt. qua re & alii omnes, quos tum adesse contigerit, & præcipue Parochi debent orare Deum ex animo, & eius misericordie, laborantis uitam & salutem omni studio commendare.

Verum cum demonstratum sit, extremam unctionem uere, & proprie in sacramentorum numero habendam esse; illud etiam sequitur, eius institutionem a Christo domino profectam esse; quæ postea a sancto Iacobo apostolo fidelibus proposita, & promulgata est. Quamquam idem Saluator huius unctionis specimen quoddam dedisse uisus est, cum discipulos suos binos, & binos ante faciem suam misisset. de illis enim apud Euangelistam ita scriptum est: Excuntes prædicabant, ut penitentiam agerent, & dæmonia multa eiiciebant, & ungebant oleo multos ægros; & sanabant. Quam quidem unctionem non ab apostolis inuentam, sed a Domino præceptam; non naturali aliqua uirtute præditam, sed mysticam, potius ad sanandos animos; quam ad corpora curanda institutam fuisse, credendum est. *Quam*

Unctionis extremæ sacramentum a Christo institutum: et quibus conferendum.

Mar. 6.

sancti

S. Dionysius. Sancti Dionysius, Ambrosius, Chrysostomus, & Gregorius magnus asserunt, ut nullo modo dubitandum sit, quin hoc unum ex septem catholicæ Ecclesiæ sacramentis summa cum religione accipere oporteat. Sed docendi sunt fideles, quamvis hoc sacramentum ad omnes pertineat, quædam tamen hominum genera excipi, quibus administrandum non sit. Ac primum excipiuntur, qui sano, & firmo corpore sunt: iis enim extremam unctionem tribuendam non esse, &

Iacobi 3. Apostolus docet, cū inquit; Infirmatur quis in Vobis; & ratio ostendit; siquidem ob eam rem instituta est, non modo ut animæ, sed etiam ut corpori medicinam afferat. Cum igitur illi tantum, qui morbo laborant, curatione indigeant; iccirco iis etiam, qui adeo periculo se ærotare videtur, ut, ne supremus illis uitæ dies instet, metuendum sit, hoc sacramentum præberi debet. In quo tamen grauissime peccant, qui illud tempus æroti ungendi obseruare solent, cum, iam omni salutis spe amissa, uita, & sensibus carere incipiat. constat enim, ad uberiores sacramenti gratiam percipiendam plurimum ualere, si ærotus, cū in eo adhuc integra mens, & ratio uiget, fidēque, & religiosam animi uoluntatem asserre potest, sacro oleo liniatur. Quare Parochis animaduertendum est, ut eo potissimū tempore cælestem medicinam adhibeant, illam quidem semper ui sua adinodū salutarem, cum eorum etiam pietate, & religione, qui curandi sunt, magis profuturam intellexerint. Nemini igitur, qui graui morbo affectus non sit, sacramentum unctionis dare licet, tamen si uitæ periculum adeat; uel quia periculosa nauigatione paret; uel quia prælium initurus sit, a quo certa mors illi impendeat; uel etiam si capitis damnatus, ad supplicium raperetur. Omnes præterea, qui rationis usu carent, ad hoc sacramentum suscipiendum apti non sunt; & pueri, qui nulla peccata admittunt, quorum reliquias sanare huius sacramenti remedio opus sit; amētes item, & furiosi, nisi interdum rationis usum haberent, & eo potissimum tempore pii animi significationem darent, peterentque ut sacro oleo ungeretur. nam qui ab ipso ortu numquam mentis & rationis compos fuit, ungendus non est: secus uero si ærotus, cum mēte adhuc integra huius sacramenti particeps fieri uoluisset, postea in insaniam & furorem incidit. Non sunt autem omnes corporis partes ungendæ, sed ex tantum, quas ueluti sensuum instrumenta natura hominī attribuit, oculi propter uisionem, aures propter auditum, nares propter odoratū, os propter gustum, uel sermonem, manus propter tactū; qui tamen toto corpore æquabiliter suffus est, in ea tamen parte maxime uiget. Hunc autem

autem unguedi ritum uniuersalis Ecclesia retinet, atque etiam huius sacramenti naturæ optime conuenit: medicamento enim est instar. Ac quoniam in corporis morbis, quamuis uniuersum corpus male affectum sit, tamen illi tantum parti curatio adhibetur, a qua, tamquam a fonte, & origine, morbus manat; iccirco non totum corpus, sed ea membra, in quibus potissimum sentiendi uis eminet, renes etiam, ueluti uoluptatis, & libidinis sedes, unguntur; tum pedes, qui nobis ingressus, & ad locum mouendi principium sunt. In quibus illud obseruare oportet, in una, eademque ægrotatione, cum æger in eodem uitæ periculo positus est, semel tantum unguendum esse. Quod si post susceptam hanc unctionem æger cõualuerit; quoties postea in id uitæ discrimen inciderit, toties eiusdem sacramenti subsidium ei poterit adhiberi. ex quo patet, in eorum sacramentorum numero, quæ iterari solent, reponendam esse.

Quoniam uero omni studio curare oportet, ne quid sacramenti gratiam impediatur; ei uero nihil magis aduersatur, quam alicuius peccati mortiferi conscientia; seruanda est catholicæ Ecclesiæ perpetua consuetudo, ut, ante extremam unctionem, penitentia, & Eucharistiæ sacramentum administretur. Ac deinde ægroto persuadere Parochi studeant, ut ea fide se unguendum sacerdoti præbeat, qua olim, qui ab apostolis sanandi erant, se ipsos offerre consueuerant. In primis autem animæ salus, deinde corporis ualeitudo cû illa adiunctione, si ea ad æternam gloriam profutura sit, expetenda est. Nec uero dubitare fideles debent; quin sanctæ illæ, & solennes preces a Deo audiantur, quibus sacerdos non suam, sed Ecclesiæ, & domini nostri Iesu Christi personam gerens utitur. Qua una maxime re cohortandi sunt, ut huius saluberrimi olei sacramentum sancte, & religiose sibi administrandum curent, cum & acrior pugna instare, & uires cum animi, tum corporis deficere uideantur. Iam uero, quis extremæ unctionis minister sit, ab eodem Apostolo, qui Domini legem promulgauit, didicimus: inquit enim: Inducat presbyteros.

Extrema unctio qua præparatio est suscipienda: quis minister, & fructus illius.

ab 222.

Iacobi 5.

Triden. Syn.

S tendum

tendum est, sacerdotem in ea administratione, quemadmodum etiā in alijs sacramentis fit, Christi domini nostri, & sanctæ Ecclesiæ, eius sponsæ, personam sustinere. Explicandæ etiam sunt accuratius utilitates, quas ex hoc sacramento capimus: ut, si nihil aliud fideles ad eius usum possit allicere, ipsa saltem utilitate ducantur: cum ita comparatum sit, ut omnia fere nostris commodis metiamur. Docebunt igitur Pastores, hoc sacramento gratiam tribui, quæ peccata, & in primis quidem leuiora, & ut communi nomine appellantur, uenialia, remittit exitiales enim culpæ, pænitentia sacramento tolluntur. Neque enim hoc sacramentum primario loco ad grauiorum criminum remissionem institutum est sed baptismus tantum, & pænitentia ui sua hoc efficiunt. Altera est sacræ unctionis utilitas, quod animam a langore, & infirmitate, quam ex peccatis contraxit, & a cæteris omnibus peccati reliquijs liberat. Tempus autem huic curationi opportunissimum existimandum est, cum graui morbo afficimur, ac uitæ periculum impendit. Etenim homini natura insitū est, ut nihil in rebus humanis æque, ac mortem, pertimescat. auget autem magnopere hunc timorem præteritorum scelorum memoria; ut enim scriptum est: Venient in cogitationem peccatorum suorum timidi, & traduent illos ex aduerso iniquitates ipsorum. Deinde illa cura, & cogitatio uehementer angit, quod paulo post stare oporteat ante tribunal Dei; a quo de nobis iustissima pro eo, ac meriti fuerimus, sententia ferenda sit. Sæpe autem euenit, ut fideles hoc terrore perculsi, se miris modis exagitari sentiant. Nihil autem ad mortis tranquillitatem magis conducit, quam si tristitiam abijciamus, & læto animo Domini aduentum expectemus; parati que simus, depositum nostrum, quandocunque illud a nobis repetere uoluerit, libenter reddere. Vt igitur hac sollicitudine fidelium mentes liberetur, animusque pio, & sancto gaudio repleatur, extremæ unctionis sacramentum efficit. Præterea, aliud etiam, quod merito omnium maximum uideri potest, ex eo consequimur. nam etsi humani generis hostis, quoad uiuimus, numquam desinit de interitū, & exitio nostro cogitare: nullo tamen tempore, ut nos omnino perdat, ac, si fieri possit, spem nobis diuinæ misericordiæ eripiat, uehementius omnes neruos contendit, quam cum supremum uitæ diem appropinquare animaduernerit. Quamobrem fidelibus arma, & uires hoc sacramento subministrantur, quibus aduersarii uim, & impetū frangere, & illi fortiter repugnare possint. Alleuatur enim, & erigitur ægri

Sep. 4.

ægranimus diuinæ bonitatis spe; eaque confirmatus morbi incommoda omnia fert leuius, ac ipsis Dæmonis calcaneo insidiantis artificio, & calliditatem facilius eludit. Accedit postremo, siquidem profutura sit, etiam corporis sanitas. Quod si ægroti hoc tempore eam minus consequuntur, id quidem non sacramenti uitio, sed ob eam potius causam euenire credendum est, quod eorū magna pars, uel qui sacro oleo perunguntur, uel a quibus administratur, fides infirmior est. testatur enim Euangelista, Dominum apud suos multas uirtutes non fecisse propter incredulitatem illorum. *Matth. 13.* Quamquā etiam recte dici potest, Christianā religionem, ex quo altius tūquam radices egit in animis hominum, minus iam huiusmodi miraculorum adminiculis indigere, quam olim nascentis Ecclesiæ initio necessaria esse uiderentur. Sed tamen hoc loco fides magnopere excitanda erit. Vt cumque enim quod ad corporis ualitudinem attineret, Dei consilio & uoluntate ceciderit, certa spe niti fideles debent, se huius sacri olei uirtute spiritualem sanitatem consecuturos esse; futurumque, ut, si eos uita decedere contingat, præclaræ illius uocis fructum percipiant, quo scriptum est; Beati mortui, qui in Domino moriuntur. *Apo. 14.* Hæc de extremæ unctionis sacramento breuiter quidem dicta sunt: uetum, si hæc ipsa rerum capita a Pastoribus latius, & ea, qua decet, diligentia explanata erunt; dubitandum non est, quin fideles ex hac doctrina maximū pietatis fructum percipiāt.

DE ORDINIS SACRAMENTO.

S I QVIS aliorum sacramentorum naturam, & rationem diligenter considerarit, facile perspiciet, ea omnia ab ordinis sacramento ita pendere, ut sine illo partim confici, & administrari nullo modo queant: partim solemniter cerimoniam, & religioso quodam ritu, ac cultu carere uideantur. Quare necesse est, ut Pastores institutam sacramentorum doctrinam persequentes, eo diligentius de ordinis etiam sacramento sibi agendum arbitrentur. Proderit autem maxime hæc explicatio primum quidem illis ipsis, deinde aliis, qui ecclesiasticæ uitæ rationem ingressi sunt, postremo etiam fideli populo; ipsis, quod, dum in huius argumenti tractatione uersantur, ad eam gratiam excitandam, quam hoc sacramento adepti sunt, magis commouentur; aliis, qui in sortem Domini uocati sunt, partim ut eodem pietatis studio afficiantur, partim uero, ut earum rerum cognitionem percipiant, quibus instructi uiam sibi

ad ultiores gradus facilius munire possint. Reliquis autem fidelibus primum quidem ut intelligant, quo honore digni sint Ecclesiæ ministri; deinde, quoniam sæpe contingit, ut multi adsint, uel qui spe liberos suos adhuc infantes Ecclesiæ ministerio destinant; uel qui sua sponte & uoluntate illud uitæ genus sequi uelint; quos certe ignorare minime æquum est, quæ præcipue ad hanc rationem pertinent. Primum itaque fidelibus tradendum est, quanta sit huius instituti, si summum eius gradum, hoc est sacerdotium spectemus; nobilitas, & excellentia. Nam cum Episcopi, & sacerdotes tamquam Dei interpretes, & internuncii quidam sint, qui eius nomine diuinam legem, & uitæ præcepta homines edocent, & ipsius Dei personam in terris gerunt; perspicuum est, eam esse illorum functionem, qua nulla maior excogitari possit. quare merito non solum angeli, sed Diæ etiam, quod Dei immortalis uim, & numen apud nos teneant, appellantur. Quamuis autem omni tempore summam dignitatem obtinuerint, tamen noui testamenti sacerdotes ceteris omnibus honore longe antecellunt. Potestas enim tum corpus, & sanguinem Domini nostri conficiendi, & offerendi, tum peccata remittendi, quæ illis collata est, humanam quoque rationem, atque intelligentiam superat; nedum ei aliquid par, & simile in terris inueniri queat. Deinde uero, quemadmodum Saluator noster a Patre; apostoli autem, ac discipuli in uniuersum mundum a Christo domino missi sunt; ita quotidie sacerdotes eadem, qua illi, potestate præditi ad consummationem sanctorum in opus ministerii in ædificationem corporis Christi mittuntur. Huius igitur tanti officii onus nemini temere imponendum est sed iis tantum, qui illud uitæ sanctitate, doctrina, fide, prudentia sustinere possint. Nec uero quisquam sumat sibi honorem, sed qui uocatur a Deo tamquam Aaron. Vocari autem a Deo dicuntur, qui a legitimis Ecclesiæ ministris uocantur. Nam qui in hoc ministerium se ipsos arroganter inferunt, atque intrudunt, de his Dominum intellexisse docendum est, cum inquit: Non mittebam Prophetas, & ipsi currebant. quo quidem hominum genere nihil infelicius, ac miserior, nihil Ecclesiæ Dei calamitosius esse potest.

Ephe. 4.

Ad Heb. 5.

Hier. 23.

*Quanta circa
conspectu
ad sacros
ordines acce-
dendum.*

Sed quoniam in omni actione suscipienda magnopere refert, quem sibi quisque finem constituat, (optimo enim fine posito, recte omnia consequuntur) de hoc in primis, qui sacris initiari uolunt, admonendi sunt, ut nihil sibi tanto munere indignum proponant. qui quidem locus eo diligentius tractandus erit, quo grauius hoc

hoc tempore ea in re peccare fideles solent. Alii enim eo consilio ad hanc uiuendi rationem se conuertunt, ut, quæ ad uictum, uestitumque necessaria sunt, parent, ita ut, præter quæstum, nihil aliud in sacerdotio, quemadmodum uulgo ceteri omnes in quouis sordidi artificii genere, spectare uideantur. Quamuis enim, ex Apostoli sententia, natura, & diuina lex iubeat, ut qui altari seruit, ex altari uiuat: tamen, quæstus, & lucri causa ad altare accedere, maximum sacrilegium est. Alios honorum cupiditas, & ambitio ad sacerdotalem ordinem ducit. Alii uero, ut diuitiis affluant, initiari uolunt. cuius quidem rei illud argumento est, quod, nisi opulentum aliquod ecclesiasticum beneficium iis deferatur, nullam sacri ordinis cogitationem habent. hi uero sunt, quos Saluator noster mercenarios, appellat: & quos Ezechiel dicebat, semet ipsos, & non oues pascere. quorum turpitudine, & improbitas non solum sacerdotali ordini magnas tenebras offudit, ita ut iam nihil fere a fideli populo haberi possit contemptius, & abiectius; uerum etiam efficit, ut ipsi nihil amplius ex sacerdotio consequantur, quam Iudas ex apostolatus munere; quod illi sempiternum exitium attulit. Illi autem ostio in Ecclesiam introire merito dicuntur, qui a Deo legitime uocati ecclesiastica munera eius unius rei causa suscipiunt, ut Dei honori inseruiant. Neque tamen hoc ita accipiendum est, quasi eadem lex æque omnibus non sit imposita, Homines enim ob eam rem conditi sunt, ut Deum colant. quod præcipue fideles, qui baptismi gratiam consecuti sunt, ex toto corde, ex tota anima, & ex totis uiribus præstare debent. Verum qui ordinis sacramento initiari uolunt, hoc sibi proponant opus est, ut non solum Dei gloriam in omnibus rebus quærant, quod quidem cum omnibus, tum maxime fidelibus commune esse constat; sed etiam ut alicui certo ecclesiæ ministerio addicti, in sanctitate, & iustitia illi seruiant. Nam ut in exercitu omnes quidem milites imperatoris legibus parent, sed inter eos tamen alius centurio, alius præfectus est, alii alia munera obeunt: ita, quamuis omnes fideles pietatem, & innocentiam sectari omni studio debeant, quibus rebus maxime Deus colitur, eos tamen, qui ordinis sacramento sunt initiati, præcipua quædam munera, & functiones in ecclesia exequi oportet. nam & sacra pro se ipsis, & pro omni populo faciunt; & diuinæ legis uim tradunt; ad eamque prompto, & alacri animo seruandam fideles hortantur, & instituunt; & Christi domini sacramenta, quibus omnis gratia impertitur, & augetur, administrant; & ut uno uerbo complectamur, a reliquo populo segregati

I. ad Cor. 9.

Iam. 10.
Ezech. 34

in omnium longe maximo, & præstantissimo ministerio se exercent.

*De duplici
potestate ec-
clesiastica or-
dinis et iurisdic-
tionis.*

His igitur explicatis, accedent Parochi ad ea tradenda, quæ propria huius sacramenti sunt, ut intelligant fideles, qui in ecclesiasticum ordinem cooptari uolunt, ad quodnam officij genus uocetur, quâtaque ipsi Ecclesiæ, eiusque ministris potestas diuinitus tributa sit. Ea autem duplex est, ordinis, & iurisdictionis. Ordinis potestas ad uerum Christi domini corpus in sacrosancta Eucharistia refertur. Iurisdictionis uero potestas tota in Christi corpore mystico uersatur. ad ea enim spectat, Christianum populum gubernare, & modè rari, & ad æternam, cælestemque beatitudinem dirigere. Verum ordinis potestas non solum consecrandæ Eucharistiæ uim, & potestatem continet: sed ad eam accipiendam hominum animos præparat, & idoneos reddit, ceteraque omnia complectitur, quæ ad Eucharistiam quouis modo referri possunt. Eius uero plura ex sacris litteris testimonia afferri possunt, sed illa præclara, & grauiissima sunt, quæ apud sanctos Ioannem, & Matthæum leguntur: inquit enim Dominus: Sicut misit me Pater, & ego mitto uos: accipite spiritum sanctum: quorum remiseritis peccata, remittuntur eis; & quorum retinueritis, retenta sunt. Et: Amen dico uobis: quæcûque alligaueritis super terram, erunt ligata & in cælo; & quæcumque solueritis super terram, erunt soluta & in cælo. Quæ quidem loca a Pastoribus ex sanctorum Patrum doctrina, & auctoritate explanata, maximum ueritati lumen afferre poterunt. Hæc autem potestas plurimum illi præstat, quæ in naturæ lege certis hominibus, qui res sacras curarent, tributa est. Nam & illa ætas, quæ scriptam legem antecessit, suum sacerdotium, suamque potestatem spirituales habuerit, necesse est, cum legem habuisse satis constet. Hæc duo enim ita coniuncta esse testatur Apostolus, ut, eorum altero translato, simul etiam alterum transferri necesse sit. Cum igitur naturali instinctu homines agnoscerent, Deum colendum esse; consequens erat, ut in quauis republica aliqui sacrorum, & diuini cultus procuratori præficerentur, quorum potestas aliquo modo spiritualis diceretur. Eadem etiam potestate populus Israeliticus non caruit: quæ tamen dignitate superior fuit, quam illa, qua in lege naturæ sacerdotes præditi erant, longe tamè inferior; quam legis euangelicæ spiritualis potestas, existimanda est. hæc enim cælestis est, omnemque angelorum etiam uirtutem superat, neque a sacerdotio Mosaico, sed a Christo domino, qui non secundum Aaron sacerdos fuit, sed secundum ordinem Melchisedech ortum habet. Is enim, qui summa potestate gratiam tribuendi, & peccata remittendi

Joan. 20.

Matth. 18.

Ad Heb. 7.

Ad Hebr. 7.

remittendi præditus fuit, hæc potestatem quâvis uirtute definitam, & sacramentis adstrictam, Ecclesiæ suæ reliquit. Quare ad eam exercendam certi ministri instituti sunt, & solemnî religione consecrati: quæ quidem consecratio ordinis sacramentum, uel sacra ordinatio uocatur. Placuit autem sanctis Patribus hoc uocabulo uti, quod latissimam significationem habet, ut dignitatem & excellentiam ministrorum Dei indicarent. Est enim ordo, si propriam eius uim, & notionem accipiamus, dispositio superiorum, & inferiorum rerum, quæ inter se ita aptæ sunt, ut una ad alteram referatur. Cum itaque in hoc ministerio multi sint gradus, & uariæ functiones; omnia uero certa ratione distributa sint, & collocata; recte, & commode ordinis nomen ei impositum uidetur. Quod autem inter cetera Ecclesiæ sacramenta sacra ordinatio numeranda sit; sancta Tridentina Synodus ratione illa, quæ sæpius repetita est, comprobauit. nam cum sacramentum sit rei sacræ signum; id uero, quod hac consecratione extrinsecus fit, gratiam & potestatem significet, quæ illi tribuitur, qui consecratur; omnino sequi perspicuum est, ordinem uere ac proprie sacramentum dicendum esse. quare Episcopus ei calicem cum uino, & aqua, & patenam cum pane porrigens, qui sacerdos ordinatur, inquit: Accipe potestatem offerendi sacrificium &c. quibus uerbis semper docuit Ecclesia, dum materia exhibetur, potestatem consecræ Eucharistiæ, caractere animo impresso, tradi, cui gratia adiuncta sit, ad illud munus ritè, & legitime obeundum. quod Apostolus his uerbis declarat: Admonco te; ut resuscites gratiam Dei,

*Trid. syn.**2. ad Tim. 1.*

Iam uero, ut sacræ Synodi uerbis utamur, cum diuina res sit tantæ sacerdotij administratio; consentaneum fuit, quo dignius, & maiori cum ueneratione exerceri posset, ut in ecclesiæ ordinatissima dispositione plures essent, & diuersi ministrorum ordines, qui sacerdotio ex officio deferuissent: atque hi quidem ita distributi, ut qui iam clericali tonsura insigniti essent, per minores ad maiores ascenderent. Docendum igitur erit, hosce omnes ordines septenario numero contineri, semperque ita a catholica Ecclesia traditum esse; quorum nomina hæc sunt, Ostiarius, Lector, Exorcista, Acolytus, Subdiaconus, Diaconus, Sacerdos. Hunc autem ministrorum numerum recte ita definitum esse, probari potest propter ea ministeria, quæ ad sacrosanctum missæ sacrificium, & Eucharistiam uel conficiendam, uel administrandam, cuius causa præcipue sunt instituta,

*Sacramentum
ordinis sa-
rior habet sui
exercendi mi-
nistros.*

2. ad Tim. 1.

necessaria uidentur. Ex his alii maiores, qui etiam sacri dicuntur, alii minores sunt. Maiores, uel facti, sunt, Ordo Sacerdotalis, Diaconatus, & Subdiaconatus: ad minores referuntur Acolyti, Exorcistæ, Lectores, Ostiarii, de quorum singulis pauca dicenda sunt, ut habeant Parochi, unde eos potissimum instituunt, quos nouerint aliquo ordine initiandos esse. Incipiendum est autem a prima tonsura, quam quidem, docere oportet, quandam præparationem esse ad ordines accipiendos. Vt enim homines ad baptismum exorcismis, ad matrimonium sponsalibus præparari solent: ita, cum, tonsa capillo, Deo dedicantur, tamquam aditus ad ordinis sacramentum illis aperitur. declaratur enim, qualis esse debeat, qui sacris imbui cupit. Nam Clerici nomen, quod ei tunc primū imponitur, ab eo deductum est, quod Dominum sortem, & hereditatem suam habere incipiat, ueluti qui in Hebræorum populo, diuino cultui mancipati erant: quibus ueruit Dominus aliquam agrorum partem in terra promissionis distribui, cum inquit: Ego pars, & hereditas tua. Ac

Numer. 18.

quamuis id omnibus fidelibus commune sit, præcipua tamen ratione iis conueniat necesse est, qui se Dei ministerio consecrarunt. Tondetur uero capilli ad coronæ speciem, & similitudinem, quam perpetuo conferuare oportet: & ut quisque in altiori deinceps ordinis gradu collocatur, sic eius orbis forma latior circumscribi debet: quod quidem ex apostolorum traditione acceptum esse, docet Ecclesia, cum de huiusmodi tondendi more sancti Dionysius Areopagita, Augustinus, Hieronymus, uetustissimi, & grauissimi Patres, meminerint. Primum autem omnium, ferunt, apostolorum Principem eam consuetudinem induxisse ad memoriā coronæ, quæ ex spinis contexta Saluatoris nostri capiti fuit imposita; ut, quod impij ad Christi ignominiam, & cruciarum excogitarunt, eo apostoli ad decus, & gloriam uterentur, simulq; significarent, curandum esse a ministris Ecclesiæ, ut omnibus in rebus Christi domini nostri speciem, & figuram gerant. Quamquam nonnulli asserant, hac nota regiam dignitatem declarari, quæ iis maxime, qui in sortem Domini uocati sunt, uideretur conuenire. Quod enim Petrus apostolus fidei

S. Dionysius.

1. Pet. 2.

populo tribuit, Vos genus electū, regale sacerdotium, gens sancta, peculiari quadam, & magis propria ratione ad ecclesiasticos ministros pertinere facile intelligimus. etsi non desunt, qui uel perfectioris uitæ professionem a Clericis susceptam circuli figura, quæ omnium perfectissima est, significari existiment, uel externarum rerum contemptionem, animique ab omnibus humanis curis uacuitatem declarari

declarari putent; quod capilli, superuacaneum quiddam in corpore, tondeantur. Post primam Tonsuram ad Ostiarii ordinem primus gradus fieri consuevit. Eius munus est, templi clauēs, & ianuam custodire, & aditu templi arcere eos, quibus ingredi interdictū erat. Ad sanctum etiā Missæ sacrificium assistebat, curaturus ne quis propius, quam par esset, ad sacram aram accederet, & sacerdotem rem diuinam facientem interpellaret. Alia etiā ministeria illi commissæ erant; ut ex ritibus, quæ ad eius cōsecrationem adhibentur, perspicere potest. Nam Episcopus clauēs ex altari acceptas ei tradens, quæ Ostiarium uult instituere, Sic age, inquit, quasi redditurus Deo rationem pro iis rebus, quæ his clauibus recluduntur. Magnam autem in antiqua Ecclesia huius ordinis dignitatem fuisse, ex eo intelligitur, quod his temporibus in Ecclesia seruari animaduertimus. Nam Thesaurarii officium, qui erat idem sacrarii custos, quod ad Ostiarios pertinebat, inter honestiores ecclesiæ functiones etiā nūc habetur. Secundus ordinis gradus est Lectoris munus. Ad eum pertinet, in ecclesia ueteris, & noui testamenti libros clara uoce, & distincte recitare, præsertim uero eos, qui inter nocturnam psalmodiam legi solent. Eius quoque partes erant, prima religionis Christianæ rudimenta fidelibus tradere. Episcopus itaque præsentem populo, in eius ordinatione librum, quo descripta sunt, quæ ad hanc functionem attinent, illi tradens, inquit; Accipe, & esto uerbi Dei relator, habiturus, si fideliter, & utiliter impleueris officium tuum, partem cum iis, qui uerbum Dei bene ministrarunt ab initio. Tertius est ordo Exorcistarum, quibus potestas data est nomen Domini inuocandi in eos, qui ab immundis spiritibus obsidentur. Quare Episcopus, cum eos instituit, librum, in quo exorcismi continentur, eis porrigit, usus ea formula uerborum: Accipe, & commenda memorix, & habe potestatem imponendi manus super energumenos, siue baptizatos, siue catechumenos. Acolytorū quartus est gradus, & ultimus eorum omnium, qui minores, & non sacri appellantur. Eorum munus est, ministros maiores Subdiaconos, & Diaconos in altaris ministerio affectari, eisque operam dare. Præterea lumina deferunt, & asseruant, cum Missæ sacrificium celebratur, præcipue uero, cum euangelium legitur: ex quo & ceroferarii alio nomine uocati sunt. cum itaque ordinantur, hic ritus ab Episcopo seruari consuevit. Primum quidem, postquam eos officii sui diligenter admonuit, lumina eorum singulis tradit in hunc modum: Accipe ceroferarium cum cereo, & scias te ad accendenda ecclesiæ luminaria

mancipari

mācipari in nomine Domini. Deinde item urceolos uacuos, quibus aqua & uinum in sacrificio ministratur: Accipe urceolos ad suggerē dum uinum, & aquam in Eucharistiam sanguinis Christi in nomine Domini. A minoribus ordinibus, iisdemque non sacris, de quibus hætenus dictum est, ad maiores, & sacros legitimus aditus, & ascensus patet. In eorum primo gradu Subdiaconus collocatur: cuius munus est, ut nomen ipsum declarat, Diacono ad altare inservire. sacra enim lintea, uasa, panem, & uinum, ad sacrificii usum necessaria, parare debet. nunc Episcopo, & sacerdoti aquam præbet, cum manus in Missæ sacrificio abluunt. Epistolam etiam, quæ olim a Diacono in Missa recitabatur, Subdiaconus legit, ac tamquam testis ad sacrum assistit, prohibetque ne sacerdos sacra faciens a quopiam perturbari possit. Hæc autem, quæ ad Subdiaconi ministerium spectant, ex solemnibus cærimoniis, quæ in illius consecratione adhibentur, licet cognoscere. Primum enim Episcopus legem perpetuæ continentię huic ordini impositam esse admonet, edicitque neminem in Subdiaconorum ordinem cooptandum esse, cui ultro hanc legem accipere non sit propositum: deinde, post solemnē litaniarum præcationem, quæ Subdiaconi munera, & functiones sint, enumerat, atque exponit. His peractis, eorum singuli, qui ordinantur, ab Episcopo quidem calicem, & sacram patenam accipiunt, ab Archidiacono uero, ut intelligatur Subdiaconum Diaconi officio subseruire, utceolos, uino & aqua plenos, una cum lebe, & linteolo, quo manus abstergantur, dicēte Episcopo: Videte, cuiusmodi ministerium uobis traditur: ideo uos admoneo, ut ita uos exhibeatis, ut Deo placere possitis. Adduntur præterea aliæ preces. Ad extremum, cum Episcopus sacris uestibus Subdiaconum ornauit, ad quarum singulas propria uerba, & cærimoniæ adhibentur, tradit ei epistolarum librum, ac dicit: Accipe librum epistolarum, & habere potestatem legendi eas in ecclesia sancta Dei tam pro uiuis, quam pro defunctis. Secundum autem sacrorum ordinum gradum Diaconus obtinet: cuius ministerium latius patet, sanctiusque semper habitum est. Ad eum enim pertinet, Episcopum perpetuo sequi, concionantem custodire, eique, & sacerdoti sacra facienti, uel alia sacramenta administranti præsto esse, & in Missæ sacrificio euangeliū legere. Olim uero fidelium animos sæpius excitabat, ut sacra attenderent. sanguinem etiam Domini ministrabat. in quibus ecclesiis ea consuetudo erat, ut fideles Eucharistiam sub utraque specie sumerent. Diacono præterea ecclesiasticorum bonorum dispensatio commissā

commiffa erat, ut unicuique neceffaria ad uictum fubminiftraret. Ad Diaconum etiam attinet, tamquam Epifcopi oculum, perueftigate, quinam in urbe pie, & religiofe, quiue fecus uitam traducât: qui ad facrificium, & concionem ftatis temporibus conueniât, qui rurfus non conueniant: ut, cum de omnibus Epifcopum certiozem fecerit, ille uel priuatim unumquemque hortari, admonere, uel palam corrigere, & obiurgare poffit, uti fe magis profecturum effe intellexerit. Catechumenorum etiâ nomina recitare debet, & eos, qui ordinis facramento initiandi funt, ante Epifcopum ftatuere. Licet ei præterea, fi abfit Epifcopus & facerdos, euangelium explanate, non tamen e fuperiori loco, ut intelligatur hoc eius proprium munus non effe. Quanta uero diligentia adhibenda fit, ne quis eo munere indignus ad hunc ordinis gradum afcendat, Apoftolus oftendit, cum ad Timotheum Diaconi mores, uirtutem, & integritatem expofuit. Hoc idem fatis etiam declarant ritus, & folemnes cærimoniae, quibus ab Epifcopo confecratur. Pluribus enim & fæctioribus precibus ad Diaconi, quam ad Subdiaconi ordinationem utitur Epifcopus, & alia addit facratum uestium ornamenta. Præterea, manus ei imponit quod quidem ab apoftolis factitatum effe legimus, cum primos Diaconos inftituerunt. Denique euangeliorum librum ei tradit his uerbis: Accipe potestatem legendi euangelium in ecclefia Dei tam pro uiuis, quam pro defunctis, in nomine Domini. Tertius, omniumque factorum ordinum fummus gradus effe facerdotium: qui ueto illo præditi funt, eos ueteres Pætres duobus nominibus uocare folent. interdum enim presbyteros appellant, quod græce feniores fignificat, non folum propter ætatis maturitatem, quæ huic ordini maxime neceffaria eff: fed multo magis propter morum grauitatem, doctrinam, & prudentiam. ut enim fcriptum eff: Senectus uenerabilis eff, non diuturna, neque annorum numero computata. cani autem funt fensus hominis, & ætas fenectutis uita immaculata. Interdum uero facerdotes uocant, tum quia Deo confecrati funt, tum quia ad eos pertinet facramenta adminiftrare, facrafque res, & diuinas tractate. Sed quoniam duplex facerdotium in fæctis litteris defcribitur, alterum interius, alterum externum; utrumque diftinguendum eff; ut, de quo hoc loco intelligatur, a Paftoribus explicari poffit. Quod igitur ad interius facerdotium attinet, omnes fideles, poftquam falutari aqua abluti funt, facerdotes dicuntur, præcipue uero iufti, qui fpiritum Dei habent, & diuinæ gratiæ beneficio Iefu Chrifti, fummi facerdotis, uiua membra effecti funt
hi enim

1. ad Tim. 3

Act. 6.

Sap. 4

hi enim fide, quæ charitate inflammatur, in altari mentis suæ spirituales Deo hostias immolant: quo in genere bonæ omnes, & honestæ actiones, quas ad Dei gloriâ referunt, numerandæ sunt. Quare in Apocalypsi ita legimus: Christus lauit nos a peccatis nostris in sanguine suo, & fecit nos regnum, & sacerdotes Deo, & patri suo. In quam sententiam ab apostolorum Principe dictum est: Ipsi tamquàm lapides uiui superædificamini domus spirituales, sacerdotium sanctum, offerentes spirituales hostias, acceptabiles Deo per Iesum Christum. Et Apostolus nos hortatur, ut exhibeamus corpora nostra hostiam uiuentem, sanctam, Deo placentem, rationabile obsequiû nostrum. Dauid item multo ante dixerat: Sacrificiû Deo spiritus contritulus; cor contritum, & humiliatum Deus non despiciet. Quæ omnia ad interius sacerdotium spectare, facile intelligitur. Externû uero sacerdotium, non omnium fidelium multitudini, sed certis hominibus conuenit, qui legitima manuum impositione, solemnibusque sanctæ Ecclesiæ cærimoniis instituti, & Deo consecrati, ad aliquod proprium, sacrumque ministerium adscribuntur. Hoc sacerdotii discrimen in ueteri etiam lege obseruari potest. nam de interiori Dauidem locutum esse, paulo ante demonstratum est. Externi uero, nemo ignorare potest, quam multa Dominus Moysi, & Aaroni precepta dederit. Præterea, uniuersam leuiticam tribum ministerio repli adscripsit, ac lege cavit, ne quis ex alia tribu in eam functionem se inferre auderet: quare Ozias Rex lepra a Domino percussus, quod sacerdotale munus usurpasset, arrogantiz, & sacrilegij sui grauissimas pœnas dedit. Quia igitur eandem sacerdotij distinctionem in lege euangelica licet animaduertere, docendi erunt fideles, nunc de sacerdotio externo agi, quod certis hominibus attributum est. Hoc enim tantummodo ad ordinis sacramentû pertinet. Sacerdotis igitur munus est, Deo sacrificium facere, ecclesiastica sacramenta administrare, quemadmodum ex consecrationis ritibus perspicitur. Nam Episcopus cum aliquem sacerdotem instituit, primum quidê manus ei, una cum omnibus sacerdotibus, qui adsunt, imponit: deinde stolam humeris coniponens, eam ante pectus in crucis formam componit: quo quidem declaratur, sacerdotem uirtute indui ex alto, qua possit crucem Christi domini, & iugum suauæ diuinæ legis perferre, eamque non uerbis solum, sed uitæ sanctissime, & honestissime actû exemplo tradere. Postea manus sacro oleo inûgit: tum uero calicem cum uino, & patenam cum hostia tradit, dicens: Accipe potestatem offerendi sacrificium Deo, Missasque celebrandi tam pro uiuis,

pro uiuis, quam pro defunctis. Quibus cærimonijs, & uerbis interpres, ac mediator Dei, & hominū constituitur: quæ præcipua sacerdotis functio, existimanda est. Ad extremum uero, manibus iterum eius capiti impositis; Accipe, inquit, spiritum sanctum: quorum remiseris peccata, remittuntur eis; & quorum retinueris, retenta sunt; eique cælestem illam, quam Dominus discipulis suis dedit, peccata retinendi, ac remittendi potestatem tribuit. Hæc uero sunt sacerdotalis ordinis propria, & præcipua munera: qui tametsi unus est, uarios tamen dignitatis, & potestatis gradus habet. Primus est eorum, qui sacerdotes simpliciter uocantur: quorum functiones hæcenus declaratae sunt. Secundus est Episcoporum, qui singulis episcopatibus præpositi sunt; ut non solum ceteros ecclesiæ ministros, sed fidelem populum regant, & eorum salutis summa cum uigilantia, & cura propiciant. Quare in sacris litteris Pastores ouium sæpe appellatur: quorum munus, & officium Paulus descripsit, ut in Apostolorum Actis legimus, in ea cõcione, quam ad Ephesios habuit. Itemque a Petro, apostolorum Principe, diuina quædam episcopalis ministerii regula tradita est: ad quam si Episcopi actiones suas dirigere studeant, dubi-
tandum non erit, quin Pastores boni & sint, & habeantur. Sed uidem Episcopi & Põtifces dicuntur, accepto ab ethnicis nomine, qui Principes sacerdotū, Pontifices appellare cõsueuerunt. Tertius gradus est Archiepiscoporum, qui pluribus Episcopis præsunt: qui Metropolitani etiam uocantur, quod illarum urbium antistites sint, quæ tamquã matres habeantur illius provincie. quare superiorem, quã Episcopi, locum, & ampliorem potestatem habent, tametsi ab Episcopis ordinatione nihil differunt. In quarto gradu Patriarchæ collocantur, idest primi, superioremque Patres. Olim in uniuersa Ecclesia, præter summum Romanum Pont. quatuor tantum Patriarchæ numerabantur, neq. omnes tamen dignitate pares. nam Constantinopolitanus, etsi ad eum post omnes alios hic honos delatus est, tamen ob imperii maiestatem altiorem locum obtinuit. Proximus est Alexandrinus, cuius ecclesiam Marcus euangelista iussu Principis apostolorum fundauit. Tertius Antiochenus, ubi Petrus sedem primo locauit. Extremum gradum habet Hierosolymitanus, quã ecclesiam Iacobus, frater Domini, rexit. Præter hos omnes, catholica Ecclesia Romanum Pont. Max. quẽ in Ephesina Synodo Cyrillus Alexandrinus Archiepiscopum, totius orbis terrarum patrem, & Patriarcham appellat, semper uenerata est. cum enim in Petri apostolorum Principis cathedra sedeat, in qua usq. ad uite finem sedisse constar, summum in eo dignitatis gradum, & iurisdictionis

Ioan. 10.

Act. 20.
1. Pet. 5.

Mat. 23.

amplitudinem non quidem ullis Synodicis, aut alijs humanis constitutionibus, sed diuinitus datam agnoscit. Quamobrem omnium fidelium, & Episcoporum, ceterorumque antistitum, quocumque illi munere, & potestate præditi sint, pater, ac moderator uniuersali Ecclesiæ, ut Petri successor, Christi que domini uerus, & legitimus Vicarius præsidet. Ex his itaque Pastores docebunt, & quæ sint ecclesiasticorum ordinum, ac graduum præcipua munera, & functiones, & quis huius sacramenti minister sit. constat enim, ad Episcopum eam administrationem pertinere: quod etiã sanctarum litterarum auctoritate, certissima traditione, omniũ Patrum testimonio, Conciliorum decretis, sanctæ Ecclesiæ usu, & cõsuetudine facile erit comprobare. Quamuis autem non nullis Abbatibus permissum sit, ut minores, & non sacros ordines interdũ administrent: tamen hoc proprium Episcopi munus esse nemo dubitat, cui uni ex omnibus, præterea nemini, licet reliquis ordinibus, qui maiores, & sacri dicuntur, initiari. Nam Subdiaconos, Diaconos, & Sacerdotes, unus tantum Episcopus ordinat: Episcopi ex apostolorũ traditione, quæ perpetuo in Ecclesia custodita est, a tribus Episcopis consecrantur.

Quinam debeant ad dignitatem sacerdotij admitti.

Sequitur nunc, ut explicetur, quinam ad hoc sacramentum, in primisque ad sacerdotalem ordinem apti sunt, & quæ in eis potissimum requiratur. Ex hoc enim difficile nõ erit statuere, quid in alijs ordinibus dâdis, pro cuiusq. officio, & dignitate obseruare oporteat. Maximam autem in hoc sacramento cautionem adhibendam esse, ita colligitur, quod cetera gratiam ad illorum sanctificationem, & usum tribuunt, a quibus percipiuntur: at uero qui sacris initiantur, ob eam rem cælestis gratiæ participes fiunt, ut eorum ministerio, Ecclesiæ, atque adeo omnium hominum saluti consulatur. Ex quo factum esse intelligimus, ut statis tantummodo diebus, quibus etiam solemnia ieiunia ex uetustissimo catholicæ Ecclesiæ more indicuntur, ordinationes fiant: ut scilicet fidelis populus eiusmodi sacrarum rerum ministros pijs, & sanctis precationibus a Deo impetret, qui ad tanti ministerii potestatem recte, & cum Ecclesiæ utilitatẽ gerendam aptiores esse uideantur. Primum itaque in eo, qui sacerdos creandus est, uitæ, & morum integritas cõmendetur magnopere oportet; non solũ quia, si alicuius mortiferi peccati cõsciũ se initiari curet, uel etiã patiatur, nouo se, & maximo scelere obstringit; sed etiã, quia uirtutis, & innocentiz lumẽ alijs præferre debet. Ea de re quid Apostolus Tito, & Timotheo præcipiat, Pastoribus declarandũ erit: & simul illud docendum, ea corporis uitia, quæ in ueteri lege ex

Domini

*ad Titum 1.
1. ad Tim. 3.*

Domini præscriptione aliquem ab altaris ministerio excludebant, in euangelica lege ad animæ uitia præcipue transferenda esse. Quare sanctam illam consuetudinē in Ecclesia seruari animaduertimus; ut qui sacris iniitandi sunt, prius pœnitentiæ sacramento conscientiam purgare diligenter studeant. Præterea in sacerdote non solum ea cognitio requirēda est, quæ ad sacramentorum usum, & tractationem pertinet; sed etiam sacrarum litterarum scientia ita instructum esse oportet, ut populo Christianæ fidei mysteria, & diuinæ legis præcepta tradere, ad uirtutem, & pietatem incitare, a uitiiis reuocare fideles possit. Sacerdotis enim duo sunt munera: quorum alterū est, ut sacramenta rite conficiat, & administret; alterum, ut populum fidei suæ commissum, iis rebus, & institutis, quæ ad salutem neces-

saria sunt, erudiat: Malachias enim ita testatur: Labia sacerdotis custodient scientiam, & legem requirent ex ore eius: quia angelus Domini exercituum est. Vt igitur in horum altero, si mediocri cognitione sit ornatus, præstare, quod debet, possit; alterum certe non uulgarem, sed exquisitam potius doctrinam desiderat: quamuis æque ab omnibus sacerdotibus summa reconditarum rerum scientia non exigatur, sed quæ ad suscepti officii, & ministerii functionem unicuique satis esse possit. Pueris autem, & furiosis, uel amenitibus, quod usu rationis carent, hoc sacramentum dandum non est: quamuis, si iis quoque administraretur, sacramēti characterem in eorum animam imprimi, certo credendum sit. Qui uero ætatis annus in singulis ordinibus sit expectandus, ex sacri Tridētini Concilii decretis facile erit cognoscere. Excipiuntur etiam serui: neque enim diuino cultui dedicari debet, qui nō suis iuris, sed in alterius potestate est: uiri præterea sanguinum, & homicidæ, quia ecclesiastica lege repelluntur, atque irregulares sunt: spurii quoque, & ii omnes, qui ex legitimis nuptiis non sunt procreati. Decet enim, ut qui sacris addicuntur, nihil in se habeant, quo ab aliis merito contemni, ac despici posse uideantur. Ad extremum etiam admitti non debent, qui aliquo insigni corporis uitio deformes, aut manci sunt: ea enim scelerata, & debilitatio tum offensionem habet, tum uero sacramentorum administrationem impediāt, necesse est.

Sed iam his rebus expositis; superest, ut Pastores doceant, qui sint huius sacramenti effectus. Constat uero, quamuis ordinis sacramentum; ut antea dictum est, maxime ad Ecclesiæ utilitatem, & pulchritudinem spectet, tamen in eius quoque anima, qui sacris iniitatur, sanctificationis gratiam efficere; qua idoneus,

Malachi. 2. 1.

1. Cor. 14. 1.

Triden. Syn.

De præclaris
sacramēti or-
dinis effecti-
bus.

habilisque ad recte in unum suum fungendum, sacramentaque administranda reddatur: quemadmodum etiam baptismi gratia quilibet ad alia sacramenta percipienda aptus efficitur. Aliam quoque gratiam hoc sacramento tribui perspicuum est, præcipuam uidelicet potestatem, quæ ad sanctissimum Eucharistiæ sacramentum refertur, in sacerdote quidem plenam, & perfectam, ut qui Domini nostri corpus, & sanguinem unus potest conficere, in aliis uero inferiorum ordinum ministris maiorem, minoremue, quo quisque ministerio suo magis, minusue ad altaris sacramenta accedit. Atque hæc etiam character spiritualis dicitur, quod qui sacris imbuti sunt, interiori quadam nota, animæ impressa, ab aliis fidelibus distinguantur, ac diuino cultui mancipentur. ad quam Apostolus uidetur spectasse, cum

1. ad Tim. 4. ad Timotheum ait: Noli negligere gratiam, quæ in te est, quæ data est tibi per prophetiam, cum impositione manuum presbyterii.

1. ad Tim. 1. Et alibi: Admonco te, ut resuscites gratiam Dei, quæ est in te, per impositionem manuum mearum. Hæc de ordinis sacramento satis dicta sint. potiora enim tantum rerum capita Pastoribus tradere professi sumus, ut illis fidelis populi docendi, & in Christiana pietate erudiendi argumenta suppeditarent.

DE MATRIMONII SACRAMENTO.

QUONIAM Pastoribus beata & perfecta Christiani populi uita proposita esse debet, iis quidem maxime optandum esset, quod Apostolus se cupere ad Corinthios scribebat

1. ad Cor. 7. his uerbis: Volo omnes homines esse sicut me ipsum: nimirum; ut omnes continentiae uirtutem sectarentur: nihil enim beatus in hac uita fidelibus potest contingere, quam ut animus, nulla mundi cura distractus, sedataque, & restincta omni carnis libidine, in uno pietatis studio, & cælestium rerum cogitatione conquiescat. Sed

1. ad Cor. 7. quoniam, ut idem Apostolus testatur, unusquisque proprium donum habet ex Deo, alius quidem sic, alius uero sic; & matrimonium magnis, & diuinis bonis ornatum est, ita ut inter alia catholicæ Ecclesiæ sacramenta uere, & proprie numeretur, ac Dominus nuptiarum celebritatem præsentia sua honestarit: satis apparet, eius doctrinam tradendam esse; cum præsertim liceat animaduvertere, tum sanctum Paulum, tum apostolorum Principem, quæ non solum ad dignitatem, sed etiam ad officia matrimonii pertinebāt, pluribus

locis

locis accurate scripta reliquisse. Diuino enim spiritu afflati optime intelligebant, quanta, & quam multa commoda ad Christianam societatem peruenire possent, si fideles matrimonii sanctitatem cognitam haberent, & inuiolatam seruarent; contra uero, ea ignorata, uel neglecta, plurimas, maximasque calamitates, & detrimenta in Ecclesiam importari. Primum itaque matrimonij natura, & uis explicanda est. nam cum uicia sepe honesti similitudinem gerant; cauere oportet, ne fideles, falsa matrimonii specie decepti, turpitudine, & nefariis libidinibus animam commaculent: cuius rei declarandæ causa, a nominis significatione ordiendum est.

Matrimonium ab eo dicitur, quod femina idcirco maxime nubere debet, ut mater fiat; uel quia prolem concipere, parere, educare, matris munus est. Coniugium quoque a coniungendo appellatur; quod legitima mulier cum uiro quasi uno iugo adstringatur. Præterea nuptiæ, quia, ut inquit sanctus Ambrosius, pudoris gratia puellæ se obnubent: quo etiam declarari uidebatur, uiris obedientes, subiectasque esse oportere. Ita uero ex communi theologorum sententia definitur: Matrimonium est uiri, & mulieris maritalis cōiunctio inter legitimas personas, indiuiduam uitæ consuetudinem retinens. cuius definitionis partes ut planius intelligantur, docendum est, quamuis hæc omnia in perfecto matrimonio insint, consensus uidelicet interior, pactio externa, uerbis expressa, obligatio, & uinculum, quod ex ea pactione efficitur, & coniugum copulatio, qua matrimonium consummatur; nihil horum tamen matrimonij uim & rationem proprie habere, nisi obligationem illam, & nexum, qui coniunctionis uocabulo significatus est. Additur uero, Maritalis, quoniam alia pactio generum, quibus uiri, & mulieres obligantur, ut sibi mutuam operam præstent, uel pretii, uel alterius rei causa, prorsus aliena sunt a matrimonii ratione. Sequitur deinde, Inter legitimas personas: quoniam qui a nuptiarum coniunctione legibus omnino exclusi sunt, ij matrimonium inire non possunt; neque, si ineant, ratum est, exempli enim gratia: qui intra quartum gradum propinquitate coniuncti sunt, puerque ante decimum quartum annum, aut puella ante duodecimum, quæ ætas legibus constituta est, ad matrimonii iusta fœdera ineunda apti esse non possunt. Quod uero extremo loco positum est, Indiuiduam uitæ consuetudinem retinens; indissolubilis uinculi naturam declarat, quo uir, & uxor colligantur. Exiis igitur patet, matrimonij naturam, & rationem in uinculo illo consistere. Nam quod aliæ clarif-

*Matrimonij
descriptio, uis
& natura.*

S. Ambros.

Cac. Floren.

simorum uirorum definitiones hoc uidentur consensui tribuere; ut, cum dicunt, coniugium esse consensum maris, & feminae; hoc ita accipiendum est, consensum ipsum matrimonii causam effectricem esse: quod Patres in Concilio Florentino docuerunt. etenim obligatio, & nexus oriri non potest, nisi ex consensu, & pactioe. sed illud maxime necessarium est, ut consensus uerbis, quæ præsens tempus significant, exprimatur. neque enim matrimonium est simplex donatio, sed mutua pactio itaque ita fit, ut consensus alterius tantum, ad matrimonium coniungendum satis esse non possit, sed duorum inter se mutuum esse oporteat. atqui ad declarandum mutuum animi consensum uerbis opus esse, perspicuum est. Si enim ex interiori tantum consensu sine aliqua externa significatione matrimonium constare posset, illud etiam sequi uideretur, ut, cum duo, qui disiunctissimis & maxime diuersis in locis essent, ad nuptias consentirent, ante quam alter alteri uoluntatem suam uel litteris, uel nunciis declarasset, ueri, & stabilis matrimonii lege coniungerentur: quod tamen a ratione, & sanctæ Ecclesiæ consuetudine, & decretis alienum est. Recte autem dicitur oportere, ut consensus uerbis exprimatur, quæ præsentis temporis significationem habeant. nam, quæ futurum tempus indicant, matrimonium non coniungunt, sed spondent. deinde, quæ futura sunt, nondum esse perspicuum est: quæ uero non sunt, parum, uel nihil firmi, aut stabilis habere existimandum est. Quare nondum connubii ius in eam mulierem quisquam habet, quam se in matrimonium ducturum esse pollicetur; neque statim ab eo impletum est, quod se facturum promisit. tamen si fidem præstare debet: quod si non faciat, uiolatæ fidei reus esse cõuincitur. At uero qui matrimonii fœdere alteri iungitur, quamuis postea pœniteat, tamen, quod factum est, mutare, irritumque, & infectum reddere nõ potest. Cum itaque coniugii obligatio nuda promissio non sit, sed eiusmodi abalienatio, qua re ipsa uir mulieri, & uicissim mulier uiro corporis sui potestatem tradit; ideo necesse est, uerbis, quæ præsens tempus designant, matrimonium contrahi: quorum uerborum uis, postquam etiam enunciata sunt, permanet, uirumque, & uxorem indissolubili uinculo constrictos tenet. sed uerborum loco tum nutus, & signa, quæ intimum cõsensum aperte indicent, satis ad matrimonium esse possunt: tum ipsa etiam taciturnitas, cum puella propter uerecundiam nõ respõdet, sed pro ea parètes loquuntur. Ex iis igitur Parochi fidelibus tradent, matrimonii naturam, & uim in uinculo, & obligatione sitam

sitam esse; ac præter consensum, eo, quo dictum est, modo expressum, ut uerum matrimonium existat, concubitus necessario non requiri. nam & primos parentes ante peccatum, quo tempore nulla inter eos carnis copula intercesserat, ut Patres testantur, uero matrimonio iunctos fuisse plane constat. Quare a sanctis Patribus dictum est, matrimonium non concubitu, sed consensu existere: quod etiã a sancto Ambrosio in libro de Virginitas repetitum legimus.

Gen. 2.

S. Ambros. 1

Iam uero, hisce explicatis, illud docendum erit, matrimonium duplicem rationem habere. Nam uel ut naturalis coniunctio, (coniugium enim non ab hominibus inuentum, sed a natura) uel ut sacramentum; cuius uis naturalium rerum condicionem superat, considerandum est. ac quoniam gratia naturam perficit; (neque prius quod spirituale est, sed quod animale, deinde quod spirituale) rei ordo postulat, ut de matrimonio, ut natura constet, & ad naturæ officium pertinet, prius agendum sit: cum uero, quæ illi, ut sacramentum est, conueniunt, explananda erunt. In primis itaque docendi sunt fideles, matrimonium a Deo institutum esse. scriptum est enim in Genesi: Masculum, & feminam creauit eos, benedixitque illis Deus, & ait; Crescite, & multiplicamini: & Non est bonum hominem esse solum, faciamus ei adiutorium simile sibi. Ac paulo post: Adæ uero non inueniebatur adiutor similis eius: immisit ergo dominus Deus soporem in Adam: cumque obdormisset, tulit unam de costis eius, & repleuit carnem pro ea, & ædificauit dominus Deus costam, quam tulerat de Adam, in mulierem, & adduxit eam ad Adã; dixitque Adam; Hoc nunc os ex ossibus meis, & caro de carne mea: hæc uocabitur uirago, quoniam de uiro sumpta est. quamobrem relinquet homo patrem suum, & matrem, & adhærebit uxori suæ; & erunt duo in carne una. Quæ, ipso Domino auctore apud sanctum Mattheum, ostendunt matrimoniũ diuinitus institutum esse. Neque uero Deus matrimonium tantummodo instituit, uerum, ut sancta Tridentina Synodus declarat, perpetuum etiam, & indissolubilem nodum ei addidit: siquidem Saluator ait; Quod Deus coniunxit, homo non separet. Quamuis enim matrimonio, quatenus naturæ est officium, conueniat, ut dissolui non possit; tamen id maxime fit, quatenus est sacramentum. quæ ex re etiam in omnibus, quæ naturæ lege eius propria sunt, summam perfectionem consequitur. tamen & proles educandæ studio, & alijs matrimonij bonis repugnat, ut eius uinculum dissolubile sit. Quod uero a Domino dictum est: Crescite, & multiplicamini; id eo spectat, ut, cuius rei causa matri-

Duplex matrimonij ratio, ut est in officium naturæ, et ut sacramentum.

1. ad Cor. 13.

Gen. 1.

Gen. 2.

Matth. 19.

Trid. Syn.

Matth. 19.

S. Ambros. 1

Gen. 1.

monium institutum erat, declaret, non ut singulis hominibus necessitatem imponat. nunc enim, aucto iam humano genere, non solum ulla lex uxorem ducere aliquem non cogit, sed potius uirginitas summo opere commendatur, & unicuique in sacris litteris suadet, ut quæ matrimonii statu præstantior sit, maioremque in se perfectionem, & sanctitatem contineat: Dominus enim Saluator noster ita docuit; Qui potest capere, capiat: & Apostolus ait; de Virginibus præceptum Domini non habeo, consilium autem do, tamquam misericordiam consecutus, ut sim fidelis.

Matth. 19.

1. ad Cor. 7.

*Matrimonium
quibus cau-
sis includum.*

Sed quibus de causis uir, & mulier coniungi debeant, explicandum est. Prima igitur est, hæc ipsa diuersi sexus naturæ instinctu ex-
perita societas, mutui auxilii spe conciliata; ut alter alterius ope adiu-
tus, uitæ incommoda facilius ferre, & senectutis imbecillitatem su-
stentare queat. Altera est procreationis appetitus, non tam quidem
ob eam rem, ut bonorum, & diuitiarum heredes relinquantur, quam
ut ueræ fidei, & religionis cultores educentur: quod quidem ma-
xime sanctis illis Patriarchis, cum uxores ducerent, propositum fuisse,
ex sacris litteris satis apparet. quare Angelus, cum Tobiam ad-
moneret, quo pacto mali dæmonis uim posset repellere; Ostendam,
inquit, tibi, qui sunt, quibus præualere potest dæmonium. ij nāque,
qui cōiugium ita suscipiunt, ut Deum a se, & a sua mente excludant,
& suæ libidini ita uacent, sicut equus, & mulus, quibus non est in-
tellectus, habet potestatem dæmonium super eos. Deinde subiicit:
Accipies uirginem cum timore Domini, amore filiorum magis,
quam libidine ductus; ut in semine Abraham benedictionem in filiis
consequaris. Atque una etiam hæc causa fuit, cur Deus ab initio ma-
trimonium instituerit. quare sit, ut illorum sit scelus grauissimum,
qui matrimonio iuncti, medicamentis uel conceptum impediunt,
uel partum abigunt. hæc enim homicidarum impia conspiratio exi-
stimanda est. Tertia est, quæ post primi parentis lapsum ad alias cau-
sas accessit; cum propter iustitiæ, in qua homo conditus erat, amif-
sionem, appetitus rectæ rationi repugnare cœpit; ut scilicet, qui sibi
imbecillitatis suæ conscius est, nec carnis pugnam uult ferre, matri-
monii remedio ad uitanda libidinis peccata utatur. de quo ita Apo-
stolus scribit: Propter fornicationem unusquisque suam uxorem ha-
beat, & unaquæque suum uirum habeat. Ac paulo post, cum docuisset,
interdum orationis causa a matrimonij debito abstinendum esse,
subiicit: Et iterum reuertimini in id ipsum, ne tentet uos Satanas
propter incontinentiam uestram. Hæ igitur sunt causæ, quarum
aliquam

Tob. 6.

1. ad Cor. 7.

aliquam sibi proponere quisque debet, qui pie, & religiose, ut sanctorum filios decet, nuptias uelit contrahere. Quod si ad eas causas alia etiam accedant, quibus homines inducuntur, matrimonium incant, atque in habendo uxoris delectu, hanc illi præponant, ut heredis relinquendi desiderium, diuitiarum, formæ, generis splendor, morum similitudo; huiusmodi sane rationes damnandæ non sunt, cum matrimonii sanctitati non repugnent. neque enim in sacris litteris Iacob Patriarcha reprehenditur, quod Rachelem, eius pulchritudine illectus, Lix prætulit. Hæc de matrimonio, ut naturalis coniunctio est, docenda erunt: ut autem sacramentum est, explicare oportebit, eius naturam multo præstantiorem esse, & omnino ad altiorem finem referri. Quemadmodum enim matrimonium, ut naturalis coniunctio, ad propagandum humanum genus ab initio institutum est: ita deinde ut populus ad ueri Dei, & Saluatoris nostri Christi cultum, & religionem procrearetur, atque educaretur, sacramenti dignitas illi tributa est. Cum enim Christus dominus uellet arctissimæ illius necessitudinis, quæ ei cum Ecclesia intercedit, suæque erga nos immensæ charitatis certum aliquod signum dare, tanti mysterii diuinitatem hac potissimum maris, & feminæ sanctæ coniunctione declarauit. quod quidem aptissime factum esse, intelligi ex eo potest, quod ex omnibus humanis necessitatibus nulla inter se homines magis, quam matrimonii uinculum constringit, maximaque inter se uir, & uxor charitate, & beneuolentiâ denincti sunt. atque ita fit, ut frequenter sacre litteræ nuptiarum similitudine diuinam hanc Christi, & Ecclesiæ copulationem nobis ante oculos proponant.

Iam uero, matrimonium sacramentum esse, Ecclesia, Apostoli auctoritate confirmata, certum, & exploratum semper habuit: ita enim ad Ephesios scribit: Viri debent diligere uxores suas, ut corpora sua. Qui suam uxorem diligit, se ipsum diligit, nemo enim unquam carnem suam odio habuit, sed nutrit, & fouet eam, sicut & Christus Ecclesiam: quia membra sumus corporis eius, de carne eius, & de ossibus eius. Propter hoc relinquet homo patrem, & matrem suam, & adhærebit uxori suæ; & erunt duo in carne una. Sacramentum hoc magnum est; ego autem dico in Christo, & in Ecclesia. Nam quod inquit, Sacramentum hoc magnum est; nemini dubium esse debet ad matrimonium referendum esse: quod scilicet uiri, & mulieris coniunctio, cuius Deus auctor est, sanctissimi illius ninculi, quo Christus dominus cum Ecclesia coniungitur, sacramentum, idest sacrum signum sit. Atque hanc esse eorum uerborum propriam, & ueram

Gen. 29.

E: 111-1

*Matrimonii
Sacramentum
esse, & unum
ac septē leges
euangelicæ.*

& ueram sententiam, ueteres sancti Patres, qui cum locum interpre-
Trid. Syn. tati sunt, ostendunt, idemque sancta Tridentina Synodus explica-
 uit. Constat ergo, uirum Christo, uxore Ecclesie ab Apostolo com-
 parari; uirum esse caput mulieris, ut est Christus Ecclesie: eaque ra-
 tione fieri, ut uir uxorem diligere, & uicissim uxor uirum amare, &
Ad Eph. 5. colere debeat. Christus enim dilexit Ecclesiam, & pro ea semetipsum
 tradidit. rursus uero, ut idem Apostolus docet, Ecclesia subiecta est
 Christo. Sed gratiam quoque hoc sacramento significari, & tribui,
Triden. Syn. in quo maxime ratio sacramenti inest, ea Synodi uerba declarant:
 Gratiam uero, quæ naturalem illum amorem perficeret, & indiso-
 lubilem unitatem confirmaret, coniugesque sanctificaret, ipse Chri-
 stus, uenerabilium sacramentorum institutor, atque perfectior, sua
 nobis passione promeruit. Quare docendum est, huius sacramenti
 gratia effici, ut uir, & uxor mutue charitatis uinculo coniuncti, al-
 ter in alterius beneuolentia cõquiescat, alienosque, & illicitos amo-
 res, & concubitus non quærat, sed in omnibus sit honorabile con-
Ad Heb. 13 nubium, & thorus immaculatus. Sed quantum matrimonii sacra-
 mentum iis matrimoniis præstet, quæ ante, uel post legem iniri so-
 lebant, ex eo licet cognoscere, quod etsi gentes matrimonio diuini
 aliquid inesse arbitrabantur, atque ob eam rem uagos concubitus a
 naturæ lege alienos esse, itemque stupra, adulteria, & alia libidinis
 genera uindicanda esse iudicabant, tamen eorum connubia nullam
 prorsus sacramenti uim habuerunt. Apud Iudæos uero religiosius
 omnino nuptiarum leges seruari consueuerant: neque dubitandum,
 quin eorû matrimonia maiori sanctitate prædita essent. Cum enim
Gen. 23. promissionem accepissent, fore aliquando, ut omnes gentes in se-
 mine Abraham benediceretur, magnæ apud eos pietatis officium me-
 rito esse uidebatur, filios procreare, electi populi sobolem, ex qua
 Christus dominus Saluator noster, quod ad humanam naturam at-
 tinet, ortum habiturus esset, propagare: sed illæ quoque conian-
 ctiones uera sacramenti ratione caruerunt. Huc accedit, quod siue
 naturæ, post peccatum, siue Mosis legem spectemus, facile animad-
 uertimus matrimonium a primi ortus sui decore, & honestate deci-
 disse. dum enim naturæ lex uigebat, multos ex antiquis Patribus
 fuisse comperimus, qui plures simul uxores ducerent. Deinde uero
Deuter. 24. in lege Mosis permissum erat, dato repudii libello, si causa fuisset,
Matth. 19. diuortium cum uxore facere: quorum utrumque ab euangelica le-
 ge sublatum, matrimoniumque in pristinum statum restitutum est.
 Nam quod polygamia a matrimonii natura aliena esset, (etsi aliqui
 ex priscis

ex priscis Patribus accusandi non sunt, quod non sine Dei indulgentia plures uxores ducerent) Christus dominus ostendit illis uerbis: Propter hoc dimittet homo patrem, & matrem, & adhærebit uxori suæ; & erunt duo in carne una. Ac deinde subiungit: Itaque iā non sunt duo, sed una caro. Quibus uerbis planum fecit, matrimoniū iea a Deo institutum esse, ut duorum tantum, non plurium, coniunctione definiretur. Quod etiā alibi apertissime docuit: inquit enim. Quicumque dimiserit uxorem suam, & aliam duxerit, adulterium committit super eam; & si uxor dimiserit uirum suum, & alii nupsērit, mœchatur. Nam si uiro liceret plures uxores ducere, nulla omnino causa esse uideretur, cur magis adulterii reus dicendus esset, quod præter eam uxorem, quam domi haberet, aliā duceret, quam quod, priorē dimissa, cum alia coniungeretur. Atque ob eam rem fieri intelligimus, ut, si infidelis quispiam, gentis suæ more, & consuetudine, plures uxores duxisset, cum ad ueram religionem conuersus fuerit, iubeat eū Ecclesia ceteras omnes relinquere, ac priorē tantum iustæ, & legitimæ uxoris loco habere. Verum eodem Christi domini testimonio facile comprobatur, nullo diuortio uinculum matrimonii dissolui posse. si enim post libellum repudiū mulier a uiri lege soluta esset, liceret ei sine ullo adulterii crimine alteri uiro nubere. Atqui Dominus aperte denunciat; Omnis, qui dimittit uxorem suam, & alteram ducit, mœchatur. Quare coniugii uinculum nulla re, nisi morte, dirumpi perspicuum est. quod quidem Apostolus etiam confirmat, cū inquit: Mulier alligata est legi, quanto tempore uir eius uiuit; quod si dormietit uir eius, liberata est a lege: cui uult, nubat, tantum in Domino. Et rursus: His, qui matrimonio iuncti sunt, præcipio, non ego, sed Dominus, uxorem a uiro nō discedere: quod si discesserit, manere innuptam, aut uiro suo reconciliari. Eam uero optionem Apostolus mulieri, quæ iusta de causa uirum reliquisset, detulit, ut aut innupta maneat, aut uiro suo reconcilietur. neque enim sancta Ecclesia uiro, & uxori permittit, ut sine grauioribus causis alter ab altero discedat.

Ac ne forte alicui uideatur durior matrimonij lex, quod nulla unquam ratione dissolui possit; docendum est, quæ sint cum ea ueritates coniunctæ. Primum enim homines in coniungendis matrimonijs uirtutem potius, & morum similitudinem, quam diuitias, & pulchritudinem spectandam esse intelligant: qua quidem re comuni societati maxime consuli nemo dubitare potest. Præterea, si diuortio matrimonium dissolueretur, uix umquam dissidēdi causæ homi-

Matth. 19.

Mar. 10.

Matth. 19.

Mar. 10.

Luc. 16.

1. ad Cor. 7.

Vxorū cur pluralitas illicita: tū de triplici bono matrimonij.

hominibus, quæ eis ab antiquo pacis, & pudicitiz hoste quotidie obijcerentur, deessent. Nunc uero cum fideles secum cogitant, quâuis etiam coniugij conuictu, & consuetudine careant, se tamen in matrimonii uinculo constrictos teneri, omnemque alterius uxoris ducendæ spem sibi præcisam esse; ea re fit, ut ad iracundiam, & dissidia tardiores esse consueuerint. Quod si interdum etiam diuortium faciant; & diutius coniugis desiderium ferre nō possunt; & facile per amicos reconciliati ad eius cōuictum redeunt. Sed hoc loco præmittenda non erit Pastoribus, sancti Augustini salutaris admonitio: is enim ut ostenderet fidelibus, haud grauare faciendum esse, ut cum uxoribus, quas adulterii causa dimississent, si eas delicti pæniteret, in gratiam reducerentur; Cur, inquit, uir fidelis non recipiet uxorem, quam recipit Ecclesia? aut cur uxor uiro adultero, sed pænitenti, nō ignoscat, cui etiam ignouit Christus? Nam quod scriptura stultum uocat, qui tenet adulteram; de ea sentit, quæ cum deliquerit, pænitere, & a cœpta turpitudine desistere recusat. Ex iis itaq. perspicuum est, fidelium cōiugia perfectione, & nobilitate, tum gentilium, tum Iudæorum matrimoniis longe præstare. Docendi præterea sunt fideles, tria esse matrimonii bona, prolem, fidem, sacramentum: quorum compensatione illa incommoda leniuntur, quæ Apostolus indicat his uerbis: Tribulationem carnis habebunt huiusmodi. Efficiturque, ut cōiunctiones corporum, quæ extra matrimonium merito damnandæ essent, cum honestate coniunctæ sint. Primum igitur bonum est proles, hoc est liberi, qui ex iusta, & legitima suscipiuntur uxore: id enim tanti fecit Apostolus, ut diceret; Saluabitur mulier per filiorum generationem. Nec uero hoc de procreatione solum, sed de educatione etiam, & disciplina, qua filij ad pietatem erudiuntur, intelligendum est; sic statim subdit Apostolus; Si in fide permanserint. Monet enim scriptura; Filii tibi sunt? erudi illos, & curua illos a pueritia illorum. Idem etiam Apostolus docet, eiusq. institutionis pulcherrima exempla Tobias, Iob, & alij sanctissimi Patres in sacris litteris præbent. Quæ uero sint parentum, & filiorum officia, in quarto præcepto latius explicabitur. Sequitur fides: quod est alterum matrimonii bonum, non ille uirtutis habitus, quo imbuimur, cum baptismum percipimus; sed fidelitas quædam, qua mutuo uir uxori, & uxor uiro ita se obstringit, ut alter alteri sui corporis potestatem tradat; sanctumque illud coniugii fœdus numquam se uiolaturum pollicetur. Id facile colligitur ex illis uerbis, quæ a primo parente enunciata sunt, cum Euam uxorem suam accepit, quæ deinde

deinde Christus dominus in euangelio comprobauit. Quare relinquet homo patrem, & matrem, & adhaerebit uxori suae, & erunt duo in carne una. item ex eo Apostoli loco: Mulier sui corporis potestatem non habet; sed uir: similiter autem & uir sui corporis potestatem non habet, sed mulier. Quare optimo iure grauissimae animaduersiones a Domino in adulteros, quod hanc maritalem fidem frangant, in ueteri lege constitutae erant. Postulat praeterea matrimonij fides, ut uir, & uxor singulari quodam, sanctoque, & puro amore coniuncti sint; neque ut adulteri inter se ament, sed ut Christus dilexit Ecclesiam: hanc enim Apostolus regulam praescripsit, cum ait: Viri, diligite uxores uestras, sicut & Christus dilexit Ecclesiam; quam certe immensa illa charitate, non sui commodi gratia, sed sponsae tantum utilitatem sibi proponens, complexus est. Tercium bonum, Sacramentum appellatur, uinculum scilicet matrimonij, quod numquam dissolui potest, nam, ut est apud Apostolum, Dominus praecipit uxorem a uiro non discedere; quod si discesserit, manere in nuptia, aut uiro suo reconciliari: & uir uxorem non dimittat. Si enim matrimonium, ut sacramentum est, Christi coniunctionem cum Ecclesia signat; necesse est, ut Christus se ab Ecclesia numquam disungit, ita uxorem a uiro, quod ad matrimonij uinculum attinet, separati non posse. Verum ut haec sancta societas sine querela facilius cõseruetur; uiri, & uxoris officia, quae a S. Paulo, & a Principe apostolorum Petro descripta sunt, tradenda erunt. Ergo uiri munus est, uxorem liberaliter, & honorifice tractare. quae in re meminisse oportet, Euam ab Adam sociam appellatam esse, cum inquit: Mulier, quam dedisti mihi sociam; cuius rei causa aliqui Patres factum esse docuerunt, ut ea non ex pedibus, sed ex latere uiri formaretur: quemadmodum etiam ex capite cõdita non est, ut se uiri dominam non esse intelligeret, sed uiro potius subiectam. Decet praeterea uirum in alicuius honestae rei studio semper occupatum esse; tum ut ea suppeditet, quae ad familiam sustentandam necessaria sunt; tum ne inertis otio languescat; a quo uitia fere omnia fluxerunt. Deinde uero familiam recte constituere, omnium mores corrigere, singulos in officio continere. Rursus autem uxoris partes sunt, quas apostolorum Princeps enumerat, cum inquit: Mulieres subditae sint uiris suis; ut & si qui non credunt uerbo, per mulierum conuersionem sine uerbo lucrifiant, considerantes in timore sanctam conuersionem uestram, quarum non sit extrinsecus capillatura, aut circumdatio auri, aut indumenti uestimentorum cultus: sed qui absconditus est cordis, homo in incorruptibilitate quieti, & modesti spiritus, qui est in conspectu Dei locuplex. sic enim aliquando & sanctae mulieres

*Gen. 3.**Matth. 19.**1. ad Cor. 6.**Ad Eph. 5.**1. ad Cor. 7.**Mutua uiri et uxoris officia.**1. Pet. 3.*

mulieres spectantes in Deo ornabant se subiectæ proprijs uirīs, sicut Sara obediebat Abraham, dominum eum uocans. Earum quoque præcipuum studiū sit, filios in religionis cultu educare, domesticas res diligenter curare. Domi uero libenter se cōtineant, nisi necessitas exire cogat: idque sine uiri permissu facere numquam audeant. Deinde, in quo maxime maritalis coniunctio sita est, meminetint semper secundum Deum, magis quam uirum, neminem diligendum, eoue pluris faciendum esse neminem, cui etiam omnibus in rebus, quæ Christianæ pietati nō aduersantur, morem getere, & obtemperare summa cum alacritate animi oporteat. Harum rerum explicationi consequens erit, ut Pastores ritus etiam doceant, qui in matrimonio contrahendo seruari debent. de quibus, nō est expectandum, ut hoc loco præcepta tradantur, cum a sancta Tridentina Synodo, quæ hæc in re maxime obseruanda sint, copiose, & accuratè cōstituta fuerint, neque illud decretum a Pastoribus ignorari possit. satis igitur est eos admonere, ut, quæ ad hanc partem attinent, e sacri Cōcilii doctrina cognoscere studeāt, eaq. fidelibus diligenter exponant. In primis autem ne adolescentes, & puellæ, cui ætati inest maxima imbecillitas cōsiliū, falso nuptiarum nomine decepti, turpium amorum fœdeta incaute incāt, sæpissime docebunt, ea neque uera, neque rata matrimonia habenda esse, quæ præsentē Parocho, uel alio sacerdote de ipsius Parochi uel ordinarij licentia, certòq. testium numero nō contrahantur. Sed quæ matrimonium etiam impediunt explicanda erūt. In quo argumento pleriq. graues, & doctissimi uiri, qui de uitijs, & uirtutibus cōscripserunt, adeo diligenter uersati sunt, ut facile omnibus futurum sit, quæ illi scriptis suis tradiderunt, in hunc locū trāferre; cum præsertim necesse habeāt Pastores, eos ipsos libros numquā fere e manibus deponere. itaq. tum illas præceptiones, tum quæ a sancta Synodo sancita sunt de impedimēto, quod uel a cognatione spiritali, uel a iustitia publicæ honestatis, uel a fornicatione oritur, attente legent, & tradēda fidelibus curabunt. Ex quibus perspicui potest, quo animo affectos esse oporteat fideles, cum matrimoniū contrahunt. neque enim se humanam aliquam rem aggredi, sed diuinā putare debent, in qua singularem mentis integritatē, & pietatem adhibendam esse, Patrum ueteris legis exempla satis ostendunt: quorū matrimonia tamen sacramenti dignitate prædita nō erāt, ea tamen maxima semper cū religione, & sanctimonia colēda esse existimariū.

*Matrimonij
clādestine mi-
nime contra-
bendam.*

Inter cetera autē maxime hortādi sunt filij familias, ut parentibus, & iis, in quorū fide, & potestate sunt, eū honorē tribuant, ut ipsis inscientibus, nedū in uitis, & repugnantibus, matrimonia non incant.

Nam

Nam in ueteri testamento licet animaduertere filios a patribus semper in matrimonium collocatos esse. Quia in re plurimum illorum uoluntati deferendum esse, Apostolus etiam uidetur ijs uerbis indicare; *1. ad Cor. 7.* Qui matrimonio iungit uirginem suam, bene facit; & qui non iungit, melius facit. Extrema illa restat pars; quæ ad matrimonij usum pertinet, de quibus ita agendum est a Pastoribus; ut nullum ex eorum otiose uerbum excidat, quod fidelium auribus indignum esse uideatur, aut pias mentes lædere, aut risum mouere queat. Vt enim eloquia Domini, eloquia casta sunt: ita etiam maxime decet, Christiani populi doctorem eiusmodi orationis genere uti, quod singulare quandam grauitatem, & meritis integritate præferat. Quare duo illa maxime docendi sunt fideles, primum quidem non uoluptatis, aut libidinis causa matrimonio operam dandam esse: sed eo utendam intra illos fines, qui, ut supra demonstrauimus, a Domino præscripti sunt. Meminisse, non conuenit, quod Apostolus hortatur; Qui habent uxores, tamquam non habentes sint. Tum uero a sancto Hieronymo dictum esse; Sapientis uir iudicio debet amare coniugem, non affectu: reget impetus uoluptatis, nec præceptum feretur ad coitum. Nihil est firidius, quam uxorem amare quasi adulteram. Sed quoniam bona omnia sanctis precationibus a Deo impetranda sunt; alterum est, quod fideles docere oportet, ut Deum orandi, & obsecrandi causa a matrimonij officio interdum abstineant; in primis quod sibi obseruandum sciant, tribus saltem diebus, antequam sacram Eucharistiam percipiant, sæpius uero cum solemnibus Quadragesimæ ieiunia celebrantur, quemadmodum patres nostri recte, & sancte præceperunt. ita enim fiet, ut ipsa matrimonii bona maiori in dies diuinæ gratiæ cumulo augeri sentiant; & pietatis studia sectantes, non imodo hanc uitam tranquille, & placide traducant, sed æternæ etiam Dei benignitate consequendæ, uera, & stabili spe, quæ non confundit, nitantur. *Ad Rom. 5.*

DE DEI PRÆCEPTIS IN DECALOGO CONTENTIS.

DECALOGVM, legum omnium summam, & epitomen esse, *S. August.*
S. Augustinus litteris commendauit. Cum multa locutus sit Dominus, duæ tamē tantum tabulæ dantur Moyfi lapideæ, quæ dicuntur tabulæ testimonij futuri in arca. nimirum cetera omnia, quæ præcepit Deus, ex illis decem præceptis, quæ duabus tabulis conscripta sunt, pendere intelliguntur, si diligenter querantur, ut recte

intelligatur. Quo modo hæc ipsa rursum decem præcepta ex duobus illis, dilectionis scilicet Dei, & proximi, in quibus tota lex pendet, & *Marth. 23.* Prophetæ. Itaque cū sit totius legis summa, Pastores oportet in eius contemplatione dic, noctuque uersari; nō ut uitam suam modo ad hanc normam cōponant; sed etiā, ut populum sibi creditum in lege *Malach. 2.* Domini erudiāt. Nam labia sacerdotis custodiunt scientiam, & legē requirēt ex ore eius: quia angelus Domini exercituum est: quod ad *1. 11* Pastores nouæ legis maxime pertinet, qui Deo propiores, a claritate *1. ad Cor. 3.* in claritatem trāsformari debent, tamquam a Domini spiritu: & cū eos lucis nomine nuncupauit Christus dominus, propriæ sint illorum partes, ut sint lumen eorū, qui in tenebris sunt, eruditores insipientium, magistri infantium; & si quis præoccupatus fuerit in aliquo delicto, ipsi, qui spirituales sunt, huiusmodi instruant. In cōfessionibus etiā iudicis personam sustinent, ac pro genere, & modo peccatorum sententiam ferunt. quare nisi suam sibi inscitiam, nisi aliis etiam esse fraudi uelint, in eo sint, necesse est, quā uigilantissimi, & in diuinorum præceptorum interpretatione exercitatissimi, ut ad hanc diuinā regulam, de quacūque & actione, & officii prætermissione iudicium facere possint; & ut est apud Apostolum, sanam doctrinam tradant, id est quæ nullum cōtineat errorem, & animorum *2. ad Tim. 1.* morbis, quæ sunt peccata, medeatur; ut sit populus Deo acceptus, *ad Titum 1.* sectator bonorū operum. Iam uero, in huiusmodi tractationibus ea Pastor sibi, & aliis proponat, quibus legi parendū esse persuadeat. Inter cetera autem, quæ animos hominū ad huius legis iussa seruanda possunt impellere, illud maximam uim habet, Deum esse huius legis auctorem. quamuis enim per angelos data esse dicatur, nemo tamen dubitare potest, ipsum Deum esse legis auctorem. cuius rei satis amplum testimonium præbent nō solum ipsius legislatoris uerba, quæ paulo post explicabuntur; sed infinita pene scripturarum loca, quæ Pastoribus facile occurrent. Nemo enim est, quin sibi a Deo legem in animo insitā esse sentiat, qua bonum a malo, honestum a turpi, iustum ab iniusto possit discernere. cuius uis, & ratio legis cum ab ea, quæ scripta est, diuersa non sit; quis est, qui ut intimæ sic scriptæ legis auctorem Deum negare audeat? Hæc igitur diuinam lucem penam iam prauis moribus, & diuturna peruersitate obscuratam, cum Deus Moysi legem dedit, eam potius illustriorem reddidisse, quam nouam tulisse, docēdum est; ne forte, cum populus audit legi Moysi derogatum esse, putet his legibus se nō teneri. Certissimum enim est, nō propterea his præceptis parendū esse, quod per Moysen data sunt, sed

sed quod omnium animis ingenta, & per Christum dominum explicata sunt, & confirmata. Iuuabit tamen plurimum, & ad persuadendum magnum habebit momētum illa cogitatio, Deum esse, qui legem tulit; de cuius sapientia, & æquitate dubitare non possumus, nec eius infinitam uim, atque potentiam effugere. Quare cum per Prophetas Deus iuberet seruari legem, dicebat se dominum Deum esse. & in ipso Decalogi exordio; Ego sum dominus Deus tuus. & alibi; si Dominus ego sum, ubi est timor meus? Non solum autem excitabit fidelium animos ad seruanda Dei præcepta, sed ad gratiarum etiam actionem, quod suam Deus, quæ salutem nostram contineret, uoluntatem explicarit. Quare non uno loco scriptura maximum hoc beneficium declarans, populum commonefacit, ut suâ dignitatem, ac Domini beneficentiam cognoscat, ueluti in Deuteronomio; Hæc est, inquit, uestra sapientia, & intellectus coram populis, ut audientes uniuersi præcepta hæc, dicant; En populus sapiens, & intelligens, gens magna. & rursus in psalmo: Non fecit taliter omni nationi, & iudicia sua non manifestauit eis.

*Exod. 10.**Malach. 1.*

*Deut. 4. Testimonij rei. De
nat. et. ama. legem. Hæc est
illa uel. præcepta. Deut. 10. 1. 2.
tam. præcepta. Deut. 10. 1. 2.
psal. 147.*

Verum si Parochus rationem præterea latæ legis ex scripturæ auctoritate demonstrarit, facile intelligent fideles, quam pie ac suppliciter acceptam Dei legem colere oporteat. triduo enim ante quam ferretur lex, Dei iussu dictum est omnibus, ut uestimenta lauarent, uxores non attingerent, quo sanctiores, ac paratiores essent ad accipiendam legem; ut ad diem tertium adessent. deinde, cum ad montem essent adducti, unde Dominus illis per Mosem leges erat laturus, uni Moyfi dictum est, ut in montem ascenderet: quo Deus maxima cum maiestate uenit, & locum tonitruis, fulgoribus, igne, densisque nebulis circumfudit, ac loqui cū Mose cœpit, eique leges dedit. quod diuina sapientia nullâ aliam ob causam factum uoluit, nisi nos ut moneret, casto, humilique animo legem Domini accipiendâ esse: quod si præcepta negligeremus, paratas nobis a diuina iustitia pœnas imminere. Quin etiam, legis iussa difficultatem non habere, ostendat Parochus: quod uel una hac ratione ex S. Augustino docere poterit, cū dicit: Qui, quæso, dicitur impossibile esse homini, amare, amare, inquam, creatorē beneficū, patrē amantissimū, deinde etiam, & carnē suā in fratribus suis? at uero qui diligit, legē impleuit. Quare Ioannes Apostolus, præcepta Dei grauiā non esse, aperte testatur. nihil. n. iustius, nihil cum maiore dignitate, nihil maiore cum fructu ab homine, teste B. Bernardo, exigipotuisse. quam obre summā Dei benignitatē admiratus est Augustinus, sic ipsum Deum affatus:

*Quanta ma
iestate lex
Decalogi da
ta.*

*Exod. 19.**S. August.**Rom. 13.**1. Ioan. 5.**D. Bernar.**S. August.*

- Quid est homo, quod amari te ab eo uis? & si, nō faciat, ingentes minarū pœnas? an non satis magna hæc est, si non diligam te? Quod si quis eam affertat excusationē, impediri se, quo minus Deum amet, infirmitate naturæ; docendum est, Deum, qui amorem requisit, amoris uim inferere cordibus per spiritum sanctum suum: hic autē
- Luc. 11.* spiritus bonus petentibus a patre cælesti datur: ut merito sanctus Augustinus precatus sit; Da quod iubes; & iube quod uis. Quia igitur Dei auxilium præsto nobis est, maxime post Christi domini mortem, per quam princeps huius mundi eiectus est foras; nō est, quod quisquā rei difficultate deterreatur: nihil enim est amanti difficile. Præterea, ad eandem rem persuadendam plurimum ualebit, si explicabitur, necessario legi obtemperandum esse, præsertim cum nostris temporibus non defuerint, qui, siue facilis, siue difficilis sit lex, ad salutem tamen nequaquam necessariam esse, impie, & magno ipsorum malo dicere non ueriti sunt. Quorum nefariam, impiamque sententiam sacræ scripturæ testimoniis Parochus cōfutabit, eiusdem maxime apostoli, cuius illi auctoritate impietatem suā tueri conantur.
- 1. ad Cor. 7.* Quid igitur ait Apostolus? non præputium, non circumcisionem quidquam esse, sed obseruationem mandatorum Dei. Quod uero eandem sententiam alibi repetit, & nouam creaturam in Christo tantum dicit ualere, intelligimus plane eam nouam creaturam in Christo dicere, qui mandata Dei obseruat. Is enim, qui habet mandata Dei, ac seruat, diligit Deum, Domino ipso teste apud Ioan-
- Ioan. 14.* nem; Si quis diligit me, sermonem meum seruabit. Nam etsi iustificari potest homo, & ex impio fieri pius, ante quam singula legis præcepta externis actionibus impleat: tamen fieri nō potest, ut, qui per ætatem ratione uti queat, ex impio fiat iustus, nisi animum habeat paratum ad omnia præcepta Dei seruanda. Ad extremum uero, ne quid prætermittat Parochus, quo fidelis populus adducatur, ut legem seruet, quam sint eius uberes, suauisque fructus, demonstrabit: quod facile poterit ex iis, quæ psalmo decimo octauo scripta sunt, probare: in eo enim legis Dei laudes celebrantur: quarum hæc est uel maxima, quæ Dei gloriam, & maiestatem multo amplius explicat, quam decore suo, atque ordine faciant ipsa cælestia corpora: quæ ut omnes quamuis barbaras nationes in sui admirationem rapiunt, ita efficiunt, ut rerum omnium opificis, & cōditoris gloriam sapientiam, ac potentiam agnoscant. Ac lex quidem Domini conuertit animas ad Deum. agnoscentes enim uias eius, & Dei sanctissimam uoluntatem per legem, conuertimus pedes nostros in uias Domini.

Domini. At quia soli timentes Deum, uere sapientes sunt; hoc illi deinceps tribuit, ut sapientiam præstet paruulis. Hinc ueris gaudiis, & mysteriorum diuinorum cognitione, ingentibus præterea uoluptatibus, & præmiis, & in hac uita, & in futuro sæculo illi cumulantur, qui Dei legem obseruant. Nec uero tam nostræ utilitatis gratia, quam Dei causa, nobis est seruanda lex, qui suam hominum generi in lege uoluntatem aperuit: quam cum ceteræ creaturæ sequantur, hominem ipsum eandem sequi multo est æquius. Ne id quidem silentio prætereundum est, uel in hoc maxime suam in nos Deum ele mentiam, & summæ bonitatis diuitias ostendisse; quod cum sine ul lo præmio nos potuisset, ut suæ gloriæ seruiremus, cogere; uoluit tamen suam gloriam cum utilitate nostra coniungere; ut quod homi niini utile, idem esset Deo gloriosum. quoniam igitur id maximum & præclarissimum est, docebit Parochus, ut a Propheta ultimo loco dictum est, in custodiendis illis retributionem multam esse. Non enim tantum illæ nobis benedictiones promissæ sunt, quæ ad terre nam magis felicitatem spectare uidebantur, ut benedicti simus in ciuitate, benedicti in agro; sed copiosa merces in cælis, & mensura bona, conferta, coagitata, & superflua proposita est, quam piis & iustis actionibus meremur diuinæ misericordiæ adiumento.

*Psal. 18.**Deut. 28.**Math. 5.**Luc. 6.**Exod. 20.*

EGO SUM DOMINVS DEVS TVVS, QVI EDUXI TE DE TERRA
ÆGYPTI, DE DOMO SERVITVTIS. NON HABEBIS DEOS
ALIENOS CORAM ME. NON FACIES TIBI SCVLPTILE &C.

Quamuis hæc lex Iudæis in monte a Domino data fuerit; ta men, quoniam natura omnium mentibus multo ante impressa, & consignata erat, atque ob eam ~~nam~~ Deus uniuersos homines illi perpetuo parere uoluit, plurimum proderit, uerba illa, qui bus, Moyse ministro, atque interprete, Hebræis promulgata est, & populi Israelitici historiam, quæ mysteriorum est plena, dili genter explicare. Principio narrabit, ex omnibus nationibus, quæ sub cælo erant, unam Deum delegisse, quæ ortum habuit ab Abraham; quæ peregrinum esse uoluit in terra Chanaan: cuius pos sessionem cum ei pollicitus esset, tamen & ille, & posteri eius am plius quadringentos annos uagi fuerunt, ante quam promissam ter ram incolerent: in qua quidem peregrinatione numquam eorum curam dimisit. transibant quidem illi de gente in gentem; & de re gno ad populum alterum: sed nullam umquam illis iniuriam fieri passus est; immo uero in reges animaduertit. priusquam autem in

*Ad Rom. 1.**Psal. 104.*

Aegyptum descenderent, utrum præmisit, cuius prudentia & illi, & Aegyptij fame liberarentur. In Aegypto uero ea illos benignitate complexus est, ut, repugnante, & incumbente ad illorum perniciem Pharaone, mirum in modum auerentur: & cum ualde affligerentur, ac tamquam serui durissime tractarentur; ducem Moysen excitauit, qui eos in manu potenti educeret. huius præcipue liberationis, initio legis meminit Dominus his uerbis: Ego sum dominus Deus tuus, qui eduxi te de terra Aegypti, de domo seruitutis. Ex his uero illud maxime Parocho animaduertendum est, unam ex uniuersis nationibus a Deo delectam esse, quam populum uocat suum, & cui se cognoscendum, & colendum præberet, non quod ceteras iustitia, aut numero uinceret, quemadmodum Hebræos monet Deus; sed quod ipsi Deo sic placuit, potius ut gentem exiguum, & inopem aueretur, & locupletaret, quo eius potentia, & bonitas notior apud omnes esset, & illustrior. Cum igitur ea esset illorum hominum condicio, ijs conglutinaturs est, & hos amauit; ita ut, cum esset Dominus cæli, & terræ, non confunderetur uocari

Deuter. 9. Deus eorum, quo ceteras gentes ad æmulationem ptouocaret, ut, per spectatâ Israelitarum felicitate, omnes homines ad ueri Dei cultum se se conferrent: quemadmodum etiam Paulus testatur, se gentium felicitate proposita, & ueta Dei cognitione, qua eas instruxerat, ad æmulationem carnem suam ptouocare.

Rom. 11. Deinde fideles docebit, Deum Hebræos partes diu peregrinari passum esse, posteros etiam durissima seruitute premi, diuexarique permisisse, ob eam rem, uti doceret, ut, amicos Dei fieri, non nisi mundi inimicos, ac peregrinos in terris; itaque in Dei familiaritatem facilius recipi, si nihil omnino nobis sit commune cum mundo: tum uero, ut ad Dei cultum translati intelligeremus, quanto feliciores demum sint ijs, qui Deo, quam qui mundo seruiunt: cuius rei nos scriptura com-
monet: inquit enim; Veruntamen seruiunt ei, ut sciant distantiam seruitutis meæ, & seruitutis regni tertiarum. Præterea, explicabit, post amplius quadringentis annis Deum promissâ præstitisse, ut ille populus fide, ac spe aleretur. Alumnos enim suos Deus a se perpetuo pendere uult, atque in eius bonitate omnem spem suam collocare; ut in primi præcepti explanatione dicitur. Postremo, locum, ac tempus notabit, quibus hanc legem Populus Israel a Deo accepit; nempe, postquam eductus ex Aegypto in desertum uenit; ut beneficii recentis memoria allectus, & loci asperitate, in quo uersabatur, deterretus, ad accipiendam legem aptior redderetur: homines enim

ijs maxime deuinciuntur, quorum beneficentiā experti sunt; atque ad Dei præsidium confugiunt, cum se omni spe humana destitutos esse agnoscunt. Ex quo licet intelligere, fideles ad complectendam celestem doctrinam eo propensiores esse, quo se magis a mundi illecebris, & carnis uoluptatibus abstraxerint; sicut per Prophetam scriptum est; Quem docebit scientiam, & quem intelligere faciet auditum? ablactatos a lacte, auulsos ab uberibus. Enitatur itaque Parochus, & quantum potest, efficiat, ut fidelis populus hæc uerba semper in animo habeat; Ego sum dominus Deus tuus: ex quibus intelligent, legislatorem se creatorem habere, a quo & conditi sunt, & cōseruantur: iureque illud usurpent; Ipse est dominus Deus noster, & nos populus pascuæ eius, & oues manus eius. Quorum uerborum uehemens, & frequēs admonitio eam uim habebit, ut ad legem colendam fideles propiores reddantur, & a peccatis abstineant. Quod autem sequitur; Qui eduxi te de terra Aegypti, de domo seruitutis; etsi Iudæis tantum uidetur conuenire, Aegyptiorum dominatu liberatis; tamē, si interiorem salutis uniuersæ rationem spectemus, multo magis ad Christianos homines pertinet; qui nō ex Aegyptiaca seruitute, sed e peccati regione, & potestate tenebrarum a Deo erepti, atque in regnum filii dilectionis suæ translati sunt. cuius beneficii magnitudinem intuens Hieremias prædixit illud; Ecce dies ueniēt, dicit Dominus; & nō dicetur ultra, Viuit Dominus, qui eduxit filios Israel de terra Aegypti; sed uiuit Dominus, qui eduxit filios Israel de terra Aquilonis, & de uniuersis terris, ad quas eieci eos, & reducam eos in terram suam, quam dedi Patribus eorum. ecce ego mittam piscatores multos, dicit Dominus, & piscabuntur eos: & quæ sequuntur. Pater enim indulgētissimus per filium suum filios, qui erant dispersi, congregauit in unum; ut iam non ut serui, peccato, sed iustitiæ, seruiamus illi in sanctitate, & iustitia coram ipso omnibus diebus nostris. Quare fideles omnibus temptationibus tamquam clypeum opponent illud Apostoli; Qui mortui sumus peccato, quo modo adhuc uiuemus in illo? iam non sumus nostri, sed eius, qui pro nobis mortuus est, & resurrexit. Ipse est dominus Deus noster, qui nos suo sanguine sibi acquisiuit; quo modo peccare poterimus in dominum Deum nostrum? ipsumque iterum cruci affigere? Ut igitur uere liberi, & ea quidem libertate, qua nos Christus liberauit, sicut exhibueramus membra nostra seruire iniustitiæ, ita exhibeamus seruire iustitiæ in sanctificationem.

Non

Exod. 10.

NON HABEBIS DEOS ALIENOS CORAM ME.

Priorem in Decalogo locum obtinere; quæ ad Deum pertinent, posteriore vero, quæ ad proximum, docebit Parochus: quia eorum, quæ proximo præstamus, causa Deus est: tum enim ex Dei præcepto proximum diligimus, cum propter Deum diligimus: ea vero sunt in priori tabula descripta. Secundo loco in uerbis istis, quæ proposita sunt, duplex contineri præceptum ostendet: quorum alterum iubendi, alterum prohibendi uim habet. Nam quod dicitur; Non habebis Deos alienos coram me; eam habet sententiam coniunctam, me uerum Deum coles, alienis Diis cultum non adhibebis. In priori autem continetur præceptum fidei, spei, & charitatis. nam cum Deum dicimus, immobilem, incommutabilem, perpetuo eundem manentem, fidelem; recte sine ulla iniquitate cõfitemur; ex quo eius oraculis assentientes, omnem ipsi fidem; & auctoritatem tribuamus, necesse est: qui uero omnipotentiam, clementiam, & ad bene faciendum facilitatem, ac propensionem illius considerat, poterit ne spes omnes suas non in illo collocare? At si bonitatis, ac dilectionis ipsius effusas in nos diuitias contempletur, illum ne poterit non amare? Hinc est illud procœmium, hinc illa conclusio, qua in præcipiendo, mandandoque in scriptura utitur Deus; Ego Dominus. Altera autem præcepti pars illa est; Non habebis Deos alienos coram me. qua loquendi formula legislator usus est, non quod satis explicata non esset hæc sententia affirmatione præcepti in hunc modum; Me unum Deum coles: si enim Deus est, unus est: sed propter cæcitatem plurimorum, qui olim Deum uerum se colere profitebantur, multitudinem tamen deorum uenerabantur: cuiusmodi inter Hebræos ipsos permulti fuerunt, qui, ut Helias eis obiiciebat, in duas partes claudicabant: quod & Samaritæ fecerunt, qui Deum Israelis, & deos gentium colebant: His explicatis, addendum erit, hoc esse præceptum omnium primum, & maximum, non ordine tantum ipso, sed ratione, dignitate, præstantia. Debet enim obtinere Deus apud nos infinitis partibus maiorem, quam domini, quam regis, charitatem, & auctoritatem: Ipse nos creauit, idem gubernat: ab eo in utero matris nutriti, atque inde in hanc lucēeducti sumus: ipse nobis ad uitam, uictumque res suppeditat necessarias. Peccant autem in hoc præceptum, qui fidem, spem, & charitatem non habent: quorum peccatum latissime patet. Sunt enim in hoc numero, qui in hæresim labuntur; qui non credunt ea, quæ sancta mater Ecclesia credenda proponit;

qui

3. Reg. 18.

qui somniis, auguriis, ceterisque uanissimis rebus fidem habent, qui de sua salute spem abiiciunt, nec diuinæ bonitati cōfident; qui diuitiis tantum, qui corporis ualitudine, ac uiribus nituntur. quæ fufius ab iis explicata sunt, qui de uitiiis & peccatis conscripserunt.

Verum illud etiam in huius præcepti explicatione accurate docendum est, uenerationem, & inuocationem sanctorum, angelorum, ac beatarum animarum, quæ cælesti gloria perfruuntur, aut etiam corporum ipsorum, sanctorumque cinerum cultum, quem semper catholica Ecclesia adhibuit, huic legi non repugnare. Quis enim adeo demens est, qui, edicente rege, ne se pro rege quisquam gerat, aut regio cultu, atque honore affici patiatur, continuo putet nolle regem, suis ut magistratibus honos deferatur? Et si enim angelos Christiani adorare dicuntur exemplo sanctorum ueteris testamenti, non eam illis uenerationem adhibent, quam Deo tribuunt, quod si legimus interdum angelos recusasse, ne se homines uenerarentur; eo fecisse intelligendum est, quod sibi eum honorem haberi nolebant, qui soli Deo deberetur. Spiritus enim sanctus, qui ait: Soli Deo honor, & gloria; idem præcepit, ut honore parentes, & seniores afficeremus. Sancti præterea uiri, qui Deum unum colebant, reges tamen, ut est in diuinis litteris, adorabant, id est supplices uenerabantur. Quod si reges, per quos Deus mundum gubernat, tanto honore afficiuntur: angelicis spiritibus, quos Deus ministros suos esse uoluit, & quorum opera nō modo ad Ecclesiæ suæ, sed etiam ad reliquarum rerum gubernationem utitur, quorumque ope maximis tum animæ, tum corporis periculis quotidie liberamur, etiam si se nobis in conspectum non dent, tanto maiorem honorem non habebimus, quanto beatæ illæ mentes dignitate regibus ipsis antecellant? Adde charitatem, qua nos diligunt, qua ducti pro iis prouinciis, quibus præsunt, ut ex scriptura facile intelligitur, preces fundunt: quod etiam præstare iis, quorum sunt ipsi custodes, ne dubitandum quidem est: nostras enim preces Deo offerunt, & lacrymas. Quamobrē in Euangelio docuit Dominus, pusillos scandalizandos nō esse: quod angeli eorum in cælis, semper uident faciem Patris, qui in cælis est. Inuocandi itaque sunt; quod & perpetuo Deum inuentur, & patrocinium salutis nostræ sibi delatum, libentissime suscipiunt. Extant diuinæ scripturæ testimonia huius inuocationis. Iacob enim ab angelo, quicum luctatus fuerat, petit, ut sibi benedicat, immo etiam cogit: se enim non dimissurum illum profiteretur, nisi benedictione accepta: neque solum sibi ab eo tribui, quem

De cultu & ueneratione sanctorum.

*Apocal. 19.
Apocal. 22.*

*1. ad Tim. 1.
Exod. 19.
Leuit. 19.
Deut. 5.*

Daniel. 10.

Math. 18.

Gen. 22.

Gen. 48.

quem intuebatur, sed ab eo etiam, quem minime uidebat, tum cum dixit: Angelus, qui eruit me de cunctis malis, benedicat pueris istis. Ex quibus etiam colligi poterit, tantum abesse, ut sanctis, qui in Domino dormierunt, honore afficiendis, atque inuocandis, & sacris eorum reliquiis, cineribusque uenerandis, Dei gloria minuat; ut eo maxime augeatur, quo magis hominum spem excitat, confirmat, & ad sanctorum imitationem cohortatur. quod officium Niceno altero, & Gangrensi, ac Tridentino conciliis, & sanctorum patrum auctoritate comprobatur. Quo autem sit ad refutandos eos instructior Patochus, qui huic ueritati aduersantur, sanctos Hieronymum contra Vigilantium, & Damascenum potissimum legat. ad quorum rationem, quod caput est, accedit consuetudo ab apostolis accepta, & in Ecclesia Dei perpetuo retenta, & conseruata. cuius rei quis firmitus, aut clarius requirat argumentum diuinæ scripturæ testimonio, quæ sanctorum laudes celebrat admirabiliter? Extant enim quorundam sanctorum diuina præconia, quorum laudes cum sacris litteris celebrentur, quid est, quod illis singularem honorem non habeant homines? Et si ob eam causam magis etiam colendi, & inuocandi sunt, quod pro salute hominum preces assidue faciunt, multaque eorum merito, & gratia in nos Deus confert beneficia. Si enim gaudium est in celo super uno peccatore penitentiam agente, non ne etiam cælestes ciues, penitentes adiuuant? non ne rogati peccatorum ueniam & impetrabunt, & conciliabunt nobis Dei gratiam? Quod si dicatur, ut a nonnullis dicitur, superuacaneum esse sanctorum patrocinium, quod Deus sine interprete precibus nostris occurrat: has impiorum uoces illa sancti Augustini facile conuincunt, multa Deum non concedere, nisi mediatoris, ac deprecatoris opera, & officium acceperit. Quod illustribus Abimelec, & Iob amicorum confirmatur exemplis: quorum peccata non nisi Abraham, & Iob precibus condonauit. Si uero etiam afferatur, fieri inopia, & imbecillitate fidei, ut sanctos inter nuncios, & patronos adhibeamus: quid ad illud respondebunt Centurionis exemplum, qui uel in singulari illo fidei præconio, quod dominus Deus impetruit, seniores tamen Iudeorum ad Saluatorem misit, ut laboranti puero salutem impetrarent? Quare si fatendum est, unum nobis mediatorem propositum Christum dominum, qui scilicet unus nos per sanguinem Patri cælesti reconciliauit, & qui æterna redemptione inuenta, semel in sancta ingressus, pro nobis interpellare non cessat: ex eo tamen nullo modo sequi potest, quo minus ad

Luc. 15.

S. August.

Gen. 20.

Iob 27.

Malac. 3.

Luc. 7.

Ad Heb. 9.

ad sanctorum gratiam confugere liceat. Nam si propterea subsidii sanctorum uti non liceat, quod unum Patronum habemus IESUM Christum; numquam id commisisset Apostolus, ut se Deo tanto studio fratrum uiuentium precibus adiuuari uellet. Neque enim minus uiuorum preces, quam eorum, qui in cælis sunt, sanctorum deprecatio, Christi mediatoris gloriam, & dignitatem imminuerent. Sed cui fidem non faciant & honoris, qui sanctis debetur, & patrociniis, quod nostri suscipiunt, mirabiles effectus res ad eorum sepulcra, & oculis, & manibus, membrisque omnibus capitis, in pristinum statum restitutis, mortuis ad uitam reuocatis, ex corporibus hominum eiectionis demoniis? quæ non audisse, ut multi, non legisse, ut plurimi grauissimi uiri, sed uidisse, testes locupletissimi sancti Ambrosius, & Augustinus litteris prodiderunt. Quid multa? si uestes, sudaria, si umbra sanctorum, prius quam e uita niigarent, depulit morbos, uiresque restituit: quis tandem negare audeat, Deum per sacros cineres, ossa, ceterasque sanctorum reliquias eadem mirabiliter efficere? Declarauit id cadauer illud, quod forte illatum in sepulcrum Helisei, eius tacto corpore, subito reuixit. Quod uero sequitur; Non facies tibi sculpsile, neque omnem similitudinem, quæ est in cælo, & quæ in terra deorsum, nec eorum, quæ sunt in aquis sub terra; Non adorabis ea, neque coles: quidam hoc alterum præceptum existimantes, duo postrema ipsa unius præcepti ui contineri uoluerunt; ut sanctus Augustinus illa extrema diuidens, hæc ipsa uerba ad primum præceptum pertinere uoluit. quam sententiam, quia in Ecclesia celebris est, libenter sequimur. Etsi in promptu ratio est illa uerissima, consentaneum fuisse, præmium, & pœnam cuiusque cum primo præcepto cōiungi. Nec uero quis existimet, omnino pingendi, fingendi, aut sculpendi artem hoc præcepto prohiberi. nam in scripturis, iussu Dei, simulacra, & imagines effectas legimus, Cherubim, serpentis ænei. superest igitur, ut imagines ob eam rem ueritas interpretemur, ne quid simulacris, quasi dijs, colēdis, de uero Dei cultu detraheretur. Duplici autē potissimum ratione, quod ad hoc præceptum attinet, Dei maiestatem uehementer lædi perspicuū est; altera, si idola, & imagines, tamquam Deus, colantur, aut credatur inesse aliqua in his diuinitas, uel uirtus, propter quā sint colendæ, uel quod ab eis sit aliquid petendum, uel quod fiducia in imaginibus sit fingenda, ueluti olim fiebat a gentibus, quæ in idolis ipsem suam collocabant, quod passim sacræ litteræ reprehendunt: altera, si quis conetur diuinitatis formam aliquo artificio effingere, quasi

*S. Ambro.
& Augusti.*

*4. Reg. 13.
Exod. 20.*

S. Augusti.

*3. Reg. 6.
Num. 21.*

corporeis oculis conspici, uel coloribus aut figuris exprimi possit, Quis enim Deum, ut inquit Damascenus, qui sub aspectum non cadit, qui corporis expers est, qui nullis terminis circumscribi, nec ulla figura describi queat, possit exprimere? quæ res in altera Nice-
Ad Rom. 1. na Synodo uberius explicatur. Præclare igitur Apostolus, eos mu-
Exod. 32. tasse Dei incorruptibilis gloriam in similitudinem uolucrum, qua-
Psal. 105. drupedum, ac serpentum, dixit. hæc enim omnia tamquam Deum
Isa. 40. uenerabantur, cum illi harum rerum imagines ponerent: quocirca
Alit. 17. Israelitæ, qui ante uituli simulacrum clamabât; hi sunt Dij tui Israel,
 qui te eduxerunt de terra Ægypti; idololatræ sunt appellati, quia
 mutarunt gloriam suam in similitudinem uituli comedētis fenum.
 Cum igitur Dominus deos alienos coli prohibuisset, ut penitus ido-
 latriam tolleret, imaginem diuinitatis ex ære duci, aut alia quauis
 materia fieri prohibuit: quod Isaïas declarans inquit: Cui similem
 fecistis Deum, aut quam imaginem ponetis ei? Atque in hoc præ-
 cepto hanc sententiam contineri, præter sanctorum Patrum scripta,
 qui eam, quemadmodum in septima Synodo expositum est, sic in-
Deuter. 4. terpretantur, illa etiam Deuteronomii uerba satis declarant, ubi
 Moses, populum auertere ab idololatria cum uellet, aiebat: Non
 uidistis aliquam similitudinem in die, qua locutus est uobis Domi-
 nus in Horeb de medio ignis. Quod sapientissimus legislator ideo
 dixit, ne quo errore ducti, diuinitatis imaginem fingerent, Deoque
 debitum honorem rei creatæ tribuerent. Nemo tamen propterea
 contra religionem, Dei que legem, quidquam committi putet,
 cum sanctissimæ Trinitatis aliqua persona quibusdam signis ex-
 primitur, quæ tam in ueteri, quam in nouo testamento apparue-
 runt. Nemo enim tam rudis est, ut illa imagine diuinitatem cre-
 dat exprimi; sed illis declarari doceat Pastor proprietates aliquas,
 aut actiones, quæ Deo tribuuntur; ueluti cum ex Daniele pin-
Daniel. 7. gitur antiquus dierum in throno sedere, ante quem libri aperti
 sunt, Dei æternitas, & infinita sapientia significatur, qua omnes
 hominum & cogitationes, & actiones, ut de iis iudicium ferat,
 intuetur. Angelis etiam, tum humana species, tum alæ affingun-
 tur; ut intelligant fideles, quam propensi sint in humanum ge-
Ad Heb. 1. nus, & tamquam parati ad ministeria Domini exequenda: om-
 nes enim administratorii spiritus sunt propter eos, qui heredita-
Matth. 3. tem capiunt salutis. Columbæ uero species, & linguæ tamquam
Mat. 1. ignis in euangelio, & Actis apostolorum, quas Spiritus sancti
Luc. 3. proprietates significant, multo notius est, quam ut oporteat plu-
Ioan. 1. ribus
Alit. 2.

ribus uerbis explicari. At uero cum Christus dominus, eiusque sanctissima, & purissima Mater, ceteriq. omnes sancti, humana præditi natura, humanam speciem gesserint, eorum imagines pingi, atque honorari, non modo hoc præcepto interdictum non fuit, sed etiam sanctum, & grati animi certissimum argumentum semper habitum est: quod & apostolicorum temporum monumenta, & æcumenicæ Synodi, & tot sanctissimorum, doctissimorumque Patrum inter se consentientium scripta confirmant. Non solum autem licet in ecclesia imagines habere, & illis honorem, & cultum adhibere, ostendet Parochus, cum honos, qui eis exhibetur, referatur ad prototypa, uerum etiam maximo fidelium bono ad hanc usque diem factum declarabit; ut ex Damasceni libro, quem de imaginibus edidit, & septima Synodo, quæ est secunda Nicæna, intelligitur. Verum quia sanctissimum quodque institutum hostis humani generis suis fraudibus, & fallacijs deprauare contendit; si quid forte populo hac in re peccatum fuerit, Parochus, Tridentini Concilii decretum secutus, quoad eius fieri poterit, studebit corrigere. ac decretum quidem ipsum, cum res tulerit, populo interpretabitur; tum rudes, & qui imaginum ipsarum institutum ignorant, docebit, imagines factas ad utriusque testamenti cognoscendam historiam, atque eius memoriam identidem renouandam: qua rerum diuinarum memoria excitati, ad colendum, atque amandum ipsum Deum uehementius inflammemur: sanctorum quoque imagines in templis positas demonstrabit, ut & colantur, & exemplo moniti, ad eorum uitam, ac mores nos ipsos confirmemus.

*Nicæ. Syn. 7.**Trid. Conc.*

EGO IVM DOMINVS DEVS TVVS, FORTIS ZELOTES, VISITANS INQVITATEM PATRV IN FILIOS IN TERTIAM, ET QVARTAM GENERATIONEM EORVM, QVI ODERVNT ME; ET FACIENS MISERICORDIAM IN MILLIA IIS, QVI DILIGVNT ME, ET CVSTODIVNT PRÆCEPTA MEA.

Duo sunt in extrema parte huius præcepti diligenter explicanda. Primum est, quod etsi ob summum scelus præuicationis primi præcepti, atque hominum ad id committendum propensionem, apte hoc loco pœna proponitur, communis tamen est omnium appendix præceptorum. Omnis enim lex ad præcepta seruanda homines pœna, & præmio inducit. Hinc illæ tam frequentes in sacris litteris, & crebræ Dei promissiones. ut enim innumerabilia pene testamenti ueteris testimonia prætermittamus, in euangelio scriptum est: Si uis ad uitam ingredi, serua mandata. Et

Matth. 19.

Matth. 7. 3.
5. 6.

alibi: Qui facit uoluntatem patris mei, qui in cælis est, ipse intrabit in regnum cælorum. tum illud: Omnis arbor, quæ non facit fructum bonum, excidetur, & in ignem mittetur. et; Omnis, qui irascitur fratri suo, reus erit iudicio. atque alibi: Si non dimiseritis hominibus, nec pater uester dimittet uobis peccata uestra. Alterum est, quod longe alia ratione perfecti; alia carnales homines hanc appendicem docendi sunt. Perfecti enim,

Rom. 8.

qui spiritu Dei aguntur, eique prompto & alacri animo parent, instar est cuiusdam lætissimi nuncii, & magnum argumentum propensæ in eos diuinæ uoluntatis. agnoscunt enim sui amantissimi Dei curâ, qui nunc præmiis, nunc pœnis ad sui cultum, & uenerationem homines prope compellat. agnoscunt eius imminens in se beneuolentiam, qui sibi imperare, suaque opera ad diuini nominis gloriam uti uelit. neque solum agnoscunt, sed magna spe sunt, illum, cum, quod uult, iubeat, etiam daturum uires, quibus legi ipsius parere possint. At carnalibus, qui nondum spiritu seruitutis liberati sunt, magisque metu pœnarum, quam amore uirtutis abstinent i peccatis, eius appendicis sensus grauis & acerbus est. Quamobrè sunt pius exhortationibus subleuandi, &, quo lex spectat, quasi manu deducendi. Parochus autem, quoties alicuius explicandi præcepti occasio inciderit, eadem hæc sibi habeat proposita. Carnalibus perinde tamen, ac spiritualibus, duo in primis quasi aculei sunt admouendi, qui ad legem obseruandam hac ipsa in appendice positi, homines maxime incitent. Nam quod Deus fortis dicitur, ideo diligentius est explicandum, quo caro sæpe, quæ terroribus diuinæ comminationis minus commouetur, uarias sibi ipsa rationes fingit, quibus iram Dei effugere, ac propositam pœnam uitare possit: cui autem certo persuasum est, Deum fortem esse, illud magni Davidis usurpat; Quo ibo a spiritu tuo, & quo a facie tua fugiam? Eadem quoque diuinis interdum diffusa promissis, tantas hostium uires esse credit, ut ad sustinendum minime parem sese esse existimet. At firma, & stabilis fides nihil titubans, cum diuina ui ac uirtute nitatur, homines contra recreat, atque confirmat: inquit enim: Dominus illuminatio mea, & salus mea, quem timebo? Alter uero aculeus, zelus ipse diuinus est. nonnumquam enim homines putant Deum humana non curare, ne illud quidem, legem ipsius seruemus, an negligamus: ex quo sequitur magna uitæ confusio. cum autem Deum zelotem credimus, eius rei meditatio facile nos in officio continet. Zelus uero, qui Deo tribuitur, nullam animi

Psal. 138.

Psal. 36.

significat

significat perturbationem, sed diuinum illum amorem, & charitatem, qua Deus nullam a se animam patitur impune fornicari. quotquot autem ab eo fornicantur, perdit. Est itaque zelus Dei, tranquillissima eius, sincerissimaque iustitia, qua anima falsis opinionibus, prauisque cupiditatibus corrupta repudiatur, & a Dei cōiugio tamquam adultera remouetur. At uero zelum hunc Dei suauissimum, ac dulcissimum experimur, cum summa eius, atque incredibilis in nos uoluntas zelo ipso demonstratur. nec enim aut amor ardentior inter homines, aut maior, arctiorque coniunctio, quam eorum qui coniugio copulati sunt, reperitur. Igitur quam nos ualde diligat, ostendit Deus, cum crebro se, uel sponso, uel marito cōparans, zelotem uocat. *Quamobrem doceat Parochus, hoc loco sic diuini cultus, atque honoris cupidos homines esse debere, ut zelantes, potius quam amantes, iure dici possint illius exemplo, qui de se ipse, Zelo, inquit, zelatus sum pro domino Deo exercituum: immo uero Christum ipsum imitentur, cuius illud est: Zelus domus tuæ comedit me. Est autem comminationis explicanda sententia, nō inuitos peccatores passurum Deum, sed eos uel tãquam parentem castigaturum, uel tãquam iudicem acriter, ac seuerè in eos animaduersurum. Quod alio in loco significas Moses, Et scies, inquit, quia dominus Deus tuus ipse est Deus fortis, & fidelis, custodiens pactũ, & misericordiam diligentibus se, & his, qui custodiunt praecepta eius, in mille generationes, & reddens odientibus se statim. & Iosue; Non poteritis, inquit, seruire Domino: Deus enim sanctus, & fortis æmulator est, nec ignoscet sceleribus uestris, atque peccatis: si dimiseritis Dominũ, & serueritis diis alienis, cōuertet se, & affliget uos, atque subuertet. Docendus autem populus est, cōminationis pœnam ad tertiam, quartamque impiorum, & facinorosorum generationem pertinere; non quod posteriores maiorum scelerum pœnas semper uant; sed licet illi, liberique eorum impune tulerint, non omnis tamen eorum posteritas iram Dei, pœnamque uitabit: quod Iosæ Regi accidit: huic enim, propter singularem pietatem, cum pepereisset Deus, dedissetque, ut in pace in sepulcrum maiorum suorum inferretur, ne uideret consequentium temporum mala, quæ propter Manassæ aui impietatem; Iudæ, & Hierusalem erant euentura, eo mortuo, posteror eius est ultio Dei consecuta, sic, ut ne filius quidem Iosæ pepercerit. Quæ autem ratione hæc legis uerba sententiæ illi, quæ est apud Prophetam, non aduersentur; Animã, quæ peccauerit, ipsa morietur; sancti Gregorii auctoritas, cum reliquis*

*3. Reg. 19.**Psal. 68.**Ioan. 2.**Deut. 7.**Ios. 24.**2 Paral. 34.**35.**4. Reg. 21.**Ezech. 18.*

S. Gregorius

omnibus antiquis Patribus consentiens, aperte ostendit: inquit enim; Quisquis prauis parentis iniquitatem imitatur, etiam ex eius delicto constringitur: quisquis autem parentis iniquitatem non imitatur, nequaquam delicto illius grauatur. unde fit, ut iniquus filius iniqui patris non solum sua, quæ addidit, sed etiam patris peccata perfoluat; cum uitis patris, quibus iratum Dominum non ignorat, etiam suam adhuc malitiam adiungere non formidat; & iustum est, ut qui sub districto iudice uias parentis iniqui non timet imitari, cogatur in uita præfenti, etiam culpas parentis iniqui perfoluere. Commemorabit deinde Parochus, quantum Dei iustitiam superet eiusdem bonitas, ac misericordia. irascitur tertiæ, quartæque generationi Deus, misericordiam uero in millia impertit. In eo autem quod dictum est; Eorum, qui oderunt me, peccati magnitudo ostenditur. Quid enim flagitiosius, ac detestabilius, quam summam ipsam bonitatem, summam ueritatem odisse? Hoc uero ad omnes peccatores iccirco pertinet, quod quemadmodum, qui habet mandata Dei, & seruat ea, Deum diligit; ita qui legem Domini contemnit, & mandata eius non seruat, Deum odisse merito dicendus est.

Exod. 20. Quod uero extremum est; Et iis, qui diligunt me, seruandæ legis modum, ac rationem docet. necesse est enim, eos, qui legem Dei seruant, eadem charitate, atque amore, quo in Deum sunt, ad eius obedientiam adduci: quæ deinceps in singulis præceptis commemorabuntur.

*Joan. 16.**Exod. 20.*

NON ASSUMES NOMEN DOMINI DEI TVI IN VANVM.

Malach. 1.

Quamquam primo diuinæ legis præcepto, quo Deum pie, sancteque colere iubemur, hoc, quod secundo loco sequitur, necessario continetur; (nam qui sibi honorem tribui uult, idem postulat, sc, ut summo uerborum honore prosequamur, prohibetque contraria; quod & illa Domini apud Malachiam uerba aperte indicant; Filius honorat patrem, & seruus dominum suum: si ergo Pater ego sum, ubi est honor meus?) Deus tamē pro rei magnitudine, hanc de suo ipsius diuino, & sanctitatis plenissimo nomine honorando, legē separatim ferre, idque nobis disertis, & perspicuis uerbis præscribere uoluit. quod sane Parocho ipsi argumento in primis esse debet, nequaquam satis fore, si hac de re generatim loquatur; sed eiusmodi locum hunc esse, in quo ipse diutius cōmorari, & quæcumque ad hanc tractationē pertinent, distince, dilucide, accurateq. apud fideles explicare necesse sit. Neq. uero nimia hæc diligētia censenda est, cū nō desint,

defint, qui adeo errorū tenebris occæcati sint, ut, queni angeli glorificent, ei maledicere nō uereantur. neque enim lege semel lata deterentur, quo minus Dei maiestātē quotidie imminuere, immo singulis pene horis, ac momētis, impudentissime audeant. Quis enim nō uideat, omnia iureiurādo affirmari? omnia imprecationibus, & execrationibus referta esse? usque adeo ut nemo fere uel uēdat aliquid, uel emat, uel negotium aliquod gerat, qui non iurisiurandi religionem interponat, Deique sanctissimum nomen millies, uel in re leuissima, & inani, temere non usurpet? quo maior Parocho cura & diligentia adhibenda est, ut sæpe fideles admoneat, quam graue hoc scelus sit, & detestabile. Iam uero, in huius præcepti explicatione id primum constet, cum eo, quod lex fieri prohibet, earum etiam rerum præceptionem cōiunctam esse, quas præstare homines debent. utrumque autem separatim docendum est. Primum quidem, ut ea, quæ tradenda sunt, facilius exponātur, quid iubeat lex, mox etiam quid ueter. nam quæ imperat, illa sunt, nomen Dei esse honorandum, ac per illud sancte iurandum. hæc rursus, quæ prohibet: Nemo diuinum nomen contemnat, nemo illud in uanum assumat, neue per ipsum aut falso, aut frustra, aut temere iuret. In ea itaque parte, qua iubemur diuino nomini honorem tribuere, Parocho fidelibus præcipiat, Dei nomen, ipsius inquam litteras, & syllabas, aut omnino per se nudum uerbum tantummodo attendendū non esse: sed in eam cogitationem ueniendum, quid ualeat illa uox, quæ omnipotentem, ac sempiternam maiestatem unius, & trini numinis significat. Ex his autem facile colligitur, inanem esse nonnullorum ludæorum superstitionem, qui, quod scriberent Dei nomen, pronunciare nō auderent, quasi in quattuor illis litteris, non in re, diuina uis esset. Sed quamuis singulari numero prolatum sit; Non assumes nomen Dei; id nō de uno aliquo nomine, sed de omnibus, quæ Deo tribui solent, intelligendum est. multa enim Deo imposita sunt nomina, ut domini, omnipotentis, domini exercituum, regis regum, fortis, & alia id genus, quæ in scripturis leguntur, quæ parem, eandemq. uenerationem habent omnia. Deinde docendū est, quo modo diuino nomini debitus honor adhibeatur: neque enim Christiano populo, cuius ore Dei laudes assidue celebrandæ sunt, rem utilissimam, & pernecessariam ad salutem, ignorare fas est.

Quamuis autem multiplex sit ratio laudandi diuini nominis, *Deus quibus modis laudatus.* tamen in ijs, de quibus deinceps hic dicetur, uis, & pōdus omnium uidetur esse. Primum igitur laudatur Deus, cum in omnium cōspectu

Deum, ac dominum nostrum fidenter confitemur, Christumque salutis nostræ auctorem quemadmodū agnoscimus, ita etiam prædicamus. Itemque cum uerbo Dei, quo uoluntas eius enunciat, sancte, & diligenter operamur; in eius meditatione assidue uersamur; studiose illud addiscimus, aut legendo, aut audiendo, perinde ut cuiusque personæ & muneri aptum, & consentaneum est.

- Deinde diuinum nomen ueneramur, & colimus, cum officii, & religionis causa diuinas laudes celebramus, ac de omnibus rebus tum prosperis, tum aduersis illi singulares gratias agimus: inquit enim *Psal. 102.* Propheta: Benedic anima mea Domino, & noli obliuisci omnes retributiones eius. Extantque plurimi David psalmi, quibus egregia quadam erga Deum pietate illius diuinas laudes suauissime decantat. Extat admirabile illud patientiæ exemplum Iob; qui cum in maximas illas, horribilesque calamitates incidisset, Deum tamen excelsi, & inuicti animo laudare numquam intermisit. Nos itaque cum animi, corporisque doloribus cruciamur, cum miseriis, & ærumnis torquemur, statim ad Deum laudandum omne studium, & animi nostri uires conuertamus, illud Iob dicentes; Sit nomen Domini benedictum. Neque uero minus Dei nomen honoratur, si fidenter opem eius imploramus, quo scilicet aut nos ab illis liberet, aut ad eadem fortiter perferenda constantiam, & robur largiatur. hoc enim fieri uult Dominus: Inuoca, inquit, me in die tribulationis, & eruam te, & honorificabis me. cuius implorationis cum multis aliis in locis, tum præcipue in psalmis, 16. 43. & 118. illustria reperiuntur exempla. Præterea, Dei nomen honore prosequimur, cum fidei faciendæ causa testamur Deum: qui modus a superioribus ualde differt. Nam quæ supra enumerauimus, ita suapte natura bona sunt, atque expetenda, ut nihil beatius, nihil homini optabilius possit esse, quam si in illis sedulo exequendis se ipsum dies, noctesque exerceat. *Psal. 33.* Benedicam, inquit David, Dominum in omni tempore: semper laus eius in ore meo. At, iusiurandum licet bonum sit, eius tamen frequens usus minime est laudabilis. Huius autem discriminis ratio in eo posita est, quod iusiurandum ea tantum de causa institutum est, ut esset tamquam remedium quoddam humanæ imbecillitatis, & ad probandum, quod dicimus, necessarium instrumentum. Ut enim corpori medicamenta adhibere non expedit, nisi necesse sit; eorundem uero frequentatio perniciofa omnino est: ita etiam, nisi cum grauis & iusta causa subest, iureiurando uti non est salutare: quod si sæpius adhibeatur, tantum abest, ut profit, ut magnum detrimen-

detrimētum afferat: Quamobrem præclare docet S. Chrysostomus, *D. Chrysost.* non nascente, sed iam adulto mundo, cum mala longe lateque propagata uniuersum terrarum orbem occupassent, nihilque suo loco & ordine cōsisteret, sed perturbata & permixta omnia, sursum, deorsum, magna rerum confusione fetrentur, &, quod malorum omnium grauissimum est, mortales fere omnes in frædam idolorum seruitutem se ipsos abieciissent; tum denique longo sane interuallo iusiurandum in hominum consuetudinem irreplisse. nam cum in tanta hominum perfidia, & iniquitate nemo facile ad credendum adduceretur, Deum testem inuocabant.

Verum cum in hac præcepti parte præcipua sit illa ratio docendi fideles, quo modo iusiurandum pie, sancteque adhibere debeant; primum dicendum est, *IURARE* nihil aliud esse, nisi Deum testari, quæcumque id uerborum forma, & conceptione fiat. nam &, Testis est mihi Deus, &, Per Deum, idem sunt. Est etiam illud iusiurandum, cum ad faciendam fidem per res creatas iuramus, ut, per sacra Dei Euangelia, per Crucem, per sanctorum reliquias, & nomen, & cetera id genus. neque enim hæc ipsa per se iureiurando auctoritatem, aut robur aliquod afferunt, sed Deus ipse hoc præstat, cuius diuinæ maiestatis splendor illis in rebus elucescit. ex quo sequitur, ut per euangelium iurantes, per Deum ipsum iurent, cuius ueritas euangelio continetur, & declaratur. similiter & per sanctos, qui templa Dei sunt, quique euangelicæ ueritati crediderunt, eamque omni obseruantia coluerunt, & per gentes, & nationes latissime disseminarunt. Eadem ratio est illius iurisiurandi, quod per execrationem profertur: quale est illud sancti Pauli; Ego testem Deum inuoco in animam meam. etenim hoc pacto aliquis Dei iudicio tãquam mendacij ultori subiicitur. Neque propterea negamus nonnullas ex hisce formulis ita accipi posse, quasi iurisiurandi uim nō habeant: sed tamen utile est, quæ de iureiurando dicta sunt, in his etiam seruare, atque ad eandem prorsus normam & regulam dirigere. Duo autem sunt iuradi genera, primum quidem, quod assertorium appellatur, nimirum cum aliquid de re præsentī, aut præterita religiose affirmamus, ut Apostolus in epistola ad Galatas; Ecce coram Deo, quia nō mentior. Alterum uero promissorium dicitur, ad quod etiam comminationes referuntur, futurum tempus spectans, cum aliquid ita fore pro certo pollicemur, & confirmamus: cuiusmodi est illud Dauidis, qui Bersabæ coniugi iurans per dominum Deum suum, promisit Salomonem, eius filium, regni heredem fore, atque in ipsius locum

*IURARE
quid importet apud scri-
pturas.*

2. ad Cor. 1.

Ad Gal. 1.

3. Reg. 1.

S. Hieron.
Hierem. 4.



Psal. 14.

locum successurum. Verumenimvero licet ad iusiurandum satis sit, Deum testem adhibere; tamen, ut rectum, sanctumque sit, multo plura requiruntur, quæ sunt diligenter explicanda. ea uero breuiter, teste D. Hieronymo, Hieremias enumerat, dum inquit: Iurabis, uiuit Dominus in ueritate, & in iudicio, & in iustitia. Quibus sane uerbis illa breuiter summamque complexus est, quibus omnis iurisiurandi perfectio continetur, ueritatem, inquam, iudicium, & iustitiam. Primum itaque in iureiurando locum ueritas habet, nimirum ut, quod asseritur, & ipsum uerum sit, &, qui iurat, id ita esse arbitretur, non quidem temere, aut leui coniectura adductus, sed certissimis argumentis. Alterum uero iurisiurandi genus, quo aliquid promittimus, eodem plane modo ueritatē requirit. nam qui aliquid pollicetur, ita animatus esse debet, ut, cum tempus adueniat, id re ipsa præstet, & promissum exoluat. neque enim uir probus id umquam se facturum recipiet, quod sanctissimis Dei præceptis, & uoluntati aduersari putet, sed, quidquid promittere, & iurare licuerit, id semel promissum numquam mutabit; nisi fortasse, commutata rerum cōdicionē, tale esse inceperit; ut iam, si fidem seruare & promissis stare uelit, Dei odium & offensionē subiret. Veritatem autem iureiurando necessariam esse, Dauid quoque indicat illis uerbis: Qui iurat proximo suo, & non decipit. Sequitur secundo loco iudicium: neque enim iusiurandum temere, & inconsiderate, sed consulto, & cogitato adhiberi debet. Itaque iuraturus, primum quidem consideret, utrum necessitate cogatur, nec ne; remque totam accurate expendat, an eiusmodi sit, ut iureiurando indigere uideatur. Tempus præterea spectet, locū attendat, aliaque per multa, quæ rebus adiuncta sunt, circumspiciat: non odio, non amore, aut animi perturbatione aliqua impellatur, sed ipsius rei uis, & necessitate. Etenim, nisi hæc consideratio, & diligēs animaduersio antecesserit, sane iusiurandum præceps, & temerarium erit: cuiusmodi est illorū irreligiosa affirmatio, qui in re leuissima, & inani, nulla ratione, aut consilio, sed praua quadā consuetudine iurant. id uero passim quotidie a uenditoribus, & emptoribus fieri uidemus. nam illi, ut quā plurimo uédant: hi rursus, ut quā minime emanant, res uenales uel laudare, uel uituperare iureiurando non dubitant. Cum itaque iudicio, & prudentia opus sit; pueri uero ita acute perspicere, ac distinguere nondum per ætatem possint: ideo constitutum est a S. Cornelio Pont. ne a pueris ante pubertatem, hoc est, ante. xiii. annū iusiurandum exigatur. Reliqua est iustitia, quæ maxime in promissis requiritur

requiritur. quare si quis iniustum aliquid & inhonestum promittit, & iurando peccat, & promissis faciendis scelus scelere cumulat. extat huius rei in euangelio exemplum Herodis regis; qui temerario iureiurando obstrictus, puellæ saltatrici caput Ioannis Baptistæ, tãquam saltationis præmium, dedit. tale enim fuit Iudæorũ iusiurandum, qui se ipsos, ut est in Actis apostolorum, ea condicione deuouerunt, nihil gustaturos, donec Paulum occidissent. His ita explicatis, nulla plane dubitatio relinquitur, quin illi tuto iurare liceat, qui hæc omnia seruauerit, quique hisce condicionibus, tamquam præfidiis quibusdam, iusiurandum munierit. sed & multis argumentis id probare facile est. nam lex Domini, quæ immaculata est, & illi soli seruiens: ac per nomen illius iurabis: & a Dauidẽ scriptum est; Laudabuntur omnes, qui iurant in eo. præterea sacræ literæ indicat, ipsa Ecclesiæ lumina, sanctissimos apostolos, iureiurando nonnumquam usos esse: idque ex Apostoli epistolis apparet. adde, quod & angeli ipsi interdum iurant. nam a sancto Ioanne euangelista in Apocalipsi scriptum est, angelum iurasse per uiuentem in sæcula. quin etiam & Deus ipse iurat; angelorum dominus: & in ueteri testamento multis in locis Deus promissiones suas iureiurando confirmat, ut Abraham, & Dauidi, qui illud de Dei ipse iurando protulit; Iurauit, inquit, Dominus, & non pænitebit eum: tu es sacerdos in æternum secundum ordinem Melchisedech. Neque uero obsecura est ratio ad explicandum, cur iusiurandum laudabile sit, si quis attentius totam rem consideret, & ipsius ortum, finemque intueatur. Etenim iusiurandum a fide originem ducit, qua homines credunt Deum totius ueritatis esse auctorem, qui nec decipi umquam possit, nec alios decipere: cuius oculis nuda sunt omnia, & aperta, qui denique uniuersis rebus humanis admirabili prouidentia consulit, mundumque administrat. Hac igitur fide homines imbuti, Deum ueritatis testem adhibent, cui fidem non habere, impium, ac nefarium erit. Quod uero ad finem attinet, eo tendit iusiurandum, atque id omnino spectat, ut hominis iustitiam, & innocentiam probet, finemque litibus, & controuersis imponat. quod etiam Apostolus in epistola ad Hebræos docet. neque huic sententiæ uerba illa Saluatoris nostri apud sanctum. Matthæum repugnant: Audistis, quia dictum est antiquis; Non periurabis: reddes autem Domino iuramenta tua. Ego autem dico uobis, non iurare omnino, neque per cælum, quia thronus Dei est; neque per terram, quia scabellum pedum

*Mar. 6.**Act. 23.**Psal. 119.**Deuter. 6. x.**Psal. 62.**Apoc. 10.**Ad Hebr. 6.**Gen. 22.**Exod. 33.**Psal. 109.**Ad Hebr. 4.**Ad Hebr. 6.**Matth. 5.*

pedum eius; neque per Hierosolymam, quia ciuitas est magni regis; neque per caput tuum iuraueris: quia non potes unum capillum album facere, aut nigrum. sit autem sermo uester, est, est: non, non: quod autem his abundantius est, a malo est. His enim uerbis iusiurandum generatim, uniuersaque damnari, non est dicendum, cum iam supra uiderimus dominum ipsum, apostolosque frequenter iurasse; sed peruersum Iudæorum iudicium redarguere Dominus uoluit, quo sibi in animum induxerant, nihil in iureiurando cauendum esse, præter mendacium. itaque de rebus leuissimis, & nullius momenti, & ipsi iurabant sæpissime, & ab aliis iusiurandum exigebant. Hunc morem Saluator reprehendit, atque improbat, docetque omnino a iureiurando abstinendum esse, nisi id flagitet necessitas. nam propter humanam imbecillitatem iusiurandum institutum est; & reuera a malo prouenit: quandoquidem aut iurantis inconstantiam indicat, aut illius, cuius causa iuramus, contumaciam; qui, ut credat, aliter adduci non potest. Sed tamen iurandi necessitas excusationem habet. Et quidem, dum inquit Saluator: Sit sermo uester, est, est: non, non: hac loquendi formula satis declarat, se iurandi consuetudinem in colloquiis familiarium, & leuium rerum prohibere. quamobrem illud præcipue a Domino admonemur, ne faciles nimium & propensi ad iurandum simus. idque sedulo docendum erit, & fidelium auribus inculcandum: infinita enim fere mala ex nimia iurandi consuetudine emanare, & sacrarum litterarum auctoritate, & sanctissimorum Patrum testimoniis comprobatur. In Ecclesiastico scriptum est: Iurationi nõ assuescat os tuum: multi enim casus in illa. Item; Vir multum iurans, implebitur iniquitate, & non discedet a domo illius plaga. Plura hac de re legi possunt apud sanctos Basilium & Augustinum in libris contra mendacium. Et hæcenus de iussis, nunc de uetitis dicatur.

*Quando, & sub quibus
pomis iurare
prohibitum.*

Vetatur diuinum nomen in uanum assumere: apparet enim, eum graui peccato se obstringere, qui non consilio, sed temeritate ad iurandum fertur. Grauius autem delictum hoc esse, illa etiam uerba declarant; Non assumes nomē Dei tui in uanum. quasi rationem afferret, cur hoc facinus scelestum adeo, ac nefarium sit, ni mirum propterea quod eius maiestas minuitur, quem nos Deum & dominum nostrum esse profiteamur. Hoc igitur præcepto prohibetur, ne homines falsum iurent. nam qui a tanto scelere non refugit, ut Deum falso testetur, hic in signem Deo iniuriam facit, quippe qui aut illi inscitæ notā inurit, dum ipsum alicuius rei ueritatem latere arbitrat,

arbitratur, aut certe improbitatis, & pravi affectus, qui mendacium testimonio uelit confirmare. Iurat autem falso non is solum, qui, quod falsum scit, uetum esse iurando affirmat: sed ille etiam, qui iureiurando id asserit, quod cum uerum sit, tamen ipse falsum putat. nam cum mendacium ea re mendacium sit, quod contra mentem, & animi sententiam profertur; perspicuum est, hunc plane mentiri & periurum esse. Simili quoque ratione peietat, qui id iurat, quod uerum existimat, & tamen te uera falsum est; nisi, quantum potuit, curam, & diligentiam adhibuerit, ut totam rem compertam, atque exploratam haberet. quamuis enim ipsius oratio menti consentiat, tamen huius præcepti reus est. Eiusdem uero peccati reus censendus est, qui se aliquid iureiurando facturum promittit, cum tamen aut promissum implete in animo non fuerit, aut, si fuit, quod promissit, res ipsa non præstat: quod etiam ad eos pertinet, qui cum se uoti sponsione Deo obligarunt, non præstant. Præterea in hoc præceptum peccatur, si desit iustitia, quæ ex tribus iurandi comitibus una est. Itaque si quis iuret se peccatum aliquod mortiferum commissurum, exempli causa, eadem hominis, huius præcepti reus est, licet ille serio, atque ex animo dicat, & iusiurandum ueritatem habeat, quam primo loco requiri declarauimus. His adiungi debent illa iurandi genera, quæ a contemptu quodam proficiscuntur, cum quis iurat se non obtemperaturum euangelicis consilijs: cuiusmodi sunt, quæ ad celibatum, & paupertatem hortantur, quamuis enim nemo ea necessario sequi debeat: si quis tamen iuret, nolle se illis parere consilijs, is eo iureiurando diuina consilia contemnit, & uiolat. Præterea, hanc legem is uiolat, & iudicio peccat, qui, quod uerum est, iurat, idque ita se habere existimat, lenibus quibusdam coniecturis adductus, & longe petitis. nam etsi huiusmodi iusiurandum ueritas comitatur, subest tamen aliquo modo falsum: nam qui sic negligenter iurat, in magno peierandi periculo uersatur. Falso præterea iurat, qui per falsos deos iurat: quid enim est a ueritate alienius, quam mendaces & fictitios deos, tamquam uerum Deum, testari? Verum quoniam scriptura, cum periurium interdixit, inquit: Nec pollues nomen Dei tui: neglectio prohibetur, quæ fugienda est in reliquis, quibus ex huius præcepti auctoritate honor debetur: quale est uerbum Dei, cuius maiestatem non solum pii, sed interdum etiam impii reuerentur, ut in Iudicum historia de Eglon Moabitarum Rege memorie traditum est. Dei autem uerbum summa iniuria afficit,

*Leuit. 19.**Iud. 3.*

Y quicumq.

- quicumque sacram scripturam a recta, & germana eius sententia ad impiorum dogmata, & hæreses flectit. cuius sceleris admonet nos
1. Pet. 3. Princeps apostolorum uerbis illis: Sūt quædam difficilia intellectu, quæ indocti, & instabiles deprauant, sicut & ceteras scripturas, ad suam ipsorum perditionem. Præterea fœdis, & inhonestis maculis sacra scriptura contaminatur, cum eius uerba, & sententiæ, quæ omni ueneratione colenda sunt, ad profana quæque nefarii homines torquent, ad scurrilia scilicet, fabulosa, uana, assentationes, detractiones, sortes, libellos famulos, & si qua sunt alia id genus: in quod
- Trident. Syn. peccatum sacra Tridentina Synodus animaduerti iubet. deinde ut ij
Sess. 4. Deum honorant, qui eius opem atque auxiliū in suis calamitatibus implorant: ita debitum Deo honorem is negat, qui illius subsidium
- Psal. 13. 53. non inuocat: quos redarguit Dauid, cum inquit: Deum non inuocauerunt; illic trepidauerunt timore, ubi non erat timor. At uero longe magis detestabili scelere se ipsos adstringunt, qui sacrosanctū Dei nomen, ab omnibus creaturis benedicendum, & summis laudibus extollendum, aut etiam sanctorum nomen cum Deo regnantium impuro, & contaminato ore blasphemare, atque execrari audent. quod quidem peccatum usqueadeo atrox, atque immane est, ut interdum sacræ litteræ, si de blasphemia sermo incidat, benedictionis nomine utantur. Quoniam uero pœnæ, & supplicii terror peccandi licentiam uehementer coercere solet; iccirco Parochus, ut hominum animos magis permoueat, atque ad hoc præceptum seruandum facilius impellat, alteram illius partem, & quasi appendicē diligenter explicabit. nec enim habebit infontem Dominus cum, qui assumpserit nomen domini Dei sui frustra. Ac primum quidem doceat, summa ratione factum esse, ut huic præcepto minæ adiungerentur: quo quidem & peccati grauitas, & in nos Dei benignitas agnoscitur: qui cum hominum perditione nō delectetur, ne ipsius iram, & offensionē subeamus, hisce salutaribus minis nos deterret, nimirum ut illum beneuolum potius, quam iratum experiamur. Urgeat hunc locum Pastor, instetque summo studio, ut populus scelestis grauitatem agnoscat, & illud detestetur uehementius, & in eo euitando maiorem diligentiam, & cautionē adhibeat. Ostēdat præterea, quanta sit hominum procliuitas ad hoc peccatum committendum; ut non satis fuerit legem ferre, nisi etiam minæ adderentur. Incredible enim est, quantum hæc cogitatio utilitatis habeat. nam ut nihil æque nocet, atque incauta quædam animi securitas: ita propriæ imbecil-

imbecillitatis cognitio plurimū prodest. Tum illud etiam declare, nullum a Deo certum supplicium constitutum fuisse, sed tantum uniuersē minari, quicumque se hoc scelere adstrinxerit, non impune laturum. quapropter diuersa supplicia, quibus quotidie affligimur, huius peccati admonere nos debent. hinc enim facile licet conijcere, homines ea re in maximas calamitates incidere, quod huic præcepto: non obtemperent quibus sibi propositis, cautiore eos in posterum fore uerisimile est. Fideles itaque, sancto timore perterriti, omni studio peccatum hoc fugiant. nam si omnis uerbi otiosi in extremo iudicio reddenda ratio est: quid de grauissimis sceleribus dicendum, quæ magnam diuini nominis despicientiam præferunt?

Matth. 19.

MEMENTO, VT DIEM SABBATHI SANCTIFICES.

SEX DIERVS OPERABERIS, ET FACIES OMNIA OPERA TVA.

SEPTIMA AVTEM DIE SABBATHVM DOMINI DEI TVI EST.

NON FACIES OMNE OPVS IN EO TV, ET FILIVS TVVS, ET FILIA TVA, ET SERVVS TVVS, ET ANCELLA TVA, IUMENTVM TVVM, ET ADVENA, QUI EST INTRA PORTAS TVAS. SEX ENIM DIERVS FECIT DOMINVS CAELVM, ET TERRAM, MARE, ET OMNIA, QVAS IN EIS SVNT, ET REQVIEVIT IN DIE SEPTIMO, ICCIRCO BENEDIXIT DOMINVS DIEI SABBATHI, ET SANCTIFICAVIT EVM.

Hoc legis præcepto externus ille cultus, qui Deo a nobis debetur, recte, atque ordine præscribitur: est enim hic ueluti quidam prioris præcepti fructus: quoniam quem intimis sensibus pie colimus, fide, & spe adducti, quam in eo positam habemus, non possumus eum non externo cultu uenerari, eidemque gratias agere. Et quoniam hæc ab ijs, qui humanarum rerum occupationibus detinentur, non facile præstari possunt; certum tempus statutum est, quo ea commode effici queant. Itaque cum hoc præceptum eiusmodi sit, ut fructum, utilitatemque admirabilem afferat; maxime interest, Parochi summam in eo explicando diligentiam adhiberi, ad eius autem inflammandum studium magnam uim habere primum illud præcepti uerbum, Memento. nam quemadmodum fideles tale præceptum meminisse debent: sic Pastoris est, in eorum memoriam illud & monendo, & docendo sæpe redigere. Quantum uero fidelium referat, hoc præceptum colere,

21000000

Y 2 exco

ex eo percipitur, quod eo diligenter colendo, ad reliqua legis iussa seruanda facilius adducentur. Cum enim inter cetera, quæ diebus festis præstare debent, necesse habeant, uerbi Dei audiendi causa, ad ecclesiam conuenire; cum edocti fuerint diuinas iustificationes, illud etiam consequentur, ut ex toto corde custodiant legem Domini. quamobrem sæpissime sabbathi celebritas, cultusque præcipitur in sacris litteris, ut in Exodo, Leuitico, Deuteronomio, apud Isaiam, Hieremiam item, & Ezechielem prophetas uidere licet: quibus omnibus in locis hoc de sabbathi cultu traditum est præceptum. Monendi uero, & hortandi sunt Principes, & magistratus, ut in iis maxime, quæ ad hunc cultum Dei retinendum, atque augendum pertinent, ecclesiæ Præsides auctoritate sua iuuent, iubeantque populum, sacerdotum præceptis obtemperare. Quod autem ad huius præcepti explanationem attinet, danda opera est, ut fideles doceantur, quibus rebus hoc præceptum cum ceteris conueniat, quibusue differat ab eis. hoc enim pacto causam ille, rationemque cognoscet, quare non sabbathum, sed diem Dominicum colamus, sanctumque habeamus. Certa igitur illa differentia uidetur, quod reliqua Decalogi præcepta naturalia sunt, & perpetua, neque mutari ulla ratione possunt. quò factum est, ut, quamuis lex Moïsi abrogata sit, omnia tamen præcepta, quæ duabus tabulis continentur, populus Christianus seruet: quod ideo fit, non quia Moïses ita iusserit, sed quod naturæ conueniunt; cuius uero homines ad illa seruanda impelluntur. Hoc autem de sabbathi cultu præceptum, si statutum tempus spectatur, non fixum, & constans est, sed mutabile; neque ad mores, sed ad cærimonias pertinet; neque naturale; quoniam non a natura ad id docti, aut instituti sumus, ut illo die potius, quam alio externum cultum Deo tribuamus: sed ex eo tempore quo populus Israeliticus a Pharaonis est seruitute liberatus, diem sabbathi coluit. Tempus autem, quo sabbathi cultus tollendus erat, illud idem est, quo ceteri Hebraici cultus, cærimoniarumque antiquandæ erant, morte scilicet Christi. nam cum illæ cærimoniarum sint quasi adumbratæ imagines lucis, & ueritatis, illud utique necesse erat, ut lucis ac ueritatis, quæ Iesus Christus est, aduentu remoueretur. quæ de re sanctus Paulus ad Galatas ita scripsit, cum Moïsaici ritus cultores reprehenderet; Dies obseruatis, & menses, & tempora, & annos: timeo uos, ne forte sine causa laborauerim in uobis. In quam etiam sententiâ scripsit ad Colossenses. Et hæc de differentia,

Conuenis

Exod. 16.
30. 31.
Leuit. 16.
19. 23. 26.
Deuter. 5.
Hierem. 17.
Ezech. 10.
22. 23. 46.
Isa. 56. 58.
66.

Ad Gal. 4.

Ad Colos. 2.

Conuenit autem hoc præceptum cum reliquis, non ritu, & cærimoniis, sed quia aliquid habet, quod ad mores naturæque ius attineat. nam Dei cultus, ac religio, quæ hoc præcepto exprimitur, a naturæ iure existit; cum illud natura comparatum sit, ut aliquot horas in iis, quæ ad Dei cultum pertinent, uersetur. cuius rei argumento est, quod apud omnes nationes, statas quasdam ferias, easque publicas fuisse cernimus, quæ sacris rebus, ac diuinis obeundis erant consecratæ. est enim naturale homini, ut is certum quoddam tempus necessariis rerum functionibus det, ueluti corporis quieti, somno, & aliis eiusmodi rebus. & quemadmodum corpori, ita eadem naturæ ratione factum est, ut menti aliquid etiam temporis concederet, quo in Dei contemplatione sese reficeret. atque ita cum aliqua temporis pars esse debeat, quo res diuinæ coluntur, cultusque Deo debitus tribuatur, hoc sane ad morum præcepta pertinet. quam ob causam apostoli ex illis septem diebus eum, qui primus est, ad diuinum cultum consecrare statuerunt, quem Dominicum diem dixere. nam & sanctus Ioannes in Apocalypsi, Dominici diei meminit: & Apostolus per unâ sabbathi, quæ est dies Dominicus, ut sanctus Chrysostomus interpretatur, collectas fieri iubet: ut intelligamus, iam tum in Ecclesia diem Dominicum sanctum habitum esse. Iam uero, ut sciant fideles, quid eo die agere, a quibus ueractionibus abstinere debeant; non alienum est, ut Parochus totum præceptum, quod in quattuor partes recte distribui potest, ad uerbum diligenter interpretetur. Itaque primum generatim proponat, quid iis uerbis præscribatur, **MEMENTO, VT DIEM SABBATHI SANCTIFICES.** ob eam uero causam initio præcepti uerbum illud, **Memento**, apposite additum est, quod huius diei cultus ad cærimonias pertineat. Qua de re populus admonendus esse uidebatur, cum naturæ lex, etsi aliquo tempore Deum religionis ritu colendum esse doceat, hoc tamen, quo potissimum die fieri deberet, non præscripsit. Præterea fideles docendi sunt, ex iis uerbis modum & rationem colligi posse, qua in tota hebdomada opus facere cōueniat, ita scilicet, ut diē festum semper spectemus. quo die cum actionum, & operum nostrorum Deo quasi reddēda ratio sit, eiusmodi opera efficiamus, necesse est, quæ neque Dei iudicio repudientur, neque nobis, ut scriptum est, in singulum sint, & in serupulū cordis. Postremo id docemur, quod certe animaduerrere debemus, nō de futuras scilicet occasiones, quamobré nos huius præcepti capiat obliuio, uel aliorū, qui illud negligunt, exēplo adductos,

Apoc. 1.

1. Cor. 16.

1. Reg. 35.

uel spectaculorum, ludorumque studio; quibus plerumque ab huius diei sancto, religiosoque cultu abducimur. Sed iam ad id ueniamus, quod sabbathi significatione demonstratur. Sabbathum, hebraicum nomen, si latine interpretaris, cessatio dicitur. sabbathizare propterea cessare, & requiescere latino uocabulo appellatur. qua significatione factum est, ut sabbathi nomine dies septimus diceretur, quo-

- Gen. 2.* niam, absoluta, perfectaque mundi uniuersitate, Deus ab omni opere, quod fecerat, requieuit: ita hunc diem in Exodo Dominus uocat.
- Exod. 20.* Postea uero non solum septimus hic dies, sed ob eius dignitatem ipsam etiam hebdomada eo nomine appellata est. in quem sensum pharissaeus apud sanctum Lucam dixit: Ieiuno bis in sabbato. Atque hoc quidem de sabbathi significatione. Sanctificatio autem sabbathi sacris in litteris cessatio est, quae fit a corporis laboribus, & a negotiis; ut aperte ostendunt haec, quae sequuntur, praecepti uerba, *NON OPERABERIS*. neque uero id solum significat, (aliter enim satis fuisset dicere in Deuteronomio: *Observa diem sabbathi*) sed cum in eodem loco addatur, *UT SANCTIFICES EUM*, hoc uerbo ostenditur, sabbathi diem religiosum esse, diuinisque actionibus, & sanctis rerum officiis consecratum. Itaque diem sabbathi tum plene & perfecte celebramus, cum pietatis & religionis officia Deo praestamus: hocque plane sabbathum est, quod Isaias delicatum appellat: quoniam festi dies sunt ueluti deliciae Domini, & piorum hominum. Quare si religioso huic sanctoque sabbathi cultui, misericordiae adiunguntur opera, certe maxima sunt, & multa praemia, quae eodem capite nobis proponuntur. Itaque uerus ac proprius huius praecepti sensus consistat, ut homo & animo, & corpore in eam curam incumbat, ut statuto aliquo tempore, a negotiis, corporisque laboribus feriatum, Deum pie colat, ac ueneretur. Altera uero praecepti parte demonstratur, diem septimum Dei cultui diuinitus dicatum esse: nam ita scriptum est: *SEX DIEBUS OPERABERIS, ET FACIES OMNIA OPERA TUA SEPTIMO AUTEM DIE SABBATHUM DOMINI DEI TUI EST*; quae uerba ad eam sententiam referuntur, ut sabbathum Domino consecratum interpretemur, ei que eo die religionis officia tribuamus, septimumque diem intelligamus signum esse quietis Domini. Hic uero dies diuino cultui dicatus est: quia rudi populo minus expediebat habere eam facultatem temporis arbitrari suo deligendi, ne forte Aegyptiorum sacra imitaretur. Itaque ex septem diebus, ultimus ad Deum colendum delectus est: quae quidem res plena mysterii est. Quare Dominus in Exodo, & apud Ezechielem signum uocat: Videte itaque, ille inquit,

inquit, ut sabbathum meum custodiatis: quia signum est inter me & uos in generationibus uestris, ut sciatis quia ego Dominus, qui sanctifico uos. Itaque signum fuit, quod indicabat homines Deo se dedicare oportere, sanctosque eidem præbere, cum diem etiam uideamus ei dicatum esse: siquidem ille dies sanctus est, quod tum præcipue sanctitatem & religionem homines colere debeant. Deinde signum est, & quasi monumentum conditæ huius admirandæ uniuersitatis: Signum præterea fuit Israelitarum memorie traditum, quo admoniti, se Dei auxilio a durissimo Aegyptiacæ seruitutis iugo solutos ac liberatos esse meminissent: id quod Dominus ostendit illis uerbis: Memento, quod & ipse serueris in Aegypto, & eduxerit te inde dominus Deus tuus: in manu forti, & brachio extenso: ideo præcepit tibi, ut obseruares diem sabbathi. Est signum item tum spiritualis, tum cælestis sabbati. Spirituale autem sabbatum in sancta quadam & mystica quiete consistit, nimirum, cum uetus homo Christo consepultus, ad uitam renouatur, atque in iis actionibus, quæ Christianæ pietati conueniunt, studiose se exerceat. debet enim, qui aliquando erant tenebræ, nunc autem lux in Domino sunt, ut filii lucis ambulare in omni bonitate, iustitia, & ueritate, neque communicare operibus infructuosis tenebrarum. Cæleste uero sabbatum est, (ut ait D. Cyrillus, eum locum Apostoli tractans: Relinquitur ergo sabbathismus populo Dei;) illa uita, in qua omnibus bonis cum Christo uiuentes fruamur, peccato radicitus extirpato; secundum illud: Non erit tibi leo, nec praua bestia illuc ascendet, sed erit tibi uia paræ, & uia sancta uocabitur: omnia enim bona in uisione Dei mens factorum adipiscitur. Quare fideles hortandi erunt his uerbis, & a Pastore incitandi: Festinemus ingredi in illam requiem. Præter diem septimum habebat populus Iudæus alios etiam festos, & sacros dies diuina lege constitutos; quibus maximorum beneficiorum memoria renouaretur. Placuit autem Ecclesiæ Dei, ut diu sabbathi cultus, & celebritas in Dominicum transferretur diem. nam ut eo die primum lux orbi terrarum illuxit: sic Redemptoris nostri, qui ad uitam æternam nobis aditum patefecit, resurrectione, quæ eo die fuit, e tenebris ad lucem uita nostra reuocata est: unde & Dominicum diem Apostoli dici uoluerunt. Solemnem præterea hunc diem esse in sacris litteris animaduertimus; quod eo die mundi creatio initium habuit, quod spiritus sanctus apostolis datus sit. Alios autem dies festos ab Ecclesiæ initio, & consequentibus deinde temporibus apostoli, & sancti Patres nostri instituerunt, ut pie & sancte Dei beneficiorum

*Exod. 31.**Deuter. 5.**Ad Eph. 5.**S. Cyrillus.**Isa. 35.**Ad Heb. 4.*

ciorum memoriam coleremus. Inter eos autem celeberrimi habentur illi dies, qui ob redemptionis nostræ mysteria religioni cōsecrati sunt, deinde qui sanctissimæ Virgini matri, tum uero apostolis, ac martyribus, ceterisque sanctis cum Christo regnantibus dicantur: in quorum uictoria Dei bonitas & potētia laudatur, ipsis debiti honores tribuuntur, atque ad eorum imitationem fidelis populus incitatur. Et quoniam ad hoc præceptum seruādum, magnam uim ea ipsius pars habet, quæ illis uerbis expressa est; Sex diebus operaberis; septimus autē dies sabbathum Dei est: Parochus debet illā partem diligenter explicare. Etenim ex his uerbis colligi potest, fideles hortandos esse, ne otiosi & delides uitam traducant: sed potius apostolicæ uocis memores, negotium suum quisque agat, & operetur manibus suis, sicut ab eo præceptum fuerat. Præterea hoc præcepto illud Dominus iubet, ut sex ipsis diebus opera nostra efficiamus, ne aliquid eorum, quæ aliis hebdomadæ diebus fieri, agiue oporteat, in diem festum reiiciatur, atque ita animus a rerum diuinarum cura, studioque auocetur. Tertia deinde præcepti pars explicāda est, quæ quodā modo describit, qua ratione sabbathi diē colere debeamus; præcipue autem explicat, quid illo die facere prohibemur. quare inquit Dominus; Non facies omne opus in eo tu, & filius tuus, & filia tua, seruus tuus & ancilla tua, iumentum tuum, & adueha, qui est intra portas tuas. Quibus uerbis ad id primum institutum, ut, quæcumque diuinum cultum impedire possunt, omnino uitemus: facile enim perspicitur, omne seruilis operis genus prohiberi, non quidem ea re, quod sua naturā aut surpe, aut malum sit. sed quoniam mentem nostram a diuino cultu, qui finis præcepti est, abstrahit. quo magis peccata a fidelibus uitanda sunt, quæ non solum animus a diuinarum rerum studio auocant, sed nos a Dei amore prorsus seiungunt. Non tamen ex actiones, neque ea opera uitantur, quæ ad diuinum cultum attinent, etiam si seruitilia sint, ut altare instruere, templa, alicuius festi diei causa, ornare, & reliqua huius generis. ideoque a Domino dictū est; Sacerdotes in templo sabbathū uiolare, & sine crimine esse. Sed neque earum rerum opera, hac lege prohiberi existimandum est, quorum iactura facienda sit, si die festo præmittantur, quemadmodum sacris etiam Canonibus permissum est. Multa alia Dominus in euangelio festis diebus fieri posse declarauit, quæ facile Parochus apud sanctos Matthæum & Ioannem obseruabit. sed ut nulla res prætermitteretur, cuius actione hic sabbathi cultus impediretur, facta est iumentū mentio; quo animalium genere

1. *Thom.* 4.*Matth.* 12.

genere impediuntur homines, quo minus sabbathum diem colant: si enim die sabbathi alicui operis actioni iunēti usus destinatur, necessaria est etiam ad id hominis opera, qui iumentum agat. itaque solum per se opus facere non potest, sed hominē, qui illud molitur, adiuuat. eo autem die nemini opus facere licet. ergo neque iumentis, quorum opera ad id homines utūtur. Itaque huius præcepti lex eo etiam spectat, ut, si iumentorū laboribus homines parcere Deus uult, eo ceterē magis ipsi cauere debeat, ne inhumani sint in eos, quorum opera, atque industria utūtur. Neque uero Parochus illud præmittere debet, ut diligenter doceat, quibus in operibus, atque actionibus Christiani homines diebus festis exercere se debeant. Illæ uero eiusmodi sunt, ut ad Dei templum accedamus, eoque loco sicera, piaque animi attentione sacrosanctæ Missæ sacrificio intersimus: diuina Ecclesiæ sacramenta, quæ ad salutem nostram instituta sunt, ad animæ uulnerum curationem crebro adhibeamus. nihil uero est, quod opportunius aut melius Christianis hominibus fieri possit, quam si peccata sua sacerdotibus sæpe cōfiteantur. ad quam rem petitiendam, poterit Parochus populum adhortari, sumpta huius probandæ rei ratione, & copia ex iis, quæ de pænitiæ sacramento suo loco tradita, ac præcepta sunt. Neque solum ad hoc sacramentum populum excitabit: sed sedulo etiam atque etiā ad illud adhortabitur, ut sacrosanctum Eucharistiæ sacramentum crebro percipiant. Attente præterea, diligenterque sacra concio fidelibus audienda est: nihil enim minus ferendum est, neque tam profecto indignum, quā Christi uerba contemnete, aut negligentet audire. Exercitatio item, atque studium fidelium in precibus, diuinisque laudibus frequens esse debet, præcipuaque eiusdem cura, ut quæ ad Christianæ uitæ institutionem pertinent, ea diligenter addiscat, seduloque se exerceat in iis officiis, quæ pietatem continent, pauperibus, & egenis elemosynam tribuendo, ægros homines uisitando, mærentes, qui quæ dolore afflicti iacent, pie consolando. nam ut est apud sanctum Iacobum: Religio munda & immaculata apud Deum & Patrem, hæc est, uisitare pupillos, & uiduas in tribulatione eorum. Ex his, quæ dicta sunt, facile erit colligere, quæ contra huius præcepti regulam committuntur. Parochi uero officium in eo item esse debet, ut ceteros quosdam locos in promptu habeat, unde rationes, atque argumentaumat, quibus populo illud maxime persuadeatur, ut huius præcepti legem summo studio, accurataque diligentia seruet, ad hoc plurimum ualeat, ut populus scilicet intelligat, ac plane perspiciat, quam

2. 1. 10. 32

Iacobi 1.

quam iustum, & rationi cōsentaneum sit, nos certos quosdam dies habere, quos totos diuino cultui tribuamus, Dominumq. nostrū, a quo summa & innumerabilia beneficia accepimus, agnoscamus, colamus, & ueneremur. si enim iussisset nos quotidie sibi religionis cultum tribuere, nonne pro suis erga nos beneficiis, quæ maxima & infinita sunt, omnis opera danda esset, ut prompto, alacrique animo, eius dicto audientes essemus? Nunc uero, paucis ad eius cultum institutis diebus, non est cur nos negligētes, atque diffīles in eius officii functione simus, quod sine grauissima culpa prætermittere non possumus. Demonstrat deinde Parochus, quanta huius præcepti uirtus sit, cum ij, qui illud recte seruauerint, in conspectu Dei esse, cum eoque colloqui uideantur. nam & precibus faciendis Dei maiestatem contemplamur, & cum eo colloquimur: & concionatoribus audiendis, Dei uocem accipimus; quæ ad aures nostras eorum opera peruenit, qui de rebus diuinis pie, sancteque concionantur. tum in altaris sacrificio præsentem Christum dominum adoramus. & his quidem bonis illi maxime fruuntur, qui hoc præceptum seruant diligenter: qui uero hanc legem omnino negligunt, ii, cum Deo, & Ecclesiæ non obediant, neque eius præceptum audiant, & Dei, & sanctarum legū hostes sunt: quod animaduerti potest ex eo, quod præceptum hoc eiusmōdi est, ut nullo labore seruari queat. Cum enim Deus non labores nobis imponat, quos uel difficillimos eius causa suscipere deberemus, sed quictos illis diebus festis a terrenis curis liberos esse iubeat, magnæ temeritatis indicium est, huius præcepti legem recusare. exemplo nobis esse debent supplicia, quæ de illis Deus sumpsit, qui illud uiolarunt, ut ex libro Numerorum licet intelligere. Ne igitur in hanc Dei offensionem incidamus, oportet repretium erit, sæpè illud uerbum, **MEMENTO**, cogitatione repetere, magnasque illas utilitates, & commoda sibi anteculos proponere, quæ ex festorum dierum cultu percipi supra declaratum est; & multa alia ad id genus pertinentia, quæ bonus & diligens Pastor, ut occasiois ratio postulabit, copiose, lateque persequi poterit.

Num. 15.

**HONORA PATREM TVVM, ET MATREM TVAM, VT SIS LONGÆVVS
SVPER TERRAM, QVAM DOMINVS DEVS TVVS DABIT TIBI.**

Cum in superioribus præceptis summa sitis, & dignitas merito, quæ nunc persequimur, quia maxime necessaria sunt, proximū locum obtinent: nam illa finem, qui Deus est, continuo spectant: hæc nos ad proximi charitatem erudiunt. ceteri longius progressa, ad Deum,

Deum, idest illud extremum, cuius gratia proximum ipsum diligimus, perducunt. Quamobrem Christus dominus præcepta illa duo de diligendo Deo & proximo similia inter se esse dixit. Hic autem locus, dici uix potest, quantas habeat utilitates; cum & suos fructus ferat, uberes illos quidem, ac præstantes; & sit tamquam signum, ex quo primi præcepti obedientia, & cultus elucet. Qui non diligit, inquit D. Ioannes, fratrem suum, quem uidet, Deum, quem non uidet, quo modo potest diligere? Ad eundem modum, si parentes, quos secundum Deum diligere debemus, non ueneramus, & colimus; cum nobis in conspectu fere semper sint: Deo, summo patet, & optimo, qui nullum sub aspectum cadit, quem honorem, quem cultum tribuimus? ex quo perspicuum est, utraque præcepta inter se congruere. Huius autem præcepti usus latissime patet: nam præter eos, qui nos genuerunt, multi præterea sunt, quos in parentum loco colere debemus, uel potestatis, uel dignitatis, uel utilitatis, uel præstantis alicuius muneris, & officii nomine. Parentum præterea, maiorumque omnium laborem leuat, cum enim id in primis curat, ut, quos habent in sua potestate, ii recte, & diuinæ legi conuenienter uiuant, erit hæc cura perfacilis, si omnes intelligant, Deo auctore, & monitore, summum honorem parentibus tribui oportere. quod ut præstare possimus, necesse est, nosse quandam differetiam, quæ est inter præcepta primæ & secundæ tabulæ. Ergo hæc primum a Parocho sunt explicanda: idque in primis moneat, diuinæ Decalogi præcepta fuisse in duabus tabulis incisa: in quarum altera, quemadmodum a sanctis Patribus accepimus, tria illa cōtinebantur, quæ iam sunt exposita: reliqua uero in alteram tabulam erant inclusa, atque hæc nobis perapposita fuit descriptio, ut præceptorum rationem ordo ipse distingueret. nam quidquid in sacris litteris diuina lege iubetur, aut uetatur, id duorum generum oritur ex altero. aut enim erga Deum, aut erga homines charitas in omni officio spectatur. Et quidem charitatem in Deum superiora tria præcepta docet: quod uero ad hominum coniunctionem & societatem pertinet, id reliquis septem præceptis continetur. Quocirca non sine causa eiusmodi est facta distinctio, ut alia ad priorem, alia ad alteram tabulam præcepta referantur. nam superioribus tribus præceptis, de quibus dictum est, quasi subiecta matèries, quam tractent, est Deus, idest summum bonum. ceteris uero proximi bonum, illis summus, his proximus amor est propositus. illa finem, hæc autem ea, quæ ad finem referantur, spectat. Præterea charitas Dei ex ipso pendet. Deus enim per se

per se non alterius rei causa summe diligendus est: charitas autem proximi a charitate Dei ortum habet, atque ad eam tamquam ad certam regulam dirigenda est. nam si parentes caros habemus, si dominis paremus, si dignitate antecedentes reueremur; id ea re maxime faciendum est, quod eorum procreator est Deus, eosque aliis præesse uoluit, quorum opera ceteros homines regit, ac tuetur: qui cum nobis auctor sit, ut eiusmodi personas uereamur, ideo id præstare debemus, quia a Deo hoc ipso honore dignantur: ex quo fit, ut honor, quem parentibus habemus, Deo potius, quam hominibus, haberi uideatur. sic enim apud sanctum Matthæum est, cum de obsequantia in superiores agitur: Qui recipit uos, me recipit. & Apostolus in epistola ad Ephesios, seruos instituens; Serui, inquit, obedite dominis carnalibus cum timore, & tremore, in simplicitate cordis uestri, sicut Christo, non ad oculum seruientes, quasi hominibus placentes, sed ut serui Christi. Accedit, quod Deo nullus honor, nulla pietas, nullus cultus satis digne tribuitur: in quem amor augeri infinite potest: proptereaque nostra erga illum charitas in dies fiat ardentior, necesse est. Quem eius iussu ex toto corde, ex tota anima, ex omnibus uiribus amare debemus. At charitas, qua proximum complectimur, suis finibus circumscribitur: iubet enim Dominus proximos diligere, sicut nos ipsos. quod si quis hos fines egressus fuerit, ita ut parem Deo & proximis amorem tribuat, is maximum scelus admittit. Si quis uenit ad me, inquit Dominus, & non odit patrem suum, & matrem, & uxorem, & filios, & fratres, & sorores, adhuc autem animam suam, non potest meus esse discipulus. in qua sententiam item dictum est; Sine ut mortui sepeliant mortuos suos; cum quidam primum humare patrem uellet, postea Christum sequi. cuius rei dilucidior illa apud sanctum Matthæum explicatio est: Qui amat patrem, aut matrem plus quam me, non est me dignus. Nec tamen ulla dubitatio est, quin parentes uehementer amandi, obseruandique sint; sed ad pietatem in primis necessarium est, Deo, qui parens, & effector est omnium, præcipuum honorem, & cultum tribui: ideoque mortales parentes amari, ut ad cælestem sempiternumque patrem tota amoris uis referatur. quod si interdum parentum iussa Dei præceptis repugnent; non dubium est, quin liberi, parentum cupiditati, Dei uoluntatem anteferre debeant, diuinæ illius sententiæ memores; Obedire oportet Deo magis, quam hominibus.

Quibus rebus expositis, Parochus uerba præcepti interpretabitur, atque illud primum; Honorare; quid sit: est enim, de aliquo honorifico

Matth. 10.

Ad Eph. 6.

Deuter. 6.

Luc. 10.

Matth. 22.

Luc. 14.

Luc. 9.

Matth. 10.

Matth. 5.

Honorare,
quæ nimis ha-
beat apud
scripturas.

honorifice sentire, & quæ illius sunt, maximi putare omnia. Huid
 aurem honorificæ omnia coniuncta sunt, amor, obseruantia, obe-
 dientia, & cultus. Scite autem in lege posita est honoris uox, non
 amoris, aur merus, etiâ si ualde amandi, ac metuendi parentes sint.
 erenim qui amat, non semper obseruat, & ueneratur: qui metuit,
 non semper diligit: quæ uero aliquis ex animo honorat, item amat,
 & ueretur. Hæc cum Parochus explicarit, tum aget de patribus,
 quique sint ij, qui uocentur hoc nomine. nam etsi de iis præcipue
 patribus lex loquitur, ex quibus generati sumus; tamen ad alios
 quoque pertinet hoc nomen, quos etiam cõplecti lex uidetur, quæ-
 admodum ex pluribus diuinæ scripturæ locis facile colligimus. Præ-
 terea illos igitur, qui nos procreauerunt, patrum genera irem alia sunt in
 sacris litteris, quod antea attigimus, quibus singulis suus honor de-
 betur. ac primò Ecclesiæ præfides, & Pastores, & Sacerdotes, patres
 dicuntur, quemadmodum ex Apostolo constat, qui ad Corinthios
 scribens, Non, inquit, ut confundam uos, hæc scribò, sed ut filios
 meos charissimos moneo. nam si decem millia pædagogorù habea-
 ris in Christo, sed non multos patres: nam in Christo Iesu per euan-
 gelium ego uos genui. Et in Ecclesiastico scriptum est, Laudemus
 uiros gloriosos, & parentes nostros in generatione sua. Deinde ii,
 quibus aut imperium, aut magistratus, aut potestas cõmissa est, qui
 rempublicam gubernant, patres appellantur. Sic Naaman a familia
 pater uocabatur. Præterea, patres eos dicimus, quorum procuratio-
 ni, fidei, probitati, sapientiæque alii commendantur: cuiusmodi
 sunt tutores, & curatores, pædagogi, & magistri. Quare Eliam, &
 Eliseum filij prophetarum patrem uocabant. Postremo patres di-
 cimus senes, & ætate confectos, quos etiam ueteri debemus. Atque
 hoc in Parochi præceptis maximum sit, ut doceat patres, cuiuscumq;
 sint generis, præsertim uero eos, ex quibus nati sumus, a nobis ho-
 norandos: de quibus diuina lex præcipue loquitur. sunt enim im-
 mortalis Dei quasi quædam simulacra: in iisque ortus nostri imagi-
 nem inruemur: ab iis uita nobis data est: iis Deus usus est, uti nobis
 animum; mentemque impertiret: ab iis ad sacramenta deducti, ad
 religionem, ad humanum cultum, ciuilemque instituti, ad morum
 integritatem & sanctitatem eruditi sumus. Doceat uero Parochus,
 merito nomen; MATRIS, in hoc præcepto expressum, ut eius be-
 neficia, & merita erga nos consideremus, quanta cura, & sollicitu-
 dine nos in utero gesserit, quanto cù labore ac dolore pepererit, &
 educarit. Porro ita obseruandi parentes sunt, ut, quæ eis tribuimus,
 2211101

honor ex amore, atque intimo animi sensu depromptus uideatur, quibus hoc officium debetur maxime, cum erga nos sint ita affecti, nullum ut laborem, nullā contentionem, nulla pericula nostra causa refugiant, nihilque illis accidere possit iucundius, quam ut filii charos se esse sentiant, quos maxime diligūt. Ioseph cum in Aegypto honore & amplitudine regi esset proximus, patrem, qui in Aegyptū uenerat, honorifice excepit: & Salomon matri adueniēti assurrexit; eamque ueneratus, regio in folio ad dexteram collocauit. Alia præterea sunt honoris officia, quæ in parentes conferri debent. nam eos tum etiam honoramus, cum a Deo suppliciter petimus, ut eisdem bene & feliciter omnia eueniant, ut in maxima gratia & honore sint apud homines; ut ipsi Deo ac sanctis, qui in cælis sunt, commēdatisissimi sint. Item parentes honoramus, cum nostras rationes ad eorū arbitrium, uoluntatemque conferimus. cuius rei suator Salomon; *Prouerb. 1.* Audi, inquit, filij mi disciplinam patris tui, & ne dimittas legem matris tuæ, ut addatur gratia capiti tuo, & torques collo tuo. cuiusmodi sunt etiā D. Pauli cohortationes: Filij obedite parentibus uestris in Domino: hoc enim iustum est. Item: Filij obedite parentibus per omnia: hoc enim placitum est in Domino. & sanctissimorum hominum exemplis cōfirmatur: etenim Isaac, cum a patre ad sacrificium uinciretur, modeste ac sine recusatione paruic: & Rechabite, ne a patris consilio unquam discreparent, uino se in perpetuū abstinuerunt. Item, parentes honoramus, cum eorum recte facta, moresq. imitatur. iis enim plurimum tribuere uidemur, quorum esse uolumus quamsimilimi. Item, parentes honoramus, quorum consilia non modo exquirimus, uerum etiam sequimur. Item, quibus subuenimus ea inperitantes, quæ uictus, cultusque desiderat: quod Christi testimonio comprobatur, qui pharisæorum inpietatem reidarguens; Quare bonos, ait, transgredi mini mandatum Dei propter traditionem uestrā; nam Deus dixit, Honora patrem, & matrem; & Qui male dixerit patri, uel matri, morte moriatur, uos autem dicitis; Quicumque dixerit patri, uel matri, munus quodcumque est ex me, tibi proderit; & non honorificabit patrem suum, aut matrem suam; & irritum fecistis mandatum Dei propter traditionem uestrā. Et honoris quidem officia parentibus tribuere semper debemus, sed tum maxime, cum periculose agitant; danda enim opera est, ne quid prætermittant, quod uel ad peccatorum confessionem attinet, uel ad reliqua sacramenta, quæ a Christianis hominibus percipi debēt; cū mors appropinquat, idque nobis curæ sit, ut pii, religiosiq. homines

homines eos crebro interuisant, qui uel imbecillos confirmant, & consilio iuuent, uel optime animatos ad spem erigant immortalitatis; ut, cum mentem a rebus humanis excitant, totam conuoluant in Deum. sic fiet, ut fidei, spei, & charitatis beatissimo comitatu ac religionis præsidio muniti, mortem non modo non pertimescendam, cum necessaria sit, sed, cum aditum ad eternitatem expediat, etiam appetendam censeant. Postremo uel mortuis parentibus honor tribuitur, si iis funus facimus; si exequias eo honestamus; si honorem sepulture impertimus; si iusta & sacrificia anniuersaria curamus; si, quæ ab iis legata sunt, diligenter persoluimus. Honorandi autem sunt non modo ii, ex quibus nati sumus, uerum etiam alii, qui patres appellantur, ut Episcopi, & sacerdotes; ut reges, ut principes, ut magistratus, ut tutores, uel curatores; ut magistri, ut paedagogi, ut senes; & ceteri eiusmodi: digni enim sunt, qui ex charitate, ex obedientia, ex ope nostra fructus percipiant, sed alius alio magis. De Episcopis, & aliis Pastoribus ita scriptum est. Qui bene præ sunt presbyteri, duplici honore digni habeantur, maxime qui laborant in uerbo, & doctrina. Iam uero, quanti erga Apostolum amoris documenta Galata dederunt? quibus is præclarum illud beneuolentiæ testimoniū tribuit, Testimoniū enim perhibeo uobis: quia, si fieri posset, oculos uestros eruissetis, & dedissetis mihi. Quin etiam sacerdotibus ea suppeditanda sunt, quæ ad uitæ usus necessarios requiruntur; quare Apostolus, Quis, inquit, militat suis stipendiis nunquam? Et in Ecclesiastico scriptum est; Honorifica sacerdotes, & propurga te cum brachiis; da illis partem, sicut mandatum est tibi; primitiarum, & purgationis. Illis etiam obtemperandum esse, docet Apostolus: Obedite, inquit, præpositis uestris, & subiaceite eis. ipsi enim per uigilant, quasi rationem pro animabus uestris reddaturi. quin potius a Christo domino præceptum est, ut uel improbis Pastoribus obtemperemus, cum dicat; Super cathedram Moysi sederunt scribæ, & pharisæi: omnia ergo, quæcumque dixerint uobis, seruante, & facite; secundum opera uero eorum nolite facere: dicunt enim, & non faciunt. Idem de regibus, de principibus, de magistratibus, & reliquis, quorum potestati subiicimur, dicendum est. iis uero quod honoris, cultus, obseruantie genus tribuendum sit, Apostolus ad Romanos late explicat: pro quibus etiam orandum esse monet. & diuus Petrus; Subiecti, inquit, estote omni humanæ creaturæ propter Deum, siue regi, quasi præcellenti; siue ducibus, tamquam ab eo missis: nam si quem eis cultum tri-

Rom. 13. 1.

1. ad Tim. 3.

1. ad Tim. 5.

Ad Gal. 4.

1. Cor. 9.

Eccl. 7. 1.

Ad Heb. 13.

Matt. 23.

Mat. 23.

Mat. 23.

Ad Rom. 13.

1. ad Tim. 2.

1. Pet. 2.

buimus, is ad Deum refertur: habet enim uenerationem hominum excellens dignitatis gradus, quia diuinæ potestatis est instar; in quo etiam Dei prouidentiam ueneramus, qui publici muneris procuracionem iis attribuit, quibusque utitur, tamquam potestatis suæ ministris. nec enim hominum improbitatem, aut nequitiam, si tales sunt magistratus, sed diuinam auctoritatem, quæ in illis est, reueremur: ut, quod permirum fortasse uideatur, quamuis in nos sint inimico, infensoque animo, quamuis implacabiles, tamen non satis digna causa sit, cur eos non perofficiole obseruemus. nam & Dauidis magna in Saulem officia exciterunt, cum ei

Psal. 119. tamen esset offensior: quod innuit illis uerbis: Cum iis, qui oderunt pacem, erā pacificus. At uero, si quid improbe, si quid inique imperent, cum id non ex potestate, sed ex iniustitia, atque animi peruersitate agant, omnino non sunt audiendi. Vbi hæc Parochus sigillatim exposuerit, deinceps consideret, quodnam præmium, quamque consentaneum ijs propositum sit, qui diuino huic præcepto obediunt. nam in eo fructus est maximus, ut diu uiuant; propterea quod digni sunt, qui beneficio quamdiutissime perfruatur, cuius memoriam perpetuo conseruant. Cum igitur, qui parentes colunt, iis gratiam referant, a quibus lucis & uitæ usuram habent, iure & merito uitam ad summam senectutem perducunt. Tum adiungenda est diuinæ promissionis illustris explanatio. neque enim solum sempiternæ, ac beatæ, sed huius etiam, quā in terris agimus, uitæ usus promittitur, cuius sententiæ interpretes est D. Paulus, cum in-

1. Tim. 4. quit: Pietas ad omnia utilis est, promissionem habens uitæ, quæ nūc est, & futuræ; Nec uero hæc merces aut exigua est, aut cōtemnenda, etiā si sanctissimis uiris, ut Iob, ut Dauidi, ut Paulo mors fuerit optabilis, & ærumnosis ac miseris hominibus uitæ propagatio sit iniucunda. nam illorū uerborū adiunctio, *QVAM DOMINVS DEVS TVVS DABIT TIBI*, nō modo temporis diuturnitatem ad uiuendum, sed otium, quietē, incolumitatē ad bene uiuendum pollicetur. nam in Deuteronomio

Deut. 5. non solum inquit; Vt lōgo uiuas tēpore, sed illud etiam addit; Vt bene sit tibi: quod deinde ab Apostolo repetitū est. Hæc autē bona eis suppetere dicimus, quorū pietati Deus gratiā referat: aliter enim diuini promissi fides & cōstantia non erit; cum interdum, qui maiore pietatem parentibus præstiterūt, ijs uita breuior sit: quibus id quidē contingit, uel quod iis optime cōsuleretur, qui prius uita excedūt, quā a uirtutis, & officij religione discedant: rapiuntur enim, ne malitia mutet intellectum eorum, aut ne fictio decipiat animam illorum,

Ad Eph. 6.

Sap. 4.

uel

uel quia, dum pernicies & rerum omnium perturbatio impendit, e corporibus euocantur, ut communium temporum acerbitatē in-
 euadant: A facie enim malitiæ, inquit Propheta, collectus est iustus: *Isa. 57.*
 quod sit, ne eorum aut uirtus, aut salus periclitetur, cum a mortali-
 bus flagitiorum pœnas repetit Deus: uel ne tristissimis temporibus
 ex propinquorum, amicorumq. calamitatibus acerbissimos luctus
 sentiant. Quare metuendum est maiorem in modum, cum uiris bo-
 nis immatura mors accidit: ac, quemadmodum ius, qui grati in pa-
 rentes sunt, officii merces & fructus est a Deo propositus: sic ingrati
 & impii filii grauissimis pœnis referuantur: scriptum est enim; Qui
 maledixerit patri suo, uel matri, morte moriatur. Et; Qui affligit pa-
 trem, & fugit matrem, ignominiosus est, & infelix. Et; Qui maledi-
 cit patri suo, uel matri, extinguetur lucerna eius in mediis tenebris.
 Et; Oculum, qui subfannat patrem, & qui despicit partū matris suæ,
 effodiant eum corui de torrentibus, & comedant eum filii aquilæ.
 Qui parentibus iniuriam intulerunt, multos fuisse legimus: in qui-
 bus ulciscendis, Dei iracundia exarsit: non enim Dauidem inultum
 reliquit, sed sceleri debitas pœnas dedit Absalon, quem ob eius sce-
 lus, tribus hastis transfixum puniuit. De iis uero, qui sacerdotibus
 non obtemperant, scriptum est; Qui superbierit, nolens obedire sa-
 cerdotis imperio, qui eo tempore ministrat domino Deo tuo, ex de-
 creto iudicis morietur homo ille. Et quæadmodum diuina lege san-
 ctum est, ut parentibus filii honorem habeant, ut pareant, ut obse-
 quantur: sic parentum propria officia sunt, atque munera, ut san-
 ctissimis disciplinis, ac moribus filios imbuant, iisque optima dent
 uiuendi præcepta; ut ad religionē instructi, & parati, Deum sancte,
 inuolateque uenerentur. quod a parentibus Susannæ factum esse le-
 gimus. Itaque Sacerdos parētes commoneat, ut se liberis magistris
 præbeant uirtutis, æquitatis, cōtinentiæ, modestiæ, & sanctitatis:
 tria q. præsertim declinent, in quibus sæpe offendere cōsueuerunt.
 primum, ne quid acerbius in liberos aut loquantur, aut statuunt:
 quod Apostolus in epistola ad Colossenses ita præcipit: Patres, noli-
 te ad indignationem prouocare filios uestros, ut non pusillo animo
 fiant. nam periculum est, ne fracto, abiectoq. animo sint, dum om-
 nia timent. Quare illud præcipiat, ut nimiam seueritatem effugiāt,
 malintque liberos corrigere, quam ulcisci: deinde, si qua culpa cō-
 missa est, cum necessaria sit castigatio, & obiurgatio, ne quid libe-
 ris per indulgentiam dissolute remittant: sæpe enim filii parentum
 animia lenitate, & facilitate deprauantur: quamobrem a dissoluta

*Exod. 21.**Leuit. 20.**Proverb. 19.**Prover. 20.**Prover. 30.**1. Reg. 18.**Deuter. 17.**Daniel. 13.**Ad Colos. 3.*

1. Reg. 4. indulgentia deterreat exemplo Heli, summi sacerdotis; qui, quod in liberos indulgentior fuerat, maximo supplicio est affectus: postremo, ne, quod foedissimum est, in filiorum educatione ac doctrina, præpostera consilia ineant. etenim permulti in hac una cogitatione curaue uersantur, ut opes, ut pecunias, ut lautum, & amplum patrimonium liberis relinquant; quos nõ ad religionem, non ad pietatem, non ad bonarum artium disciplinam, sed ad auaritiam & ad rem familiarem augendam cohortantur; nec de filiorum existimatione, & salute sunt solliciti, dummodo pecuniosi sint, & perdiuites: quo quid dici, aut cogitari turpius potest? ita fit, ut ad illos non tam rerum copias, quam sua scelera, & flagitia transferant; quibus tandem non ad cælum se duces præbent, sed ad inferorum supplicia sempiterna. Sacerdos igitur optimis præceptis parentes instituat, eosque ad Tobix exemplum ac similem uirtutem excitet; ut, cum filios ad Dei cultum, & sanctimoniam probe erudierint, ab iis etiam amoris, & obseruatiæ, & obsequii uberrimos fructus capiat.
- Tob. 4.

NON OCCIDES.

- Magnæ illa, quæ pacificis hominibus proposita est, felicitas, quoniam filii Dei uocabuntur, Pastores maxime commouere debet, ut præcepti huius disciplinam fidelibus diligenter, accurateque tradant. nam ad conciliandas hominum uoluntates nulla melior ratio iniri potest, quam si cuiusmodi præcepti lex, recte explicata, ab omnibus ita, ut oportet, sancte seruetur: quoniam tum sperare licet, ut summa animi consensione coniuncti homines cõcordiam & pacem maxime colant. Sed quam necesse sit præceptũ hoc explicari, ex eo perspicitur, quod, immensa illa uniuersæ terræ inundatione facta, hoc unum in primis est, quod Deus hominibus interdixit. Sanguinem, inquit, requiram animarum uestrarum de manu cunctarum bestiarum, & de manu hominis. In euangelio etiã, quæ primum ueteres leges a Domino explicatæ sunt, in iis hæc prima est, de qua apud S.
- Matth. 5. Matthæum ita scriptum est: Dicitur enim, Non occides: & reliqua, quæ hac de re eo ipso loco deinceps commemorantur. Fideles præterea attente, libenterque præceptum hoc audire debent. si enim eius uis spectatur, ad uitam cuiusque tuendam ualet; quoniam iis uerbis; Non occides; homicidium omnino interdictum est. Itaque singuli homines tanta cum uoluptate animi illud accipere debent; perinde ac si, ira Dei proposita, grauissimisque aliis pœnis, nominatim prohibitum sit, ne quis eorum lædatur. ergo ut præceptum hoc
- auditu

auditu iucundū est: ita eius peccati cautio, quod præcepto prohibetur, iucunditatem habere debet. Cum autē huius legis uim Dominus explicaret, in eo duo contineri ostendit, alterum, ne occidamus, quod a nobis fieri ueritū est; alterum, quod facere iubemur, ut concordia amicitia, charitateq. inimicos complectamur, pacem habeamus cum omnibus, cuncta denique incommoda patienter feramus. In eo autem, quod cædes prohibetur, illud primum docendum est, quæ cædes sint eiusmodi, quæ hac præcepti lege nō uentur. nam, bestias occidi, prohibitum nō est: quoniam si illis uesci, a Deo hominibus est concessum; fas item est, illas occidi. quæ de re ita sanctus Augustinus; Cum audimus, inquit, Non occides; non accipimus hoc dictū esse de fructetis; quia nullus est eis sensus; nec de irratiōnabilibus animalibus; quia nulla nobis ratione sociantur. Alterum permissum cædis genus est, quod ad eos magistratus pertinet, quibus data est necis potestas, quæ, ex legum præscripto, iudicioque, in facinorosos homines animaduertunt, & innocētes defendunt. quo in munere dum iuste uersantur, non modo ij cædis non sunt rei, sed huic diuinæ legi, quæ cædes uetatur, maxime obediunt. Cum enim legi huic finis is propositus sit, ut hominum uitæ, salutique consularur, magistratuum item, qui legītimī sunt seclerum uindices, animaduersiones eodem spectant, ut, audacia, & iniuria supplicii repressa, tuta sit hominum uita. Quare Dauid; In matutino, inquit, interficiebam omnes peccatores terræ, ut disperderem de ciuitate Domini omnes operantes iniquitatem. Quæ ratione ne illi quidem peccant, qui iusto bello, nō cupiditate, aut crudelitate impulsī, sed solo publicæ utilitatis studio, uitam hostibus adimunt. Sunt præterea eiusmodi cædes, quæ nominatim iussu Dei sunt. Leui filii non peccauerunt, qui una die tot millia hominum occiderunt: quæ cædes facta, sic ad eos locutus est Moses: Consecrasti manus uestras hodie Domino. Neque uero huius præcepti reus est, qui non sponte; neque meditato, sed fortuito hominem occidit: quæ de re in Deūteronomii libro ita est: Qui percussit proximum inuinciens, & qui heri & nudius tertius nullum contra eum odium habuisse comprobatur, sed abiisse eum eo simpliciter in siluam ad ligna cædenda, & in successione lignorum securis fugerit manū, ferrumq. lapsū de manubrio amicum eius percussit, & occiderit. Hæ cædes eiusmodi sunt, quæ quia non uoluntate, neque de industria inferuntur, propterea non omnino in peccatis numerantur: quod S. Augustini sententia comprobatur, Absit enim, inquit, ut ea, quæ aut propter

S. August.

Psal. 100.

Exod. 31.

Deute. 19.

S. August.

bonum, aut licitum facimus, siquidem præter nostram uoluntatem quidquam mali acciderit, nobis imputetur. In quo tamen duabus de causis peccari potest, altera, si quis in re iniusta occupatus, hominem occiderit. exēpli causa: Si quis grauidam mulierem pugno, uel calce percuteret, ex quo abortus sequeretur, fuisset quidem illud præter percussoris uoluntatem, non tamen præter culpam, cum illi non liceret ullo modo grauidam mulierem percutere. Altera, si, nō omnibus circumspectis, negligenter, & incaute aliquem occiderit. qua etiam ratione, si quis salutis suæ defendendæ causa, omni adhibita cautione, alterum interemerit, hac lege nō teneri satis apparet. Atque hæc quidem, quas modo cōmemorauimus, cædes, sunt quæ hoc legis præcepto non continentur, quibus exceptis, reliquæ omnes prohibentur, siue homicidam quis spectet, siue qui occiditur, siue modos, quibus cædes fit. nam quod ad eos pertinet, qui cædē faciunt, nemo plane excipitur, non diuites, non potētes homines, non domini, non parentes: sed delectu omni, & discrimine remoto, occidere uetitum est omnibus. Si uero ij spectantur, qui interficiuntur, ad omnes hæc lex pertinet: nec quisquam est tam humilis & abiectæ cōdicionis homo, quin legis huius ui defendatur. Neque uero se ipsum interficere cuiuspiam fas est; cum uitæ suæ nemo ita potestatem habeat, ut suo arbitratu mortem sibi consciscere liceat: ideoque legis huius uerbis non ita præscriptum est; Ne alium occidas, sed simpliciter; Ne occidas. sin autem multiplicē cædis faciendæ modum attendimus: nemo est, qui excipiat, non solum enim suis cuiquā manibus, aut ferro, aut lapide, aut baculo, aut laqueo, aut ueneno, uitam homini eripere non licet, sed consilio, ope, auxilio, uel alia quacumque ratione id fieri prorsus uetitum est. in quo summa tarditas, stuporque Iudæorū fuit, qui crederent, se hoc præceptum seruare, si manus tantum a cæde abstinerent. sed homini Christiano, qui, interprete Christo, didicit hanc legem spiritualem esse, nempe quæ non manus solum puras, sed animum etiam castū, sincerumque nos habere iubet, illud nō satīs omnino est, quod illi satis cumulate se præstare arbitrabantur. nam, ne irasci quidem cuiquam licere, in euangelio traditum est, cum dicat Dominus: Ego autem dico uobis: Omnis, qui irascitur fratri suo, reus erit iudicio: qui autem dixerit fratri suo, Racha, reus erit consilio: qui autem dixerit, Fatue, reus erit gehennæ ignis. Ex quibus uerbis perspicuum est, cum culpa non carere, qui fratri succenscat, quamuis iram animo inclusam contineat: qui uero eius iræ significationem aliquam dederit,

dederit, grauiter peccare, at multo grauius, qui non uereatur dure fratrem accipere, & ei conuicium facere. & quidem hoc uerum est, si nulla subleuata irascendi causa. nam iræ causa, quæ a Deo, legibusq. cõceditur, ea est, cum in eos animaduertimus, qui nostro imperio, potestatique parent, si in eis sit culpa: Christiani enim hominis ira non a carnis sensibus, sed a spiritu sancto proficisci debet; cum nos *1. ad Cor. 6.* templa sancti spiritus, in quibus Iesus Christus habitet, esse conueniat. Multa præterea sunt a Domino tradita, quæ ad perfectam huius legis rationem pertinent: qualia illa sunt, nõ resistere malo: sed *Math. 5.* si quis te percusserit in dextram maxillam tuam, præbe illi & alteram: & ei, qui uult tecum in iudicio cõtendere, & tunicam tuam tollere, dimitte ei & pallium: & quicumque te angariauerit mille passus, uade cum illo alia duo. Ex his, quæ iam commemorata sunt, animaduerti licet, quã proclius sint homines ad ea peccata, quæ hoc præcepto uetita sunt, quamue multi reperiuntur, qui si minus manu, animo saltem cædis scelus committunt. Et quoniam huic tam periculoso morbo remedia in sacris litteris adhibita sunt, Parochi est officium, ea diligenter fidelibus tradere, præcipuum autem illud est, ut intelligant, quàm nefarium sit peccatum, hominis cædes: idque uel plurimis, maximisque sanctarum litterarum testimoniis perspicui potest. usque enim adeo homicidium detestatur Deus in sanctis litteris, ut a bestiis, hominum cædis poenam se repetiturum dicat, ac belluam, quæ hominem læserit, occidi iubeat. Neque aliam ob causam a sanguine hominem abhorreret uoluit, nisi ut omni ratione a nefaria hominis cæde & animam, & manus abstineret. sunt enim homicidæ humani generis, atque adeo naturæ hostes acerbissimi, qui, quantum in eis est, uniuersum Dei opus euertunt, cum hominem tollant, cuius causa is omnia, quæcumque procreata sunt, se fecisse testatur. immo uero in Genesi, cum prohibitum sit, hominẽ occidi, quia illum Deus ad imaginem suam, & similitudinem creauit, insignem Deo iniuriam is facit, quasique uolentas illi manus afferre uidetur, qui eius imaginem e medio tollit. Hoc diuina animi cogitatione meditatus Dauid, grauissime de sanguinariis hominibus conquestus est illis uerbis; Veloces pedes eorum ad effundendum sanguinem. neque simpliciter dixit, Occidunt, sed, Effundunt sanguinem: quæ uerba, ad detestabilis illius sceleris amplificationem, immanemque illorum crudelitatem ostendendam, prorulit: utque declararet in prinis, quã præcipientes illi diabolico quodam impulsu ad id facinus ferantur, dixit; Veloces pedes eorum. iam uero, quæ in hoc

in hoc præcepto seruanda esse Christus dominus iubet, eo spectante, ut pacem cum omnibus habeamus: inquit enim, cum hunc locum interpretaretur: Si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum; & quæ sequuntur. Quæ ita a parocho explicantur, ut doceat, sine ulla exceptione omnes charitate cõplectendos esse: ad quam in huius præcepti explicatione fideles, quam maxime poterit, in citabit: quod in eo proximi diligendi uirtus maxime elucet. Cum enim odium hoc præcepto aperte uetetur, quoniã qui fratrem suum odit, homicida est; certe illud consequitur, ut amoris & charitatis præceptum detur: cūque hac lege de charitate & amore præceptum sit, tum omnium etiam illorum officiorum, atque actionum, quæ charitatem ipsam consequi solent, præcepta traduntur. Charitas patiens est, inquit D. Paulus. patientia igitur nobis præcipitur, in qua nos animas nostras possessuros esse Saluator docet. Beneficentia deinde charitatis comes est, & socia: quoniam charitas benigna est. Benignitatis autem, atque beneficentiæ uirtus late patet, eiusque officium in iis rebus maxime uersatur, ut pauperibus suppeditemus res necessarias; cibum esurientibus, sitientibus potum demus, nudos uestiamus; & quo quisque opis nostræ magis indiget, eo in illum plus liberalitatis conferamus. hæc beneficentiæ, & bonitatis officia, quæ per se sunt illustria, eo sunt illustriora, si inimicis præstentur: ait enim Saluator; Diligite inimicos uestros: benefacite iis, qui oderunt uos. quod etiam Apostolus monet illis uerbis: Si esurierit inimicus tuus, ciba illum; si sitit, potum da illi: hoc enim faciens, carbonem ignis cõgeres super caput eius: noli uinci à malo; sed uince in bono malum. Denique, si charitatis legem spectemus, quæ benigna est; omnia, quæcumque ad mansuetudinem, lenitatem, aliaque id generis uirtutes pertinet, officia colere, ea lege perscribi intelligemus. At uero longe omnium præstantissimum officium, quod charitatis plenissimum est, in quo maxime nos exercere conuenit, illud est, ut iniurias, quas accepimus, æquo animo remittamus, atque condonemus: quod ut plane efficiamus, sæpe nos diuinæ litteræ, ut antea dictum est, movent, atque hortantur, cum non beatos solum eos dicant, qui ita prorsus faciunt: sed erratorum etiam ueniam iisdem a Deo datam affirmant. qui uero hoc ipsum facere negligunt, aut omnino recusant, illam non consequuntur. Sed quoniã ulciscendi libido hominū mentibus fere insita est, Parochus maximam

maximam in eo diligentiam ponat, necesse est, ut iniuriarum obliuisci, easque remittere Christianum hominē oportere, non doceat solum, sed penitus etiam fidelibus persuadeat. Cumque hac ipsa de re apud sacros scriptores multa fiat mentio, eos consulat ad resellendam illorum pertinaciam, qui in ulciscendi cupiditate, animo obstinati sunt, atque obfirmato. Argumenta in promptu habeat, quæ illi Patres grauissima, & ad eam rem maxime accommodata pie adhibuerunt. Verum hæc potissimum tria explicanda sunt. primum est, ut, qui se iniuriam accepisse putat, ei maxime persuadeatur, illum detrimenti, aut iniuriæ præcipuam causam non fuisse, quem ipse ulcisci cupit. Sic admirabilis ille Iob fecit, qui a Sabæis hominibus, a Chaldæis, & a dæmone grauiter læsus, nulla tamen eorum habita ratione, ut uir rectus, & homo admodum pius, recte, pieque iis uerbis usus est: Dominus dedit, Dominus abstulit. Itaque patientissimi illius uiri oratione, & exēplo, Christiani homines sibi persuaideant, quod uerissimum est, omnia, quæcūque in hac uita patimur, a Domino, qui iustitiæ omnis misericordiæque parēs est, & auctor, proficisci. Neque uero ille nos, quæ eius est immensa benignitas, ut inimicos punit, sed uti filios corrigit, & castigat. Nec profecto, si recte animaduertimus, in hisce rebus homines aliud omnino sunt, nisi ministri, & quasi satellites Dei. & quamquam homo potest male aliquidem odisse, pessimeque illi cupere, tamen ei, nisi permissu Dei, nocere nullo modo potest. Hac ratione adductus Ioseph, fratrum impia cōsilia sic Dauid iniurias sibi a Semei illatas æquo animo tulit. Ad hanc item rem illud argumenti genus ualde pertinet, quod sanctus Chrysostomus grauiter, atque eruditè pertractauit, neminem scilicet, nisi a se ipso, lædi. nam qui se iniuriose tractatos esse opinantur, si rem recte fecum uia reputent, comperient profecto, nullam se ab aliis iniuriam, aut damnum accepisse. etsi enim, quibus ipsi læduntur, ea extrinsecus eueniunt; tamen se maxime ipsi offendunt, cum animum odio, cupiditate, inuidia nefarie contaminant. Alterum est, quod duo præcipua commoda cōplectuntur, quæ ad illos pertinent, qui pio erga Deum studio adducti iniurias libenter remittunt. quorum primum illud est, quod aliena debita remittentibus promissit Deus fore, ut ipsi etiam peccatorum ueniam impetrēt. ex quo promisso, quam gratum illi sit hoc pietatis officium, facile apparet. Alterum commodum est, quod nobilitatem quandā, & perfectionem assequimur: quoniam; condonandis iniuriis, quodammodo Dei similes efficiamur, qui solem suum oriri facit super bonos, & malos,

& malos, & pluit super iustos, & iniustos. Postremo, explicanda sunt incommoda illa, in quæ nos tum incidimus, cum iniurias, quæ nobis illatæ sunt, condonare nolumus. Itaque Parochus illis, qui sibi in animum inducere non possunt, ut inimicis ignoscant, ob oculos ponat, odium, non solum peccatum graue esse, sed etiam diuturnitate peccandi grauius inhærere. Cum enim is, in cuius animo hic affectus insederit, inimici sui sanguinem sitiatur, illius ulciscendi spe plenus, dies, noctesque in perenni quadam mala mentis agitatione ita uersatur, ut numquam a cædis, aut nefariæ alicuius rei cogitatione cessare uideatur. quo fit, ut is uel numquam, uel maximo negotio ad id impellatur, ut aut prorsus ignoscat, aut aliqua saltem ex parte iniurias remittat. quare merito uulnere comparatur, cui telum infixum hæret. Multa præterea incommoda & peccata sunt, quæ hoc uno odii peccato, quasi uinculo quodam, iuncta tenentur. ideoque D.

1. Ioan. 1.

Ioannes in hanc sententiam ita dixit: Qui fratrem suum odit, in tenebris est, & in tenebris ambulat, & nescit quo eat: quia tenebræ obæcauerunt oculos eius: itaque sæpius labatur, necesse est. Etenim quo pacto fieri potest, ut dicta aliquis, aut facta illius probe, quem oderit? hinc temeraria & iniqua iudicia existunt, ira, inuidia, obrektionones, & alia eiusmodi, quibus illi quoque implicari solent, qui aut cognatione, aut amicitia iuncti sunt. Itaque sæpe fit, ut ex uno peccato multa existant: neque iniuria dicitur, hoc peccatum esse

Ioan. 8.

Diaboli: quâdoquidem ipse ab initio homicida fuit. Quamobrem Dei filius Dominus noster Iesus Christus, cum libi mortem pharisæi asferre cuperent, illos a patre Diabolo genitos esse dixit. Sed præter hæc, quæ dicta sunt, unde sceleris huius detestandi rationes peti possunt, alia quoque remedia, & ea profecto maxime opportuna, sanctarum litterarum monumentis tradita sunt. Ac primum omnium remedium, & maximum est, Saluatoris nostri exemplum, quod ad imitandum nobis proponere debemus. is enim, cum ne minima quidem peccati suspitio in eum cadere posset, uirgis cæsus, spinis coronatus, & cruci denique affixus, eam habuit orationem plenissimam pietatis; Pater dimitte illis: non enim sciunt, quid faciunt. Cuius aspersionem sanguinis, testatur Apostolus, melius loquentem, quæ

Luc. 23.

Ad Heb. 13.

Eccle. 7.

Abel. Alterum autem remedium ab Ecclesiastico præpositum est, ut mortem, atque illum Iudicii diem recordemur. Memorare, inquit ille, nouissima tua, & in æternum non peccabis: quæ sententia eodem spectat, ac si dicat: Illud sæpe etiam atque etiam cogita, breui fore, ut mortem obeas: proinde, quia tali tempore tibi dignissimum

erit, & maxime necessarium; summam Dei misericordiam impetrare, eam tibi ob oculos iam nunc, perpétuoque proponas, necesse est. Ita enim fiet, ut immunis illa ulciscendi cupiditas tibi exhauriatur; cum ad misericordiam Dei implorandam nullum aptius, maiusve remedium inuenias, quam obliuionem iniuriarum, & amorem in eos, qui te, aut tuos re, aut oratione uiolarint.

NON MOECHABERIS.

Quoniam uiri, & uxoris uinculum arctissimū est, & nihil utriusque iucundius accidere potest, quam intelligere se mutuo quodā & singulari amore diligi; contra, nihil molestius, quam sentire se debitum & legitimum amorem aliō transferri; recte quidem, atque ordine illam, quæ hominis uitam a cæde tuetur; legem hæc, quæ de mœchia, siue adulterio est, consequitur, ut sanctam illam & honorabilem matrimonii coniunctionem, unde magna charitatis uis existeret solet, nemo ullo adulterii scelere uiolare, aut dirimere audeat. Sed tamen in hac ipsa re explicandā cautus admodum sit Parochus, & prudens, & tectis uerbis rem commemoret, quæ moderationem potius desiderat, quam orationis copiam. uerendum est enim, ne, dum is late, atque copiose nimis explicare studet, quibus modis homines ab huius legis præscripto discedant, in illarum rerum sermonem fortē incidat, unde excitandæ libidinis potius materia, quam restringendæ illius ratio emanare solet. Sed quoniam hoc præcepto multa continentur, quæ prætermittenda non sunt, ea suo loco explicabuntur a Parochis. Eius igitur duplex uis est, altera, qua disertis uerbis adulterium uetatur: altera, quæ eam sententiam inclusam habet, ut animi, corporisque castitatem colamus. Ut autem ab eo, quod prohibitum est, docendi initium sumatur; Adulterium est legitimi tori iniuria, siue alienus, siue proprius ille sit. etenim si maritus cum muliere soluta rem habet, suum ipse torum uiolat: si uero solutus uir, alienam cognoscat uxorem, adulterii labe torus alienus inquinatur. Hoc uero adulterii interdicto omnia prohiberi D. Ambrosius & Augustinus auctores sunt, quæcumque inhonestæ sunt, & impudicæ. In hanc sententiam hæc uerba accipiēda esse, ex sacris litteris tum ueteris, tum noui testamenti licet colligere: nam præter adulterium, alia libidinis genera apud Moysen puniuntur. Est Iudæ in Genesi iudicium in nulum suam: Est præclara illa in Deuteronomio Moysis lex, ne de filiabus Israel ulla esset meretrix. Extat præterea Tobiae ad filiū eiusmodi adhortatio: Attēde tibi fili mi ab omni fornicatione.

*Eccle. 4. 1.**Matth. 1. 5.**1. ad Thes. 4.**1. ad Cor. 5.**1. ad Cor. 6.**Ad Eph. 5.**1. ad Cor. 6.**Matth. 5.**Triden. Syn.**Castitas uni-
cuiq. pro di-
uinitate sta-
tus necessa-
rio seruanda.**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .**o. m. b. . .*

Ecclesiasticus itē, Erubescite, inquit, a respectu mulieris fornicariæ. In euangelio etiā Christus dominus inquit, de corde exire adulteria, & fornicationes, quæ coinquinant hominem. Apostolus uerò Paulus hoc uitium sæpe multis grauissimisque uerbis detestatur: Hæc est, air, uoluntas Dei sanctificatio uestra, ut abstineatis uos a fornicatione. & Fugite fornicationem. & Ne commisceamini, totentariis. Fornicatio autem, inquit, & omnis immunditia, aut auaritia nec nominetur in uobis. & Neque fornicari, neque adulteri, neque inolles, neque masculorum cōcubitores regnum Dei possidebunt. Præcipue uero ob eam rem adulterium disertè uitium est, quia præter turpitudinem, quæ illi cum aliis intemperantiæ generibus communis est, iniustitiæ quoque peccatum non solum in proximum, sed etiam in civilem societatem adiūctum habet. Est illud item certum, qui se a ceterarum libidinum intemperantia non abstinere, cum ad hanc, quæ adulteriū est, incontinentiam facile labi. Quare hoc adulterii interdicto facile intelligimus, omne impuritatis, & impudicitiae genus, quod polluitur corpus, prohiberi: immo uerò omnem intamam animi libidinem hoc præcepto uitiam esse, tam ipsius legis uis significat, quam spirituale esse constat, cum Christus dominus dicit illis uerbis, Audistis, quia dictū est antiquis, Non mœchaberis. Ego autem dico uobis, quia omnis, qui uiderit mulierem ad concupiscendum eam, iam mœchatus est eam in corde suo. Hæc sunt, quæ fidelibus publice tradenda duximus, si tamen ea addantur, quæ a sancta Tridentina Synodo in adulteros, & eos, qui scorta, & pellices alunt, decreta sunt, prætermisiss multis aliis, ac uariis impudicitiae, & libidinis generibus, de quibus priuatim unusquisque a Parocho admonendus erit, ut temporis, & personarum ratio postulabit.

Sequitur nunc, ut ea explicentur, quæ iubendi uim habent. Docendi igitur sunt fideles, ac uehementer hortandi, ut pudicitiam, & continentiam omni studio colant, mudentque se ab omni inquinamento carnis, & spiritus, perfectientes sanctificationem in timore Dei. In primis autem admonendi sunt, quamuis castitatis uirtus in eorum hominum genere magis eluceat, qui pulcherrimum illud, ac plane diuinum uirginitatis propositum sancte & religiose colunt, tamen iis etiā conuenire, qui uel cælibem uitā agunt, uel matrimonio iuncti, a uetita libidine puros se & integros seruant. Quoniam uerò multa a sanctis Patribus tradita sunt, quibus docemur domitas habere libidines, & coercere uoluptates, cū Parocho studeat populo accurate exponere, atque in hac tractatione diligentissime uersetur.

Hæc

Hæc autem eiusmodi sunt, partim quæ in cogitatione consistunt, partim quæ in actione. Quod in cogitatione remedium positum est, id in eo maxime uersatur, ut intelligamus, quanta sit huius peccati turpitudine, & perniciēs; qua cognita, facilius fiet eius detestandi ratio. perniciosum uero scelus esse, intelligi ex eo potest; quoniam propter hoc peccatum e Dei regno pelluntur, atque exterminantur homines: quod malorum omnium ultimum est. Et hæc quidem calamitas omnium scelerum communis est: illud autem huius peccati proprium, quod qui fornicantur, in sua ipsi corpora peccare dicuntur ex sententia Apostoli ita scribentis; Fugite fornicationem: omne. n. *1. ad Cor. 6.* peccatum, quodcumq. fecerit homo, extra corpus est: qui autem fornicatur, in corpus suum peccat. quod ob eam causam dictum est, quoniam illud iniuriose tractat, cum eius uiolat sanctitatem. qua de re ad Thessalonicenses ita D. Paulus: Hæc est, inquit, uoluntas Dei, *1. ad Thes. 4.* sanctificatio uestra, ut abstineatis uos a fornicatione, ut sciat unusquisque uestrum uas suum possidere in sanctificatione & honore, non in passione desiderii, sicut & gentes quæ ignorant Deum. Deinde id quod scelestius est, si homo Christianus meretrici turpiter se dedat, membra, quæ Christi sunt, ea meretricis facit: ita enim D. Paulus ait; Nescitis quoniā corpora uestra, membra sunt Christi? tollens ergo membra Christi, faciā membra meretricis? absit. an nescitis quoniam qui adhæret meretrici, unum corpus efficitur? Est præterea homo Christianus, ut idem testatur, templum spiritus sancti; quod *1. ad Cor. 6.* uiolare nihil aliud est, nisi ab eo spiritum sanctum eiicere. In adulterii autem scelere magna inest iniquitas. si enim, ut uult Apostolus, qui matrimonio iuncti sunt, ita eorum alter alterius potestati mancipatus est, ut neuter sui corporis potestatem, iusque habeat, sed *1. ad Cor. 7.* tuo quodam sint inter se quasi seruitutis uinculo ita deuincti, ut uir ad uxoris uoluntatem, contraq. uxor ad uiri nutum, uoluntatemq. se accomodare debeat; certe si alteruter corpus suum, quod est alieni iuris, ab eo, cui illud adstrictum est, disungit, is admodum iniquus est, & nefarius. Et quoniam infamix metus & ad ea, quæ iussa sunt, uehementer incitat homines, & a uetitis magnopere deterret; docebit Parochus, adulterium hominibus insignem turpitudinis notam inurere. nam sacris litteris ita proditum est: Qui adulter est, propter cordis inopiam, perdet animā suā: turpitudinem & ignominiam cōgregat sibi, & opprobrium illius nō delebitur. Verum huius sceleris magnitudo ex supplicii seueritate facile perspicui potest. adulteri enim, lege a Domino in ueteri testamento præscripta, obruebantur

lapidibus. quin etiam ob unius libidinem, non solum qui scelus
Gen. 34. admisit, sed uniuerſa interdum ciuitas, ut de Sichimitis legimus, de-
 leta est. Multa diuinæ animaduersionis exempla in sacris litteris pro-
 dita sunt, quæ ad deterrendos a nefaria libidine homines Parochus
Gen. 19. colligere poterit, ut Sodomæ, & reliquarum finitimarum urbium
Num. 25. interitus; Israelitarum, qui fornicati sunt cum filiabus Moab in de-
Iud. 20. ſerto, supplicium; Beniamitarum deletio. Qui uero mortem effu-
 giunt, intolerabiles tamen dolores, ac pœnarum cruciatus, quibus
 sæpe plectuntur, non effugiunt. nam mente cæci, quæ pœna grauiſ-
 ſima est, ita fiunt, ut neque Dei, neque famæ, neque dignitatis,
 neque filiorum denique, uitæque ſuæ rationem habeant: hocque
 pacto adeo nequam, & inutiles fiunt, ut nihil graue committi eis de-
 beat, & ad nullum fere officii munus idonei ſint. Huius rei exempla
1. Re. 2. a Dauide, & Salomone petere nobis licet: quorum alter poſtquam
 adulteratus eſt, repente ſui diſſimillimus, ex mitiſſimo crudelis exi-
 tit, ut Vriam optime de ſe meritum morti obtulerit; alter cum ſe to-
3. Reg. 11. tum in mulierum libidinem profuſiſſet, ita a uera Dei religione ſeſe
Oſe. 4. auertit, ut alienos deos ſequeretur. Auferit igitur, ut Oſeas dixit. hoc
 peccatum cor hominis, sæpeque obcæcat.

*Ne uioletur
 caſtitas, quæ
 ſacra cura adhi-
 benda.*

Nunc ad ea remedia ueniamus, quæ in actione conſiſtunt. quo-
 rum primum illud eſt, ut orium maxime fugiamus: in quo Sodomita
 homines, ut eſt apud Ezechielem, cum hebeſcerent, in ſpurciſſi-
 mum illud nefariæ libidinis ſcelus præcipites lapſi ſunt. Deinde cra-
Hier. 5. pula magnopere eſt uitanda. Saturauit eos, inquit Propheta, & mœ-
 chati ſunt: quoniam uenter expletus, ac ſaturatus, libidinem parit.
Luc. 31. hoc ipſum illis uerbis Dominus ſignificauit; Attēdite uobis, ne ſor-
 te grauentur corda ueſtra in crapula, & ebrietate. hoc item Apoſto-
Ad Eph. 5. lus; Nolite, inquit, inebriari uino, in quo eſt luxuria. Sed maxime
 animus ad libidinem oculis inflammari ſolet. quo pertinet illa Chri-
Matth. 18. ſti domini ſententia; Si oculus tuus ſcandalizat te, erue eum, & proij-
 ce abſ te. Multa præterea ſunt prophetarum de eadem re uoces, ut
Iob. 31. eſt apud Iob; Pēpigi ſcēdus cum oculis meis, ut ne cogitarem quidē
 de uirgine. Sunt multa denique, ac pene innumerabilia exempla ma-
 lorum, quæ ex oculorum aſpectu ortum habuerunt. ſic Dauid, ſic
3. Reg. 11. rex Sichē peccauit, hocque itē pacto ſenes illi Suſannæ calūniatores
Gen. 34. deliquerunt. Elegantior item ornatus, quo oculorum ſenſus ualde
Dan. 13. excitatur, occaſionem libidini non paruam sæpe præbet: ideoque
Eccle. 9. Eccleſiaſticus monet; Auerte faciem tuam a muliere compta. Cum
 igitur mulieres in nimio ornatus ſtudio uerſentur, nō alienum eris,
 ſi Parochus

si Parochus aliquam in eo diligentiam adhibeat, ut eas interdum mo-
 neat, obiurgetque uerbis, quæ hoc genere grauissima Apostolus *1. Pet. 3.*
 Petrus ita protulit, Mulierum non sit extrinsecus capillatura, aut cir-
 cundatio auri, aut indumenti uestimètorum cultus. D. Paulus item, *1. ad Tim. 2.*
 Non in tortis, inquit, crinibus, aut auro, aut margaritis, uel ueste
 pretiosa. multæ. n. auro & margaritis adornatæ, ornamenta mentis,
 & corporis perdidit. Hoc autem libidinis incitamentum, quod
 e uestium exquisito ornatu existere solet, alterum sequitur; quod est
 turpis obscenique sermonis. nam uerborum obscenitatem, quasi face
 quadam subiecta, adolescentum accenduntur animi. Corruptunt
 enim mores bonos colloquia mala; inquit Apostolus; hocque ip- *1. ad Cor. 15*
 sum cum maxime efficiant delicatiores, & molliores cantus, ac salta-
 tiones, ab iis quoque diligenter cauendum est. quo in genere nume-
 rantur item libri obscene & amatorie scripti: qui ita uitandi sunt, ut
 imagines, quæ aliquam turpitudinis speciem præferunt: cum ad tur-
 pes rerum illecebras, inflammandosque adolescentum animos uis in
 illis sit maxima. Sed Parochus in primis curet, ut, quæ de ijs a sacro-
 sancto Tridentino Concilio pie, religioseque constituta sunt, ea san- *Trid. Conc.*
 ctissime seruetur. Hæc uero omnia, quæ commemorata iam sunt, si
 magno adhibito studio, curaque uitentur, omnis fœc libidinis mate-
 ria tollitur. sed ad illius uim opprimendam maxime ualent frequens
 Confessionis, & Eucharistiæ usus: tum assidua, ac pie quidem ad
 Deum preces, cum elemosynis atque ieiunio coniunctæ. Est enim *1. ad Cor. 10*
 castitas donum Dei, quod recte petentibus nō denegat, nec patitur
 nos tentari supra id quod possumus. Corpus autem nō ieiuniis mo-
 do, & iis præsertim, quæ sancta Ecclesia instituit, sed uigiliis etiā, pijs
 peregrinationibus, atque alijs afflictationum generibus exercendū
 est, sensumque appetitiones reprimendæ: in his enim, atque alijs
 eiusmodi rebus maxime cernitur temperantiæ uirtus: in quā senten-
 tiam ad Corinthios ita D. Paulus scribit; Omnis qui in agone cōten- *1. ad Cor. 9.*
 dit, ab omnibus se abstinere: & illi quidem ut corruptibilem coronā
 accipiant, nos autem incorruptā. & paulo post, Castigo, inquit, cor-
 pus meū, & in seruitutem redigo, ne forte, cū alijs prædicauerim, ipse
 reprobos efficiar. Et alio loco; Carnis cutam ne feceritis in desiderijs. *ad Rom. 13.*

NON FVRTVM FACIES.

Veterem hunc Ecclesiæ morem fuisse, ut huius præcepti uis, & ra-
 tio inculcaretur auditoribus, indicat illa apud Apostolum obiurga-
 tio eorum; qui ceteros ab ijs uitijs maxime deterretent, quibus ipsi
 A A 3 cumulari

ad Rom. 2. cumlati reperiebantur: Qui enim, inquit, alium doces, te ipsum non doces? qui prædicas non furandum, furaris? Quo doctrinæ bono non solum frequens illorum temporum peccatum corripiebant, sed etiam turbas, ac lites sedabant, aliasque malorum causas, quæ furto commoueri solent. In ijs & delictis, & delictorum incommodis, atque calamitatibus cum nostra etiam hæc ætas misere uersetur; ad exemplum sanctorum Patrum, & Christianæ disciplinæ magistrorū, Parochi hunc urgebunt locum, & assidue, ac diligenter huius præcepti uim, ac sententiam explicabunt. Ac primum officium, & diligentiam suam conferent ad declarandum Dei infinitum amorem erga genus humanum: qui non modo illis duobus inreductis; Non occides; Non mœchaberis; quasi præditiis, & uitam, corpusque nostrum, & famam, existimationemque rucatur; sed etiam hoc præcepto, Non furtum facies, tamquam custodia quadam, externas res, ac familiares muniar, atque defendat. quam enim hæc uerba subiectam habent notionem, nisi eam, quam supra diximus, cum de aliis præceptis loqueremur? uetare uidelicet Deum, bona hæc nostra, quæ in eius tutela sint, a quoquam auferri, aut uiolari. quod diuinæ legis beneficium quo maius est, eo nos in ipsius beneficii auctorem Deum gratiores esse oportet. Et quoniam & habendæ, & referendæ gratiæ, nobis optima ratio proposita est, ut non tantum præcepta libenter auribus accipiamus, sed etiam re ipsa probemus; ad hoc colendum præcepti officium fideles excitandi, & inflammandi sunt. Est autem hoc præceptum, quemadmodum superiora, diuisum in duas partes: quarum altera, quæ furtum uetat, aperte est annūciata; alterius sententia, & uis, quæ iubemur benigni, & liberales esse in proximos, in priore occulta est, & inuoluta. de priore igitur prius dicetur; Non furtum facies. In quo illud animaduertendum est, furti nomine non id modo intelligi, cum occulte ab inuito domino aliquid aufertur; sed etiam, cum aliquid alienum contra uoluntatem scientis domini possidetur. nisi forte existimandum est, eum, qui furtum prohibeat, rapinas factas per uim, & iniuriam non improbare; cum extet illud Apostoli; Rapaces regnū Dei nō possidebunt, quorum omnem rationem, & consuetudinem fugiendam esse, idem scribit Apostolus. Quamquam uero maius peccatum rapinæ sint, quæ furtum; quæ, præter rem, quæ alicui adimunt, præterea uim afferunt, & maiorem imponunt ignominiam: mirandū tamen non est, quod leuiori hoc furti nomine notatū sit diuinæ legis præceptum, non rapinæ. id. n. summa ratione factum est: quia furtum latius patet, & ad
plura

plura pertinet, quam rapinæ; quas tantum modo illi facere possunt, qui potentia, & uiribus præstant. quamquã nemo non uidet, exclusis eiusdem generis leuioribus peccatis, grauiora etiam facinora prohiberi. Variis autem nominibus notatur iniusta possessio, & usus rerũ alienarum, ex uarietate eorum, quæ & inuitis, & insciis dominis auferuntur. nam si priuatum quid priuato adimitur, furtum dicitur; si surripitur publico, peculatus appellatur. plagiatus uocant, si homo liber, uel seruus alienus in seruitutẽ abducitur: si uero sacra res eripitur, nominatur sacrilegium: quod facinus maxime nefarium, ac scelestum adeo in mores inductu est, ut bona, quæ necessario & sacrorum cultui, & ecclesiæ ministris, & pauperum usui pie, ac sapiẽter fuerat attributa, in priuatas cupiditates, perniciosasq. libidines conuertantur. Sed, præter ipsum furtum, idest externã actionem, furandi etiã animus, & uoluntas, Dei lege prohibetur. est enim spiritalis lex, quæ animum, fontẽ cogitationum & cõsiliorum, inspicit. De cor de enim, inquit Dominus apud S. Matthæum, exeunt cogitationes *Matth. 5. 1.* malæ, homicidia, adulteria, fornicationes, furta, falsa testimonia. Sed quam graue scelus furtum sit, ipsa naturæ uis, & ratio satis ostendit: est enim iustitiæ cõtrarium, quæ suum cuique tribuit. Nã bonorum distributiones, & assignationes, iam inde ab initio iure gentium cõstitutas, diuinis etiam, & humanis legibus cõfirmatas, raras esse oportet; ut unusquisque, nisi humanam societatem tollere uelimus, ea teneat, quæ ei iure obtingerunt. nam, ut Apostolus ait, Neque fures, *1. ad Cor. 6.* neque auari, neque ebriosi, neque maledici, neque rapaces regnum Dei possidebunt. Et si huius sceleris importunitatem, & immanitatẽ permulta declarant, quæ furtum cõsequuntur. Fiunt. n. iudicia temere, & incõsulto, multa de multis: erumpunt odia: suscipiuntur inimicitia: existunt interdum acerbissimæ innocentium hominum dãnationes. Quid dicemus de ea necessitate, quæ diuinitus imposita est omnibus, satisfaciendi ei, cui aliquid adẽptum sit? Non. n. inquit Augustinus, renuititur peccatũ, nisi restituatur ablatum: quæ restitutio, cum quis assueuerit ex alienis locupletari, quãtam habeat difficultatem, præter id, quod unusquisque & ex aliorũ cõsuetudine, & de suo sensu iudicare potest, ex testimonio Abacuch propheta licet intelligere: inquit enim: Vx ei, qui multiplicat non sua usquequo, & aggrauat cõtra se densum lutum. Lutum appellat densum, rerum alienarum possessionem, unde emergere, & expedire se homines difficile possint. Furtorum autem tam multa sunt genera, ut ea dinumerare sit difficillimum. quare de his duobus, furto, & rapinis, dixisse satis

erit, ad quæ, tamquam ad caput, reliquæ, quæ dicemus, referuntur. Ad ea igitur detestanda, & ad fidelem populum a scelesto facinore deterrendum, conferent omnem curam, ac diligentiam Parochi.

*De uarijs
furtorum ge-
neribus,
S. August.*

Verum huius generis partes persequamur. Sunt igitur fures etiã, qui furto sublatas res emunt, uel aliquo modo inuentas, occupatas, aut ademptas retinent: ait enim S. Augustinus: Si inuenisti, & non red didisti, rapuisti. Quod si rerum dominus nulla ratione inueniri potest, illa sunt bona in usus pauperum conferenda. quæ ut restituat, qui adduci non potest, ea re facile probat se undique ablatum omnia, si possit. Eodem se alligant scelere, qui in emendis, uendendisq. rebus fraudes adhibent, & uanitatem orationis. horum fraudes uindicabit Dominus. Grauiores, & iniquiores in hoc furtorum genere sunt ij, qui fallaces, & corruptas merces uendunt pro uetis, & integris; qui uel pondere, mensura, numero, ac regula decipiunt emprores. est enim in Deuteronomio: Non habebis in sacco diuersa pondera. & in Leuitico: Nolite facere iniquum aliquid in iudicio; in regula, in pondere, in mēsurā: statera iusta, & æqua sint pondera: iustus modus, æquusque sextarius. Est & alio loco: Abominatio est

Deuter. 25.

Leuit. 19.

Prover. 20.

apud Dominum pondus, & pondus, statera dolosa non est bona. Furtum etiam apertum est operariorum, & artificum, qui totā & integram mercedem exigunt ab ijs, quibus ipsi iustam, ac debitā operam nō dederunt. Nec uero distinguuntur a furibus serui domitorum, rerumque custodes infidi, quin etiam eo sunt detestabiliores; quam reliqui fures, qui clauibus excluduntur, quod furaci seruo nihil domi obsignatū, aut occlusum esse potest. Furtum præterea facere uidentur, qui fictis, simulatisq. uerbis, qui uel fallaci medicitate pecuniā extorquent: quorum eo grauius est peccatū, quod furtū mendacio cumulat. Illi quoque in furū numero reponēdi sunt, qui cū ad priuatū aliquod, uel publicū officium conducti sunt, nullā uel paruā operā nauātes munus negligunt, mercede tātum, ac pretio fruuntur. Reliquam furtorum multitudinē, a solerti auaritia, quæ omnes pecunie uias nouit, excogitatā, persequi lōgum est, & ut diximus, difficile limum. itaque de rapinis, quod est alterum horum scelerum caput, dicēdum uidetur, si prius monuerit Parochus Christianum populū, ut meminerit illius Apostoli sententiæ; Qui uolunt diuites fieri, incidunt in tentationē, & laqueum diaboli. Nec ullo sibi loco patitur excidere præceptum hoc: Quæcumque uultis ut faciāt uobis homines, & uos facite illis. & illud cogitent perpetuo; Quod ab alio odetis fieri tibi, uide ne tu aliquādo alteri facias. Rapinæ igitur patēt

1. ad Tim. 6.

Matth. 7.

Tob. 4.

Luc. 6.

latius.

latius. Nam, qui debitam operariis mercedem non persolunt, sunt rapaces: quos S. Iacobus ad pœnitentiam inuitat illis uerbis: Agite nunc diuites, plorate ululantes in miseriis uestris, quæ aduenient uobis. cuius pœnitentiæ causam subiungit: Ecce enim merces operariorum, qui messuerunt regiones uestras, quæ fraudata est a uobis, clamat: & clamor eorû in aures domini sabahot introiuit. quod genus rapinarû in Leuitico, in Deuteronomio, apud Malachiâ, & apud Tobîâ uehementer improbat. In hoc crimine rapacitatis includuntur, qui, quæ Ecclesiæ præsilibus, & magistratibus debentur, uectigalia, tributa, decimas, & reliqua huius generis nō dissolunt, uel interuertunt, & ad se transferunt. Huc etiâ referuntur feneratores in rapinis acerrimi, & acerbissimi, qui miseram plebē cōpilant, ac trucidant usuris. Est autem usura, quidquid præter sortem, & caput illud, quod datû est, accipitur, siue pecunia sit, siue quiduis aliud, quod emi, aut æstimari possit pecunia. sic enim apud Ezechielē scriptum est: Usurâ, & superabundantiam nō acceperit. & Dominus apud Lucam: Mutuum dare, nihil inde sperantes. Grauiissimû semper fuit hoc facinus, etiâ apud gētes, & maxime odiosum. hinc illud: Quid fenerari? quid hominem, inquit, occidere? Nam qui fenerantur, bis idem uendunt, aut id uendunt, quod non est. Item rapinas faciunt nummarii iudices, qui uenalia habent iudicia, & pretio muneribusq. deliniti, optimas tenuiorum, & egētium causas euertunt. Fraudatores creditorû, & inficiatores, quiq. sumpto temporis spatio ad soluendum, suâ, uel aliena fide merces emunt, neque fidem liberant, dānabuntur eodē crimine rapinarum: quorum etiâ delictum grauius est, quod mercatores, illorû destitutionis, ac fraudationis occasione, magno detrimento ciuitatis uendunt omnia carius. in quos illa Dauidis sententia uidetur cōuenire: Mutuabitur peccator, & nō soluet. Quid de locupletibus dicemus iis, qui ab illis, qui soluēdo nō sunt, quod cōmodarunt, exigūt acerbius, & pignora etiâ ea auferūt cōtra Dei interdictû, quæ ad eorum corpus tuendum sunt necessaria? inquit enim Deus: Si pignus a proximo tuo acceperis uestimentum, ante solis occasum reddas ei: ipsum enim est solum, quo operitur indumentum carnis eius, nec habet aliud, in quo dormiat: si clamauerit ad me, exaudia eum, quia misericors sum. Horû exactlonis acerbitatē, iure rapacitatē, atque adeo rapinas appellabimus. Ex numero eorum, qui raptores dicuntur a sanctis Patribus, sunt, qui in frugum inopia cōprimunt fructum, faciuntq. ut sua culpa carior, ac durior sit annona: quod etiâ ualet in rebus omnibus ad uitam, & ad uitam necessariis. ad quos illa

Iacob. 5.

Leuit. 19.

Deuter. 24.

Malach. 3.

Tob. 4.

Ezech. 18.

Luc. 6.

Psal. 36.

Exod. 22.

Præcept. 11. illa Salomonis pertinet execratio: Qui abscondit frumenta, maledicetur in populis. Quos, suorum scelerum admonitos, Parochi liberius accusabunt, ac propositas illis peccatis pœnas explicabunt uberius. Hæc de ueritis: nunc ad iussa ueniamus: in quibus satisfactio, uel restitutio primum locum habet. peccatum enim non remittitur, nisi restituatur ablatum. sed quoniam non is solum, qui furtum fecit, ei, cui furatus est, id debet restituere, sed omnes præterea, qui furti participes fuerunt, hac lege restitutionis tenentur; aperiendum est, qui sint illi, qui hanc satisfaciendi, uel restituendi necessitatem effugere non possint. Sunt autem plura hominum genera: ac primum est eorum, qui furari imperant: qui nō modo sunt ipsi furtorum socii, & auctores, sed etiam in illo furum genere deterrimi. Alterum genus par uoluntate primis, potestate dispar, in eodem tamen furum gradu ponendum, eorum, qui cum iubere nō possint, suasores sunt, atque impulsores furtorum. Tertium genus est eorum, qui cum furibus consentiunt. Quartum genus est eorum, qui participes furtorum, inde lucrum ipsi etiam faciunt: si lucrum dicendum est, quod, nisi resipuerint, eos addicit æternis cruciatibus: de quibus sic loquitur Dauid: Si uidebas furem, currebas cum eo. Quintum genus est furum; qui cum furta possint prohibere, tantum abest, ut illis occurrant, & obsistant, ut eorum licentiam permittant, atque concedant. Sextum genus est eorum, qui cum, & furtum factum, & ubi factum sit, certo sciant, non indicant rem, sed eam se scire dissimulant. Postremum genus est, quod omnes complectitur furtorum adiutores, custodes, patronos, quique illis receptaculum præbent, ac domicilium, qui omnes & satisfacere debent iis, quibus aliquid detractum est, & ad illud necessarium officium uehementer cohortandi sunt. Ne huius quidem sceleris omnino sunt expertes, approbatores furtorum, & laudatores. Nec uero etiam ab eadem culpa sunt alieni filii familias, & uxores, qui pecunias a patribus, & uiris surripiunt.

*De operibus
misericordiae
per eleemosynas
in pauperes.*

*Cyprianus,
Ioan. Chrys.
Greg. Naz.*

Iam uero huic præcepto illa subiecta sententia est, ut pauperum, & inopum miscramur, eorumque difficultates, & angustias nostris facultatibus, & officiis subleuemus. quod argumentū quia sæpissime, & copiosissime tractandum est, petent ea Parochi ex uirorum sanctissimorum, Cypriani, Ioannis Chrysostomi, Gregorii Nazæni, & aliorum libris, qui de eleemosyna præclare scripserunt, quibus huic muneri satisfaciant. Sunt enim inflammandi fideles ad studium, & alacritatem opitulandi iis, quibus aliena misericordia uiuendum est. Sunt uero etiam docendi, quantā habeat necessitatem eleemosyna, ut uide-

at uidelicet re, & opera nostra in egentes simus liberales, uerissimo illo argumento, quod suum iudicij die detestaturus sit eos Deus, & sempiternis ignibus addicturus, qui eleemosynæ officia prætermiserint, ac neglexerint; illos autem collaudatos in patriam cælestem introducturus; qui benigne fecerint indigentibus. est utraque Christi domini ore pronuntiata sententia: Venite benedicti patris mei, possidete patari uobis regnum. & Discedite a me maledicti in ignem æternum. Vtuntur præterea sacerdotes accomodatis illis ad persuadendum locis; Date, & dabitur uobis. Proferent Dei promissum, quo nihil uberius, nihil magnificentius ne cogitari quidem potest. Nemo est, qui reliquerit &c. qui non accipiet centies tantum nunc in tempore hoc, & in sæculo futuro uitam æternam. Adiciunt illud, quod a Christo domino dictum est; Facite uobis amicos de mammona iniquitatis; ut, cum defeceritis, recipiant uos in æterna tabernacula. Huius uero necessarij munoris partes exponit, ut qui largiri non possunt egentibus, quo uitam sustentent, saltem commode pauperi, iuxta Christi domini præscriptum: Mutuum date, nihil inde sperantes. Atque huius rei felicitatem beatus Dauid exprimit: Iucundus homo, qui miseretur, & commodat. Est autem Christianæ pietatis, nisi sit aliunde facultas bene merendi de iis, quibus ad uitam aliena misericordia opus est, uitandi etiam otii causa, labore, opera, ac manibus ea quæro, quibus inopiam indigentiam leuare possint. ad id omnes suo exemplo hortatur in epistola ad Thessalonicenses Apostolus illis uerbis: Ipsi enim scitis, quæ admodum oporteat imitari nos. Item ad eosdem: Operamini, ut quieti sitis, & ut uestrum negotium agatis, & operemini manibus uestris, sicut præcepimus uobis. Et ad Ephesios: Qui furabatur, iam non furetur: magis autem laboret operando manibus, quod bonum est, ut habeat unde tribuat necessitatē patienti. Est etiam frugalitati cōsulendum, parcendumque bonis alienis; ne ceteris graues, aut molesti simus; quæ temperantia sanequam elucet in omnibus apostolis, sed maxime eminet in D. Paulo; cuius illud est ad Thessalonicenses: Memores estis, fratres, laboris nostri, & fagationis; nocte, & die operantes, ne quem uestrum grauaremus, prædicauimus in uobis euangelium Dei. Atque idem alio loco Apostolus; In labore, & fagatione nocte, & die operantes, ne quem uestrum grauaremus. Sed ut ab uniuerso hoc genere nefariorum facinorum abhorreat fidelis populus; Parochis a prophetis petere, & a reliquis diuinis libris sumere par erit detestationē furtoꝝ, & rapinarum, & horribiles iniurias a Deo

Amos 8.

Amos 8. v. 1. et
2. et 3. et 4. et 5.
1. et 2. et 3. et 4.
1. et 2. et 3. et 4.
1. et 2. et 3. et 4.

propositas eis, qui illa scelera committunt. Clamat Amos propheta: Audite hoc, qui contemnitis pauperem, & deficere facitis egenos terrarum, dicentes, quando transibit mensis, & uenundabimus merces, & sab bathum, & aperiemus frumentum, ut imminuamus mensuram; & augeamus siclum, & supponamus stateras dolosas: Sunt in eadem sen tentia multa apud Hieremiã, in Prouerbiis, & apud Ecclesiasticum: Nec uero dubitandum est, quin hæc malorum semina, quibus malis opprimitur hæc ætas, magna ex parte in his inclusa sint causis. Verum ut assuescant Christiani homines prosequi omni liberalitatis, ac be nignitatis officio egentes, & mendicos, quod ad alteram huius præ cepti partem pertinet, proferent Parochi maxima præmia; quæ be neficis, & largis, & in hac, & in altera uita daturum se Deus pollicetur: Sed quia non desunt, qui etiã se in furtis excusent, admonendi sunt, fore, ut nullam eorum peccati excusationem accipiat Deus; immo uero futurum, ut illa purgatione non modo non leuetur peccatum, sed mirum in modum augeatur. Ecce, nobilium hominum non fer rendæ delicie, qui culpam extenuare sibi uidentur, si se affirmant, non cupiditate, aut auaritia ad detrahendum alteri sua descendere, sed tuendæ causa amplitudinis familiæ, & maiorum suorum, quo rum existimatio, ac dignitas ruere, nisi rerum alienarum accessione fulciretur. Quibus perniciosus error eripendus est, simulq. demon strandum, unam esse rationem conseruandi, & amplificandi copias, & opes, maiorumq. gloriam, si Dei uoluntati paruerint, si eius præ cepta seruarint; quibus contemptis, fundatæ, & optime constitutæ opes euertuntur; reges ex regio solio, & summo gradu honoris præ cipites exturbantur; in quorum locum infirmi interdum homines, & qui summo in odio illis fuerunt, diuinitus uocantur. Incredibile est, quantum opere his succenseat Deus. cuius rei testis est Isaias, apud quem sunt illa Dei uerba: Principes tui, infideles, socij furum: om nes diligunt munera, sequuntur retributiones. propter hoc ait dominus Deus exercituum fortis Israel: Eheu consolabor super hosti bus meis, & uindicare de inimicis meis: & conuertam manum meam ad te, & excoquam ad purum scoriã tuam. Non desunt, qui non iam illã afferant causam splendoris, & gloriæ, sed uictus, & uitæ com modio rem facultatem, & elegantiã, qui refellendi sunt, docendiq. quam impia sit eorum & actio, & oratio, qui nullam commoditatem antefecit Dei uoluntati & gloriæ; quam, negligendo eius præcepta, offendimus mirandum in modum, etq. quæ potest esse in furtis com moditas, quod summa incommoda consequantur: Super furem enim,

inquit

inquit Ecclesiast. est confusio, & pœnitentia. Sed fac esse, ut cum illis *Eccle. 5.*
 non agatur incommode: dedecorat fur diuinum nomen: repugnat
 eius sanctissimæ uoluntati, salutaria ipsius præcepta cōtemnit. quo
 ex fōte omnis error, omnis improbitas, omnis stuit impietas. Quid,
 quod audire licet interdum fures, qui nihil se eo peccare cōtendant,
 quod detrahant aliquid locupletibus, & copiosis hominibus, qui ea *1. d. 10. 11.*
 detractione nihil damni faciant; ne sentiant quidem? misera sane, &
 pestifera defensio. Putat alius satisfactio nem suā accipi debere, quod
 eam furandi consuetudinem cepit, ut non facile possit ab illa mente,
 & actione desistere: qui nisi audierit Apostolum dicentem; Qui fura-
 rabatur, iam non furetur; uelit, nolit, etiam consuetudinem caplet
 æternorum suppliciorum. Nōnulli sunt, qui excusant se, occasioneq;
 data, alteri aliquid ademisse, est enim illud tritum sērimone prouer-
 bium; Fures, qui nō sint, fieri occasione; qui hac ratione sunt de-
 nefaria sententia deducendi; resistendum esse prauis cupiditatibus:
 Nam si cōtinuo est re perficiendum id, quod libido persuaserit; quis
 modus, quis finis erit scelerum, ac flagitiorum? Turpissima igitur
 est illa defensio, uel summæ potius intemperantiæ; & iniultitiæ con-
 fessio. Nam qui dicit, se nō ideo peccare; quia nullam habet peccan-
 di occasionem, idem propemodum fatetur se semper oblata occasio-
 ne peccatorum. Sunt, qui furari se dicant ulciscendi causā, quod ab
 aliis eadem iniuria sint affecti. quibus ita respondendum est; primū
 nemini licere iniurias persequi: deinde nō posse quemquam rei suæ
 iudicem esse: tum multo minus concedi; ut pœnas ab aliis repetant
 eorum, quæ alii in eum peccauerunt. Postremo, quidam furtum sa-
 tis illa ratione defensum, rectumque arbitrantur, quod eum sint ære
 alieno oppressi, aliter eo liberari non possint, nisi illud furto dissol-
 uant. quibuscum ita agendum est, nullum esse grauius æs alienum,
 & quo magis prematur humanum genus, quā debitum illud, cuius
 in diuina precatōne quotidie meminimus; Dimitte nobis debita
 nostra; quare illud infanissimi hominis esse, plus uelle Deo debere,
 id est plus peccare, ut, quod debet hominibus, dissoluat; multoque
 præstare, coniici in carcerem, quam mandari suppliciis inferorum
 sempiternis: longē etiam esse grauius Dei, quam hominum iudiciō
 condemnari: porro autem supplices ipsos ad Dei opem; ac pietatem
 confugere debere; a quo, quid opus sit, possint impetrare. Sunt alia
 excusationum genera; quibus Parochi prudentes, ac sui officii dili-
 gentissimi, facile poterunt occurrere, ut aliquando habeant popu-
 lum sectatorem bonorum operum.

*Ad Eph. 4.**Matth. 6.*

NON LOQVERIS CONTRA PROXIMVM TVVM
FALSVM TESTIMONIUM.

Quantam non modo utilitatem, sed etiam necessitatem habeat assidua huius & præcepti explicatio, & officii admonitio, nos D. Iacobi moner auctoritas, illis verbis; Si quis in verbo non offendit, hic perfectus est uir. & idem; Lingua modicum quidem membrum est, & magna exaltat: ecce quantus ignis quam magnam siluam incendit. & quæ sequuntur in eandem sententiam. Quibus duo monemur, primum laxissime patere hoc linguae uitium: quod etiam illa Prophetæ sententia confirmatur; Omnis homo mendax, ut prope modum sit unum hoc peccatum, quod ad omnes homines pertinere uideatur. Alterum, inde proficisci mala innumerabilia; cum scilicet maledici homines culpa facultates, fama, uita, animæ salutis amittuntur, uel eius, qui læditur, quod contumelias patienter ferre non possit, sed eas impotenti animo persequatur; uel eius, qui lædit, quod praui pudore, & falsa cuiusdā exstimationis opinione deteritus, adduci nō possit, ut illi, qui offensus sit, satisfaciatur. Quare hoc loco monendi fideles erunt, ut quātas possunt maximas Deo gratias agant de hoc salutari præcepto non dicendi falsi testimoni; quo nō solum ipsi aliis iniuriam facere uetantur, sed etiam hac obedientia ab aliorum iniuria prohibemur. Verum hoc præcepto eadem ratione, & uia progrediendum est, quā in ceteris progressi sumus, ut uidelicet animaduertantur in eo duæ leges; altera prohibens, ne falsum dicatur testimonium; iubens altera, ut, simulatione, fallaciisque sublaris, dicta, & facta nostra simplici ueritate metiamur. Cuius officij Apostolus Ephesios illis uerbis admonuit: Veritatem facientes in charitate, crescimus in illo per omnia. Sed prior huius præcepti pars habet hanc rationem, ut, quamuis nomine falsi testimonii significetur quidquid in bonam, uel in malam partem de altero constanter dicatur, siue in iudicio, siue extra iudicium, tamen præcipue prohibeatur illud testimonium, quod in iudicio, falso dicitur a iurato: iurat enim per Deum testis; quod ita testificantis, & diuinum nomen interponētis oratio plurimū fidei habet, & ponderis. itaque, quia periculosum est hoc testimonium, iccirco præcipue prohibetur: iuratos enim testes, nisi exceptionibus legitimis excludantur, aut eorum sit aperta improbitas, atque peruersitas, ne iudex quidem ipse potest reicere, præsertim cum extet iussum diuinæ legis, ut in ore duorum, uel trium stet omne uerbum.

Sed

Iacob. 3.

Psal. 115.

Ad Eph. 4.

Deuter. 19.

Matth. 18.

Sed ut præceptum fideles plane intelligant, docendi erunt, quid significet hoc; PROXIMI; uocabulum, in quem falsum testimonium dicere minime licet. Est autem proximus, ut ex Christi domini doctrina colligitur, quicūque eget opera nostra, siue ille propinquus sit, siue alienus, siue ciuis, siue aduena, siue amicus, siue inimicus. Luc. 10. nefas enim est existimare, contra hostes licere falsum aliquid dicere pro testimonio, quos iussu Dei, ac domini nostri diligere oporteat. quin etiam, quia sibi quisque quadam ratione proximus est, nemini fas est in se falsum testimonium dicere; quod qui committant, sibi ipsi notam inurentes ignominiae, ac turpitudinis, & se ipsos, & Ecclesiam lædunt, cuius sunt membra: quo modo etiam, qui sibi mortem consciscunt, nocent ciuitati: ita enim est apud sanctum Augustinum; Nec recte intelligentibus poterat uideri, non esse prohibitum, ut aduersus seipsum quisquā falsus testis assisteret, eo quod in præcepto additum fuit, Contra proximum tuum. Sed non ideo; si aduersus seipsum quisque falsum testimonium dixerit, ab hoc crimine se putet alienum, quando regulam diligendi proximi, a semet ipso dilector accepit. Verum, quia prohibemur proximum lædere falso testimonio, nemo propterea contrarium permitti nobis arbitretur, ut peierando liceat conciliare ei, qui nobiscum natura, ac religione coniunctus sit, aliquid utilitatis, aut commodi. Nemini enim mendacio, & uanitate, multo minus periurio studendum est. S. August. Quare sanctus Augustinus de mendacio ad Crescentium docet ex Apostoli sententia, mendacium in falsis testimoniis numerandū esse; etiam si in cuiusquam falsa laude dicatur. Nam locum illum tractās, 1. ad Cor. 15 Inuenimur autē & falsi testes Dei, si testimonium diximus aduersus Deum, quod suscitauerit Christum, quem non suscitauit, si mortui nō resurgunt; Falsum, inquit, testimonium uocat Apostolus, si quis de Christo, & quod ad eius laudem uidetur pertinere, mentiatur. Sæpiissime uero etiam contingit, ut, qui alteri fauet, obsit alteri, certe errandi causa affertur iudici, qui interdum falsis testibus adductus, contra ius secundum iniuriam statuit, & iudicare cogitur. Non numquā etiā fit, ut, qui ob falsum alicuius testimoniū causam iudicio uicerit, idque impune tulerit, exultans iniqua uictoria, assuecat corrumpere, & adhibere falsos testes, quorum opera sperat se posse ad id, quod cumq. concupierit, peruenire. Est uero id, & ipsi testi grauissimum, qui & ab eo, quem iureiurando subleuarit, & adiuerit, falsus, & perius agnoscitur: & ipse, quod ei e sententia succedit scelus, quotidie maiorem exercitationē, & consuetudinē capit impietatis & audaciæ.

Vt igitur testium uanitas, mendacia, & periuria prohibeantur; sic & accusatorum, & reorum, & patronorum, cognitorum, & procuratorum, aduocatorum, & omnium denique, qui iudicia constituunt. Postremo uetat Deus omne testimonium non modo in iudicio, sed etiam extra iudicium, quod alteri incommodum, aut detrimentum possit asferre. Est enim in Leuit. quo loco hæc præcepta iterantur, his uerbis: Non facietis furtum, non metiemini, nec decipiet unusquisque proximum suum: ut nemini dubium esse possit, quin a Deo omne mendacium hoc præcepto eiectum cōdenetur. quod apertissime testatur Dauid in hunc modum: Perdes omnes, qui loquuntur mendacium.

Leuit. 19.

Psal. 5.

*Detractionis
uitium quoniam
detestabile.*

Prohibetur autem hoc præcepto non modo falsum testimonium, sed detestabilis etiam libido, & cōsuetudo detrahendi alteri: qua ex peste, incredibile est, quam multa, & quam graui & incommoda, et mala nascantur. Hoc uitium maledice, & cōtumeliose dicendi occulte in alterum, passim improbat diuinæ litteræ. Cum hoc, inquit Dauid, non edebam. & S. Iacobus: Nolite detrahere alterutrum, fratres mei.

Psal. 99.

Iacob. 4.

Ez. 13.

Nec uero præcepta solum sacræ litteræ, sed etiam exēpla suppeditant, quibus sceleris magnitudo declaratur. nam & Aman, confitis criminibus, adeo incendit in Iudæos Iudæum, ut is omnes eius gentis homines imperarit occidi. Referta est huiusmodi exemplis sacra historia; quorum commemoratione, sacerdotes operam dabūt, ut fideles a rei improbitate deterreant. Ut autem peccati huius uis, quo de altero detrahitur, omnino perspiciatur, sciendum est, non tantum adhibenda calumnia offendi hominum existimationem, sed & augendis, amplificandisque criminibus; & si quid occultius ab aliquo commissum sit, quod ubi rescitum fuerit, graue, aut turpe sit ad famam, eam rem, qui, ubi, quando, quibus non necesse sit, peruulgarit, is obrectator, & maledicus iure dicitur. Verum totius obrectationis nulla capitalior est, quam eorum, qui catholicæ doctrinæ eiusque prædicatoribus obrectant. In simili culpa sunt, qui malarum doctrinarum, & errorum magistros extollūt laudibus. Nec uero ab hominum hominum numero, & culpa seiunguntur, qui detrahētibz, & maledicentibus hominibus patefacientes aures, nō reprehendūt obrectatores, sed illis libenter assentiūt. Detrahere. n. uel detrahentē

S. Hiero.

audire, scribunt S. Hieronymus, & Bernardus, utrum dānabilis sit, nō facile constat. non. n. essent, qui detraherēt, si nō adessent, qui detrahentes audirent. In eodem genere sunt, qui suis artificijs distrahūt homines, & inter se cōmittūt, magnopereq. serendis discordijs delectatur; ut summas cōiunctiones, ac societates fictis sermonibus dirimentes,

mentes, amicissimos uiros ad iminortales inimicitias, & ad arma cō-
pellant. Hanc pestem sic detestatur Dominus: Non eris criminator, *Leuit. 19.*
neque susurro in populo. Tales erant multi ex cōsiliariis Saulis, qui
eius uoluntatē a Dauide alienare, & in illū, regem incitare conabana-
tur. Peccant denique in hanc partem blādi homines, & assentatores,
qui blanditiis, & simulatis laudibus influunt in aures, & in animos
eorum, quorum gratiam, pecuniam, & honores aucupantur, dicen-
tes, ut est apud Prophetam, Malum bonum, & bonū malum: quos
ut arceamus, & pellamus a consuetudine nostra, monuit nos Dauid
illa oratione: Corripiet me iustus in misericordia; & increpabit me:
oleum autem peccatoris non impinguet caput meum. Quamquam
enim isti proximo minime maledicunt, tamen ei maxime nocent,
qui uel laudandis eius peccatis, afferunt ipsi causam perseuerandi in
maliis, quamdiu uixerit. Et quidem in hoc genere illa est assentatio
deterior, quæ ad proximi calamitatem, & perniciem adhibetur. sic
Saul, cum Dauidem furori, & ferro Philistorum oblicere cuperet,
ut occideretur, ei blandiebatur illis uerbis; Ecce filia mea maior Me-
rob, ipsam dabo tibi uxorem: tantummodo esto uir fortis, & præ-
liare bella Domini. sic Iudæi insidiosa oratione Christum dominū
sunt affati; Magister, scimus, quia uerax es, & uiam Dei in ueritate
doces. Longe autem perniciosior oratio est auicorum, affinium, &
cognatorum, qua ad eos interdum utuntur assentatorie, qui mor-
tifero morbo affecti, iam sint extremo spiritu; dum affirmant nul-
lum esse tum ei a morte periculum; dum lætum, & hilarem esse iu-
bent, eumque a peccatorum confessione, tamquam a tristissima co-
gitatione, deterrent; dum denique eius animum auertunt ab om-
ni cura, & meditatione extremorum periculorum, in quibus ma-
xime uersatur. Quare fugiendum est omne mendaciorum genus,
sed illud in primis, quo graui damno quisquam affici possit. Plenis-
simum uero impietatis est mendacium, cum quis in religionem, uel
de religione mentitur. Sed illis etiam maledictis, & probis grauiter
offenditur Deus, quæ committuntur libellis, quos famosos uocant;
& aliis huius generis contumeliis. Præterea ioco, uel officii causa fal-
lere mendacio, ut si nemo in illo uel damnum, uel lucrum fecerit,
tamē omnino indignum est: ita enim nos Apostolus admonet: De-
ponentes mendacium, loquimini ueritatem. Nam in eo est ad fre-
quentius, grauiusq. mendacium, magna procliuitas; & ex iocosis men-
daciis capiunt homines mentiendi consuetudinem, unde ueniūt in
opinione, non esse ueraces. quamobrem, ut fidē faciat eorum oratio,

necesse habent iurare perpetuo. Postremo, priore parte huius præcepti simulatio repudiatur; nec modo quæ simulare dicuntur, sed quæ ita fiunt, cum scelere coniuncta sunt: tam enim uerba, quam facta, notæ, ac signa quædam sunt eorum, quæ sunt in animo cuiusque, ob eamque causam Dominus sæpe phariseos arguens, hypocritas appellat. Et hæc de priore præcepti lege, quæ ad uetandum spectat.

*De iustitia
uniusq. in-
violabiliter
ministranda.
ad Rom. 14.*

Act. 7.

Act. 16.

Deuter. 1.

Iosu. 7.

S. Augusi.

Nunc explicemus, quid in altera iubeat Dominus. Pertinet autem hæc præcepti uis, & ratio ad id, ut iuste, & ex legibus forensia iudicia exerceantur, neue occupent homines, & usurpent iudicia. Non enim fas esse alienum seruum iudicare, ut scribit Apostolus: ne re, & causa incognita, sententiam ferant. quo in uitio fuit sacerdos, & scribarum consilium, qui de sancto Stephano iudicarunt. quod item peccatum fuit magistratus Philippensium: de quibus inquit Apostolus; Cæsos nos publice indemnatos, homines Romanos, miserunt in carcerem, & nunc occulte nos eiiciunt. Ne cõdemnent innocentes, aut nocentes absoluant, ne pretio, aut gratia, ne odio, aut amore moucantur. Sic enim Moses seniores admonet, quos populi iudices constituerat. Quod iustum est, iudicate, siue ciuis sit ille, siue peregrinus: nulla erit distantia personarum: ita paruum audietis, ut magnum, nec accipietis cuiusquam personam, quia Dei iudicium est. De reis autem, & fontibus, uult cos Deus uerum confiteri, cum ex iudicii formula interrogantur. est enim testimonium, ac prædicationis quædam, illa cõfessio laudis, & gloriæ Dei ex ipsius Iosue sententia, qui Achan ad ueri cõfessionem adhortatus inquit: Fili mi da gloriam domino Deo Israel. Sed quoniam hoc præceptum testes potissimum attingit, de his etiam a Parocho diligenter agendum erit. nam præcepti uis ea est, ut non solum prohibeat falsum testimonium, sed uerum etiam dici imperet. Est enim in humanis rebus maximus usus ueri testimonij; quod sunt innumcrabiles res, quas a nobis ignorari necesse sit, nisi eas ex testium fide cognoscamus. Quare nihil tam necessarium est, quam testimoniorum ueritas in iis rebus, quas nec ipsi scimus, neque tamen licet ignorare. De quo extat illa sancti Augustini sententia: Qui ueritatem occultat, & qui prodit mendacium, uterque reus est; ille, quia prodesse non uult; hic, quia nocere desiderat. Licet uero interdum uerum tacere, sed extra iudicium. nam in iudicio, ubi testis legitime interrogatur a iudice, uera omnino patefacienda sunt. Quo loco cauendum tamen est testibus, ne suæ memorie nimium confisi, quod exploratum non habent, id pro certo, affirmant. Reliqui sunt patroni causarum, & aduocati, actores

deinceps,

deinceps, & petitores. Illi igitur opera, ac patrocinio suo non deerunt necessariis hominum temporibus, & egentibus benigne subuenient: tum iniustas causas defendendas non suscipient, neque calumnias lites protrahent, nec alent auaritia. Quod ad mercedem attinet laboris, & operæ suæ, illa iure, & æquo metiantur. Petitores uero, & accusatores monendi sunt, ne cuiquam amore, aut odio, aut cupiditate aliqua adducti periculū iniquis criminationibus creent. Iussu hoc denique diuinitus descriptum est piis omnibus, ut in congressibus, & colloquiis uere semper, & ex animo loquantur; nihil dicant, quod alterius existimationi possit officere, ne de illis quidem, a quibus lædi se, & exagitari intelligunt; cum illud propositum habere debeant, sibi cum illis eam necessitudinem, & societatem intercedere, ut membra sint eiusdem corporis. Ut autem libentius hoc mendacii uitium caueant fideles, proponet eis Parochus summam huius sceleris miseriam, ac turpitudinem. Nam in sacris litteris, mendacii pater dæmon dicitur: quod enim dæmon in ueritate

Ioan. 8.

non stetit, mendax est, & mendacii parens. Adiungat ad eiciendum tantum flagitium, ea mala, quæ mendacium consequuntur: et quoniam sunt innumerabilia: fontes, & capita incommodorum, & calamitatum cominonstrabit: ac primum, in quātam cadat Dei offensionem, quamcumue eius odium incurrat homo uanus, & mēdax, Salomonis auctoritate declarabit eo loco; Sex sunt, quæ odit Dominus, & septimum detestatur anima eius, oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes ueloces ad currēdum in malum, proferentem mendacia, testem fallacem: & quæ sequuntur. Quis igitur ei præstet incolumitatem, qui in insigni odio sit apud Deum, quo minus grauissimis afficiatur suppliciis? Deinde quid impurius, aut scēdus, ut sanctus inquit Iacobus, quam in eadem lingua, qua benedicimus Deum, & Patrem, maledicere homines, qui ad imaginem, & similitudinem Dei facti sunt, ita ut fons de eodem foramine emanet dulcem, & amaram aquam? Quæ enim lingua prius laudem, & gloriam Deo tribuebat, postea, quātum in ea est, cum ignominia afficit, ac dedecore, mentiēdo. quare fit, ut a cælestis beatitudinis possessione mendaces excludantur. Cum enim in hunc modum quæreret a Deo David; Domine quis habitabit in tabernaculo tuo? respondit spiritus sanctus; Qui loquitur ueritatem in corde suo, qui non egit dolum in lingua sua. Maximum uero etiā illud in mendacio incommodum est, quod fere est insanabilis is animi

*Prover. 6.**Iacob. 3.**Psal. 14.*

morbus. Cum enim peccatum, quod inferendo falso crimine, aut proximi famæ, & existimationi obrectando, commissum sit, non remittatur, nisi calumniator ei, quem criminatus fuerit, satisfaciatur iniuriarum; id autem difficile fiat ab hominibus, primo, ut antea moluimus, pudore, & inani quadam dignitatis opinione deterretis; qui in eo peccato sit, hunc abdictum esse æternis inferorum pœnis, dubitare non possumus. neque enim quisquam speret, se calumniarum, uel obrectationis ueniam consequi posse, nisi prius ei satisfaciatur, de cuius dignitate, & fama, aut publice in iudicio, aut etiã in priuatis, & familiaribus congressibus aliquid detraxerit. Præterea, latissime patet hoc detrimentum, & in ceteros diffunditur, qua uanitate, & mendacio fides, ac ueritas tolluntur, arctissima uincula societatis humanæ: quibus sublati, sequitur summa uitæ confusio, ut homines nihil a dæmonibus differre uideantur. Docebit porro, uitam esse loquacitatem Parochus: cuius uitatione, & reliqua peccata fugiuntur, & est magna cautio mendacii: a quo uitio loquaces sibi fraudem facile reperare possunt. Postremo iis illum errorem eripiet Parochus, qui se in uanitate orationis excusant, & mendacium, prudentium exemplo defendunt: quorum esse aiunt, mentiri in tempore. Dicēs

ad Rom. 3.

id, quod uerissimum est, prudentiam carnis, mortem esse. Hortabitur auditores, ut in difficultatibus, & angustiis Deo confidant; neque ad artificium mentiendi confugiant. nam illi, qui utuntur perfugio, facile declarant, se sua magis niti prudentia, quam in Deo providentia spem ponere. Qui causam sui mendacii conferunt in eos, a quibus sunt mendacio decepti, hi docendi sunt, non licere hominibus se ipsos ulcisci, neque malum malo compensandum esse;

ad Rom. 12.

sed potius uincendum in bono malum: quod si etiam fas esset, hanc referre gratiam, nemini tamen utile, se suo ulcisci detrimento; esse autem id grauissimum detrimentum, quod mendacio dicendo facimus. Iis, qui afferunt humanæ naturæ imbecillitatem; & fragilitatem, tradendum erit hoc officii præceptum, ut diuinum auxilium implorent, nec infirmitati humanitatis obtemperant. Qui consuetudinem opponunt, admonendi sunt, si mentiri assueuerunt, ut dent operam, ut contrariam consuetudinem capiant uere loquendi; præsertim cum, qui usu, & consuetudine peccant, grauius delinquant, quam ceteri. Et quoniam non desunt, qui se tegant excusatione ceterorum hominum, quos passim mentiri, & peiorare cōtendunt; hac ratione illi ab ea opinione deducendi sunt, non esse imitandos malos, sed reprehendendos, & corrigendos: cum autem ipsi

mentimur,

mentimur, minus auctoritatis in reprehensione, & correptione alterius nostram habere orationem. Alios se ita defendentes, quod uera dicendo, sæpe incómodo sint affecti, sic resellunt sacerdotes, esse illam accusationem, non defensionem; cum sit officium Christiani hominis, quamuis potius facere iacturam, quam mentiri. Restant duo genera eorum, qui se in mendacio excusent; alteri, qui dicant, se ioci causa mentiri; alteri se idem facere utilitatis gratia, quippe qui bene nec emerent, nec uenderent, nisi mendacium adhiberent. utrosq. a suo errore Parochi auertere debebunt. Ac superiores quidem illos a uicio abducent, & docendo quantum eo in genere peccandi consuetudinem augeat usus mentiendi, & illud inculcando, omnis otiosi uerbi reddendam esse rationem. Proximos autem hos *Math. 12.* acerbius etiam obiurgabunt; quorum in excusatione grauior in sit illorum ipsorum accusatio, qui præferant, se minime illis Dei uerbis fidem, & auctoritatem tribuere; Quærite primum regnum Dei, *Math. 5.* & iustitiam eius, & hæc omnia adiicientur uobis.

NON CONCVPISCES DOMVM PROXIMI TVI: NEC DESIDERABIS VXOREM EIVS, NON SERVVM, NON ANCILLAM, NON BOVEM, NON ASINVM, NEC OMNIA QUÆ ILLIVS SVNT.

In his duobus præceptis, quæ postremo loco tradita sunt, illud in primis sciendum est, rationem fere cõstitui, qua cetera præcepta feruentur. Nam quod his uerbis præscriptum est, eo spectat, ut, si quis studet superiora legis iussa seruare, hoc maxime faciat, ne concupiscat: quoniam qui non concupiscet, suis contentus, aliena non appetet, aliorum commodis gaudebit, Deo immortalis gloriâ tribuet, gratias eidem maximas aget, Sabbathũ colet, id est quiete perpetua fruetur, maioresque uenerabitur: neminem denique neque re, neque uerbis, neque ullo alio modo lædet. Nam stirps, ac semen malorum omnium est praua concupiscentia; qua qui incensi sunt, præcipites feruntur in omne flagitiorum, & scelerum genus. His animaduersis, & Parochus in iis, quæ sequuntur, tradendis diligentior, & fideles ad audiendum erunt attentiores. Sed quamquam hæc duo præcepta coniunxerimus, propterea quod, cum non dissimile sit eorum argumentum, eandem docendi uiam habent, Parochus tamen & cohortando, & monendo poterit communiter, uel separatim, ut commodius sibi uidebitur, ea tractare: sin autem Decalogi interpretandi munus susceperit, demonstrabit, quæ sit horum duorum præceptorum dissimilitudo, quidue una cõcupiscentia ab altera differat, quam

hæ rebus tantum externis cōientæ sunt; illæ uero, quoniā animum
 Deus intuetur, ipsius animi puram, sinceramque castitatem, atque
 integritatem requirunt. Est igitur diuina lex, quasi speculum quod-
 dam, in quo naturæ nostræ uicia intuemur. quamobrem dixit Apo-
 stolus; Concupiscentiam nesciebam, nisi lex diceret; Non concupi-
 sces. cum enim concupiscentia, id est peccati fomes, qui ex peccato
 originem habuit, perpetuo nobis infixus inhæreat; ex hoc agnosci-
 mus, in peccato nos nasci: quapropter supplices ad eū confugimus,
 qui solus potest peccati sordes eluere. Habent autē hæc singula præ-
 cepta illud cum ceteris commune, ut partim aliquid uetent, partim
 iubeant. Quod ad prohibendi uim attinet; ne quis forte arbitretur,
 concupiscentiam illam, quæ uitio caret, aliquo modo uitium esse,
 ut concupiscere spiritum aduersus carnem, uel expetere iustificatio-
 nes Dei in omni tempore, id quod Dauid summo opere cupiebat; Pa-
 rochus doceat, quæ concupiscentia illa sit, quam huius legis præscri-
 pro fugere oporteat. Quare sciendum est, concupiscentiam esse com-
 motionem quandam, ac uim animi, qua impulsī homines, quas nō
 habent, res iucundas appetunt. & quemadmodum reliqui animi nō
 stri motus non perpetuo mali sunt: ita hæc concupiscendi uis nō
 semper in uitio est ponenda. neque enim propterea malum est, si ci-
 bum, aut si potum appetimus; aut cum frigemus, si calefcere; aut
 contra, cum calemus, si frigescere cupimus. & quidē recta hæc con-
 cupiscendi uis, Deo auctore, nobis a natura insita est: sed primorum
 parentum nostrorum peccato factum est, ut illa naturæ fines transi-
 liens, usque adeo deprauata sit, ut ad ea concupiscenda sæpe incite-
 tur, quæ spiritui, ac rationi repugnant. Quin etiam hæc uis, si mo-
 derata est, suisque finibus continetur, sæpe etiam nō mediocres uti-
 litates præbet. nam illud primum efficit, ut assiduis precibus Deum
 oremus, supplicesque ab eo petamus, quæ maxime cupimus. oratio
 enim cupiditatis nostræ interpres est. quod si recta hæc cōcupiscen-
 di uis abesset, non tā multæ preces essent in Ecclesia Dei. Efficit præ-
 terea, ut chariora sint nobis Dei munera: quo enim uehemētiori ali-
 cuius rei cupiditate flagramus, eo charior illa nobis res est, atque iu-
 cundior, cum eam adepti sumus: tum uero delectatio ipsa, quam ex
 re concupita sentimus, facit, ut maiore pietate gratias Deo agamus.
 itaque, si concupiscere aliquando licet, fateamur necesse est, non
 omnem concupiscendi uim prohibitam esse. & quamquam D. Pau-
 lus concupiscentiam peccatum esse dixit; id in eam tamen sententiā
 accipiendum est, in quam Moyses locutus est, cuius ille testimoniū
 assert

*ad Rom. 7.**ad Gal. 5.**Psal. 118.**ad Rom. 7.*

- Exod. 20.* affert id, quod ipſius Apoſtoli oratio declarat. nam illam carnis concu-
Ad Gal. 5. piſcentiam uocat in epiſtola ad Galatas: Spiritu, inquit, ambula-
 te, & deſideria carnis non perficietis. Naturalis igitur illa cupiditatis
 uis, & moderata, quæ fines ſuos non egreditur, non uetatur, mul-
 toque minus ſpiritualis illa rectæ mentis cupiditas, qua ad eorum ap-
 petitionem incitatur, quæ carni repugnant. ad hanc ipſam enim ſa-
 cræ litteræ nos adhortantur: Concupiſcite ſermones meos. &; Tran-
Sap. 6.
Eccle. 24. ſite ad me omnes, qui concupiſcitis me. Itaque hoc interdixto non
 ipſa concupiſcendi uis, qua tum ad bonum, tum ad malum uti licet,
 ſed uſus prauæ cupiditatis, quæ carnis concupiſcentia, & peccati ſor-
 mes uocatur, ac, ſi animi aſſenſionem adiunctam habeat, ſemper in
 uitis numeranda eſt, omnino prohibetur. Ergo ea tantum concu-
Ad Gal. 5. piſcendi libido uetita eſt, quam carnis concupiſcentiam uocat Apo-
 ſtolus, illi ſcilicet concupiſcendi motus, qui nullum rationis modum
 habent, neque finibus a Deo conſtitutis continentur. Hæc cupidi-
 tas damnata eſt, uel quia malum appetit, ueluti adulteria, ebrietates,
 homicidia, & alia eiufmodi nefaria ſcelera, de quibus ita Apoſtolus,
1 Ad Cor. 10. Non ſumus, inquit, concupiſcentes malorum, quemadmodum &
 illi concupierunt; uel quia, eſſi res natura ſua malæ non ſunt, cauſa
 tamen aliunde extat, quare illas concupiſcere nefas ſit. quo in gene-
 re ſunt ea, quæ ne poſſideamus, Deus, aut Eccleſia prohibet: non
 enim ea nobis appetere licet, quæ poſſidere omnino nefas ſit, qualia
 olim in ueteri lege fuerunt, aurum, & argenteum, ex quibus idola con-
Deut. 7. flata erant, quæ, Dominus in Deuteronomio uetuit, ne quis con-
 cupiſceret. Ob eam præterea cauſam hæc cupiditas uitioſa prohibe-
 tur, quoniam, quæ appetuntur, aliena ſunt, ut domus, ſeruus, an-
 cilla, ager, uxor, bos, aſinus, & alia multa; quæ cum aliena ſint, ea
 concupiſcere uetat diuina lex. rerumque eiufmodi cupiditas nefaria
 eſt, & in peccatis grauiffimis numeratur, cum illis concupiſcendis
 animi præbetur aſſenſus. nã tum peccatum natura exiſtit, cum poſt
 malorum cupiditatum impulſum animus rebus prauis delectatur,
 atque his uel aſſentitur, uel non repugnat: id quod D. Iacobus, cum
Iacob. 1. peccati originem, & progreſſionem oſtendit, illis uerbis docet; Vnuſ
 quiſque tentatur a concupiſcentia ſua abſtractus, & illeceſtus: deinde
 concupiſcentia cum conceperit, parit peccatum; peccatum uero;
 cum conſummatum fuerit, generat mortem. Cum igitur lege ita ca-
 ueatur; Non concupiſces; hæc uerba ad eum ſenſum referuntur, ut
 noſtras cupiditates a rebus alienis cohibeamus. alienarum enim re-
 rum cupiditatis ſitis immenſa eſt, atque infinita, neque umquam
 ſatiatur,

fatiatur, ut scriptum est, Auarus non implebitur pecunia: de quo ita est apud Isaiam: *Vt, qui coniungitis domum ad domum, & agrum agro copulatis. sed ex singularum uocum explicatione facilius intelligitur huius peccati feditas, & magnitudo. Quare Parochus docebit, domus uocabulo non locum modo, quem incolimus, sed uniuersam hereditatem significari, ut ex diuinorum scriptorum usu, cōsuetudineque cognoscitur. In Exodo scriptum est; Obstetricibus a Domino domus esse ædificatas. sententia eo spectat, ut illarum facultates ab eo auctas esse, atque amplificatas interpretemur. Ex hac igitur interpretatione animaduertimus, hac præcepti lege uetium nobis esse, ne diuitias auide expetamus, neque alienis opibus, potentia, nobilitati inuideamus, sed statu nostro, qualisqualis ille sit, siue humilis, siue excelsus, contenti simus. alienæ deinde gloriæ appetitionem uetita esse, intelligere debemus. nam hoc item ad domum pertinet. Quod uero sequitur, Nec bouem, nō asinum; id ostendit non solum, quæ magna sunt, ut domus, nobilitas, & gloria, ea cum aliena sint, concupiscere nobis non licere, sed etiam parua, qualia illa sint, siue animata, siue inanimata. Sequitur deinceps; Neque seruum. quod intelligendum est tam de captiuis, quam de reliquo genere seruorum; quos, ut cetera alterius bona, concupiscere non debemus. liberos uero homines, qui uoluntate seruiunt, uel mercede conducti, uel amore, obseruantiaque impulsī, nullo modo neque uerbis, neque spe, neque pollicitationibus, neque præmiis quis corrumpere, aut sollicitare debet, ut eos deserant, quibus se ipsi sponte addixerunt; immo uero, si ante id tempus, quo se in illorum famulatu fore promiserant, ab illis recesserint, huius præcepti auctoritate admonendi sunt, ut ad eos ipsos omnino reuertantur. Quod autem in præcepto mentio fit proximi, id eo pertinet, ut hominum uitium demonstretur, qui uicinos agros, aut proximas domos, aut aliam rem eiusmodi, quæ secum continens sit, appetere solent. Vicinitas enim, quæ in parte amicitia ponitur, ab amore ad odium cupiditatis uirio traducitur. Hoc uero præceptum ij minime uiolant; qui res, quas proximi uenales habent, emere de illis cupiunt, aut iusto pretio emunt. ij enim non modo proximum non lædunt, sed ualde adiuuant, cum ei pecunia maiori commodo, usuique futura sit, quam res illæ, quas ipse uenditat. Hanc de re aliena non concupiscenda legem altera sequitur, quæ prohibet, ne alienam concupiscamus uxorem. qua lege concupiscendi libido non ea quidem tantum prohibita censetur, qua adulter alterius uxorem appetit, sed etiam,*

*Eccle 55.
Isa. 5.*

Exod. 50.

qua affectus ali quis alterius uxorem in matrimonium ducere concupiscit. eo enim tempore, cum repudii permittebatur libellus, illud facile euenire poterat, ut quæ ab uno repudiata esset, eam alter uxor acciperet. at hoc Dominus uetuit, ne aut mariti ad uxores relinquendas sollicitaretur; aut uxores maritis difficiles se, ac morosas ita præberent, ut eam ob causam quædam quasi necessitas uiris imponeretur illas repudiandi. nunc uero grauius est peccatum, cum mulierem, etiam si a uiro repudiata sit, alteri in matrimonium ducere non liceat, nisi marito mortuo. itaque qui alterius uxorem concupiscet, facile ex una in aliam incidet cupiditatem: aut enim illius uirum mori, aut adulterium admittere cupiet. atque hoc idem de ijs mulieribus dicitur, quæ alteri desponsatæ sunt. neque enim has item concupiscere licet, cum ij, qui hæc pacta rescindere student, uiolēt sanctissimum fidei fœdus. & quemadmodum, quæ alteri nupta est, eā concupiscere omnino nefas est: sic, quæ ad Dei cultum, religionemque est consecrata, nullo pacto licet illam uxorem appetere. Si uero quis mulierem, quæ nupta est, cum eā innuptam esse opinetur, uxore sibi dari concupiscit, neque, si in matrimonium alii collocatam intelligeret, eam nuptam sibi dari cuperet, id quod Pharaoni, & Abimelech corrigisse legimus, qui Sarain in matrimonio habere concupierunt, cum eam minime nuptā, Abrahæq. sororem, non uxore arbitrarentur; ille certe, qui eo animo est, eiusmodi præcepti legem uiolare non uidetur.

Gen. 12. 10.

Remedia aduersus noxias concupiscentias.

Sed ut Parochus remedia patefaciat, quæ ad tollendum hoc cupiditatis uitium accommodata sunt, explicare alterā præcepti rationem debet; quæ in eo consistit, ut, si diuitiæ affluant, cor non apponamus, easque pietatis, & diuinarum rerum studio abijcere parati simus, & in subleuandas pauperum miseras libenter pecuniā erogemus; si desint facultates, egestatem æquo, & hilari animo feramus. & quidem si rebus nostris dandis liberalitate utemur, rerum alienarū cupiditates restringemus. De paupertatis autem laudibus, diuitiarūq. despicit, in sacris litteris, & apud sanctos Patres facile erit Parocho multa colligere, & fideli populo tradere. Hac item lege præcipitur, ut ardenti studio, summaque cupiditate optemus id potissimum effici, non quod nos concupiscimus, sed quod Deus uult, quemadmodum Domini oratione exponitur. Voluntas autem Dei in eo maxime est, ut nos singulari quodā modo sancti efficiamur, animūque nostrū sincerū, atque ab omni labe purū, integrumque cōseruemus, & exerceamus nos in ijs mentis, ac spiritus officiis, quæ corporis repugnant sensibus; horūq. edomitis appetitionibus, ratione, ac spiritu duce, rectū uitæ cursum

Math. 6.

cursum teneamus; quive præterea sensus materiã cupiditatibus nostris, libidiniq. præbent, eorũ uim maxime reprimamus. Sed ad hunc cupiditatum ardorem restringendum, plurimum etiã hoc potest, si, quæ incõmoda ex illis accidunt, ea nobis ob oculos proponamus. primum uero illud incõmodum est, quod, quoniã eiulimodi cupiditatibus paremus, in anima nostra regnat summa peccati uis, ac potestas. quamobrem monuit Apostolus; Nõ regnet peccatum in uestro mortali corpore, ut obediatis cõcupiscentiis eius. Nã quemadmodum, si cupiditatibus resistimus, peccati uires cõcident: ita, si iisdem succumbimus, Dominum a regno suo expellimus, & in eius locum peccatũ introducimus. Alterum præterea incõmodum est, quod ab hac cõcupiscendi ui, ueluti fonte quoddã, omnia peccata manant, ut D. Iacobus docet. D. item Ioannes; Omne, inquit, quod est in mundo, cõcupiscentia carnis est, & cõcupiscentia oculorum, & superbia uitæ. Tertium incõmodum in eo est, quoniã rectum animi iudicium his cupiditatibus obscuratur. homines. nãis cupiditatum tenebris obæcatis, honesta, & præclara putat omnia, quæcumq. ipsi cõcupiscunt. Opprimitur præterea cõcupiscendi ui uerbum Dei, quod in animis nostris a magno illo agricola Deo insitum est. sic. n. apud D. Marcum scriptum est: Alii sunt, qui in spinis seminantur: hi sunt, qui uerbum audiunt, & ærumnæ sæculi, & deceptio diuitiarum, & circa reliqua cõcupiscentiæ introeuntes, suffocant uerbum, & sine fructu efficiunt. Iam uero, qui præ ceteris hoc cupiditatis uitio laborat, quosque propterea Parochus ad colendum hoc præceptum diligentius cohortari debet, illi sunt, qui lusionibus nõ honestis delectantur, aut qui ludis immoderate abutuntur: mercatoresq. item, qui rerum penuriam, annosæque caritatem expetunt, atque id ægre ferunt, ut alii præter ipsos sint, qui uendant, aut emat, quo carius uendere, aut uilius emere ipsi possint: qua in re item peccat, qui alios egere cupiunt, ut aut uedendo, aut emendo ipsi lucrentur. Peccant etiã milites, qui bellum expetunt, ut furari ipsis liceat: medici item, qui morbos desiderant: aut consulti, qui causarum, litiumq. uim, copiamq. concupiscunt: aut artifices, qui quæstus auidi, omnium, quæ ad uictum, cultumq. pertinent, penuriam exoptant, ut inde plurimum lucri faciant. In hoc præterea genere grauius ii peccant, qui alienæ laudis, gloriæque quædi, atque appetentes sunt, non sine aliqua sumæ alterius obrestitutione, idque præferunt, si, qui illam appetunt, ignaui, nulliusque pretii homines sunt: fama enim, & gloria, uirtutis, atque industria, non ignauia, aut inertia, præmium est.

*ad Rom. 6.**Iacob. 1.
1. Ioan. 2.**Mar. 4.**1. Tim. 3.**1. Tim. 3.**1. Tim. 3.**1. Tim. 3.*

DE ORATIONE.

IN OFFICIO, & munere Pastoralis cum primis necessaria est ad salutem fidelis populi, præceptio Christianæ precatationis; cuius uim, ac rationem multos necesse est ignorare, nisi pia, & fidei Pastoris diligentia tradita sit. Quamobrem præcipua Parochi-cura uersari debet in eo, ut pii auditores intelligant, quid a Deo, & quo modo orandum sit. Omnes autem necessariæ precatationis numeros continet diuina illa formula, quam Christus dominus apostolis, & per illos, eorumque successores, omnibus deinceps, qui Christianam religionem suscipiunt, notam esse uoluit. cuius uerba, atque sententias sic animo ac memoria comprehendere oportet, ut in promptu habeamus. Ut autem in hac orandi ratione suppediret Parochis facultas instituendi fideles auditores, quæ magis opportuna uisa sunt, hic proposuimus, sumpta ab iis scriptoribus, quorum eo in genere doctrina, & copia maxime laudatur: nam reliqua, si opus fuerit, Pastores ex eisdem fontibus haurire poterunt.

DE NECESSITATE ORATIONIS.

- Primū igitur docendum est, quam sit oratio necessaria; cuius præceptum non solum cōsiliū causa traditum est, sed etiam necessariū iussu uim habet. quod a Christo domino declaratum est illis uerbis;
- LUC. 18.* Oportet semper orare. Hanc orandi necessitatem ipsa, etiam illo Dominicæ precatationis quasi proœmio, ostendit Ecclesia; Præceptis salutaribus moniti, & diuina institutione formati, audemus dicere. Itaque cum esset necessaria precatio Christianis hominibus, & illud
- LUC. 11.* a discipulis ipse rogatus esset; Domine doce nos orare; præscripsit eis orandi formam Dei Filius, & spem attulit impetrationis eorum, quæ postularent: & ipse documentum fuit precatationis, qua non
- LUC. 6.* solum utebatur assidue, sed etiam in ea pernoctabat. cuius deinde officii, iis, qui se ad Iesu Christi fidem contulissent, apostoli præcepta tradere non destiterunt. nam sancti & Petrus, & Io-
- 1. PET. 3. 4.* annes, de ea diligentissime pios admonent: & eius rationis memor Apostolus pluribus locis Christianos hortatur ad salutarem orandi necessitatem. Præterea, tam multis indigemus bonis, & cōmodis, ad animum, & corpus tuendum necessariis, ut ad præcationē confugere oporteat, tamquā ad unam omnium optimā, & indigentiæ nostræ interpretem, & conciliatricem eorum, quibus egemus. Nam, cū nihil
- cuique

cuique debeat Deus, reliquum profecto est, ut quæ nobis opus sunt ab eo precibus expetamus; quas precēs tamquam instrumentum necessarium nobis dedit ad id, quod optaremus, consequendū: præfertim, cum quædam esse constet, quæ nisi eius adiumento non liceat impetrare. Habent enim factæ precēs præstantem illam uirtutē, qua maxime dæmones eiiciuntur. Est enim quoddam dæmoniorū genus, quod non eiicitur nisi ieiunio, & oratione. Quare magnam sibi adiungunt facultatem singularium donorum, qui hanc consuetudinem, exercitationemque non adhibent, pie ac diligenter orandi. petitione enim non solum honesta, sed etiam assidua opus est ad impetrandum; quod concupiscas. Nam, ut inquit S. Hieronymus, scriptum est, Omni petenti datur, ergo si tibi non datur, ob id nō datur, quia non petis: petite ergo, & accipietis. *Matth. 17.*

DE UTILITATE ORATIONIS.

Habet autem hæc necessitas iucundissimam utilitatem, quæ fructus ex se edit uberrimos, quorum copiam sunt Pastores a sacris scriptoribus, cum opus erit illos impetire fidei populo. nos ex ea copia aliquot elegimus, quos huic temporī accommodatos duximus. Primus autem fructus, quem inde capimus, est is, quod orātes Deo honorem habemus; siquidem est quoddam religionis argumētum oratio, quæ in diuinis litteris thymiamathi comparatur: Dirigatur enim, inquit Propheta, oratio mea, sicut incensum in cōspectu tuo. Quare nos hac ratione Deo subiectos esse profiteamur, quem bonorum omnium auctorem agnoscimus, & prædicamus, in quem solū spectamus, quod unum incolumitatis, salutisquē presidium atque perfugium habemus. Huius fructus illis etiam uerbis admonemur. Inuoca me in die tribulationis, erua te, & honorificabis me. Sequitur fructus amplissimus, & iucundissimus orationis, cum a Deo preces audiuntur: est enim ex S. Augustini sententia, cæli clausi oratio. Nam ascendit, inquit precatio, & descendit Dei misericordia: licet alta sit terra, altum cælum, audit tamen Deus hominis linguam. Cuius orandi muneris tanta uis est, tanta uelitas, ut care celestium donorum amplitudinem consequamur. Nam & impetramus nobis, ut ducem, & adiutorem adhibeat spiritum sanctum, & fidei assequimur conseruationem, & incolumitatem, & uitationem penarum, & diuinū patrociniū in tentationibus, & ex Diabolo uictoriā. omnino inest i præcatione singularis gaudij cumulus. Quamobrē sic loquebatur Dominus; Petite, & accipietis, ut gaudiū uestrū sit plenum. *Joan. 16.*

Nec uero, quin huic petitioni præsto sit, & occurrat Dei benignitas, ullus relictus est dubitandi locus. quod multa comprobant diuinæ scripturæ testimonia; quæ, quia sunt in promptu, illa modo apud

Isa. 58. Isaiam exempli causa attingemus: Tunc enim, inquit, inuocabis, & Dominus exaudiet: clamabis, & dicet, ecce adsum. & rursus; Eritq.

Isa. 65. antequam clament, ego exaudiam: adhuc illis loquentibus ego audiam. exempla autem eorum, qui Deum exorauerunt, quia prope modum sunt & infinita, & posita ante oculos, omittimus. At interdum fit, ut quæ petimus, a Deo non impetremus. ita est: sed tum maxime prospicit utilitati nostræ Deus, uel quod alia nobis maiora, & ampliora bona impertitur; uel quod nec necessarium nobis est, nec utile, quod petimus: immo uero fortasse superuacaneum id futurum sit, si dederit, atque pestiferum. Quædam enim, inquit sanctus Augustinus, negat propitius Deus, quæ concedi iuratus. Nonnumquam etiam fit, ut adeo remisse, ac negligenter oremus, ut ne ipsi quidem, quod dicimus, attendamus. Cum autem sit oratio, mentis ascensus ad Deum: si in orando animus, qui ad Deum referri debet, peregrinatur, nulloque studio nulla adhibita pietate, temere præcationis uerba funduntur, quo modo inanem huius orationis sonitum, Christianam præcationem esse dicemus? Quare minime mirum est, si Deus nostræ non obsequitur uoluntati; cum uel ipsi nolle id nos, quod petimus, pene probemus, nostræ negligentia & ignoratione præcationis; uel postulemus ea, quæ nobis sunt obfutura. Contra uero scienter, ac diligenter petentibus multo plus tribuitur, quam a Deo postulauerint. quod & Apostolus testatur in epistola ad Ephesios, & illa prodigi filij similitudine declaratur; qui præclare secum actum esse existimaturus fuit, si in loco mercenarii famuli eum habuisset pariter. & si recte cogitantibus, non solum postulantiis nobis cumulat gratiam suam Deus, non modo munerum copia, sed etiam celebritate tribuendi. quod ostendunt diuinæ litteræ, cum illa uiruntur

Psal. 9. loquendi formula; Desiderium pauperum exaudiuit Dominus, in timis enim, & tacitis egentium studiis, ne expectata quidem eorum uoce Deus occurrit. Accedit eo etiam ille fructus, quod orando animi uirtutes & exercemus, & augemus, maxime uero fidem. ut enim

ad Rom. 10. rite illi non orant, qui fidem Deo non habent: quo modo enim, inquit, inuocabunt, in quem non crediderunt? sic fideles, quo studio: sius orant, eo maiorem, ac certiore fidem habent diuinæ curæ, & prouidentia, quæ potissimum id requirit a nobis, ut ad se de ipsi, quæ nobis opus sunt, referentes, omnia postulemus. Posset uero Deus

non

non petentibus, ne cogitantibus quidem, abunde nobis omnia dilargiri, quo modo & animantibus rationis expertibus cuncta suppeditat ad usus uitæ necessarios; sed beneficentissimus parens uult a filiis inuocari: uult nos quotidie rite petendo, petere fidentius: uult imperari iis, quæ postulamus, in dies magis testificari, ac prædicare suam in nos ipsos benignitatem. Amplificatur etiam charitas: nam illum auctorem agnoscens omnium bonorum, utilitatumque nostrarum, quanta cum possumus maxima charitate amplectimur; & ut amâtes, colloquio, & congressu magis ad amorem incenduntur: sic pii homines, quo sæpius Deo facientes preces, & eius implorâtes benignitatem, quasi cum ipso colloquuntur, eo maiori in singulas preces affectu læticia, ad eum amandum, & colendum incitantur ardentius. Propterea nos hac uti uult exercitatione precationis, ut flagrantibus petendi studio quod optamus, tantum ea assiduitate, & cupiditate proficiamus, ut digni simus, in quos illa cõferantur beneficia, quæ antea ieiunus, & angustus animus noster capere non poterat. Vult præterea nos id, quod est, intelligere, ac præ nobis ferre, si gratiæ cælestis auxilio deseramus, nostra opera nihil consequi posse, proptereaque toto animo ad orandum incumbere. Valêt autem maxime hæc tamquam orationis arma contra naturæ nostræ hostes acerrimos: inquit enim sanctus Hilarius: Aduersus diabolum, armaque eius, orationum nostrarum sonitu certandum est. Præclarum præterea illum orationis fructum assequimur, quod cum procliues simus ad malum, & ad libidinis uarios appetitus uitio infirmitatis ingenitæ, patitur, se nostris cogitationibus concipi, ut, dum illum oramus, & mereri eius contendimus munera, accipiamus innocentie uoluntatem, & ab omni labe, delictorum omnium amputatione purgemus. Postremo ex sancti Hieronymi sententia, iræ diuinæ resistit oratio. itaque sic ad Moysen locutus est Deus; *Exod. 32.* Dimitte me: cum quidem pœnas cum ab illo populo petere uolentem, precibus impediret: nihil enim est, quod æque Deum leniat iratum, aut etiam paratum ad plagas sceleratis inferendas, æque recardet, & reuocet a furore, ac preces piorum hominum.

DE PARTIBVS, ET GRADIBVS ORATIONIS.

Exposita necessitate, & utilitate Christianæ precationis, scire præterea oportet fidelem populum, quot, & quibus partibus ea constet oratio: id enim ad huius officij perfectionem pertinere testatur Apostolus; qui in epistola ad Timotheum cohortans ad pie, sancteque *1. ad Tim. 2.*
 orandum,

1. ad Tim. 2.

orandum, orationis partes diligenter enumerat; Obsecro, inquit, primum omnium fieri obsecrationes, orationes, postulationes, gratiarum actiones pro omnibus hominibus. Quod uero subtilis quædam est harum differentia partiū, si eius explicationem auditoribus Parochi conducere existimabunt, cōsulent inter ceteros S. Hilariū, & Augustinum. Sed quoniam duæ sunt præcipuæ partes orationis, postulatio, & gratiarum actio; a quibus, tamquam a capite, manant reliquæ; minime eas prætermittendas duximus. Nam ad Deum accedimus, ut cultum ei, ac uenerationem adhibentes, uel ab eo aliquid impetremus, uel ipsi de beneficijs, quibus assidue ab eius benignitate ornatur, & augemur, gratias agamus. Vtramque hanc maxime necessariam partem orationis, Deus ipse pronunciauit ore Dauidis, illis uerbis; Inuoca me in die tribulationis, erua me, & honorificabis me. Quantum autem egeamus diuinæ liberalitatis, ac bonitatis, quis ignorat, modo summam hominum egestatem, & miseriam intueatur? Quam uero sit propensa Dei uoluntas in genus humanum, quam effusa in nos benignitas, omnes intelligunt, qui sensu oculorum, & mente præditi sint. Nam quocumque oculos conuicimus, quocumque nos cogitatione conuertimus, nobis admirabilis lux diuinæ beneficentiæ, ac benignitatis oboritur. Quid enim habent homines, quod a Dei largitate profectum non sit? et si omnia sunt eius dona; ac munera bonitatis; quid est, quod nō omnes pro uiribus beneficentissimum Deum laudibus celebrent, & gratiarum actione prosequantur? Sed utriusque officii, & petendi aliquid a Deo, & ei gratias agendi, multi sunt gradus, quorum alius alio est altior, atque perfectior. Vt igitur fidelis populus non solum oret, sed etiam optime fungatur illo munere orationis, proponunt ei Pastores summam, perfectamque orandi rationem, & ad eam quam diligentissime poterunt hortabuntur. Sed quoniam est optimus orandi modus, & summus precationis gradus; nempe is, quo pii, & iusti homines utuntur; qui freti ueræ fidei stabili fundamento, quibusdam optimæ mentis, orationisque gradibus, in illum locum perueniunt, ex quo infinitam Dei potentiam, immensam benignitatem, ac sapientiam contemplari possunt: ubi etiam in spem certissimam ueniunt, se & quidquid petierint in præsentia, & illam inexplicabilem bonorum uim cōsecuturos esse, quæ pollicitus est Deus largiturum sc̃iis, qui diuinum auxilium pie, & ex animo implorauerint. His, quasi duabus alis, elata in celum anima, ardēti studio peruenit ad Deum, quæ omni gratiarum & laudum honore prosequitur, quod summis ab

cobe-

eo beneficiis affecta sit; tum uero singulari adhibita pietate, ac ueneratione, quali filius unicus charissimo parenti, quid sibi sit opus non dubitantet exponit. Quem precandi modum, effundendi uoce, expriment diuinæ litteræ. inquit enim propheta; Effundo in conspectu eius orationem meam, & tribulationem meam ante ipsum pronuncio. quæ uox eam uim habet, ut nihil reticeat, nihil occultet, sed effundat omnia is, qui ad orandum uenit, fidenter confugiens in sinum amantissimi parentis Dei. Ad id enim nos doctrina cælestis hortatur illis uerbis; Effundite coram illo corda uestra, & lacta super Dominum curam tuam. Hunc autem precreationis gradum significat sanctus Augustinus, eum inquit in eo libro, qui inscriptus est Enchiridion, quod fides eredit, spes & charitas orat. Alius est eorum gradus, qui mortiferis peccatis oppressi, fide tamen ea, quæ mortua dicitur, nituntur sese erigere, & ad Deum ascendere: sed propter intermortuas uires, summamque fidei imbecillitatem, se altius a terra tollere non possunt. Verumtamen sua peccata recognoscetes, & eorum conscientia, ac dolore cruciati, humiliter, ac demisse, ex illo maxime longinquo loco penitentes, scelerum a Deo ueniam, & pacem implorant. Horum oratio suum obtinet locum apud Deum: nam eorum preces audiuntur, immo uero huiusmodi homines liberalissime misericors Deus inuitat: Venite, inquit, ad me omnes, qui laboratis, & onerati estis, & ego reficiam uos. ex horum hominum numero fuit ille publicanus, qui eum oculos ad cælum tollere non auderet, exiit tamen, inquit, e templo magis iustificatus, quam phariseus. Est præterea eorum gradus, qui nondum fidei lucem acceperunt, uerumtamen diuina benignitate exiguum illorum naturæ lumen accedente, uehementer excitantur ad studium, cupiditatēque ueritatis, quā ut doceantur, summis precibus petunt. qui si manent in uoluntate, a Dei clementia eorum studium non repudiatur. Quod exemplo Cornelii Cæturionis comprobatum uidemus. Nemini enim id ex animo petenti clausæ sunt fores diuinæ benignitatis. Postremus est gradus eorum, quos non modo facinorum, ac flagitiorum non penitentes, sed etiam sceleribus scelera eumulantes, tamen non pudet sæpe a Deo petere peccatorum ueniā, in quibus uolunt perseverare; qui tali statu ne ab hominibus quidē audere deberēt, ut sibi ignoscerent, postulare horum oratio a Deo non auditur. sic enim de Antiocho scriptum est; Otabat autem hic scelestus Dominum, a quo non esset misericordiā cōsecuturus. Quare uehementer hortandi sunt, qui in graui illa miseria uersantur, ut abiecta peccandi uoluntate, uere & ex animo se cōuertant ad Deum.

DE IIS, QUAE PETENDA SVNT.

Sed quoniam in singulis petitionibus quid postulandum, quid non, suo loco dicitur; satis hic erit fideles uniuerse illud admonere, ut, quæ iusta, quæ ue honesta sint, a Deo petant homines; ne, si, contra quam deceat, aliquid postularint, illo responso repellantur; Ne-

Matth. 20. scitis quid petatis. Quidquid autem recte optari potest, petere licet.

Ioan. 15. quod illa Domini uberrima promissa testantur; Quodcumque uolueritis, petetis, & fiet uobis: omnia enim se cōcessurum pollicetur. quare primum optatum, ac desiderium nostrum ad eam regulam dirigemus, ut ad Deum, qui summum est bonum, summum studiū, desideriumque referatur. Deinde cupiemus ea, quæ cum Deo nos maxime coniungant: quæ uero nos inde seiungant, aut causam aliquam affertunt disunctionis, ab omni studio, & cupiditate nostra remouenda sunt. Hinc licet colligere secundum illud summum, & perfectum bonum, quo modo reliqua, quæ dicuntur bona, & optanda sint, & a parente Deo postulanda. Nā hæc corporis, quæ uocant, & externa bona, ut sanitas, robur, pulchritudo, diuitiæ, honores, gloria, quia facultatem, ac materiam sæpe dant peccato (quæ re sit, ut non omnino pie, aut salutariter petantur) erit illa petitio his præscribenda finibus, ut hæc uitæ commoda postulētur necessitatis causa: quæ precandi ratio refertur ad Deum. Licet enim nobis ea precibus petere, quæ & Iacob, & Salomon postularunt. ille enim in hunc modum, Si dederis mihi panem ad uescendum, & uestimentum ad induendum, erit mihi dominus in Deum: Salomon his uerbis; Tribue tantum uictui meo necessaria. Cum uero nobis Dei benignitate suppedietur ad uictum, & ad cultum, par est, nos illius Apostoli cohortationis recordari; Qui emunt tamquam non possidentes, & qui utuntur hoc mundo, tamquam non utantur: præterit enim figura huius mundi. item; Diuitiæ si affluant, nolite cor apponere: quarum fructum, & usum tantummodo nostrum esse, sed ita, ut cum ceteris communicemus; ab ipso doctore Deo didicimus. si ualeamus, si reliquis externis, & corporis bonis abundamus, eo illa nobis tributa esse meminerimus, ut & facilius Deo inferuire possimus; & proximo omnia eius generis commodare. Ingenii autem bona, & ornamenta, cuius generis sunt artes, atque doctrinæ, petere non licet, sed ea tantum condicione, si nobis ad Dei gloriam, & ad salutē profutura sunt. Quod autem omnino, & sine adiunctione, aut condicione optandum, querendum, postulandum est, quemadmodum

antea

antea diximus, id Dei gloria est, & deinceps omnia, quæ summo illi bono coniungere nos queant, ut fides, timor Dei, amor, de quibus plenius dicemus in explicatione petitionum.

PRO QUIBUS ORANDVM SIT.

His autè cognitis, quæ petenda sint, docendus est fidelis populus, pro quibus orare debeat. Continet autem oratio petitionè, & gratiarum actionem: quare prius de petitione dicamus. Orandū igitur est pro omnibus sine ulla exceptione uel inimicitiarū, uel gentis, uel religionis. nam siue hostis sit, siue alienus, siue infidelis, proximus est: quem quia Dei iussu amare debemus, sequitur, ut preces quoque, quod amoris officium est, pro eo facere oporteat. nā eo pertinet illa Apostoli cohortatio; Obsecro fieri orationes pro omnibus hominibus. Quæ in oratione primū petenda sunt, quæ salutem animæ cōplectuntur, deinde quæ corporis. Debemus autè hoc precationis officiū primum Pastoribus animarū tribuere, quod ab Apostolo eius exemplo monemur. scribit. n. is ad Colossenses, ut orēt pro se, ut sibi Deus aperiat ostiū sermonis. quod itē facit ad Thessalonicēses. Est præterea in Actis apostolorū; Oratio fiebat sine intermissione ab Ecclesia pro Petro. cuius etiā officij a D. Basilio in libris de moribus admonemur: pro iis. n. orandum esse, inquit, qui præfunt uerbo ueritatis. Secundo loco pro Principibus nos precari oportet, ex eiusdē Apostoli sententiā: quanto enim publico bono principibus piis, & iustis utamur, nemo ignorat. itaque rogandus est Deus, ut tales sint, quales esse oportet, qui reliquis hominibus præfint. Extāt exempla sanctorū hominum, quibus monemur, ut pro bonis etiā, piisq. deprecemur. Egen enim & illi precibus aliorum: quod diuinitus factū est, ne superbia effrangeretur, dum intelligunt se inferiorum suffragiis indigere. Iussit præterea Dominus precari pro persequentibus, & calumniantibus nos. Illud etiā S. Augustini testimonio celebratum est, hanc esse acceptā consuetudinem ab Apostolis pro iis, qui ab Ecclesia sunt alieni, preces, & uota faciendi, ut infidelibus donetur fides: ut idolorum cultores ab impietatis errore liberentur: ut ludæi, discussa animorum caligine, lucē ueritatis accipiant: ut hæretici redeuntes ad sanitatem, catholicæ doctrinæ præceptis erudiatur: ut schismatici, a qua descuerunt sanctissimæ parētis Ecclesiæ cōmunionē, cum ea iterum ueræ charitatis nodo iuncti copulentur. Quantā autem uim habeant preces pro huiusmodi hominibus factæ ex animo, cōstat, tam multis exemplis omnium hominum generis, quos quotidie ereptos a potestate tenebrarum; transfert Deus in regnum filij charitatis suæ; & ex uasis iræ, facit uasa misericordiæ. in quo plurimū ualere piorum obsecrationem, nemo, qui recte sentiat, dubitare potest. Preces autè, quæ pro mortuis fiunt,

ut ab

1. ad Tim. 2.

Ad Colos. 4.

Act. 12.

Matth. 5.

ut ab igne Purgatorii liberentur, ex apostolorum doctrina fluxerunt, qua de re satis dictum est, cum de sacrificio missæ loqueremur. In iis autē, qui peccare dicuntur ad mortē, uix quidquā precibus, uotisq, proficitur. Verumtamē est Christianæ charitatis, & precari pro illis, & lacrymis cōtendere, an eis possint reddere peccatū Deum. Execrationes uero sanctorum hominum, quibus in impios utūtur ex Patrum sententia, constat esse uel prædictiones eorū, quæ illis euentura sunt, uel adhibitas cōtra peccatū, ut, saluis hominibus, peccati uis intereat. In altera parte precationis, maximas Deo gratias agimus pro diuinis eius, immortalibusq, beneficiis, quibus & semper afficit, & quotidie afficit humanum genus. Maxime autē fungimur hoc munere gratiarum actionis sanctorū omnium causa, quo in officio singulares Deo laudes tribuimus, & eorū uictoriæ, & triūphi, quē de omnibus & intimis, & externis hostibus eius benignitate deportarūt. Huc pertinet prima illa pars Angelicæ salutationis, cum ea ad precandum utimur: Ave Maria gratia plena: Dominus tecū: benedicta tu in mulieribus. Nā Deum summis & habēdis laudibus, & gratiis agēdis celebramus, quod sanctissimā uirginem omni cælestium donorū munere cumulauit, ipsiq, uirgini singularem illā gratulamur felicitatem. Iure autē sancta Dei Ecclesia huic gratiarū actioni preces etiā & implorationē sanctissimæ Dei matris adiūxit, qua pie atq, suppliciter ad eā cōfugeremus, ut nobis peccatoribus sua intercessione cōciliaret Deum, bonaq, tum ad hāc, tum ad æternā uitā necessaria impetraret. Ergo nos exules, filii Euz, qui hāc lacrymarum uallē incolimus, assidue miseri cordiæ matrē, ac fidelis populi aduocatā inuocare debemus, ut oret pro nobis peccatoribus, ab eaq, hac prece opē & auxiliū implorare, cuius & præstātissima merita apud Deum esse, & summam uoluntatē iuuādī humanum genus, nemo nisi impie & nefarie dubitare potest.

QVIS ORANDVS SIT.

Deum autem orandum esse, & eius nomen inuocandum, ipsa loquitur naturæ uis insita in hominum mentibus, non solum tradunt diuinæ litteræ, in quibus licet audire imperantē Deum, Inuoca me in diatribulationis: sed Dei nomine tres personas intelligi oportet. Secundo loco cōfugimus ad auxilia sanctorum, qui in cælo sunt: quibus etiam preces esse faciendas, ita certum est in Ecclesia Dei, ut piis nulla de eo dubitatio possit accidere. quæ res quia separatim suo loco est explicata; eo & Parochos, & ceteros transmittimus. Sed ut tollatur omnis error imperitorum, operæpretium erit docere fidelem populum, quid intersit inter hanc inuocandī rationem. nō enim eodem modo Deum, & sanctos imploramus. nam precamur Deum, ut ipse uel bona det, uel liberet, a malis: a sanctis autem, quia gratiosi sunt

sunt apud Deum, petimus, ut nostri patrocinium suscipiat, ut nobis a Deo impetrent ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Misere nobis, Audi nos: ad sanctum, Ora pro nobis. Quamquam licet etiam alia quadam ratione petere a sanctis ipsis, ut nostri misereantur: sunt enim maxime misericordes. Itaque precari possumus eos, ut conditionis nostrae miseria permoti, sua nos apud Deum gratia, ac deprecatione iuuent. Quo loco illud maxime cauendum est omnibus, ne, quod Dei proprium est, cuiquam praeferat tribuamus: immo uero, cum ad imaginem sancti alicuius quis dominicam orationem pronunciat, ita tum sentiat, se ab illo petere, ut secum oret, sibi que postulet ea, quae dominicae orationis formula continentur, & sui denique sit interpret, & deprecator ad Deum. nam eos hoc summi officio docuit sanctus Iohannes apostolus in Apocalypsi.

DE PRÆPARATIONE ADHIBENDA.

Est in diuinis litteris; Ante orationem præpara animam tuam, & non li esse quasi homo, qui tentat Deum: tentat enim Deus is, qui cum bene orat; male agit, & cum loquatur cum Deo, a precibus a primis eius aberat. Quare cum tanti interfit, quo quisque animo Deo preces faciat, tradant Parochi uias precationum piis auditoribus. Primus igitur gradus ad orationem erit, uere humilis, ac demissus animus, scelerum quoque recognitio: quibus sceleribus intelligat, qui ad Deum accedit, se non modo dignum non esse; qui quidquam impetret a Deo, sed qui ne in eius quidem conspectum ueniat, oraturus. Huius præparationis sapissime mentionem faciunt diuinae litterae, quæ & illud loquuntur, Respexit in orationem humilium, & non spreuit preces eorum. item, Oratio humiliantis se, nubes pennabit. Sed occurrent Pastoribus eruditis loci innumerabiles, qui in eam sententiam conueniant: quamobrem plurimum non necessaria commemoratione supersedemus. tantum uero, quæ aliis attigimus, ne in hac quidem parte, quia sunt appositæ ad hanc rationem, duo illa exempla prætermitemus: Publicanus est, ille nouissimus, qui longe consistens, oculos humo tollere non audebat, est etiam mulier illa peccatrix, quæ dolore commota, lacrymis pedes Christi domini perfudit. uterque, quantum afferat orationi pondus humilitas Christiana, declarauit. Sequitur angon quidam in recordatione delictorum, uel saltem aliquis doloris sensus ob eam causam, quod dolere non possimus: quodrum utrumque, uel certe alterum,

nisi a penitente adhibeatur, uenia impetrari nō potest. Sed quia sunt quædā scelera, quæ maxime obs̄t, quo minus in precatōne Deus postulationi nostræ concedat, ut cædes, & illata uis, manus abstinentæ sunt ab hac crudelitate, & uolentia: de quo facinore sic Isaiæ ore loquitur Deus: Cum extenderis manus uestras; auertam oculos meos a uobis; & cum multiplicaueritis orationem, nō exaudiam; quæ enim uestæ sanguine plenæ sunt. Fugienda est ira, ac dissidium; quæ magnopere etiam impediunt, ne preces audiantur, de quibus est illud Apostoli; Volo uiros orare in omni loco, leuantes puras manus sine ira, & disceptatione. Videndum est præterea, ne nos implacabiles cuiquam præbeamus in iniuriæ; nam si affecti, Deum precibus adducere nō poterimus, ut nobis ignoscat. Cum enim stabitis, inquit ipse; ad orandum, dimitte, si quid habetis; & si non dimiseritis hominibus; nec pater uester dimittet uobis peccata uestra. Cauendum quoque est, ne duri simus, & inhumani egentibus. nam in eiusmodi homines illud dictum est: Qui obrurat aurem suā ad clamorem pauperis, & ipse clamabit, & non exaudietur. Quid dicemus de superbia? quæ quantopere Deum offendat, testis est illa uox; Deus superbis resistit; humilibus autem dat gratiam. Quid de contempnōe diuinorum oraculorum? in qua extat illud Solo monis: Qui declinat aures suas ne audiat legem, oratio eius erit execrabilis. Quæ tamen loco non excluditur deprecatio factæ iniuriæ, nō cædis, non iracundiæ, non illiberalitatis in pauperes, nō superbiæ, non despicientiæ diuinæ orationis, non denique reliquorum scelerum, si ignoscendi uenia petatur. Est uero ad hanc quoque præparationem animi; fides necessaria; quæ si desit, neque de suuini Patris omnipotentia; neque de illius misericordia; unde tamen orantis fiducia oritur, habetur cognitio; quemadmodum docuit ipse Christus dominus; Omnia, inquit, quæcumque petieritis in oratione, credentes accipietis. De huiusmodi fide scribit sanctus Augustinus de uerbis Domini: Si fides deficit, oratio perijt. Caput igitur est ad rite orandum, quod iam dictum est; ut fide firmi, ac fixi simus. quod Apostolus ex contrario ostendit: Quo modo inuocabunt, in quem non crediderunt? Itaque credamus oportet, ut & orare possimus, & ne nos fides ipsa deficiat, qua salutariter oramus. Fides enim est, quæ preces fundit: preces faciunt, ut omni dubitatione sublata, stabilis, ac firma sit fides. In hanc sententiam sanctus hortabatur Ignatius eos, qui ad Deum adirent oraturi: Noli dubio esse animo in oratione: Beatus est, qui non dubitauerit.

Quare

Quare ad impetrandum quod uelimus a Deo, maximum pōdus affert fides, & certa spes impetrandi: quod monet sanctus Iacobus; *Iacob. 1.*
 Postulet in fide, nihil hāsicans. Multa sunt, quibus nos confidere oportet in hoc officio precationis. Est ipsa Dei in nos perspecta uoluntas, ac benignitas, cum iubet nos se patrem appellare, ut eius nos esse filios intelligamus. Est prope infinitus numerus eorum, qui Deū exorauerunt. Est summus ille deprecator, qui nobis semper præsto est, Christus dominus, de quo sic est apud sanctum Ioānem; Si quis *1. Ioan. 3.*
 peccauerit, aduocatum habemus apud patrem, Iesum Christum iustum, & ipse est propitiatio pro peccatis nostris. item Paulus Apostolus, Christus Iesus, qui mortuus est, immo qui & resurrexit, qui est ad *ad Rom. 8.*
 dexteram Dei, qui etiā interpellat pro nobis. item ad Timotheum: Vnus enim Deus, unus & mediator Dei, & hominum, homo Christus Iesus. tum ad Hebræos: Vnde debuit per omnia fratribus assimiliari, ut misericors fieret, & fidelis pōtifex ad Deum. Quare & si nos *ad Heb. 2.*
 indigni sumus, qui impetremus, tamē optimi dignitate interpretis; ac deprecatoris Iesu Christi sperare, & magnopere confidere debemus, nobis omnia, quæ per illū rite petierimus, concessurum Deū. Deniq. nostræ auctor est precationis spiritus sanctus; quo duce preces nostras audiri necesse est. Accepimus enim spiritum adoptionis *ad Rom. 8.*
 filiorum Dei, in quo clamamus, Abba Pater. qui quidem spiritus infirmitatem, qui insciam nostram adiuuat in hoc orandi munere: immo uero, inquit, ipse postulat pro nobis gemitibus inenarrabilibus. Quod si qui titubant interdum, nec se satis esse firmos in fide *ad Rom. 8.*
 sentiunt, utantur illa uoce apostolorum; Domine adauge nobis fidem: & cæci illius, Adiua incredulitatem meam. Sed tum maxime & fide, & spe uigentes, omnia a Deo optata consequemur, cum ad ipsius Dei legem, ac uoluntatem, omnem mentē, actionem, & orationem nostram conformabimus: Si manseritis, enim inquit, in me, *Ioan. 15.*
 & uerba mea in uobis manserint, quodcumque uolueritis, petetis, & fiet uobis. quamquā ad hanc impetrandi a Deo omnia facultatem, in primis necessaria est, ut antea diximus, obliuio iniuriarum, & beneuolentia, ac benefica uoluntas in proximos; *1. ad Tim. 2.*

QVÆ RATIO IN ORANDO REQUIRATUR.

Maxime autē refert, quo modo sacris precibus utamur. nam etsi precatio bonū est salutare, tamen, nisi recte adhibeatur, minime prodest: quod enim petimus, sæpe non assequimur, ut sanctus inquit Iacobus, ob eam causam, quia male petimus. Ergo docebunt Parochi *Iacob. 4.*

- fidelem populum, quæ sit optima ratio bene petendi, & priuatim, ac publice orâdi. quæ præcepta Christianæ orationis tradita sunt ex
- Joan. 4.* Christi domini disciplina. Est igitur orandum in spiritu, & ueritate, nam cælestis pater tales querit, qui adorent eum in spiritu, & ueritate. Orat autem eo modo, qui intimum, ac flagrans animi studium adhibet. a qua spiritali precandi ratione uocalem non excludimus: uerumtamen principatum iure tribuendum ducimus illi, quæ a uehementi animo proficiscitur, obsecrationi: quam Deus, cui patent occultæ hominum cogitationes, audit, etiam si non ore proferatur.
- 1. Reg. 2.* Audiuit Annæ, eius, quæ fuit mater Samuelis, intimas preces; de qua illud legimus, flentem orasse, & tantum labia mouentem. Orauit hoc modo Dauid: inquit enim: Tibi dixit cor meum, exquisiuit te facies mea. Huiusmodi exempla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflamat. quod ad Probam scripsit sanctus Augustinus hoc modo: Nonnumquam uerbis & aliis signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultat animo lætitia, par etiam est, linguam exultare. & uero decet nos cumulatam illud sacrificium facere & animæ, & corporis: quem Apostolorum orandi morem fuisse, ex Actis, & ex Apostolo multis locis cognoscimus. Sed quoniam duplex precandi ratio est, priuata & publica, priuatæ orationis pronüciatione utimur, ut intimum studiũ, & pietatem adiuuet; in publica, quæ ad incitandam fidelis populi religionem instituta est, certis, stasisque tenoribus linguæ officio supersederi nullo modo potest. Hanc uero spiritu orandi consuetudinem, propriam Christianorum hominum, infideles minime colunt, de quibus ita licet Christum dominum loquentem audire; Orautes nolite multum loqui sicut ethnici faciunt; putant enim, quod in multiloquio suo exaudiantur. nolite ergo assimilari eis; scit enim pater uester quid opus sit uobis, antequam petatis eam. Cum autem prohibeat loquacitatem; longas tamen preces, quæ a uehementi, ac diuturno animi studio proficiscantur, tantum abest, ut reiciat, ut etiam suo exemplo nos ad eam rationem cohortetur, qui nō modo noctes in prece consumpsit, sed ter eundem sermonem repetijt. Tantum igitur statuendum est; inani uerborum sono uirilime exorari Deum. Nec uero ex animo orat hypocritæ, a quorum nos consuetudine deterret Christus dominus in hanc sententiam.
- Cum

Cum oratis, non eritis sicut hypocritæ, qui amant in synagogis, & in angulis platearum stantes, orare, ut uideantur ab hominibus. *Matth. 6.*
 amen dico uobis, receperunt mercedem suam. Tu autem cum oraueris, intra in cubiculum tuum, & clauso ostio, ora patrem tuum in abscondito; & pater tuus, qui uidet in abscondito, reddet tibi. Cubiculum, quod hoc loco dicitur, ad cor hominis referri potest, quod non satis est ingredi, sed præterea occludi oportet, ne quid irumpat, uel influat in animas extrinsecus, quo precationis integritas uiolari possit. tum enim cælestis pater, qui omnium mentes, & occultas cogitationes maxime perspicit, orantis postulationi concedit. Requirit præterea oratio assiduitatem: quæ quantam uim habeat, iudicis illius exemplo, Dei filius ostendit: qui cum nec timeret Deum, *Luc. 11.*
 nec hominem reuereretur, uictus assiduitate, ac diligentia uiduæ, eius postulationi concessit. Itaque assidue Deo preces faciendæ sunt; nec imitandi illi, qui semel, aut iterum orantes, nisi quod petunt, impetrant, in oratione defatigantur. nulla enim huius officii lassitudo esse debet: quod nos Christi domini, & Apostoli docet auctoritas. quod si interdum uoluntas in eo defecet, præcibus a Deo petamus perseverandi uim? Vult etiam Dei filius orationem nostram ad patrem suo nomine peruenire: quæ eius merito, & gratia deprecatoris id pondus assequitur, ut a cælesti patre audiatur: est enim eius illa uox apud sanctum Ioannem; Amen amen *Ioan. 16.*
 dico uobis, si quid petieritis patrem in nomine meo, dabit uobis; usque modo non petistis quidquam in nomine meo? petite, & accipietis, ut gaudium uestrum sit plenum. & iterum; Quodcumque petieritis patrem in nomine meo, hoc faciam. *Ioan. 14.*
 Imitemur ardens sanctorum hominum studium, quod in orando adhibebant. Gratiarum autem actionem cum precatione iungamus, apostolorum exemplo; qui hanc consuetudinem perpetuo seruauerunt: quæ admodum apud Apostolum licet uidere. Ieiunium uero, & eleemosynam ad orationem adhibeamus: Ieiunium quidem certe maxime est cum oratione sociatum: nam qui cibo, & potu sunt onusti, horum mens oppressa est sic, ut neque Deum inueniri, neque, quid sibi uelit oratio, cogitare possint. Sequitur eleemosyna, quæ magnam & ipsa cum oratione societatem habet. Quis enim, cui facultas sit benigne faciendi ei, qui aliena misericordia uiuat, nec opituletur proximo, & fratri suo, se charitate præditum dicere audeat? aut quod ore is, qui expers sit charitatis, Dei auxilium implorabit? nisi tunc peccati ueniam precatur, simul & a Deo suppliciter postulat charitatem.

Quare diuinitus factum est, ut saluti hominum triplici hoc remedio subueniretur. cum enim peccando uel offendamus Deum, uel proximis uiolemus, uel nos ipsos lædamus; sacris precibus placatum reddimus Deum; eleemosyna redimimus hominum offensiones; ieiunio proprias uitæ sordes eluimus. et quamquam singula profint ad omnium scelerum genera; tamen propriè singulis ijs peccatis, quæ diximus, apposita, & accommodata sunt.

PATER NOSTER QUI ES IN CAELIS.

VM hæc formula Christianæ precationis a Iesu Christo tradita, eam habeat uiam; ^{ut} ante quã ad preces, postulationesq. ueniamus, certis uerbis loco proæmij nobis utendum sit, quibus pie ad Deum accedentes, fidentius etiã id facere possimus; Parochi officium est, illa distincte, dilucideque declarare, ut alacrior pius populus ad preces adeat, seque cum patre Deo acturum intelligat. Proæmij autem, si spectes uerba, breuissimum est; si res æstimes, grauissimum, mysteriorumq. plenissimum. Ac prima quidem uox, qua Dei iussu, & institutione utimur in hac precatione, est PATER. nam etsi Saluator noster diuinam hanc orationem præterere potuit aliquo uerbo, quod plus maiestatis haberet, exempli causa Creatoris, aut Domini; tamen hæc omisit, quæ timorẽ simul nobis afferre possent; illud autem adhibuit, quod orantibus, & aliquid a Deo petentibus, amorem, fiduciamque conciliat. quid enim iucundius est patris nomine? quod indulgentiam sonat, & charitatem. quibus autem rationibus patris nomen Deo conueniat, suppeditabit facultas docendi fidelem populum, ex locis creationis, gubernationis, ac redemptionis. nam cum Deus hominem creauerit ad imaginem suam, nec illam ceteris animantibus impertiuertit, ex hoc singulari munere, quo hominẽ ornauit, iure omnium hominum, nec fidelium modo, sed etiam infidelium, Pater in diuinis scripturis appellatur. A gubernatione uero sumere poterit argumentum, quod prospiciendo, & consulendo utilitati hominum, præcipuo quodam curæ, & prouidentie modo nobis præstat patriam charitatem. Sed ut in huius explicatione argumenti paternam Dei de hominibus curam melius agnoscat, de custodia angelorum, in quorum tutela sunt homines, aliquid dicendum uidetur. Est enim Dei prouidentia datum hoc negotium angelis, ut custodiant humanum genus, singulisque hominibus præsto sint, ne grauius aliquod detrimentum accipiant.

accipiant. nam ut parētes, si infesta, & periculosa uia filijs iter faciendum sit, custodes adhibent, & periculorum adiutores: sic cælestis Parens in hoc itinere, quo ad cælestem patriam contendimus, singulis nobis præposuit angelos, quorum ope, ac diligentia recti, furtim paratos ab hostibus laqueos uitaremus, & factos in nos horribiles impetus repelleremus; iisque ducibus rectum iter teneremus; ne obiectus aliquis error a fallaci aduersario, nos de uia posset deducere, quæ ducit in cælum. Quam uero habeat utilitatem hæc de hominibus Dei cura, ac prouidentia singularis, cuius munus, & administratio mandata est angelis, quorum inter Deum, & homines media est, & interiecta natura; patet exemplis, quorum copiam suppeditant diuinæ litteræ, quæ testantur sæpe Dei benignitate factū esse, ut inspectatibus hominibus angeli mirabiles res efficerent; quibus moneremur innumerabilia eius generis, quæ sub oculis non caderent, a custodibus nostræ salutis angelis effici utiliter, ac salutariter. *Tob. 1. 6. Tob. 12.*

Raphael angelus, Tobix comes, & dux itineris diuinitus adiunctus, illum duxit, & reduxit incolumem. cui & adiumento fuit ne ab immani pisce deuoraretur, & quanta esset in eius piscis iecore, fele, & corde uis, demonstraui. Ille dæmonium expulit, eiusque impedita, & colligata potestate, ne Tobix noceret, effecit. Ille uerum, & legitimum matrimonii ius, & usum adolescentem edocuit. Ille Tobix patri oculis capto lumina restituit. Angelus item ille, Principis apostolorum liberator, uberem præbebit materiam ad erudiendum pium gregem de admirabili fructu curæ, custodiæque angelorum, cum demonstrabunt Parochi angelum carceris tenebras illustrantem, & Petrum tacto eius latere e somno excitantem, soluentem cathenas; *Tob. 6. Tob. 12.*

dirumpentem uincula, monentem ut surgeret, seque sumptis caligis, & reliquo uestitu sequeretur; cum docebunt ab eodem angelo Petrum per custodias libere eductum e carcere, & aperta denique ianua in tuto collocatum. Huius generis exemplorum, quemadmodum diximus, referta est sanctarum litterarum historia; quibus intelligimus quanta sit uis beneficiorū, quæ cōfert in homines Deus; angelis interpretibus, & internunciis, nec solum certa aliqua; & priuata de re missis, sed a primo ortu, nostræ curæ præpositis, & in singulorum hominum salutis præsidio collocatis. Hanc doctrinæ diligentiam illa utilitas consequetur, ut audientium mentes erigantur, & ad agnoscendam, ac uenerandam Dei paternam de se curam; ac prouidentiam excitentur. Commendabit autem hoc loco Parochus, in primisque prædicabit diuitias benignitatis Dei erga genus *Act. 12.*

- humanum; quem cum a primo parente nostri generis, & peccati, usque ad hanc diem offenderimus flagitiis, ac sceleribus innumerabilibus, retinet tamē in nos charitatem, neque præcipuam illam de nobis curam deponit. Quem si quis existimat hominum obliuisci, amens est, & in Deum iacit indignissimam contumeliam. Irascitur Israeli Deus propter eius gentis blasphemiam, quæ se arbitrabatur
- Exod. 17.* cælesti ope desertam esse. Est enim in *Exod.* Tentauerunt Dominū;
- Ezech. 8.* dicentes; Est ne Deus in nobis, an non? Et apud Ezechielem, succenset eidem populo Deus, quod dixerat; non uidet Dominus nos, dereliquit Dominus terram. Ergo fideles his auctoritatibus a nefaria illa opinione deterrendi sunt, fieri posse, ut Deum capiat hominum obliuio. In quam sententiam audire licet, conquerentem de Deo apud Isaiam Israeliticum populum: contraque, Deum stultam eius querimoniam benigna similitudine refellētem. Est enim ibi;
- Isa. 48.* Syon, Dereliquit me Dominus; & Dominus oblitus est mei. cui Deus, numquid obliuisci potest mulier infantem suum, ut non miseretur filio uteri sui? etsi illa oblita fuerit, ego tamen non obliuiscar tui. Ecce in manibus meis descripsi te. Quibus locis quamquā id liquido confirmatur, tamen, ut penitus fideli populo persuadeatur, nullum posse tempus accidere, quo deponat Deus hominum memoriam, quo eis non tribuat patriæ charitatis officia; Parochi ré clarissimo primorum hominum exemplo cōprobabunt: quos post neglectum, uiolatumque Dei iussu, cum acerbius accusatos, &
- Gen. 3.* horribili illa sententia cōdēnatos audis; Maledicta terra in opere tuo, in laboribus comedes ex ea cunctis diebus uitæ tuæ, spinas, & tribulos germinabit tibi, & comedes herbas terræ. Cum uides e paradiso expulsos, &, ut omnis reditus spes adimeretur, cum in aditū
- Gen. 3.* paradisi collocatum legis Cherubin flammeum tenentem, & uersatilem gladium, cum ab ulciscēte suam iniuriam Deo illos intimis, & externis molestiis confictatos intelligis, an non actum de homine putes? an non credas non modo diuino illum auxilio nudatum, sed etiam cuius iniuriæ proposuimus? Verumtamen in tantis diuinæ iræ & ultionis indiciis oborta est lux quædam Dei in eos charitatis:
- Gen. 3.* Fecit enim, inquit, dominus Deus Adæ, & uxori eius tunicas pelliceas, & induit eos: quod maximum fuit argumentum, hominibus nullo umquam tempore defuturum Deum. Huius etiam sententiæ uim non exhauriri Dei amorem ulla hominū iniuria, David, expressit illis uerbis; Numquid continebit Deus in ira sua misericordias suas? Hanc Abacuch Deum affatus exposuit, dū inquit; Cum iratus
- Psal. 76.* fueris
- Abacuch 3.*

fueris misericordiz recordaberis. Hanc sic Michas aperuit; *Quis Mich. 7.*
 Deus similis tui? qui auferis iniquitatem, & transers peccatum reli-
 quiarum hereditatis tue: non immitter ultra furorem suum, quo-
 niam uolens misericordiam est. Omnino res ita se habet, cum maxi-
 me perditos nos, & Dei præsidio spoliatos arbitramur, tum maxime,
 pro immensa sua bonitate, nos quærit, & curat Deus; sustinet enim
 in ira gladium iustitiæ, nec cessat effundere inexhaustos misericordiz
 thesauros. Magnam igitur uim habent ad declarandam præcipuam
 Dei rationem in amando, tuendoque hominum genere, creatio, &
 gubernatio: Sed tamen illud opus redimendi hominem sic eminet
 inter duo superiora; ut beneficentissimus Deus, parensque noster
 summam in nos benignitatem tertio hoc beneficio cumulatam illu-
 strarit. Quare tradet spiritualibus filiis Parochus, & assidue eorum
 auribus inculcabit hanc præstantissimam Dei erga nos charitatem,
 ut intelligant se, quia redempti sunt; admirabilem in modum Dei
 filios euasisse: dedit enim, inquit Ioannes, eis potestatem filios Dei
 fieri; & ex Deo nati sunt. Quam ob causam baptisimus, quod primū
 redemptionis pignus, & monumentum habemus, sacramentum re-
 generationis dicitur: inde enim nascimur Dei filij; nam inquit ipse
 Dominus, Quod natum est ex spiritu, spiritus est: & oportet uos na-
 sci denuo. Item Petrus apostolus, Renati nō ex semine corruptibili,
 sed incorruptibili, per uerbum Dei uiui. Huius pōdere redemptio-
 nis, & spiritum sanctum accepimus, & Dei gratia dignati sumus.
 Quo munere Dei filij adoptamur, quemadmodū ad Romanos scri-
 psit apostolus Paulus; Non accepistis spiritum seruitutis iterum in
 timore, sed accepistis spiritum adoptionis filiorū, in quo clamamus
 Abba Pater. Cuius uim, & efficaciam adoptionis explanat sanctus
 Ioannes ad hunc modum; Videte qualem charitatē dedit nobis pa-
 ter, ut filij Dei nominemur, & simus. His expositis, admonēdus est
 fidelis populus, quid ipse uicissim debeat amantiſſimo patri Deo, ut
 intelligat, quem amorem, ac pietatem, quam obedientiam, ac uenē-
 rationem creatori, gubernatori, ac redemptori præstare, qua spe, ac
 fiducia illum inuocare oporteat. Sed ad erudiendam inscitiam, diri-
 gendamque sententiæ peruersitatem eorum, si qui tantummodo se
 cundas res, & prosperum uitæ cursum, argumento esse existimant,
 Deum conseruare nobis amoreni suum, rebus autem aduersis, & ca-
 lamitatibus, cum a Deo exercemur, id esse signum hostilis in nos ani-
 mi, & prorsus abalienatæ a nobis diuinæ uoluntatis, demonſtran-
 dum erit, cū tangit nos manus Domini, minime id hostiliter facere
 Dominum,

- Dominum, uerum percutiendo sanare, & plagam a Deo ueniētem esse medicinam. Castigat enim peccantes, ut ea disciplina meliores faciat, & præsenti animaduersione redimat ab exitio sempiterno.
- Psal. 88.* Nam uisitat quidē in uirga iniquitates nostras, & in uerberibus peccata nostra, misericordiam autem suam non aufert a nobis. Quare monendi sunt fideles, ut in eiusmodi castigatione patriam Dei charitatem agnoscant, & illud apud patientissimum Iob in memoria, & in ore habeant: Ipse uulnerat, & medetur: percutit, & manus eius sanabunt: ut illud usurpent, quod sub persona Israelitici populi scripsit Hieremias; Castigasti me, & eruditus sum, quasi iuuenculus indomitus; conuerte me, & conuertar, quia tu dominus Deus meus.
- Tob. 11.* Ut Tobiae exemplum sibi proponant, qui cum in illa plaga cæcitatē paternam Dei manum cædentem sensisset, exclamauit: Benedico te domine Deus Israel, quia tu castigasti me, & tu saluasti me. In quo maxime cauendum est fidelibus, ne, etiam si quouis in cōmodo affligi, quauis calamitate affligi sint, Deum id ignorare existiment: ait enim ipse: Capillus de capite uestro nō peribit. immo uero se ipsi illō diuini oraculi solatio consolentur, quod in Apocalypsi dictum est; Ego, quos amo, arguo, & castigo. Conquiescant in Apostoli cōhortatione ad Hebræos; Fili mi noli negligere disciplinam Domini, neque fatigeris, dum ab eo argueris: quem enim diligit Dominus, castigat; flagellat autem omnem filium, quem recipit: quod si extra disciplinam estis, adulterini estis, & non filii. patres quidem carnis nostræ eruditores habuimus, & reuerbamur eos; non multo magis obtemperabimus patri spirituum, & uiuemus?
- NOSTER.** Cum patrem inuocamus singuli, & nostrū appellamus, docemur, ex dono, ac iure diuinæ adoptionis consequi necessario, ut fratres sint fideles omnes, & inter se fraternæ amare debeant: Omnes, enim inquit, uos fratres estis; unus est enim pater uester, qui in cælis est. Quare etiam in epistolis, fideles omnes, apostoli fratres appellant. Ex quo item conficitur illa consecutio necessaria, ut eadem adoptione Dei non solum inter se fideles uniuersi fraternæ necessitudinē coniungantur, sed quia homo est unigenitus Dei filius, fratres etiam eius & nominentur, & sint. nam in epistola ad Hebræos, cū de filio Dei loqueretur, scripsit Apostolus; Non confunditur fratres eos uocare, dicens, Nūnciabo nomen tuum fratribus meis. quod tātō ante Dauid de Christo domino prædixerat. Ipse uero etiā Christus sic apud Euangelistam loquitur ad mulieres; Ite, nūnciate fratribus meis, ut eant in Galilæam, ibi me uidebunt. Quod tum ab eo dictum

dictum esse constat, cum iam excitatus a mortuis immortalitate esset consecutus, ne quis existimet fraternam hanc cognationem, eius resurrectione, & in cælum ascensu dissolutam esse. Tantum enim abest, ut hanc coniunctionem, & charitatem Christi resurrectio dirimerit, ut ex illa maiestatis, & gloriæ sede, tum, cū de omnibus omnis memoriæ hominibus iudicabit, fidelium minimos ab eo, fratrum nomine, appellados acceperimus. Qui autem fieri potest, ut Christi fratres nō simus, cuius coheredes dicimur? Est enim primogenitus ipse, constitutus heres uniuersorum; nos uero secundo loco geniti, coheredes eius, pro modo cælestium donorum, pro ratione charitatis, qua præbuerimus nos ministros, & coadiutores spiritus sancti; quo auctore ad uirtutem, salutareque actiones impellimur, & incendimur, ut eius frētī gratia in certamen salutis fortiter descendamus; quo sapienter, constanterque confecto, decursoque huius uitæ spatio, iustum coronæ præmium capimus a cælesti parente, omnibus, qui eundem cursum tenuerint, constitutum. Non enim, ut ait Apostolus, iniustus est Deus, ut obliuiscatur operis nostri, & dilectionis. Quam uero hanc ex animo uocē *NOSTRÆ* proferre debeamus, S. Chrysostomi sententia declaratur, qui Deum inquit libenter Christianum audire non solum pro se, sed pro altero deprecantem; quod pro se orare naturæ est, pro altero gratiæ; pro se necessitas cogit, pro altero fraterna charitas hortatur. quibus illa subiunxit: Iucundior est Deo, quam charitas fraterna commendat, quam ea, quæ necessitate pronunciat. In hac tanta materia salutaris orationis, monete, & hortari debet Parochus omnes, omnis ætatis, generis, ordinis, ut communis huius fraternæ necessitudinis memores, comiter, & fraterne segerant, neque se aliis alii præferant insolentius. Nam & si in Ecclesia Dei diuersi sunt officiorum gradus: tamē illa uarietas graduum, & munerum fraternæ necessitudinis coniunctionem minime tollit. Quemadmodum in hominis corpore uarius usus, & diuersa functio membrorum nihil agit, quamobrem hæc, uel illa corporis pars membri munus, & nomē amittat. Propone tibi eum, qui regia sit potestate: an is igitur, si fidelis est, frater non est omnium, qui Christianæ fidei communionē continentur? Maxime: quid ita? quia non est Deus alius is, ex quo diuites, & reges nati sunt, ab eo, a quo pauperes, & qui in regum potestate sunt, extiterunt, sed unus Deus, & parens, & dominus omnium. Itaque una spiritualis ortus omnium nobilitas, una dignitas, unus splendor generis; cum omnes ex eodem spiritu, ex eodem fidei sacramento nati sumus filii Dei, & eiusdem

*Matth. 25.**ad Rom. 8.**Ad Heb. 1.**Ad Heb. 6.*

& eiusdem hereditatis coheredes. Nec uero alium Christum Deum habent copiosi, & potentes homines, alium tenuiores, & infirmi; non aliis sacramentis sunt initiati, nec aliam hereditatem regni celestis expectant. Fratres sumus omnes, & ut inquit Apostolus ad Ephesios, membra sumus corporis Christi, de carne eius, & de ossibus eius. Quod idē in epistola ad Galatas significat Apostolus: Omnes filij Dei estis per fidem in Christo Iesu: quicumque enim in Christo baptizati estis, Christum induistis: non est Iudæus, neque Græcus, non est seruus, neque liber, non est masculus, neque femina: omnes enim uos unum estis in Christo Iesu. Hæc autē accurate uersanda res est Pastoribus animarum, & scienter illis in hac sententia comminorandum: est enim accommodatus locus non min⁹ ad confirmandos, & excitandos inopes, & abiectos homines, quam ad coercendam, deprimendamque arrogantiam locupletum, æque potentiam. Cui hominum incommodo uti mederetur, urgebat Apostolus fraternam hanc charitatem, & inculcabat fidelium auribus. Cum igitur has Deo preces facturus es, Christiane memineris te tam quam filium ad patrem Deum accedere. itaque eum precatione aliorū ordiris, & illud, Pater noster, pronuncias, cogita, quem in locum te summa Dei benignitas extulerit, qui nō ut seruū ad dominū adire inuitum, ac tūidum, sed ut ad patrem filium uoluntarium, securumque confugere iussit. Quā in memoria, & cogitatione, quo uicissim studio, & pietate tibi orandum sit, considera: danda enim est tibi opera, te ut talē præbeas, qualem esse decet Dei filiū, id est ut oratio, & actiones tuæ nō indignæ sint diuino genere, quo te dignari uoluit beneficentissimus Deus. Ad hanc officii rationem nos Apostolus cohortatur, cū ait: Estote ergo imitatores Dei, sicut filij charissimi: ut uere de nobis dici possit, quod ipse Apostolus scripsit ad Thessalonicenses, Omnes uos filij lucis estis, & filij Dei.

DE DEO IN CÆLIS. Cōstat inter omnes, qui recte de Deo sentiunt, ubique locorum, & gentium esse Deum, quod non ita intelligendum est, quasi ipse distributus in partes, una parte locum unū, alia alium occupet, ac tūeatur. nam Deus spiritus est, omnis expositus diuisionis. Quis enim audeat Deum, tamquam in uestigio positum, loci alicuius finibus circumscribere, cum ipse de se dicat, Numquid non cælum & terram ego impleo? Quod rursum sic accipiedum est, Deum cælum, ac terram, quæque cælo, ac terræ comprehensa sunt, ui sua, ac uirtute complecti, non autem ipsum ullo loco contineri. adest enim rebus omnibus Deus, uel creans ipsas, uel conseruans

creatas;

creatas; nulla regione, nullis finibus uel circūscriptus, uel ita definitus, quo minus & naturā, & potestatem suam præfens ubique constituat. quod beatus Dauid expressit illis uerbis; Si ascēdero in cælū, tu illic es. Verum etsi præfens adsit Deus in locis & rebus omnibus, nullis, ut diximus, terminis definitus, tamē in diuinis scripturis sæpe dicitur habere domiciliū suū in cælo. quod ideo factū uidemus, quod cæli, quos suspicimus, sunt nobilissima mūdi pars, ijdemque manent incorrupti, præstantes ui, magnitudine, ac pulchritudine ceteris corporibus, certisq. ac stabilibus motibus præditi. ergo ut excitaret hominum animos Deus ad contemplandā infinitam suā potestatem, ac maiestatem, quæ maxime elucet in opere cælorū, se in diuinis scripturis habitare testatur in cælis; sæpe etiā, quod res est, declarat, nullam esse mundi partē, quæ non præfenti Dei natura, & potestate cōprehensa sit. Quamquā in hac cogitatione fideles non solū communis omniū parentis imaginē sibi proponunt, sed etiam in cælo regnantis Dei; ut oraturi meminerint, mentem, animumq. esse referēdum ad cælum; quātumq. spei, ac fiduciæ affert eis patris nomē, tantū Christianæ humilitatis, ac pietatis adiungat præstans illa natura, ac diuina maiestas patris nostri, qui est in cælis. Quæ uerba præfiniūt etiam orantibus, quid petendum sit: Omnis enim postulatio nostra, quæ ad huius uitæ usum, ac necessitatem pertineat, nisi cum cælestibus sit coniuncta bonis, & ad illum finem dirigatur, inanis est, & indigna Christiano. Quare monebūt pios auditores Parochi de hac ratione precationis, & admonitionem illa Apostoli auctoritate cōprobabunt, Si confurrexistis cum Christo, quæ sursum sunt querite, ubi Christus est in dextera Dei sedens; quæ sursum sunt sapite, non quæ super terram.

Psal. 113.

Ad Coloss. 3.

SANCTIFICETVR NOMEN TVVM.

Quid a Deo petendū, quoque ordine id agēdum sit, magister ipse, ac dominus omniū docuit, & imperauit. nam cū studij, & desiderij nostri nūcia sit, & interpret oratio, tum recte, & ratione petimus, cū postulationum ordo sequitur ordinē rerum expetendatum. Monet autē nos uera charitas, totum ut animum, ac studium conferamus in Deum: qui quoniā solus est in se ipso summum bonū, iure est præcipuo quodā, ac singulari amore diligēdus. Nec uero ex animo, & unice potest amari Deus, nisi rebus ac naturis omnibus eius honor, & gloria præponatur. bona enim, & nostra, & aliena, & omnino omnia quæcumq. boni uocabulo nominantur, ab illo profecta summo ipsi bono cedunt. Quare ut ordine procederet oratio, Saluator petitionē hanc de summo bono principē, & caput cōstituit petitionū reliquarum, docēs nos, priusquā ea, quæ nobis, aut proximo cuiq. opus sint, EE postulemus,

postulemus, quæ propria sint Dei gloriæ, petere debere, ipsique Deo studium, & desiderium eius rei nostrum exponere. Quo facto manebimus in officio charitatis; quæ docemur, & plus Deum, quàm nos ipsos, diligere, & primum petere, quæ Deo cupiamus, deinde, quæ nobis optemus. Et quoniàm desiderium, & petitio sunt earum rerum, quibus caremus; nec uero Deo, id est eius naturæ fieri accessio potest, aut augeri ulla re diuina substantia, quæ inexplicabilem in modum est omni perfectione cumulata; intelligendum est, extra hæc esse, quæ a Deo, ipsi Deo petimus, & ad eternam eius gloriam pertinere. cupimus enim, & petimus, ut Dei nomen notius sit gentibus; ut eius regnum amplificetur; ut plures quotidie obediât diuino numini. quæ tria, Nomen, Regnum, Obedientia, non in illo ipso sunt intimo Dei bono, sed assumuntur extrinsecus. Verum ut, hæ petitiones quàm uim habeant, & quid ualeant, planius intelligatur, Pastoris erunt partes, monere fidelem populum, uerba illa, Sicut in cælo, & in terra, ad singulas referri posse primarium postulationum; ut, Sanctificetur nomen tuum, sicut in cælo, & in terra; item, Adueniat regnum tuum, sicut in cælo, & in terra; similiter, Fiat uoluntas tua, sicut in cælo, & in terra. Cum autem petimus, ut sanctificetur nomen Dei, id sentimus, ut augeatur sanctitas, & gloria diuini nominis. Quo loco Parochus animaduertet, ac docebit populos auditores, non id dicere Saluatorem, ut eodem modo sanctificetur in terra, quo & in cælo, id est, ut amplitudine terrestris sanctificatio cælestis exæquet: hoc enim fieri nullo pacto potest: sed ut ex charitate, ex intimo animi studio id agatur. etsi uerissimum illud est, sicuti est, diuinum nomen per se sanctificatione non egere; cum sanctum, & terribile sit, quemadmodum ipse Deus suapte natura sanctus est; neque ei ulla sanctitas, quæ ab omni æternitate præditus non fuerit, possit accedere: tamen, quod in terris longe minori honore afficitur, quàm par est, nonnumquàm etiam maledictis, & nefarijs uocibus uiolatur, propterea cupimus, ac petimus, ut laudibus, honore, gloria celebretur ad exemplum laudum, honoris, & gloriæ, quæ illi in cælo tribuuntur; id est, ut sic honor, & cultus in mente, in animo, in ore uersetur, ut omni ueneratione & intima, & externa prosequamur, omni celebritate excelsum, purum, & gloriosum Deum ad imitationem supernorum, ac cælestium ciuium contemplantur. Ut enim cælestes summa consensione, gloria, & prædicatione efferunt Deum: sic precamur, ut idem contingat orbi terrarum, & omnes gentes Deum cognoscant, colant, & uenerentur; ut nulli plane mortales reperiantur, qui non & suscipiant Christianam religionem, & se totos Deo dicantes credant ex eo omnem sanctitatis fontem existere, neque quidquid esse purum, aut sanctum, quod non

Non a sanctitate diuini nominis oriatur: Testatur enim Apostolus, *Ad Eph. 5.*
mundatam esse Ecclesiam in lauacro aquæ in uerbo uitæ. significat
autem, uerbum uitæ, nomen patris, & filii, & spiritus sancti, in quo
baptizamur, & sanctificamur. Itaque, quoniam nulla cuiusquæ ex-
piatio, nulla munditia, & integritas esse potest, super quo non sit in-
uocatum diuinum nomen; cupimus, & petimus a Deo, ut omne ho-
minum genus, relictis impuræ infidelitatis tenebris, ac radiis diuini
luminis illustratum, huius uim nominis agnoscat sic, ut in eo ueram
quærat sanctitatem, & in nomine sanctæ, & indiuiduæ Trinitatis ba-
ptismi sacramentum suscipiens ipsius Dei dextera, perfectâ uim san-
ctitatis consequatur. Pertinet uero optatum, & postulatio nostra nõ
minus etiam ad eos, qui flagitiis, & sceleribus cõminati, puram ba-
ptismi integritatem, & innocentiam stolâ amiserunt. quare factû est,
ut in illis miserrimis suam iterum sedẽ impurissimus spiritus colloca-
rit. Optamus igitur, & precamur a Deo, ut in ipsis etiã sanctificetur
nomen eius; ut ad cor, & ad sanitatem redeunt, sacramento peni-
tentia redimât pristinam sanctitatẽ, sequantur ipsos purum, ac sanctum
Deo templum, ac domicilium præbeant. Oramus denique, lumẽ ut
suum Deus præferat omnium mentibus; quo uidere possint, omne
datum optimum, & omne donum perfectum, descendens a Patre lu-
minum, ad nos diuinitus esse delatum; quo temperantiã, iustitiã,
uitam, salutẽ, omnia deniq. animi, corporis, externa uisalia, ac saluta-
ria bona illi accepta referant; a quo, quemadmodum prædicat Ec-
clesia, bona cuncta procedunt: si quid luce sua sol, si quid reliqua si-
dera motu, & cursu profunt hominum generi; si circumfuso hoc ali-
mur spiritu; si terra frugum, & fructuum ubertatẽ uitæ sustinet om-
nium; si opera magistratuum quiete, ac tranquillitate fruimur; & hæc,
& huius generis bona innumerabilia nobis suppeditat immensa Dei
benignitas. Quin etiam, quas philosophi secundas causas appellant,
interpretari debemus, mirabiliter effectas quasdã, & ad usum nostrum
accommodatas Dei manũ, quibus nobis sua bona distribuit, ac lãge,
lateque diffundit. Quod autẽ maxime rem cõtinet in hac petitione,
illud est, ut omnes agnoscant, & uenerentur sanctissimam lesũ Chri-
sti sponsam, & parentem nostram Ecclesiam: in qua una est fons, ille
amplissimus, atque perpetuus, ad eluendas, & expiandas omnes
peccatorum sordes, unde hauriuntur uniuersa salutis, & sanctifi-
cationis sacramenta; quibus quasi cœlestibus quibusdam fistulis
in nos a Deo illo, sanctitatis ros, & liquor effunditur: ad quam
solam, & ad eos, quos suo sinu, & gremio complexa est, pertinet

Act. 4. diuini illius imploratio nominis, quod unum sub cælo datum est hominibus, in quo oporteat nos saluos fieri. Verum Parochi maxime hunc locum urgere debebunt, boni esse filii, non solum patrem Deum orare uerbis, sed re etiam, & actione conari, ut eluceat in ipso sanctificatio diuini nominis. Vtinam non essent, qui, cum oratione hanc Dei nominis sanctificationem assidue postulet, factis, quantum in ipsis est, illud uiolant, atque contaminant: quorum culpa interdum ipsi etiam Deo maledicuntur. in quos dictum est ab Apostolo: Nomen Dei per uos blasphematur inter gentes. Et apud Ezechielem legimus: Ingressi sunt ad gētes, ad quas introierunt, & polluerunt nomen sanctum meum; cum diceretur de eis, populus Domini iste est, & de terra eius egressi sunt. Qualis enim est uita, & ut sunt eorum mores, qui religionem profitentur; sic de religione ipsa, deq. eius auctore religionis multitudo imperita iudicare solet. Quare qui uiuunt ex Christiana religione, quā susceperunt, & ad eius regulam orationem, & actiones dirigunt suas, magnam facultatē præbent aliis laudandi nomen cælestis patris, & omni honore, & gloria celebrandi. Nobis enim ipse has partes imposuit Dominus, ut illustribus uirtutis actionibus excitemus homines ad laudē, & prædicationem diuini nominis: ad quos loquitur in hunc modū apud Euangelistam: Sic luceat lux uestra coram hominibus, ut uideāt opera uestra bona, & glorificent patrem uestrum, qui in cælis est. Et Princeps apostolorum: Conuersationem uestram inter gētes habentes bonā, ut ex bonis operibus uos considerantes, glorificent Deum.

ADVENIAT REGNUM TVVM.

Regnum cæleste, quod altera hac petitione postulamus, eiusmodi est, ut eo referatur, ac terminetur omnis euāgelii prædicatio: nam & inde exorsus est ad pœnitentiam cohortari S. Ioannes Baptista, dum, *Matth. 3.* Pœnitentiam, inquit, agite: appropinquabit. n. regnum cælorum. Nec *Matth. 4.* aliunde fecit initium suæ prædicationis Saluator humani generis; & in illo salutari sermone, quo beatitudinis uias discipulis in monte monstrauit, tamquā proposito orationis argumento principium duxit a regno cælorum: nam, Beati, inquit, pauperes spiritu: quoniam ipsorum est regnum cælorum. Quin etiam cum petere cupientibus, attulit illā causam necessariæ perfectionis: Et alii ciuitatibus, oportet me euangelizare regnum Dei: quia ideo missus sum. Hoc idē postea regnum prædicare iussit apostolos; & illi, qui se ire ad sepeliendum patrem suū uelle dixerat, respondit, Tu uade, annuncia regnum Dei. Cum uero resurrexisset a mortuis, per illos quadraginta dies, quibus apparuit

apparuit apostolis, loquebatur de regno Dei: Quare Parochi hunc secundæ postulationis locum diligentissime tractabunt, ut fideles audientes, quæta sit in hac petitione vis, ac necessitas, intelligant. Primum autem ipsas ad rem scienter, subtiliterque explicandam magnâ facultatem dabit ea cogitatio, quod, etsi hæc petitiō coniuncta sit cum reliquis omnibus, ea tamen separatim etiam adhiberi iusserit a ceteris, ut, quod petimus, summo studio queramus: inquit. n. Querite primum regnū Dei, & iustitiā eius, & hæc omnia adicientur vobis: Et quidem tāta vis, & copia celestium munerum hæc postulatione continetur, ut quænia cōplectatur, quæ ad corporalem, & spiritualem vitam tuendam sunt necessaria. quænam autem regno: nōmine dignum dicemus, cui ea curæ non sint, quæ regni salutem cōtineant? quod si sunt homines de regni, sui in eolumitate solliciti: quæta regem regum omnium curæ, & providentiæ tueri credendum est, & vitam, & salutem hominū? Hæc igitur regni Dei petitiōne, comprehensa sunt omnia, quibuscumque in hac peregrinatione, vel exilio potius indigenius: quæ cōcessurum se Deus benigne pollicetur: nam statim illa subiūxit: Et hæc omnia adicientur vobis: Quibus omnino declaravit, se eum esse regem, qui generi hominum copiose bōnia, largique suppeditat, in cuius infinitæ benignitatis cogitatione infusus. David cecinit, Dominus regit me: & nihil mihi deerit. Verum minime satis est, vehementer petere Dei regnum, nisi ad petitionem nostram adhibeamus omnia tamquam instrumenta, quibus illud queritur, & inuenitur. nam & quinque saxe uirgines sēd dioscilla quidem petierunt ad hunc modum; Domine Domine apertū nobis: utrumquamen, quod illius postulationis præsidia nō haberent, exclusæ sunt: nec iniuriæ est enim illa Dei ore pronunciata sententiā; Non omnis, qui dicit mihi, Domine Domine, intrabit in regnum celorum. Quamobrem haurient animarum curatores. Sacerdotes ex uberrimis diuinarum litterarum fontibus ea, quæ fidelibus desiderium studii, & commoueat regni celorum, quæ caliginosa sēd status nostri cōditionem illis ob oculos ponant, quæ sic eos afficiant, ut respicientes, & colligentes se, in memoriā redeant summæ beatitudinis, & inexplicabilium bonōrum, quibus redundat æternā parentis Dei domus. Exules enim sumus, & plane eius loci incolæ, in quo habitāt dæmones: quorum odiū in nos nulla ratione mitigari potest: nam sunt infestissimi, & implacabiles in genus humanū. Quid domestica, intestinaque proelia, quæ inter se corpus, & anima, caro, & spiritus assidue gerunt: quibus, perpetuo timendum est.

unsmn

EE 3 ne con-

an. 1.

7. 153

Math. 6.

21. 107

Tal. 12.

Math. 25.

Math. 7.

2. 103

ad Gal. 5.

necoheidamus: timendum autē? immo uero statim contideamus,
 nisi propugnaculo diuinæ dexterae defenderemur. Quam uim uiolo-
 ad Rom. 7. riarum cum sentiret Apostolus: Infelix, inquit, ego homo, quis me
 liberabit de corpore mortis huius? Hæc infelicitas nostri generis,
 quamquam per se cognoscitur, tamen ex contentione reliquarum
 naturarum, & creatarum rerum facilius intelligi potest. In illis siue
 7. d. 11. irationis, siue etiam sensus expertibus raro fieri uidemus, ut aliqua
 natura a proprijs actionibus, a sensu, uel motu insito declinet sic, ut
 a proposito, & constituto sine deflectat. Hoc apparet in bestiis age-
 stibus, nantibus, uolucris, ut res declaratione non egeat. Quod
 si cælum suspexeris, non ne uerissimum id esse intelligis, quod a Da-
 uid dictum est? In æternū Domine, uerbum tuū permanet in cælo.
 Psal. 118. Nempe illud continenti motu, & perpetua cōuersione fertur, iugne
 minimum quidem a præfinita diuinitus lege discedat. Si terram, &
 reliquam uniuersitatem consideres, facile uideas, aut nulla, aut exi-
 gua ex parte deficere. At miserrimum hominum genus serpissime la-
 bitur; raro, quæ recte sunt cogitata, persequitur; plerumque susce-
 ptas bonas actiones abiicit, atque contemnit; quæ modo placuerat
 optima sententia, subito displicet, & illa reiecta, ad turpia, consilia;
 sibi que perniciofa delabitur. Quanam igitur est huius incōstantiæ,
 miserique causa? Contemptio planè diuini affatus. claudimus
 enim aures Dei monitis: oculos tollere nolumus ad ea, quæ nobis
 lumina diuinitus præferuntur, nec cælestem patrem salutariter præ-
 cipientem audimus. Quare huc incumbendum erit Parochis; ut &
 1. d. 11. 14. miseria oculis subijciant fidelis populi; & commemorent causas mi-
 seriæ, & remediorum uim ostendant. quorum omnium illis fa-
 cultas non deerit, comparata ex uitis sanctissimis, Ioanne Chrysosto-
 1. d. 11. 15. mo, & Augustino; maxime uero ex ijs, quæ in Symboli expositione
 posuimus. nam, illis cognitis, quis erit e facinorosorum hominum
 Luc. 11. numero, quin adiumento Dei gratiæ præuentis, euangelico illò pro-
 digi filij exemplo conetur exurgere, & erigere se, atque in cælostis re-
 gis, patrisque cōspectum uenire? His explicatis, quæ sit fidelium fru-
 ctuosa petitio, aperient, quid sit, quod his uerbis a Deo postulemus,
 præsertim cum uocabulum regni Dei multa significet: quorum de-
 claratio & ad reliquam scripturæ intelligentiā non erit inutilis, & est
 ad huius cognitionem loci necessaria. Communis igitur quædam re-
 gni Dei significatio; quæ frequens est in diuinis literis, est non solū
 eius potestatis, quā habet in omnem hominum, rerumq. uniuersa-
 litatem, sed etiam prouidentia, quæ cuncta regit, & moderatur.

In manu

In manu enim eius, inquit Propheta, sunt fines terræ. Quibus finibus intelliguntur etiam, quæ occulta sunt, & abdita in iniquis rebus, ac rerum omnium partibus. In hanc sententiam Mardocheus interrogabatur illis uerbis: Domine Deus, rex omnipotens; in diuisione enim tua cuncta sunt posita; & nō est, qui possit tua resistere potentati. Dominus omnipotens; nec est, qui resistat maiestati tuæ. Item Dei regno: declaratur præcipua illa, ac singularis providentia; ratio, qua Deus pios, & sanctos homines tuetur, & curat. de qua propheta; & esimia quadā Dei cura dictum est illud a Davide: Dominus regit me, & nihil mihi deerit, tum ab Isaiā: Dominus, rex noster, ipse saluabit nos. In qua Dei regia potestatem, et præcipua; ratione sunt in hac uita; quos diximus; sancti; ac pii homines: tamē mouit Pilatum ipse Christus dominus, regnum suum non esse ex hoc mundo, hoc est, minime ex hoc mundo, qui & conditus est; & inheriturus, ortum habere. nam eo, quem diximus, modo dominantur imperatores, reges, respublicæ, duces, omnesque, qui uel ex periti, ac delecti ab hominibus præsumt ciuitatibus, atque prouinciis: uel per uim, & iniuriam dominatum occupauerunt. Christus autem dominus constitutus est rex a Deo, ut ait Propheta: cuius regnum, ex Apostoli sententia, iustitia est; inquit enim; Regnum Dei est iustitia; & pax, & gaudium in spiritu sancto. Regnat autem in nobis. Christus dominus per uirtutes intimas; fidem, spem, charitatem, quibus uirtutibus regni quodam modo partēs efficiuntur, & Deo peculiari quadam ratione subiecti, ad eius cultum ac uenerationem cōsecramur: ut, quemadmodum dixit Apostolus; Vno autem iam nōs ego; uiuere uero in me Christus; ita nobis dicere liceat; Regno ego; iam non ego; regnat uero in me Christus. Id autem regnum iustitia dicitur, quia Christi domini iustitia cōstitutum est. Ac de hoc regno sic loquitur apud sanctum Lucam Dominus; Regnū Dei intra uos est. Nam et si Iesus Christus per fidem regnat in omnibus, qui gerunt; ad finem sanctissimæ matris Ecclesiæ continentur, præcipuo tamen modo regit eos; qui præstanti fide, spe, & charitate præditi; sciam quā puta quadam, & uiua membra Deo præbuerunt; & in his Dei gratiæ regnum esse dicitur: Est uero etiam Dei gloriæ regnum illud; de quo Christum dominum apud sanctum Matthæum loquentem audimus; Venite benedicti patris mei; possidete paruum uobis regnū a constitutione mundi. Quod idem ab eo regnum; apud sanctum Lucam latro admirabiliter, sua scelera recognoscens, expecebat in hunc modum: Domine memento mei cum ueneris in regnum tuū.

111111111

- Ioan. 3.* Sanctus etiam Ioannes meminit huius regni: Nisi quis renatus fuerit ex aqua, & spiritu, non potest introire in regnum Dei. Mentitur etiam Apostolus ad Ephesios: Omnis fornicator, aut immundus, aut auarus (quod est idolorum seruitus) non habet hereditatem in regno Christi, & Dei. Eodem pertinent aliquae similitudines Christi domini loquentis de regno caelorum. Necesse est autem prius ponere regnū gratiae; neque enim fieri potest, ut in ullo regnet Dei gloria, nisi eiusdem gratia in illo regnarit. Est uero gratia, ipsius sententia Saluatoris, fons aquae salientis in uitam aeternam. Gloriam autē quid esse dicemus, nisi gratiam quādam perfectam, & absolutam; quam diu enim fragili hoc; & mortali corpore uisiti sumus; dum in hac caecaperegrinatione, & exilio uagi; & imbecilles absumus. Domino, saepe labimur, & cadimus; abiecto regni gratiae aduinculo, quo nitebamur; cum autem regni gloriae, quod perfectum est, lux nobis illuxerit, firmi, & stabiles perpetuo consistemus. Omnis enim & uitiū, & incommodum exhaurietur, omnis infirmitas confirmata roborabitur; ipse denique hostis in anima, & in corpore regnabit Deus; quae res uberius in Symbolo tractata est; cum de resurrectione carnis ageretur. His igitur expositis, quae communent regni Dei sententiam declarant, quid sibi haec petitio proprie uelit, dicendum est. Petimus autem a Deo, ut regnum Christi, quod est Ecclesia, propagetur; ut scilicet fidem Christi domini, & ad accipiendam ueri Dei cognitionē conuertant infideles, & Iudaei; & schismatici; & haeretici redeant ad sanitatem, & ad Ecclesiae Dei communionem, a qua desciderunt; reuertantur; ut compleatur, & ad exitum perducatur, quod Isaia ore dixit Dominus: Dilata locum tentorii tui; & pelles tabernaculorum tuorum extendes; longos fac funiculos tuos, & clauos tuos consolida; ad dexteram enim, & ad laeuam penetrabis; quia dominabitur tui; qui fecit te. Et idem: Ambulabunt gentes in lumine tuo; & reges in splendore ortus tui; leua in circuitu oculos tuos, & uide, omnes isti congregati sunt, uenerunt tibi; filii tui de longe uenient, & filiae tuae de latere surgent. Verum quia sunt in Ecclesia, qui uerbis confitentem Deum, factis negantes; deformatam fidem praefecerant, in quibus propter peccatum daemon habitat, ac dominatur tamquam in propriis domiciliis; petimus etiam, ut ad eos ueniat regnum Dei; quo illi, peccatorum discussa caligine; & radiis diuinæ lucis illustrati, restituantur in filiorum Dei pastinam dignitatem; ut, omnibus e suo regno, caelestis parens; sublati haereticis, atque schismaticis, cunctisque offensionibus, ac scelerum causis, aream

aream purget Ecclesiæ, quæ, Deo culumpie, sancteque adhibēdo, 1. 1. 1. 1. 1. 1.
 quæta, ac tranquilla pace perfruatur. Perimus denique, ut solus in
 nobis uiuat, solus regnet Deus; ne sit posthac morti locus; sed ut il
 la absorbeatur in uictoria Christi domini nostri, qui, disiecto, ac dis
 sipato omni hostium principatu, potestate, & uirtute suo omnia
 subijciat imperio. Erit autem curæ Parochis, ut, quod postulat hu
 ius ratio petitionis, fidelem populum doceant, quibus cogitationi
 bus, & meditationibus instructus, has pie Deo preces facere possit.
 Ac primum hortabuntur, ut uim, ac sententiam intueatur illius si
 militudinis a Salvatore introductæ; Simile est regnum cælorum the Matth. 13.
 sauro abscondito in agro: quem qui inuenit homo, abscondit, &
 præ gaudio illius uadit, & uendit uniuersa, quæ habet, & emit agrū
 illum. Nam qui nouerit Christi domini diuitias, is præ illis omnia
 contemnet, huic facultates, opes, potentia fordescent. Nihil enim
 est, quod illi summo pretio comparari, immo uero, quod in cōspe
 ctu eius stare possit. Quare, quibus id nosse contigerit, exclamabūt
 illi, ut Apostolus; Omnia detrimentum feci, & arbitror ut stercora, ad Philip. 3.
 ut Christum lucrificiam. Hæc est illa insignis euangelii margarita;
 in quam qui pecuniam, ex omnium bonorum uēditione redactam, Matth. 13.
 erogarit, is beatitudine fruetur sempiterna. O nos felices, si tantum
 luminis nobis præferret Iesus Christus, ut illam uidere possemus di
 uinæ gratiæ margaritā, qua ipse regnat in suis: nam & nostra om
 nia, & nos ipsos uenundaremus, ut emptam illam tueremur. tum
 enim denique nobis id non dubitanter dicere liberet: Quis nōs se
 parabit a charitate Christi? Præstātem uero regni gloriæ excellentiā, ad Roman. 8.
 si, quæ sit, scire uolumus, eandem de illa & Prophetæ, & Apostoli
 uocem, atque sententiam audiamus; Oculis nō uidit, neque auris Isa. 64.
1. ad Cor. 2.
 audiuit, neque in cor hominis ascendit, quæ præparauit Deus iis,
 qui diligunt illum. Proficiet autem ad impetrandum maxime, quod
 petimus, si, qui simus, ipsi nobiscum reputemus, id est Adam pro
 genes, iure e paradiso eiekti, & exules; quorum indignitas, ac per
 ueritas summū Dei odium, ac sempiternas pœnas postulare. Qua
 re demisso tum, & abiecto animo simus oportet: nostra etiā erit ple
 na Christianæ humilitatis oratio: & omnino nobis ipsi dissidentes, Luc. 12.
 illius more publicani confugiemus in Dei misericordiam; totumq;
 eius benignitati tribuentes, ipsi gratias agemus immortales, qui nō
 bis suum spiritum sit elargitus, quo freti clamare audeamus, Abba
 Pater. suscipiemus etiam illā curam, & cogitationem, quid agendū,
 quid contra, uitādum sit, ut ad cælestere regnum peruenire possimus.

non

Matth. 11. non enim a Deo ad otium, & ad inertiam uocati sumus; quin immo inquit; Regnum celorum uim patitur, & uiolenti rapiunt illud: &
Matth. 19. Si uis ad uitam ingredi, serua mandata. Itaque non est satis, petere regnum Dei, nisi suum ipsi etiam studium, & operam adhibeant homines. nam adiutores sint oportet, & administri Dei gratiæ in eo tenendo cursu, quo peruenitur in celum. Nunquam nos deserit Deus; qui nobiscum se futurum perpetuo pollicitus est: unum ut nobis ui dendum sit, ne Deum; & nos ipsos deseramus. Ac Dei quidem sunt in hoc Ecclesiæ regno omnia, quibus & uitam tuetur hominum, & salutem perficit sempiternam, & quæ sub aspectum non cadunt, angelorum copiæ, & plenissimum uirtutis celestis uisibile hoc munus sacramentorum. In his tantum nobis prædij est diuinitus constitutum, ut non modo ab acerrimorum hostium regno tuti esse, sed ipsum etiam tyrannum, eiusque nefarios satellites prostrernere, & conculcare possimus. Quare uehementer ad extremum petamus a Dei spiritu, nos ut omnia iubeat e sua uoluntate facere; Satanæ ut tollat imperium, nullam ut in nobis summo illo die potestatem habeat, ut uincat, & triumphet Christus; ut uigeant eius leges toto orbe terrarum; ut decreta seruentur; nullus ut proditor, aut desertor eius sit; sed tales se præbeant omnes, ut in regis Dei conspectum non dubitanter ueniant, & constitutam illis ex omni æternitate possessionem adeat regni celestis, ubi beati cum Christo sempiterno suo fruatur.

FIAT VOLUNTAS TUA.

Matth. 23. Cum a Christo domino dictum sit: Non omnis, qui dicit mihi, Domine, Domine, intrabit in regnum celorum; sed, qui facit uoluntatem patris mei; qui in celis est, ipse intrabit in regnum celorum; quicumque in illud celeste regnum peruenire cupiunt, id a Deo petere debent, ut fiat uoluntas eius. Quamobrem hoc loco posita petitio est statim post regni celestis postulationem. Ut autem intelligant fideles, quam necessarium id nobis sit, quod hac prece postulamus, quantamque uim salutarium munerum ex eius impetratione consequamur; demonstrabunt Parochi, quibus miseris, & ærumnis oppressum fuerit hominum genus propter peccatum primi parentis. Nam a principio Deus proprii boni appetitionem creatis rebus ingerauit, ut naturali quadam propensione suam quærerent, & expectarent finem, a quo illæ nunquam, nisi obiecto extrinsecus impedi mento, declinant. Hæc autem initio fuit in homine expectandi Deum, suæ beatitudinis auctorem, parentemque, eo præclariore, & præstantioris, quod is cõpõs esset rationis, atque consilij. Sed hunc amorẽ, sibi

sibi naturaliter ingenitū, cum reliquæ naturæ rationis expertes conseruassent, quæ ut initio procreatæ fuerunt natuta bonæ, sic in eo statu, & cōdicionē manserunt, hodieque manent; miserum hominum genus cursum non reuinit: non enim solum bona iustitiæ originalis amisit, quibus a Deo supra naturæ suæ facultatem auctum, ornatumque fuerat, sed etiam insitum in animo præcipuum uirtutis studium obscurauit. Omnes, inquit, declinauerunt, simul inutiles facti sunt. non est, qui faciat bonum, nō est usque ad unum. Nani sensus & cogitatio humani cordis in malum prona sunt ab adulescentia sua; ut inde facile intelligi possit, neminem per se salutariter sapere, sed omnes ad malum esse propensos, innumetabilesque esse hominum prauas cupiditates, dum procliues sunt, & flagranti studio feruntur ad iram, ad odium, ad superbiam, ad ambitionem, ad omne fere malorum genus. Quibus in malis quamquā assidue uetsemur; tamen, quæ summa est nostri generis miseria, petnulta ex illis sunt, quæ nobis minime mala uideantur. quæ res insignem arguit hominum calamitatem, qui cupiditatibus ac libidinibus obcecati nō uideant, quæ salutaria opinantur, pletumque esse pestifera, immo uero ad illa perniciosā mala; tamquam ad optabile & expetendum bonum, rapiantur præcipientes, ab ijs, quæ uete bona sunt, & honesta, tamquam a contrarijs rebus, abhorreant. Hanc opinionem corruptumque iudicium detestatur Deus illis uerbis; Vx, qui dicitis malum bonum, & bonum malum, ponentes tenebras lucem, & lucem tenebras, ponentes amatum in dulce, & dulce in amatum. Itaque nostris ut subiiciant oculis nostras misetias, comparant nos diuinæ litteræ iis, qui uerum gustandi sensum amisierunt: quare fit, ut a salubri uictu alieni sint, appetantque contrarium. Cum ægrotis præterea nos cōserunt. ut enim illi, nisi morbum depulerint, sanorum, & integrorum hominū officia ac munera obite non possunt: sic nos actiones, quæ Deo gratæ sint, suscipite sine diuinæ gratiæ adiumento nequimus. Quod si quædā sic affecti assequimur, leuia illa sunt, & quæ ad consequendā cælestem beatitudinem parum uel nihil momenti habent. At Deum, ut par est, amare, & colere, quod maius quiddam & altius est, quam ut nos humi strati id humanis uiribus assequamur, numquā poterimus, nisi adminiculo diuinæ gratiæ subleuemur. Quamquam aptissima est etiam illa comparatio ad significandam miseram humani generis condicionem, quod similes esse dicimur puerorum, qui suo relictī arbitrio temete mouentur ad omnia: pueri, inquam, sumus, & imprudentes, ludicris sermonibus, & inanibus

*Psal. 52.**Gen. 8.**ad Rom. 7.**Isa. 5.**Prouer. 1.*

inanibus actionibus dediti, si a diuino præsidio deferamur. sic enim
cap. 1. nos obiurgat Sapiëntia: Vsq; quo paruuli diligitis infantiam, & stulti-
 ca, quæ sibi sunt noxia, cupient? Et in hunc modum hortatur Apo-
1. ad Cor. 14 stolus: Nolite pueri effici sensibus. Et si maiori in inanitate, & errore
 uersamur, quam illa puerilis ætas: cui tantum abest humana pruden-
 tia, ad quam tamen per se tempore potest peruenire; cum ad diuinã
 prudentiam, quæ ad salutem necessaria est, nos nisi Deo auctore, &
 adiutore adspirare nõ possimus. nisi enim præsto nobis sit Dei auxi-
 lium, reiectis ijs, quæ uere sunt bona, ad interitum ruimus ublun-
 tarium. Ac si quis, discussa diuinitus animi caligine, has uideat ho-
 minum miseras, & sublatò stupore, sentiat legem membrorum, ac
 sensus cupiditates spiritui repugnantes recognoscat, omnemque di-
 spiciat naturæ nostræ propensionem ad malum; qui poterit non ar-
 denti studio opportunum tanto huic malo, quo naturæ uitio premi-
 mur, remedium querere, salutareque illam regulam expetere, ad
 quam Christiani hominis uita dirigenda & cõformanda sit. Hoc igitur
 illud est, quod imploramus, cum ita precamur Deum, Fiat uolun-
 tas tua. Cum enim, abiecta obedientia, & Dei uoluntate neglecta,
 in has miseras inciderimus, unum illud tantorum malorum reme-
 dium nobis diuinitus propositum est, ut ex Dei uoluntate, quam
 peccando contempsimus, aliquando uiuamus, omnesque cogita-
 tiones & actiones nostras ea regula metiamur: quod ut assequi pos-
 simus, suppliciter illud a Deo petimus, Fiat uoluntas tua. Id uero il-
 lis etiam uehementer petendum est, in quorum animis iam regnat
 Deus, qui que iam sunt radius diuini luminis illustrati; cuius gratiæ
 beneficio, Dei obtemperent uoluntati. Quibus licet ita comparatis
 propriæ tamen cupiditates aduersantur propter procliuitatẽ ad ma-
 lum, insitam in hominum sensibus; ut, etiã si tales simus, magnum
Iac. 4. tamen hoc loco nobis periculum sit a nobis ipsis, ne abstracti, & illo-
 cti a concupiscentiis, quæ militant in membris nostris, iterum de sa-
 lutis uia deflectamus. de quo nos periculo Christus dominus admo-
Matth. 16. nuuit illis uerbis: Vigilate, & orate, ut non intretis in tentationem;
 spiritus quidem promptus est, caro autem infirma. Non enim est in
 hominis potestate, ne in eius quidem, qui per Dei gratiam est iusti-
 ficatus, ita dominos habere carnis affectus, ut numquam illi postea
 excitentur: quippe cum eorum, qui iustificati sunt, mentem sanet
ad Rom. 7. Dei gratia, non etiam carnem: de qua illud scripsit Apostolus: Scio
 enim, quia non habitat in me, hoc est in carne mea bonum. Nam
 ut semel primus homo iustitiam originalem, quo tamquam freno
 quodam

quodam cupiditates regebantur, amisit, minime eas postea ratio
 ita continere potuit in officio, ut ea non appeterent, quæ etiam rati-
 o^{211. 107}oni repugnant. Itaque in ea hominis parte peccatum, idest pecca-
 ti fomitem habitare scribit Apostolus, ut intelligamus eum non ad
 tempus, quasi hospitem, diuersari apud nos, sed, quam diu uiui-
 mus, tamquam incolam nostri corporis in domicilio membrorum
 hære perpetuo. Ergo domesticis & intestinis hostibus assidue op-
 pugnat; facile intelligimus, confugiendum esse ad Dei auxilium,
 petendamque, ut fiat in nobis uoluntas eius. Iam uero faciendum
 est, ut sciant fideles, quæ sit huius petitionis uis: quo loco, multis
 omi^{211. 108}ssis, quæ a doctoribus scholasticis de Dei uoluntate utiliter, &
 copiose disputantur, uoluntatem hic accipi dicimus pro eâ, quæ
 signi appellare solent, hoc est; pro eo quod Deus a nobis fieri, aut eâ
 ueri iusserit, aut monuerit. Quare uoluntatis nomine hoc loco cõ-
 prehensa sunt uniuersa, quæ nobis ad cælestem beatitudinem com-
 parandam proponuntur, siue illa ad fidem, siue ad mores pertineat;
 omnia denique, quæcumque nos Christus dominus per se, uel per
 Ecclesiam suam facere aut imperarit, aut prohibuerit, de qua uolu-
 nate ita scribit Apostolus: Nolite fieri imprudentes; sed intelligen-
 tes, quæ sit uoluntas Dei. Cum igitur illud precamur, Fiat uoluntas
 tua; petimus in primis nobis, ut Pater cælestis facultatem concedat
 obtemperandi diuinis iussis, & inseruendi ei in sanctitate & iustitia
 omnibus diebus nostris; ut ad nutum & uoluntatem eius omnia fa-
 ciamus; ut ea colamus officia, de quibus in sacris litteris admonemur;
 ut ipso duce & auctore reliqua omnia præstemus, quæ eos de-
 cent, qui non ex uoluntate carnis, sed ex Deo nati sunt, exemplum
 Christi domini secuti, qui factus est obediens usque ad mortem;
 mortem autem crucis; ut parati simus omnia perpeti potius, quam
 uel minimum ab eius uoluntate discedere. Nec uero quisquam est,
 qui huius studio, & amore petitionis flagret ardentius, quam is,
 cui concessum sit, ut summam eorum dignitatem intueatur, qui
 Deo obediunt. Idem enim illud uerissime dici intelligit, Seruire
 Deo, & illi obedire, regnare esse. Quicumque, inquit Dominus,
 fecerit uoluntatem patris mei, qui in cælis est, ipse meus frater, so-
 ror, & mater est; hoc est cum illo sum omnibus amoris, & bene-
 uolentiæ uinculis coniunctissimus. Nemo fere est ex uiris san-
 ctis, quin præcipuum huius petitionis munus a Deo uehemen-
 ter postulari, ac præclara quidem omnes, sed uaria per sæpe ora-
 tione

Psalm. 118. tione usi sunt, in quibus mirificum & suauissimum Dauidem uideamus illud uarie postulante. modo enim inquit: Utinam dirigantur uix meæ ad custodiendas iustificationes tuas. Interdum: Deduc me in semitam mandatorum tuorum. Nonnunquam: Gressus meos dirige secundum eloquium tuum, & non dominetur mei omnis iniustitia. Huc pertinent illa. Da mihi intellectum, ut discam mandata tua. Iudicia tua doce me: da mihi intellectum, ut sciam testimonia tua. Sæpe aliis uerbis eandem tractat, uersatque sententiam. qui loci diligenter animaduertendi sunt, & fidelibus explicandi; ut, quanta sit in prima huius petitionis parte uis, & copia salutarium rerum, omnes intelligant. Secundo loco, cum illud precamur, Fiat uoluntas tua; detestamur opera carnis: de quibus scribit Apostolus: Manifesta sunt autem opera carnis; quæ sunt fornicatio, immunditia, impudicitia, luxuria, &c. & Si secundum carnem uiueritis, moriemini. petimusque ne sinat Deus ea nos perficere, quæ sensus, quæ cupiditas, quæ imbecillitas nostra suaserit, sed ut nostram uoluntatem, sua uoluntate moderetur. Alieni sunt ab hac uoluntate uoluptuarij homines, qui in terrenarum rerum cura, & cogitatione defixi sunt. Feruntur enim libidine præcipites ad potiandû, quod concupierunt, & in illo fructu prauæ cupiditatis felicitatem ponunt, ut beatum etiam esse dicant, qui, quodcumque optarit, consequatur. Nos contra petimus a Deo, ut ait Apostolus, ne carnis curam faciamus in desideriis, sed ut fiat uoluntas eius. etsi non facile adducimur, ut precemur Deum, ut cupiditatibus nostris non satisfaciatur. habet enim difficultatem hæc animi inductio: quod ipsi quodam modo id petentes nos uidemur odisse: quod etiam stultitiæ tribuunt ii, qui toti hærent in corpore. sed nos stultitiæ famam subeamus libenter Christi causa. cuius est illa sententia: Si quis uult post me uenire, abneget semet ipsum, præsertim cum sciamus, multo præstare, id optare, quod rectum, iustumque sit, quam illud assequi, quod a ratione, a uirtute, a Dei legibus sit alienum. & certe deteriore loco is est, quicumque ad id peruenit, quod temere ac libidinis impulsu cupiebat, quam qui, optime quod optauit, non assequitur. quamquam non id modo petimus, ne concedatur nobis a Deo, quod ipsi nostra sponte cupimus; cum studium nostrum deprauatum esse constat; sed ne id etiam detur, quod, suafore, & impulsore Dæmone, simulato lucis angelo, tamquam bonum interdum postulamus, rectissimum illud

illud Principis apostolorum studium uidebatur, pietatisque plenissimum, cum Dominum a consilio proficiscendi admortem uocare conabatur: & tamen eum, quia humanis sensibus, non diuina ratione ducebatur, Dominus acriter obiurgauit. Quid amantius in Dominum uidetur eo postulari potuisse, quod sancti uiri Iacobus, & Ioannes, illis irati Samaritanis, qui magistrum hospitio accipere nolissent, ab eo petierunt, ut tuberetur ignem ex celo descendere, qui duos illos, & inhumanos absumeret? At a Christo domino reprehensi sunt illis uerbis: Nescitis, cuius spiritus estis: Luc. 10. Filius enim hominis non uenit animas perdere, sed saluare. Neque uero solum, cum, quod cupimus, malum est, aut mali speciem habet, Deum precari debemus, ut fiat uoluntas eius, sed etiam, cum reuera malum non est; ueluti cum uoluntas sequitur primam illam naturæ inclinationem, ut appetat ea, quæ naturam conferuant, & reiciat, quæ ei contraria uideantur. Quocirca, cum in eum locum uentum est, ut aliquid petere uelimus huius generis, tū uero dicamus ex animo, Fiat uoluntas tua: imitemur illum ipsum, a quo salutem, & salutis disciplinam accepimus, qui cum naturaliter insito cruciatum, & acerbissimæ mortis timore, commoueretur, tamen in illo Luc. 12. horrore summi doloris, suam ad Dei patris retulit uoluntatem: Non mea, inquit, uoluntas, sed tua fiat. Sed mirabiliter deprauatum est hominum genus: qui cum uim etiā suæ attulerint cupiditatis, eaque diuinæ uoluntati subiecerint, tamen sine Dei auxilio, quo a malo protegimur, & in bonum dirigimur, peccata uitare non possunt. Ergo confugiendum est ad hanc precationem, & petendum a Deo, ut in nobis ipse instituta perficiat, ut exultantes cupiditatis inotus comprimat, ut appetitus ratione obediētes efficiat, ut nos denique 11. moysi totos ad suam conformet uoluntatem. Precamur etiam, ut Dei uoluntatis cognitionem totus orbis terrarum accipiat; quo diuinum 1. cor. 12. mysterium, absconditum a sæculis, & generationibus, notum & peruulgatum sit apud omnes. Fortnam præterea, & præscriptionem huius obediētiæ postulamus, ut uidelicet ad eam regulam dirigatur, quam in cælo & seruāt beati angeli, & colit reliquis cælestium animarum chorus; ut, quemadmodum illi sponte, & summa cum uoluptate obediunt diuino numini; sic nos Dei uoluntati, quo modo ipse maxime uult, libentissime pareamus. & uero in opera, & studio, 1. 11. 12. quod Deo nauamus, summu a nobis amorē Deus, & eximiam charitatem requirit, ut, etiā si spe cælestiu præmioru totos nos ei dicauerimus, tamen ideo illa speremus, quod, ut in ea spe incederemur, placuit 1. 11. 12.

diuinæ maiestati. Quare tota nitatur illo in Deū amore nostra spēs, qui mercedem amoris nostro proposuit æternā beatitudinem. Sunt enim, qui amantur alicui seruiant, sed tamen pretij causa, quo amorem referunt. Sunt præterea, qui tantummodo charitate & pietate commoti, in eo, cui dant operam, nihil spectant, nisi illius bonitatem, atque uirtutem; cuius cogitatione, & admiratione se beatos arbitrantur, quod ei suum officium præstare possint. & hæc habet sententiam illa appositio, Sicut in cælo, & in terra. Maxime enim nobis enitendum est, ut Deo simus obedientes, quemadmodum beatas mentes esse diximus. quorum laudes in illo summæ obedientiæ munere obcundo, eo psalmo persequitur Dauid: Benedicite Domino omnes uirtutes eius, ministri eius, qui facitis uoluntatem eius. Quod si quis, sanctum Cyprianum secutus, sic illa interpretatur, ut dicat, in cælo, in bonis, & pijs; in terra, in malis, & impijs: nos uero etiam eius sententiam comprobamus; ut pro cælo spiritus, pro terra caro intelligatur; ut & omnes, & omnia in omnibus Dei uoluntati obediant. Gratiarum item actionem cōtinet hæc petitio. Veneramur enim eius sanctissimam uoluntatem, & maximo perfusi gaudio summis laudibus, & gratulationibus omnia eius opera celebramus, qui certo sciamus eum omnia bene fecisse. cum enim constet, esse omnipotentem Deum; necessatio sequitur, ut omnia eius uoluntate facta esse intelligamus. cum uero etiam ipsum, sicuti est, summum bonum esse affirmemus; nihil ex eius operibus non esse bonū, cum omnibus ipse suam impertiuert bonitatem, cōfitemur. Quod si in omnibus diuinam rationem non assequimur; in omnibus tamē, & ambigui causa neglecta, & reiecta omni hesitatione, illud Apostoli profitemur, inuestigabiles esse uias eius. Sed ob id, maxime etiā Dei uoluntatem colimus, quod ab eo cælesti lumine dignati sumus.

ad Rom. 11. Ereptos enim de potestate tenebrarū, transtulit in regnum filij dilectionis suæ. Sed ut extremo loco id explicetur, quod ad meditationem pertinet huius petitionis; redeundum est ad id, quod initio attigimus, debere fidelem populum in huius pronuntiatione petitionis esse demisso, & humili animo, reputantem secum eam, quæ in natura est insita, cupiditatum uim, diuinæ uoluntati repugnantem, cogitantem se in eo officio uinci a naturis omnibus: de quibus ita scriptum est: Omnia seruiunt tibi: maximeque imbecille esse, qui nullū opus Deo gratum nō modo nō perficere, sed ne insisteret quidem possit, nisi Dei adiumento subleuetur. Quoniam uero, nihil magnificentius est, nihil præstātius, quam, ut diximus, Deo seruire,

& uitam

& uitam ex eius lege, ac præceptis agere; quid optabilius esse potest homini Christiano, quam ambulare in uijs Domini, quam nihil agitare animo; nihil actione suscipere, quod a diuina uoluntate abhorreat? ut uero eam exercitationem capiat; & illud institutum teneat diligentius, petat ex diuinis libris exempla eorum, quibus, cum illi consiliorum suorum rationem non retulissent ad Dei uoluntatem, omnia male ceciderunt. Moneantur postremo fideles, ut in simplici & absolutâ Dei uoluntate acquiescant; ferat æquo animo conditionem suam, qui sibi inferiori loco uidetur esse, quâ eius dignitas postulet; ne deleat ordinem suum, sed in ea uocatione maneat, in qua uocatus est; & proprium iudicium subiiciat Dei uoluntati; qui nobis melius consulit, quam ipsi optare possimus. si angustia rei familiaris, si corporis ualitudine, si persecutionibus, si aliis molestiis, & angoribus premimur; certo statuendum est, nihil horum sine Dei uoluntate; quæ summa omnium ratio est, nobis accidere posse; ideoque non debere nos grauius commoueri; sed in uictis animo ferre; semper illud in ore habentes, Domini uoluntas fiat: & illud beati Iob; Sicut Domino placuit, ita factum est: sit nomen Domini benedictum.

PANEM NOSTRVM QVOTIDIANVM DA NOBIS HODIE.

Quarta petitio, & reliquæ deinceps, quibus animæ, & corporis subsidia proprie, ac nominatim postulamus, ad superiores petitiones referuntur. habet enim hunc ordinem; ac rationem præcatio Dominica, ut postulationem rerum diuinarum consequatur earum petitio, quæ ad corpus, & ad hanc uitam tuendam pertinent. nam ut ad Deum; tamquam ad ultimum finem, referuntur homines: sic humanæ uitæ bona ad diuina eadem ratione diriguntur. quæ quidem ideo optanda, ac petenda sunt; uel quod ita diuinus ordo postulat; uel quod illis adiumentis ad diuinorum bonorum adeptiorem indigemus; ut his adminiculis propositum finem consequamur, qui regno, & gloria cælestis patris, atque his præceptis colendis, seruandisque continetur, quæ Dei uoluntatis esse non ignoramus; quare omnem uim; & rationem huius petitionis ad Deum, eiusque gloriam referre debemus. Præstabitur igitur suum officium Parochi fidelibus auditoribus, ut intelligat, in his petendis, quæ ad usum, ac fructum pertinent rerum terrenarum, esse intendendum animum; ac studium nostrum ad Dei præscriptionem, nec inde ulla ex parte declinandum. Nam in eo, quod scribit Apostolus;

- ad Rom. 8.* Quid oremus, sicut oportet nescimus; maxime peccatur his postulationibus terrenarum, & caducarum rerum. Ergo petenda sunt bona hæc, ut oportet; ne, perperam aliquid postulantes, responsum illud a Deo seramus; Nescitis quid petatis. Erit autem certa iudicandi nota, quæ praua sit, quæne recta petitio, consilium, & propositum postulantis. Nam si quis terrena petit eo animo, ut illa omnino bona existimet, & in illis, tamquam in optato fine, conquiescens, nihil præterea requirat; sine dubio non orat, sicut oportet. Non enim, inquit sanctus Augustinus, petimus temporalia hæc tamquam bona nostra, sed tamquam necessaria nostra. Apostolus etiam in epistola ad Corinthios docet, omnia, quæ spectant ad usum uitæ, necessarios, ad Dei gloriam referri oportere. Siue enim manducatis, inquit, siue bibitis, siue aliud quid facitis, omnia in gloriam Dei facite. Sed ut uideant fideles, quātam habeat hæc petitio necessitatem; commemorabunt Parochi, quanta ad uitam, & ad uitam colendam, indigētia sit externarum rerum; quod magis intelligent, si cōparatio fiet eorum, quæ primo illi parenti nostri generis, & reliquis deinceps hominibus fuerunt ad uiuendum necessaria: nam etsi ille in amplissimo innocentie statu, unde & ipse, & eius culpa omnis posteritas cōtrahit, necesse habuisset adhibere cibum ad reficiendas uires: tamen inter illius, & nostræ uitæ necessitates multum interest. non enim ei uestibus ad regumentum corporis opus fuisset, non telis ad perfugium, non armis ad defensionem, non remedijs ad ualitudinem; non alijs multis, quorum subsidio, nos ad hanc naturæ imbecillitatem, ac fragilitatem tuendam egemus, satis ei fuisset ad immortalē uitam ille fructus, quem felicissima uitæ arbor nullo eius, aut posterorum labore præbuisset. Neque uero futurus erat homo in tatis paradisi delictijs otiosus, quem ad agendum Deus in eo, uoluptatis domicilio collocarat: uerum nulla ei opera molesta, nullum officii munus non iucundum fuisset. tulisset ille perpetuo suauissimos fructus ex cultura felicium hortorum; nec cum unquā opera, aut spes fecisset. At posterorum proles non solum fructu priuata uitalis arboris, uerum etiam horribili illa sententia cōdemnata est; Maledicta terra in opere tuo; in laboribus comedes ex ea cunctis diebus uitæ tuæ; spinas, & tribulos germinabit tibi, & comedes herbas terræ; in sudore uultus tui uesceris pane tuo, donec reuertaris in terram, de qua sum ptus es: quia pulvis es, & in puluerem reuerteris. Nobis igitur contra cenerunt omnia, atque illi, & posteris cōtigisset, si Dei dicto audiens fuisset Adam. itaque uersa sunt omnia, & mutata in deter-

rimam

rimam partem. In quo illud grauiſſimum eſt, quod maximos ſub-
 prius, ſummum laborem, ac ſudorem ſepiſſime nullus fructus con-
 ſequitur; cum fruges datæ in deteriore ſegetem, uel ſucreſcenti
 agreſtium herbarum aſperitate opprimuntur, uel nimbis, uento,
 grandine, uredine, rubigine pereuſſæ, & proſtratae intereunt; ut
 omnis anni labor, exiguo tempore, aliqua cæli, uel terræ calamitate
 recidat ad nihilum. quod accidit inmanitate noſtrorum ſcelerum;
 a quibus auerſus Deus noſtris miniſtrare benedicſe operibus. Sed hor-
 renda manet ſententia, quam de nobis initio pronunciauit. Ergo
 Paſtores in huius loci tractatione inuincunt; ut ſciat fidelis popu- Gen. 3.
 lus, ſua culpa homines in has anguſtias, & miſerias incidere; ut in- 1. Cor. 3.
 telligat de ſudandū quidem, & elaborandū eſſe in paradisiſis,
 quæ ad uiuendū ſunt neceſſaria, ueruntamen, niſi laboribus no- 1. Cor. 3.
 ſtris benedixerit Deus, fallacem ſpem, & inanem fore omnem con- 1. Cor. 3.
 tentionem. Nam neque qui plantat eſt aliquid, neque qui rigat, ſed
 quī incremētum dat Deus. Et; Niſi Dominus ædificauerit domum,
 in uanum laborauerunt, qui ædificant eam. Docebunt igitur Paro-
 chi, eſſe res pene innumerabiles, quæ ſi nobis deſint, uel uitæ amiti-
 ſimus, uel agimus inſurauem: Hac enim cognita rerum neceſſitate,
 naturæque imbecillitate, Chriſtianiſ populus cæleſtem Patrem ad- Luc. 11.
 rē cogetur, & ab eo terrenæ, & cæleſtia bona ſuppliciter petere; limita-
 bitor prodigum illum filium, qui cum in regione longinqua cœpiſ-
 ſet egere, nec eſſet, cum eſuriret, qui ei ſiliquis daret, aliquando ad
 ſe rediens, intellexit malorum, quibus premebatur, niſi
 a patre eſſe expectandum remedium. Quo loco accedit etiam fidenti-
 tius ad orandū fidelis populus; ſi in cogitatione diuinæ benignita-
 tis recordabitur, paternas aures perpetuo patris filiorum uocibus. 1. Cor. 3.
 nam dum hortatur nos, ut panem petimus, ea ſe recte petentibus
 abunde largiturum pollicetur. docendo enim, quo modo petamus, 1. Cor. 3.
 hortatur; hortando, impellit; impellendo, ſpondet; ſpondendo,
 nos in ſpem certiffimæ impetrationis inducit. Excitatis igitur, & in-
 flammatiſ animis fidelis populi, ſequitur, ut, quid hac petitione po-
 ſtuletur, declarandum ſit: primum, qui ſit ille panis, quem petimus.
 Sciendum igitur eſt, in diuinis litteris hoc panis nomine multa qui-
 deſignificari, ſed illa duo præcipue, primum, quidquid in uictu,
 ceteriſque rebus, ad corpus, uitamque tuendam adhibemus, de in- 1. Cor. 3.
 de; quidquid nobis ad ſpiritus, & animæ uitam, ac ſalutem Dei mi- 1. Cor. 3.
 nere tributum eſt. Petimus autem hoc loco huius, quæ in terris agi-
 mus, uitæ ſubſidia; ſanctorum Patrum ita ſentientium auſpiciatē.

Quamobrem minime sunt audiendi, qui dicunt, non licere Christianis hominibus a Deo petere terrena huius vite bona: nam huic aduersantur error, præter consentientem Patrum sententiam; quæpla permulta tum veteris, tum noui testamenti: Iacob enim dicens, sic orabat; Si fuerit Dominus mecum, & custodierit me in uia, per quam ego ambulo, & dederit mihi panem ad uescendum, & uestimentum ad induendum; reuersusque fuero prospere ad domum patris mei; erit mihi Dominus in Deum, & lapis iste, quem erexi in titulum, uocabitur domus Dei; cunctorumque, quæ dederis mihi, decimas offeram tibi. Salomon etiã certum petebat huius vite subsidium, cum illud precabatur; Mendicitatem, & diuitias ne dederis mihi; tribue tantum uictui meo necessaria. Quid, quod Saluator humani generis illa iubet petere, quæ nemo negare audeat ad corporis usum pertinere? Orate, inquit, ut non fiat fuga uestra in hieme, uel Sabbatho. Quid dicemus de sancto Iacobo? cuius illa sunt Testatur aliquis uestrum dicit: æquo animo est, psallat. Quid de Apostolo? qui sic eum Romanis agebat: Obsecro uos fratres per dominum nostrum Iesum Christum, & per charitatem sancti Spiritus, ut adiutis me in orationibus pro me ad Deum, ut liberer ab infidelibus, qui sunt in Iudæa. Quare, cum & diuinitus concessum sit fidelibus, ut petant hæc subsidia rerum humanarum, & perfecta hæc a Christo domino tradita sit orandi formula; ne illud quidem dubium reliquitur, unam ex septem hanc esse petitionem. Petimus præterea panem quotidianum, idest uictui necessaria; ut panis nomine, quod facit sit, & uestium ad tegendum, & cibi ad uescendum, siue panis is sit; siue caro, siue piscis, siue quodcunque aliud, intelligamus. uidemus enim usum esse hoc loquendi modo Eliseum, cum regem moneret, ut præberet panem militibus Assyriis, quibus magna ciborum copia data est. Illud etiam de Christo domino scriptum scimus; Ingressus est in domum cuiusdam principis Phariseorum sabbatho manducare panem. qua uoce, quæ ad cibum, quæque ad potum pertinent, significari uidemus. Ad huius petitionis absolutam significationem præterea animaduertendum est, hoc panis uocabulo non abundantem, & exquisitam ciborum, ac uestium copiam; sed necessariam, ac simplicem intelligi debere: quemadmodum scripsit Apostolus; Habentes alimenta, & quibus tegamur, his contenti simus: Et Salomon, ut diximus, Tribue tantum uictui meo necessaria. Huius quoque frugalitatis, & parsimonie illa uoce, quæ proxime sequitur, admonemur. cum enim, Nostrum; dicimus, panem illum

illum ad necessitatem nostram, non ad luxuriam petimus: non enim nostrum dicimus, quia cum nobis opera nostra; sine Deo, parare possimus: (est enim apud Davidem; Omnia a te expectant, ut des illis escam in tempore: dante te illis, colligent: aperiente te manum tuam, omnia implebuntur bonitate: & alio loco; Oculi omnium in te sperant Domine, & tu das escam illorum in tempore opportuno) sed quia necessarius est, & a parere omnium Deo, qui omnes sua providentia alit animantes, nobis attributus. Ob eam quoque causam panis noster appellatur, quod iure est a nobis acquirendus, non iniuria, fraude, aut furto parandus. quæ enim nobis malis artibus conciliamus, non nostra sunt, sed aliena, sæpius quæ illorum calamitosa est uel adeptio, uel possessio, uel certe luctura. contra uero honestis; ac laboriosis piorum hominum lucris, ex Prophetæ sententia tranquillitas inest, & magna felicitas. Labores enim; inquit, manuum tuarum quia manducabis, beatus es, & bene tibi erit. lam uero his, qui iusto labore uictum quærunt, fructum suæ benignitatis eo loco pollicetur Deus; Emitter Dominus benedictionem super cellaria tua, & super omnia opera manuum tuarum, benedicetq. tibi. Neque solum petimus a Deo nobis, ut illo uti liceat, quod nostro sudore, ac uirtute peperimus ejus adiumento benignitatis; id enim uere dicitur nostrum; sed etiam bonam mentem postulamus, ut recte partis, recte item, ac prudenter uti possimus. *QVOTIDIANVM* huic etiam uoci subiecta est ea notio frugalitatis, ac parsimonie, quæ proximè diximus. non enim multiplicem, aut delicatum cibum postulamus, sed cum, qui naturæ necessitati satisfaciat: ut eos pudeat hoc loco, qui fastidio communis cibi, & potionis, conquississima escarum, ac uinorum genera persequuntur. Nec minus hac quotidiani uoce improbatur iij, quibus horredas illas minas proponit Ilias; Vx, qui coniungitis domum ad domum, & agrum agro copularis usque ad terminum loci: numquid habitabitis uos soli in medio terræ? Etenim est inexplebilis horum hominum cupiditas, de quibus illud scriptum est a Salomone; Avarus non implebitur pecunia: ad quos dictum etiam illud pertinet Apostoli; Qui uolunt diuites fieri, incidunt in tentationem; & laqueum Diaboli. Quotidianum præterea panem appellamus, quod uestimur eo ad reficiendum uitalem humorem; qui quotidie consumitur ui naturalis caloris. Est denique illa huius ratio nominis, quod assidue petendus est, ut in hac consuetudine amandi, & colendi Deum retineamur; nobisque omnino persuadeamus, id, quod est, uitæ, ac salutem nostram ex Deo petere. Da nobis.

Psalm. 103.

Psalm. 117.

Deuter. 28.

Isa. 5.

Eccle. 5.

1. ad Tim. 6.

1. ad Tim. 6.

DA NOBIS. Quamquam hæc duæ voces materiam præbeant ad cohortandum fideles, ut infinitam Dei potentiam pie, sanctæque colant, & uenerentur, in cuius manu sunt omnia, & ut nefariam illam Satiæ ostentationem detestentur; Mihi tradita sunt omnia, & cui uolo do illa, nemo non uidet. nam unius nutu Dei distributa cuncta, &

conseruantur, & augentur. Sed quæ diuitibus hæc est imposita necessitas, dixerit quispiam, petendi quotidianum panem, cum rebus omnibus abundent? Hæc illis necessitas est orandi in hunc modum, non ut dentur eis, quorum Dei benignitate habent copiam, sed ne, quæ abunde illis adlunt, amittant. Quamobrem, ut scribit Aposto-

1. ad Tim. 6. lus, Hinc discant diuites non sublime sapere, neque sperare in incerto diuinarum, sed in Deo uiuo, qui præstat nobis omnia abunde ad fruendum. Huius autem necessariæ petitionis hanc causam assert

2. 1. 1. sanctus Chrysostomus, non solum ut nobis suppetat cibus, sed ut eum nobis suppeditet Domini manus, quæ, salubrem, atque adeo salutarem uim inferens pani quotidiano, efficit, ut & cibus corpori prosit, & corpus animæ seruiat. Sed quid est, quamobrem,

2. **DA NOBIS,** numero multitudinis dicimus, non autem, mihi? Quia proprium illud est Christianæ charitatis, non ut quisque de se uno sollicitus sit, sed ut præterea de proximo labore, & in cura suæ utilitatis inueniat etiam aliorum: accedit eo, quod, quæ alicui munera diuinitus tribuuntur, non idcirco tribuuntur, ut solus is ea possideat, uel in illis luxuriose uiuat, sed ut cum alijs communique, quæ

Amb. ex Basilio Magno in sermone 81. necessitati superferint: nam inquit sancti Basilii, & Ambrosii: Esurientium panis est, quem tu detines: nudorum indumentum est, quod tu recludis: miserorum redemptio est, & absolutio, pecunia,

2. 2. quam tu in terram defodis. **HODIE.** Admonet nos hæc uox communis infirmitatis. quis enim est, qui, si minus sua unius opera prouidere se posse sperat in longinquum tempus necessarios uitæ sumptus, saltem in diem uictus subsidia paraturum non confidat? Sed ne huius quidem fiduciæ facultas nobis a Deo perimititur, qui nos singulorum etiam dierum cibum a se petere iussit. Quæ sententia habet illam

2. 3. 1. necessariam rationem, quia quotidiano pane egemus omnes, quoti die etiam Dominica precatione singulis utendum esse: Hæc de pane, qui ore perceptus, corpus alit, atque sustentat, qui communis fidelium, & infidelium, piorum, & impiorum, admirabili Dei bonitate, qui solem suum oriri facit super bonos, & malos, pluit super iustos, & iniustos, omnibus impertitur. Reliquus est spiritualis panis, quem etiam hoc loco petimus. Quo significantur omnia, quæ

cumque in hac uita ad spiritus, & animæ salutem, & incolumitatem requiruntur. ut enim multiplex est cibus, quò corpus alitur, & sustentatur: sic non est unius generis esca, quæ spiritus, & animæ uitâ continet. nâ & uerbum Dei cibus est animæ: sapientia enim inquit; Venite, comedite panem meum; & bibite uinum, quod miscui uobis. Huius autem uerbi facultatem cum adimit Deus hominibus, quod efficere solet, cum grauius nostris sceleribus offenditur: siue dicitur premere genus humanum. sic enim est apud Amos: Emittâ famem in terram, non famem panis, neque sitim aquæ, sed audienti uerbum Domini. Vt autem illud est certum propinquæ mortis signum, cum nō possint homines uel cibum sursum, uel sumptum retinere: sic magnum est desperatæ salutis argumentum, cū uel non quærunt uerbum Dei, uel, si adsit, non sustinent: et illam impietatis uocem in Deum effundunt; Recede a nobis, scientiam uiarum tuarum nolumus. In hoc furore animi, & mentis cæcitate uersantur illi, qui, neglectis iis, qui legitimè eis præsent, catholicis, & Episcopis, & sacerdotibus, & a sancta Romana Ecclesia desciscen-tes, corruptoribus Dei uerbi hæreticis se in disciplinam tradiderūt. Iam uero panis est Christus dominus, animæ cibus: inquit enim ipse de se; Ego sum panis uiuus, qui de cælo descendi. Incredibile est, quanta uoluptate, ac lætitia perfundat piorum animas hic panis cum, cū maxime terrenis molestiis, & incommodis consuectantur. exempli nobis est sanctus ille chorus apostolorum, de quibus extat; Illi quidem ibant gaudentes a conspectu concilii. Referti sunt huiusmodi exemplis libri de uita sanctorum hominum; & de inuicem his bonorum gaudiis ita loquitur Deus; Vincenti dabo manna absconditum. Præcipue autem panis noster est ipse Christus dominus, qui in sacramento Eucharistiæ substantialiter continetur. Hoc inexplicabilè pi- gnus charitatis dedit nobis rediturus ad Patrem, de quo dixit; Qui manducat meam carnem, & bibit meum sanguinem, in me manet, & ego in illo. Accipite, & manducate, hoc est corpus meum; Ea po- tent Parochi, quæ ad fidelis populi utilitatem pertinebunt, ex eo lo- co, quo separatim huius sacramenti uia, ac ratio cōiunctur. Et uero dicitur hic panis noster, quia fidelium modo hominum est, id est eo- rum, qui charitatem cum fide coniungentes, pœnitentiæ sacramen- to sordes eluunt peccatorum; qui non dimittentes memoriâ, se Dei filios esse, diuinum sacramentum sumunt, & colunt, quanta maxi- ma possunt sanctitate, ac ueneratione. Quotidianus uero quam obrem dicatur, in promptu duplex ratio est, altera, quod in sacris Christianæ

Prover. 9.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Amos 8.

Christianæ Ecclesiæ mysteriis, quotidie & offertur Deo, & datur pio, sancteque postulantibus; altera, quod quotidie sumendus est, uel certe ita uiuendum, ut quotidie, quoad eius fieri possit, digne sumere queamus. Audiant, qui contra sentiunt, nisi longo intervallo salutaribus his epulis animæ uesci non oportere; quid sanctus dicat Ambrosius: Si quotidianus est panis, cur post annum illum sumis? Sed in hac petitione ad illud præcipue cohortandi sunt fideles, ut, cum recte & consilium, & industriam suam posuerint in comparandis rebus uitæ necessarijs, rei exitum Deo permittant, suumque desiderium ad eius referant uoluntatem; qui nō dabit in æternum satisfactionem iusto. Nam uel concedet Deus; quæ petuntur, & ita suū optatum consequentur; uel nō concedet; & id erit certissimum argumentum; nec salutare illud esse; nec utile, quod pijs a Deo negatur; cui magis curæ est de eorum salute, quàm illis ipsis. Quænam cum instruere poterunt, explicandis ijs rationibus Parochi, quæ a sancto Augustino in epistola ad Probam præclare colliguntur: Extremum illud erit in huius tractatione petitionis, ut meminerint diuites facultates suas; & copias Deo acceptum referre; cogitentque se idcirco illis bonis esse cumulatos, ut illa distribuant indigentibus. In quam sententiam conueniunt, quæ in prima epistola ad Timotheum ab Apostolo differuntur: unde magnam uim Parochijs petere licebit diuinorum præceptorum ad hunc locum utiliter, ac salutariter illustrandum.

ET DIMITTE NOBIS DEBITA NOŒTRA; SICUT ET NOS
DIMITTIMVS DEBITORIBVS NOŒTRIS.

Cum ita multa sint, quæ infinitam Dei potentiam; cum pari sapientia, ac bonitate coniunctam, significant, ut; quocumque oculis, cogitationemque conuerteris, certissima signa immense potestatis, ac benignitatis occurrant; nihil profecto est, quod summum eius amorem, & admirabilem in nos charitatē magis declaret, quam inexplicabile mysterium Iesu Christi passionis, unde perennis ille fons ad eluendas peccatorum sordes erupit; quo perfundi, & expiari; Deo duce, ac largitore, exoptamus, cum illud ab eo petimus; Dimitte nobis debita nostra. Continet autem hæc petitio summam quædam eorum bonorum, quibus per Iesum Christum cumulatam est humanum genus: id enim docuit Isaias: Dimittetur, inquit, iniquitas domui Iacob, & iste omnis fructus, ut auferatur peccatum eius; quod Dauid etiam ostendit, beatos prædicans eos; qui salutarem illum fructum percipere potuerunt; his uerbis: Beati, quorum remissa

sunt

*S. Ambrosius in
lib. 5. de Sa-
cramentis. ca. 4*

Psal. 54.

1. 2. 601

*S. Augustinus
in epist. 121.
ad Probam
uiduam.*

1. ad Tim. 6.

Isa. 27.

Psal. 31.

sunt iniquitates. Quare est accurate, ac diligenter Pastoribus huius postulatonis animaduertenda, & exponenda sententia, quam ad ex-
lestem uitam consequendā tantum ualere intelligimus. Ingressimur
autem nouam precandi rationem. nam hactenus a Deo non solum
æterna, & spiritalia bona, sed caduca, & quæ ad hanc uitam perti-
nient, conmoda petiuimus: nunc uero mala deprecamur & animæ,
& corporis, & huius, & sempiternæ uitæ. Sed quoniam ad impetran-
dum, quod postulamus, requiritur recta postulandi ratio; quo mo-
do affectos esse oporteat eos, qui Deum hoc orare uelint, dicendum
uidetur. Monebunt igitur Parochi fidelem populum, primum ne
cesse esse, ut is, qui ad hoc petendum uelit accedere, illuminis pec-
catum agnoscat; deinde, ut eius sensu, ac dolore commoueat; tum
ut sibi omnino persuadeat, Deum in hac esse uoluntate; ut is, qui
peccauerit, ita; ut diximus affectis, & comparatis ignoscat; ne forte
acerbam delictorum recordationem, ac recognitionem illa ueniz
desperatio consequatur, quæ olim Caim, & Iudæ animam occupauit;
qui Deum modo uindictæ, & ultorem, non etiam mitem, & misere-
ricordem, existimarunt. Ergo in hac petitione sic affecti simus, opor-
tet, ut dolenter peccata nostra recognoscētes, ad Deum, tamquam
ad parentem, non quasi ad iudicem confugiamus; a quo, non ut
ex iustitia nobiscum agat, sed ex misericordia, postulemus. Faci-
le autem adducemur, ut peccatum nostrum agnoscamus; si ipsum
audierimus Deum nos in sacris litteris huius rationis admonentem:
est enim illud apud Dauidem: Omnes declinauerunt; simul inuti-
les facti sunt: non est, qui faciat bonum, non est usque ad uhum.
In eandem sententiam loquitur Salomon; Non est homo iustus
in terra, qui faciat bonum, & non peccet. Quo illud etiam peti-
net; Quis potest dicere, mundum est cor meum, purus sum a pec-
cato? Quod idem a sancto Ioanne, ad deterrendos homines ab ar-
rogantia, scriptum est; Si dixerimus, quoniam peccatum non ha-
bemus; ipsi nos seducimus; & ueritas in nobis non est. Et a Hiero-
nima; Dixisti absque peccato, & innocēs ego sum; & propterea a uer-
tatur furor tuus a me: ecce ego iudicio contendam tecum, eo quod
dixeris, non peccaui. Quorum sententias omnium idem, qui eas
illorum ore protulerat, Christus dominus hoc petitionis præscri-
pto confirmat, quo iubet nos delicta nostra confiteri: id enim
secus interpretari prohibuit auctoritas Mileuitani Concilii in hunc
modum: Placuit, ut, quicumque uerba ipsa Dominicæ orationis;
ubi dicimus, Dimitte nobis debita nostra, ita uult a sanctis dici;

Gen. 4.
Matth. 27.

Psalm. 53.
1p. 401

Eccle. 7.
Prover. 20.

1. ad Ioh. 1.
Hieron. 2. 3

Mileuit. Cōc.

ut humiliter, non ueraciter hoc dicatur; anathema sit. Quis enim ferat orantem, & non hominibus, sed ipsi Domino mentientem, qui labijs sibi dicit, dimitti uelle, & corde dicit, quæ sibi dimittantur debita, non habere? Verum in necessaria recognitione peccatorum non est satis, illa leuiter recordari. nam, ut acerba nobis sit ea memoria, ut cor pungat, animum stimulet, & dolorem inurat, necesse est. Quare pertractabunt locum hunc diligenter Parochi, ut non solum facinorum, ac flagitiorum suorum meminerint fideles auditores, sed ut moleste, dolenterque meminerint, ut, cum angantur intimis sensibus, conferant se ad patrem Deum, a quo, ut inhærentes euellat scelus aculeos, suppliciter petant. Nec uero solum erratorum turpitudinem studebunt subiicere oculis fidelis populi, uerum etiam indignitatem, ac sordes hominum, qui, cum nihil simus, nisi putida caro, nisi summa sceditas, incomprehensibilem illam Dei maiestatem, & inexplicabilem præstantiam, incredibilem in modum audeamus offendere, præsertim a quo procreati, liberati, innumerabilibus, maximisque beneficiis aucti simus. Vt quid? Vt ab alienati a patre Deo, qui summum bonum est, turpissima peccati mercede, Diabolo nos addicamus in miserrimam seruitutem. neque enim dici potest, quam crudeliter ille dominetur in eorum animis, qui, repulso suauis iugo Dei, ruptoque charitatis amabilissimo nodo, quo parenti Deo spiritus noster adstringitur, ad hostem acerrimum desciuerunt; qui eo nomine princeps, & rector mundi, & princeps tenebrarum, & rex super uniuersos filios superbix, dicitur in diuinis literis. In eos autem, qui Dæmonis tyrannide opprimuntur, uere conuenit illa uox Isaïæ; Domine Deus noster, possederunt nos domini absque te. Hæc si nos minus mouent rupta fœdera charitatis, moueat certe calamitates, & ærumnæ, in quas per peccatum incidimus. uiolatur enim sanctitas animæ, quæ Christo desponsam esse scimus. profanum fit illud idem templum Domini, quod qui cõtaminant, in eos dicit Apostolus; Si quis autem templum Dei uiolauerit, disperdet illum Deus. Innumerabilia sunt mala, quæ peccatum inuehit in hominem: quam pene infinitam pestem Dauid his uerbis expressit; Non est sanitas in carne mea, a facie iræ tuæ: non est pax ossibus meis, a facie peccatorum meorum. Nimirum norat hanc plagæ uim, cum nullam sui partem pestifero peccato intactam fateretur. peruaserat enim in ossa peccati uirus, id est, rationem, & uoluntatem, quæ maxime solidæ sunt animæ partes, infecerat. hanc late patentem pestem indicant sacræ litteræ, cum peccatores, claudos, surdos,

Ioan. 14.

Ad Eph. 6.

Iob 41.

Isa. 36.

1. ad Cor. 3.

Psal. 37.

furdos, mutos, cæcos, & omnibus membris captos appellant. Sed præter dolorem, quem ex peccatorum quasi scelere sentiebat, magis etiam angebatur David ex ira Dei, quam in se propter peccatum cõmotam intelligebat. Bellum enim est sceleratis cum Deo, quorum sceleribus incredibiliter offenditur: inquit enim Apostolus: Iræ, & indignatio, tribulatio, & angustia in omnem animã hominis operantur malũ. nã & si trãsierit actio peccati, tamen peccatũ inacula & reatu permanet; cui semper immines ira Dei illud insequitur, tãquam umbra corpus. Cum igitur David his uulneraretur aculeis, ad petendã delictorum ueniam excitabatur: cuius & exemplum doloris, & doctrinã rationem, ex quinquagesimo eius psalmo depromptam, proponunt Parochi fidelibus auditoribus, ut Prophetæ imitatione, & ad doloris sensum, idest ad ueram pænitentiam, & ad ueniæ spẽ erudiendi possint. Quantã habeat utilitatem hæc docendi ratio, ut ex peccatis dolere discamus, illa Dei apud Hieremiam declaratoratio, quicum Israelẽ ad pænitentiam hortaretur, admonebat eum, ut malorum sensum perciperet, quæ peccatum cõsequuntur: Vide enim, inquit, quia malum, & amarum est, reliquisse te dominum Deum tuum, & non esse timorem mei apud te, dicit dominus Deus exercituum. Qui carent necessario hoc recognitionis, ac doloris sensu, ij apud Prophetas, Isaiam, Ezechielem, & Zachariam, cor durum, lapideum, & adamantinum habere dicuntur. sunt enim instar lapidis, nullo dolore molliiti, nullum uiræ, idest salutaris recognitionis sensum habentes. sed ne peccatorum grauitate deterritis, se populus ueniam impetrare posse desperet, ipsum ad spem uocare Parochi debent his rationibus; quod & Ecclesiæ Christus dominus potestatem dedit remittendi peccata, quemadmodum sacrosancti Symboli articulo declaratur, & hac petitione docuit, quãta esset Dei bonitas, ac liberalitas in genus humanum. nisi enim promptus esset, ac paratus Deus ad cõdonandum peccata pænitentibus, numquam nobis hanc precandi formulam præscripsisset; Dimitte nobis debita nostra. Quamobrem illud fixum in animis tenere debemus, fore, ut is paternam misericordiam nobis impertiat, qui ipsam his precibus iussit exposcere. nam omnino sub hac petitione, illa est subiecta sententia, sic esse in nos affectum Deum, ut uere pænitentibus libenter ignoscat. Est enim Deus is, in quẽ, abiecta obedientia, peccamus, cuius ordinem sapientiæ perturbamus, quantum est situm in nobis, quem offendimus, quem factis, dictisque uiolamus. Verum idem est ille beneficentissimus parens, qui, cũ possit omnia cõdonare,

*ad Rom. 1.**Hier. 2.**Isa. 46. 3.**Ezech. 36.**Zach. 7.**2. Cor. 13.*

non modo se id uelle declarauit, sed etiam impulsit homines, ut a se ueniam peterēt, & quibus uerbis id facerent, docuit. Quare nemini dubium esse potest, quin, illo auctore, in nostra potestate sit, nobis Dei gratiam reconciliare. Et quoniam hæc testificatio propensæ ad ignoscendum diuinæ uoluntatis fidem auget, spem alit, charitatem inflammat; operæpretium est, ornare hunc locum nonnullis diuinis testimoniis, & hominum exemplis; quibus maximorum scelerum pœnitentibus Deus ueniam concesserit. quam sententiam quoniam persecuti sumus, quantum res ferebat, in præmio huius precationis, & in ea Symboli parte, quæ est de remittendis peccatis, inde assumet Parochi, quæ ad hunc locum instruendum pertinere uidebuntur, reliqua hauriet ex diuinarum litterarum fontibus: tum uero eodem utantur instituto, quo in ceteris petitionibus utendum duximus; ut intelligat fideles, quid hic, Debita, significet; ne forte decepti ambiguo, aliud ab eo, quàm quod petendum sit, postulent. Primum autem scire oportet, minime petere nos, nobis ut remittatur amor ex toto corde, ex tota anima, & ex tota mente nostra, quæ omnino Deo debemus, & cuius debiti solutio est ad salutem necessaria. Neque uero, quia debiti nomine, etiã obediẽtia, cultus, ueneratio, & cetera huius generis officia continentur, postulamus, ut nõ amplius ea debeamus, sed precamur, ut liberet a peccatis: sic enim S. Lucas est interpretatus: qui peccata pro debitis posuit, ob eam causam, quod illis committendis rei efficiamur Deo, & debitis pœnis proposti, quas uel satisfaciendo, uel patiundo pendimus. Huius generis debitum fuit, quod Christus dominus locutus est ore Prophetæ; Quæ non rapui, tunc exolvebam. Qua Dei uerbi sententia licet intelligere, non solum nos debitores esse, sed etiam nõ esse soluendo, cum peccator per se satisfacere nullo modo possit. Quare confugiendum nobis est ad Dei misericordiã: cui quia par iustitia respondet, cuius est retinensissimus Deus, utendũ erit deprecatione, & patrocinio passionis domini nostri Iesu Christi; sine qua nemo umquã ueniam delictorum impetrauit; a qua omnis & satisfaciendi uis, & ratio tãquam ex fonte profluxit. nam pretiũ illud in cruce a Christo domino persolutũ, & nobiscum per sacramenta, re, uel studio, ac desiderio adhibita, communẽ catũ, tanti est, ut nobis impetret, & cõficiat, quod hac petitione postulamus, ut peccata nostra remittatur. Quo loco nõ id modo pro leuibus erratis, & facillimis ad impetrandã ueniam, sed pro grauib, & mortiferis peccatis deprecamur. quæ precatio in scelerum grauitate pòdus non habebit, nisi id a pœnitentiæ sacramento, re, uel certe desiderio

derio suscepto, ut iam dictum est, assumpserit. Dicimus autē, Debita nostra, longe aliter, atque, Panem nostrum, antea diximus. noster enim ille est panis, quia nobis Dei munere tribuitur: at peccata nostra sunt, quia illorum culpa residet in nobis: nam nostra uoluntate suscipiuntur; quæ peccati uim non haberent, nisi essent uoluntaria. Nos igitur, eam culpam sustinentes, & confitentes, ad expiandum peccata necessariam Dei clementiam imploramus. In quo non utimur excusatione cuiusquā, nec causam in quemquam trāsferimus, ut primi homines Adam, & Eua fecerunt; ipsi nos indicamus, illam, *Gen. 3.* si sapiamus, Prophetæ precationem adhibentes, Non declines cor meum in uerba malitiæ ad excusandas excusationes in peccatis. Nec uero dicimus, dimitte mihi, sed nobis; quod fraterna necessitudo, & charitas, quæ inter omnes homines intercedit, a nobis singulis postulat, ut de cōmuni proximorum salute solliciti, cum pro nobis preces facimus, pro illis etiam deprecemur. Hunc orandi morem, a Christo domino traditum, deinceps ab Ecclesia Dei acceptū, perpetuoque seruatum, ipsi & maxime tenuerūt Apostoli, & ut ceteri adhiberent, auctores fuerunt. Huius autem flagrantis studii, & cupiditatis in deprecando pro salute proximorū, habemus in utroque testamento sanctorum Moysis, & Pauli præclarum exemplum: quorum alter sic Deum precabatur; Aut dimitte eis hanc noxam, aut, *Exod. 32.* si non facis, dele me de libro tuo: alter in hunc modum; Optabam ego ipse anathema esse a Christo pro fratribus meis: *ad Rom. 8.*

SICUT ET NOS DIMITTIMVS DEBITORIBVS NOSTRIS. Illud, Sicut, dupliciter intelligi potest: nam & similitudinis uim habet, cum uidelicet a Deo petimus, ut, quæadmodum nos iniurias, & cōtumelias remittamus iis, a quibus læsi sumus, sic ipse nobis peccata condonet. Est præterea conditionis nota: in quam sententiam Christus dominus eam formulā interpretatur; Si enim dimiseritis, *Matth. 6.* inquit, hominibus peccata eorum, dimittet & uobis pater uester cælestis delicta uestra; si autem nō dimiseritis hominibus, nec pater uester dimittet uobis peccata uestra. Verum habet iterque sensus eandem ignoscendi necessitatem: ut, si uolumus Deum nobis ueniam concedere delictorum, paræmus illis ipsi necesse sit, a quibus iniuriam accepimus. sic enim Deus obliuionem iniuriarum, mutuumque studium, & amorem requirit a nobis, ut eorum, qui in gratiam non sunt reconciliati, dona, ac sacrificia reiciat, & aspernetur. Est etiam naturæ lege sancitum, ut tales nos aliis præbeamus, quales eos in nos esse cupimus: uere ut impudentissimus

ille sit, qui postulet a Deo, ut sui sceleris pœnam prætermittat, cum ipse in proximum animum retineat armatum. Quate parati, & prout ad ignoscendum esse debent ij, quibus impositæ sunt iniuriæ; cum & urgeantur hac precandi formula; & apud sanctum Lucam id

Luc. 17.

inubeat Deus; Si peccauerit in te frater tuus, increpa illum; & si penitentiam egerit, dimitte illi; & si septies in die peccauerit in te, & septies in die conuersus fuerit ad te, dicens, pœnitet me, dimitte illi.

Matth. 5.

ad Rom. 12.

Prover. 25.

Marc. 11.

Et in euangelio sancti Matthæi sit: Diligite inimicos uestros: & Apostolus, & ante eum Salomon scripserit: Si esurierit inimicus tuus, ciba illum; si sitit, potum da illi; & sit apud sanctum Marcum euangelistam; Cum stabis ad orandum, dimitte si quid habetis aduersus aliquem; ut & pater uester, qui in cælis est, dimittat uobis peccata uestra.

Sed quoniam deprauatæ naturæ uitio nihil ægrius sit ab homine, quam ut inferenti condonet iniurias; omnem conferant Patrochi animi, & ingenij uim ad commutandos, & flectēdos animos fidelium ad hanc lenitatem, & misericordiam, Christiano homini necessariam. Commorentur in tractatione diuinorum otaculorum, in quibus audire licet imperantem Deum, inimicis ignoscendum.

Prædicent id, quod uerissimum est, magno esse argumento hominibus eos esse Dei filios, si facile remittant iniurias, & inimicos diligāt ex animo. Elucet enim in eo, quod inimicos diligimus, similitudo quædam cum parēte Deo, qui sibi inimicissimum, & infestissimum genus hominum, filii sui morte ab æterno exilio redemptum, recōciliauit. Sit autem huius cohortationis, & præcepti clausula illud imperium Christi domini, quod recusare non possumus sine summo

Matth. 5.

dedecore, & perniciē; Orate pro persequētibus, & calumniantibus uos, ut sitis filii patris uestri, qui in cælis est. Verum hoc loco non uulgaris Pastorum prudentia requiritur, ne quis, cognita huius difficultate, ac necessitate præcepti, salutem desperet. Sunt enim, qui, cum se debere intelligant conterere iniurias obliuione uolūtaria, & eos diligere, qui læserunt, id cupiunt, & pro uiribus faciunt, sed uniuersam memoriam iniuriarum sibi exhauriri non posse sentiunt. nam resident in animo quædam reliquię simultatis. quamobrem magnis agitantur conscientię fluctibus, uerentes, ne, parum simpliciter, & candide positis inimicitii, Dei iussu non obediant. Hic igitur Pastores contraria studia carnis, & spiritus explicabunt, quod illius sensus sit ad uindicationem procliuis, huius ratio propensa ad ignoscēdum, hinc inter ipsos perpetuam turbam, ac rixam existere. quare saluti minime diffidendū esse demonstrabūt, reclamātibus,

& aduer-

& aduerlantibus rationi, corruptæ naturæ appetitionibus, modo spiritus perster in officio, & uoluntate remittendi iniurias, proximumque diligendi. Quod autem aliqui fortasse fuerint, qui, cum nondum animum inducere possint, ut obliti iniurias, ament inimicos, propterea deterriti ea, quam diximus, condicione huius petitionis, Dominica precatione non utantur; duas has rationes afferret Parochi, quibus exitiosum hunc errorem illis eripiant. Nam qui uis unus e fidelium numero preces has facit, totius Ecclesiæ nomine, in qua pios esse aliquot necesse est, qui debitoribus ea, quæ hic commemorantur, debita remiserunt. Accedit eo, quod id a Deo petentes, una etiam petimus, quidquid ad illud impetrandum in eam petitionem a nobis necessario conferendum est. petimus enim & ueniam peccatorum, & donum ueræ pœnitentiæ: petimus facultatem intimi doloris: postulamus, ut a peccatis abhorre, & illa sacerdoti uere, ac pie confiteri possimus. Itaque cum necesse etiam nobis sit parcere iis, qui damnum, aut malû aliquod dederint, cum, ut nobis Deus ignoscat, precamur, simul oramus, ut facultatem largiatur reconciliandi nos illis, quos odimus. Quare deterrêdi sunt ab ea opinione, qui inani, & prauo illo timore commouentur, ne sibi Deum reddât offensorem hac precatione; contraque etiam cohortâdi ad frequentem precationis usum, quo a parente Deo postulent, ut sibi det eam mentem, ut iis, qui læserint, ignoscant, & inimicos diligant. sed, ut precatio omnino fructuosa sit; primum hæc in ea est cura, meditatioque adhibenda, nos Deo supplices esse, & ab eo ueniam petere, quæ nō datur, nisi pœnitenti: itaque nos ea charitate, & pietate præditos esse oportere, quæ pœnitentibus conueniat; conuenire autem maxime iis, subiecta quasi oculis propria flagitia, atque facinora lacrymis expiare. Cum hac cogitatione coniungenda est cautio in posterum earum rerum, in quibus fuit aliqua occasio peccâdi, quæque nobis ansam dare possint ad offendendum parentem Deum. In his curis uersabatur Dauid, cum diceret; Et peccatum meum cōtra me est semper. Et alio loco; Lauabo per singulas noctes lectum meum, lacrymis meis stratum meum rigabo. Proponat sibi præterea unusquisque ardentissimum orandi studium eorum, qui a Deo precibus impetrauerunt ueniam delictorum, ut publicani illius, qui longe consistens præ pudore, ac dolore, & oculis humi defixis, tantum pulsabat pectus, eam habens orationem, Deus propitius esto mihi peccatori: Tum illius peccatricis mulieris, quæ Christo domino, retro stans, rigatos a se eius pedes, capillis etiam abstersos osculabatur:

Psal. 50.

Psal. 6.

Luc. 18.

Luc. 7.

- Matth. 27.* Petri denique Principis apostolorū, qui egressus foras, fleuit amare. Deinde cogitandum est, quo infirmiores sunt homines, & ad morbos animi, quæ sunt peccata, propensiores, eo pluribus, & frequentioribus medicamentis indigere. sunt autem ægrotæ animæ remedia, pænitentia, & Eucharistia. Hæc igitur sæpissime adhibeat fidelis populus: deinde eleemosyna, quemadmodum tradunt diuinæ litteræ, medicina est accommodata sanandis animæ uulneribus. quare, qui pie hac prece uti cupiunt, pro uiribus benigne faciant egentibus:
- a.* quantam enim uim habeat ad delendas scelerum maculas, testis est
- Tob. 12.* in Thobia angelus Domini sanctus Raphael, cuius est illa uox; Eleemosyna a morte liberat, & ipsa est, quæ purgat peccata, & facit inuenire misericordiam, & uitam æternam. Testis est Daniel, qui Nabuchodonosor regem sic admonebat; Peccata tua eleemosynis redime, & iniquitates tuas misericordiis pauperum. Optima autem largitio, & impertiendæ misericordiæ ratio, est obliuio iniuriarum, & bona uoluntas erga eos, qui rem, uel existimationem, uel corpus tuum, tuorumue uiolarint. Quicumque igitur cupit in se esse maxime misericordem Deum, is ipsi Deo suas donet inimicitias, remittatque omnem offensionem, & pro hostibus libentissime deprecetur, omnem captans occasionem de illis ipsis bene promerendi. Sed quoniam hoc argumentum explicatum est, cum homicidii locū tractauimus, eo reiiciunt Parochos. Qui tamen hanc petitionem hoc sine concludant, nihil iniustius esse, aut fingi posse, quam eum, qui cum hominibus durus sit, ut nemini se det ad lenitatem, idem postulet, ut in se sit mitis, & benignus Deus.

ET NE NOS INDUCAS IN TENTATIONEM.

- Non dubium est, quin filij Dei post impetratam delictorum ueniam, cum incensu studio adhibendi Deo cultum, & uenerationem, cæleste regnum exoptant, & omnia diuino numini tribuentes pietatis officia, toti pendunt a paterna eius uoluntate, ac prouidētia, tum eo magis humani generis hostis omnes aduersus illos artes excogitet, omnes machinas paret, quibus oppugnentur sic, ut uerendum sit, ne, labefactata, & mutata sententia, rursus in uitia delabantur, longeque deteriores euadant, quam antea fuerint. De quibus illud
- 1. Pet. 2.* Principis apostolorum iure dici possit; Melius erat illis, non cognoscere uiam iustitiæ, quam, post agnitionem, retrorsum conuerterent ab eo, quod illis traditum est, sancto mandato. Quare nobis a Christo domino datū est huius petitionis præceptum, ut quotidie nos Deo commédemus, eiusque patriam curam, & præsidium imploremus,
- minime

minime dubitantes fore, ut, si deseratur diuino patrocinio, uas fer-
rimus hostis laqueis itretiti teneamur. Neque uero solū in hac orandi
regula iussit a Deo petere, ne patiatur nos induci in tētionem, sed
in illa etiam oratione, quam ad sanctos apostolos habuit sub ipsius
mortis tempus, cum quidem ipsos mundos esse dixisset, eos huius
officii his uerbis admonuit; *Ora*te, ut non intretis in tētionem.
Quæ iterum a Christo domino adhibita admonitio magnū diligen-
tiæ onus imponit Parochis excitandi fidelem populum ad frequen-
tem huius usum precatōis, ut, cum tanta hominibus ab hoste dia-
bolo in singulas horas pericula huius generis intenduntur, a Deo,
qui solus illa propulsare potest, petant illud assidue, Ne nos inducas
in tētionem. Intelliget autem fidelis populus, quanto pere egeat
diuini huius adiuenti, si suæ imbecillitatis, inscitæque memine-
rit; si recordabitur illam Christi domini sententiā; Spiritus quidē
prōptus est, caro autem infirma; si ei uenerit in mentem, quā gra-
ues sint, & exitiales hominum casus, impellente dæmonē, nisi susti-
neantur dextera cælestis auxilio. Quod illustrius esse possit humanæ
infirmi-tatis exemplum, quā sacer ille chorus apostolorum, qui ma-
gno antea animo cū essent, primo quoque obiecto terrore, relictis
Saluatore, diffugerunt? etsi illustrius etiam est illud Principis aposto-
lorum, qui in tanta professione singularis & fortitudinis, & amoris
in Christum dominum, cum paulo ante, sibi bene fideris, ita di-
xisset; Si oportuerit me mori tecum, nō te negabo? statim, unius uo-
ce mulierculæ perterritus, se Dominum non nosse iureiurando affir-
mauit. nimirum illi in summa spiritus alacritate non respondebant
uires. Quod si uiri sanctissimi humanæ naturæ fragilitate, cui confu-
debant, grauiter peccauerunt: quid non timendum est ceteris, qui
ab eorum sanctitate absunt longissime? Quare proponat fide-
li populo Parochus prælia, ac pericula, in quibus assidue uersamur, dum
anima est in hoc mortali corpore, quos undique caro, mundus, &
Satanas oppugnat. Quid ira, quid cupiditas in nobis possit, quotus
quisque est, qui magno suo malo non expetiri cogatur? Quis non
his lacescit ut stimulis? quis hos nō sentit aculeos? quis subiectis nō
uritur ardentibus facibus? & quidem tam uarij sunt ictus, tam diuer-
sæ petitiones, ut difficiillimum sit grauem aliquam plagam non acci-
pere. Ac, præter hos inimicos, qui habitant, & uiuunt nobiscum,
sunt præterea illi hostes acerrimi, de quibus scriptum est; Nō est nō-
bis colluctatio aduersus carnem, & sanguinem, sed aduersus Princi-
pes, & potestates, aduersus mūdi rectores tenebrarum harum contra
spiritualia,

Idem. 13.

Matth. 26.

Matth. 26.

Idem. 13.

Matth. 26.

Matth. 26.

Idem. 13.

Idem. 13.

Idem. 13.

Idem. 13.

Idem. 13.

Ad Eph. 6.

spiritualia nequitiae in caelestibus. Accedunt enim ad intimas pugnas externi impetus, & impressiones daemonum; qui & aperte nos petunt, & per cuniculos influunt in animas nostras, uix ut ab illis cauere possimus. Illos & Principes appellat Apostolus propter naturam excellentiam: (nam natura hominibus, & ceteris, quae sub sensum cadunt, creatis rebus antecellunt) & potestates uocat, quod non solum naturae uis, sed potestate etiam superant: & rectores nominat mundi tenebrarum: non enim clarum, & illustrem mundum regunt, id est bonos, & pios, sed obscurum, & caliginosum, nempe eos, qui flagitiosae, & facinorosae uitae sordibus, ac tenebris obcaecati, ducetenebrarum Diabolo delectantur. Nuncupat etiam daemones spiritualia nequitiae: est enim & carnis, & spiritus nequitia. Carnalis quae dicitur nequitia, incendit appetitum ad libidines, & uoluptates, quae percipiuntur sensibus. Spiritualia nequitiae sunt mala studia, & prauae cupiditates, quae ad superiorem pertinent animae partem; quae tanto peiores sunt, quam reliquae, quanto mens ipsa, & ratio altior est, atque praestantior. Quae Satanae nequitia quia maxime spectat illuc, ut caelesti nos hereditate priuet; propterea dixit Apostolus, In caelestibus, ex quo licet intelligere, magnas esse hostium uires, inuictum animum, immane in nos, & infinitum odium. Bellum etiam perpetuum eos gerere nobiscum, ut nulla pax esse cum illis, nullae induitae fieri possint. Quantum uero audeant, declarat Satanae apud Prophetam uox, In caelum conscendam: aggressus est primos homines in paradiso: adortus est Prophetas: appetiuit apostolos, ut, quemadmodum loquitur apud Euangelistam Dominus, Cribaret eos sicut triticum: ne ipsum quidem Christi domini os erubuit. itaque eius inextinguibilem cupiditatem, & immensam diligentiam sanctus Petrus expressit, cum dixit; Aduersarius uester Diabolus, tamquam leo rugiens, circuit, quaerens, quem deuoret. Quamquam non unus modo tentat homines Satan, sed gregatim interdum daemones in singulos impetum faciunt: quod ille confessus est daemon, qui rogatus a Christo domino, quod sibi nomen esset, respondit, legio mihi nomen est; nempe daemonum multitudo, quae miserum illum diuexarat. & de alio scriptum est; Assumit septem alios spiritus secum, nequiores se, & intrantes habitant ibi. Multi sunt, qui, quod impulsus, atque impetus daemonum in se minime sentiunt, totam rem falsam esse arbitrantur; quos ipsos a daemonibus non oppugnari mirum non est, quibus se sponte dederunt, non est in illis pietas, non charitas, non uirtus illa Christiano homine digna. quare fit, ut toti sint in po-

in potestate Diaboli; nec ullis tentationibus opus est ad eos euer-
 dos, in quorum iam animis, ipsis libentibus, commoratur. At ue-
 ro, qui se Deo dicauerunt, in terris cælestem uitam agentes, ij maxi-
 me omnium Satanæ incurſibus petuntur, hos acerbissime odit, his
 in singula temporis momenta struit insidias. plena est historia diui-
 narum litterarum sanctorum hominum; quos præſenti etiã animo
 stantes, uel ui, uel fraude peruertit. Adã, Dauid, Solomon, aliique,
 quos enumerare difficile sit, experti sunt dæmonum uiolentos im-
 petus, & callidam astutiam, cui resisti non possit consilio, aut homi-
 num uiribus. Quis igitur se suo præsidio satis tutum existimet? Ita-
 que pie, casteque petendum a Deo est, ne nos tentari sinat supra id,
 quod possumus, sed faciat etiam cum tentatione prouetum, ut pos-
 simus sustinere. Vetus hic fideles cõſtituendi sunt, si qui animi im-
 becillitate, aut rei ignotatione dæmonum uim perthortescunt, ut
 ipsi tentationum fluctibus agitati, in hunc peccationis portum con-
 fugiant. Non enim Satan in tanta & potentia, & pertinacia in capita-
 li odio nostri generis, nec quantum, nec quam diu uult, tẽtare nos,
 aut uexare potest, sed omnis eius potestas Dei nutu, & permissu gu-
 bernatur. notissimum est exemplum Iob: de quo nisi Diabolo dix-
 isset Deus; Ecce uniuersa, quæ habet, in manu tua sunt; nihil eius
 Satan as attigisset: cõtta ueto nisi addidisset Dominus, Tantũ in eum
 ne extendas manum tuam; uno Diaboli ictu, cum filijs ipse, facul-
 tatibusque concidisset. Ita autem alligata est dæmonum uis, ut ne in
 poteros quidem illos, de quibus scribunt euangelistæ, non permit-
 tente Deo inuadere potuisset. Sed ad intelligendam huius petitionis
 uim dicendum est, quid hic tentatio significet, quid item, induci in
 tentationem. Est autem, tentare, periculum facere de eo, qui tente-
 tur, ut ab ipso, quod cupimus, elicientes, uetum exprimamus. qui
 tentandi modus in Deum minime cadit. quid enim est, quod ne-
 ſciat Deus? Omnia enim, inquit, nuda, & aperta sunt oculis eius.
 Est alterum tentandi genus, cum, lógius progrediendo, aliud quæri
 solet in bonam, uel in malam partem: in bonam, cum ea te tẽtatur
 alicuius uirtus; ut, illa perspecta, & cognita, is commodis, & hono-
 ribus augeatur, eiusque exemplum ceteris imitandum proponatur,
 ac denique omnes ob id ipsum ad Dei laudes excitentur. quæ ten-
 tandi ratio sola cõuenit in Deum. huius exemplum tentationis est
 illud in Deuteron. Tentat uos dominus Deus uester, ut palam fiat,
 utrum diligatis eum, an nō. Quo modo etiam tentare dicitur suos
 Deus, cum inopia, morbo, & aliis calamitatum generibus premit,
 quod

1. ad Cor. 10.

Iob 1.

*Matth. 9.
Marc. 5.
Luc. 8.*

Ad Heb. 4.

Deuter. 13.

quod probandæ eorum patientiæ causa facit, & ut aliis documentum sint Christiani officij. In hanc partem legimus Habraam esse tentatū, ut filium immolaret. quo facto, fuit is obediētiæ, & patientiæ exemplum singulare ad memoriam hominum sempiternam. In eandem sententiam dictum est de Thobia; Quia acceptus eras Deo, necesse fuit, ut tentatio probaret te. In malam partem tentantur homines, cum ad peccatum, aut exitium impelluntur: quod proprium Diaboli officiū est. is enim eo animo tentat homines, ut decipiat, agatque præcipites. quamobrem Tentator in diuinis litteris appellatur. In iis uero tentationibus modo intimos nobis admouēs stimulos, animæ affectiones, & commotiones adhibet administras; modo nos exagitant extrinsecus, externis rebus utitur, uel prosperis ad efferendos, uel ad frangendos aduersis; non numquam habet emissarios, & excursores perditos homines, in primisque hæreticos, qui sedentes in cathedra pestilentiæ, malarum doctrinarum mortifera semina dispergunt, ut illos, qui nullum delectum, aut discrimen habent uirtutis, & uitiorum, homines per se proclues ad malum, nutantes, ac præcipitantes impellant. Dicimur autem induci in tentationem, cum tentationibus succumbimus. Inducimur uero in tentationē dupliciter; primum, cum de statu dimoti, in id ruimus malum, in quod tentatio nos aliquis impulerit. At nemo quidem a Deo hoc modo in tentationem inducitur. quia nemini est peccati auctor Deus, immo uero odit omnes, qui operantur iniquitatem. Sic uero etiam est apud sanctum Iacobum: Nemo, cum tentatur, dicat, quoniam a Deo tentatur: Deus enim intētator malorum est. Deinde dicitur nos in tentationem inducere, qui etsi non tentat ipse, neque operam dat; quo tentemur, tentare tamen dicitur, quia, cum possit prohibere, ne id accadat, aut ne tentationibus superemur, non impedit. Hoc modo Deus bonos; & pios tentari quidem sinit, utrum tamen sua gratia sustentatos non deserit. Nec uero non interdum iusto, & occulto Dei iudicio, nostris id sceleribus postulantibus, nobis ipsi relictis, concidimus. Præterea nos in tentationem Deus inducere dicitur, cum eius beneficiis, quæ nobis ad salutem dedit, abutimur ad perniciem, & partis substantiam, ut prodigus ille filius, dissipamus; uiuendo luxuriose, nostris cupiditatibus obsequentes. Quamobrem id dicere possumus, quod de lege dixit Apostolus; Inuentum est mihi mandatum, quod erat ad uitam, hoc esse ad mortem. Opportunum rei exemplum est Hierosolyma, teste Ezechiele, quæ Deus omni ornamentorum genere locupletarat, ut eius ore Propheta diceret

Deus;

Deus; Perfecta eras in decore meo, quem posueram super te: & ta- *Ezech. 16.*
men illa ciuitas diuinis cumulata bonis, tantum abest, ut optime *Eccl. 10. 1.*
de se merito, ac merenti Deo gratiam habens, cælestibus benefi-
cijs ad beatitudinem consequendam, cuius gratia ea acceperat, ute-
reretur, ut, ingratißima in parentem Deum abiecta spe, cogitatio-
ne cælestium fructuum; tantum præfenti abundantia luxuriose,
ac perditæ frueretur. quod Ezechiel eodem capite pluribus uerbis
persecutus est. Quare sunt eodem loco ingrati in Deum homines,
qui præbitam sibi ab eo diuinis uberem materiam recte facto-
rum, ad uicia, illo permittente, conuertunt. Sed oportet hunc di-
uinæ scripturæ morem diligenter attendere, quæ Dei permissio-
nem his interdum uerbis significat, quæ proprie si accipiantur,
tamquam actionem in Deo significant: nam in Exodo sic est: Indu- *Exod. 4. 7.*
rabo cor Pharaonis: & apud Isaiam: Excæca cor populi huius: & ad *Isa. 6.*
Romanos scribit Apostolus: Tradidit illos Deus in passionem igno- *ad Rom. 1.*
minæ, & in reprobum sensum. Quibus in locis, alijsque simili-
bus, non id omnino esse actum a Deo, sed permissum, intelligen-
dum est. His positis, non erit difficile scire, quid in hac precatio-
nis parte postulemus. Nec uero petimus, ne omnino teneamur.
Est enim hominum uita, tentatio super terram. Est autem ea res
utilis, & fructuosa hominum generi. nam in tentationibus nos ip-
sos, idest uires nostras, cognoscimus. quamobrem etiam humiliamur
sub potenti manu Dei, uiriliterque decertantes, expectamus
immarcescibilem coronam gloriæ. Nam & qui certat in agone, non *2. ad Tim. 2.*
coronatur, nisi legitime certauerit; & ut inquit sanctus Iacobus;
Beatus uir, qui suffert tentationem; quoniam, cum probatus fue- *Iacobi 1.*
rit, accipiet coronam uitæ, quam teprömisit Deus diligentibus se.
Quod si urgemur nonnumquam hostium tentationibus; magnæ
nobis erit leuationi illa cogitatio, habere nos adiutorem pontifi-
cem, qui possit compati infirmitatibus nostris, tentatum ipsum
per omnia. Quid hic igitur petimus? ne diuino præsidio deserti, ten-
tationibus uel decepti assentiamur, uel cedamus afflictis; ut præsto
sit nobis Dei gratia, quæ, cum defecerint nos propriæ uires, in ma-
lis recreet, ac reficiat? Quare & generatim Dei opem implorare
debemus in omnibus tentationibus, & nominatim, cum singulis
affligimur, ad precationem confugere oportet: quod a Dauide
factum legimus pene in unoquoque tentationum genere: nam
in mendacio sic precabatur: Ne auferas de ore meo uerbum ueri- *Psal. 118.*

- tatis usquequaque. in avaritia ad hunc modum; Inclina cor me-
Psal. 118. um in testimonia tua, & non in avaritiam. In rebus uero inani-
 bus huius uitæ, & illecebris cupiditatum, hac prece utebatur:
- Psal. 118.* Auerte oculos meos, ne uideant uanitatem. Ergo postulamus, ne
 morem geramus cupiditatibus, ne ue defatigemur in tentationi-
 bus sustinendis, ne declinemus de uia Domini, ut tam in rebus in-
 commodis, quam in prosperis æquitatem animi, constantiamque
 seruemus, & nullam nostri partem Deus sua tutela uacua relinquat.
- ad Rom. 16.* Petimus denique, ut Satanam conterat sub pedibus nostris. Reli-
 quum est, ut fidelem populum ad ea Parochus cohortetur, quæ in
 hac precatione maxime cogitare, & meditari oporteat. in qua erit
 illa optima ratio, si, quanta sit hominum infirmitas, intelligentes,
 uiribus nostris diffidemus, &, omni spe nostræ incolumitatis in
 Dei benignitate collocata, eo freti patrocinio, uel in maximis peri-
 culis magnum animum habuerimus, præsertim cogitantes, quam
 multos hac spe, atque hoc animo præditos ex hiantibus Satanæ fau-
 cibus liberarit Deus. An non Ioseph undique circumdatum arden-
Gen. 39. 41. tibus insanæ mulieris facibus, e summo ereptum periculo, ad glo-
 riam extulit? non Susannam a Satanæ ministris obsessam tum, cum
 nihil propius esset, quam ut nefariis sententiis interficeretur, ser-
Dan. 13. uauit incolumem? neque mirum: erat enim, inquit, cor eius fidu-
 ciam habens in Domino. Insignis est laus, & gloria Iob, qui de
 mundo, de carne, de Satana triumphauit. Plurima sunt huius ge-
 neris exempla, quibus Parochus diligenter pium populum ad eam
 spem fiduciamque cohortari debet. Cogitent etiam fideles, quem
 in hostium tentationibus ducem habeant; nempe Christum do-
Luc. 11. minum, qui uictoriam ex illo certamine retulit. Vicit ipse Diabo-
 lum. est is ille fortior, qui superueniens fortem superauit armatum;
 quem & armis nudauit, & spoliis. De eius uictoria; quam de mun-
Ioan. 16. do reportauit, est apud sanctum Ioannem; Confidite, ego uici mun-
Apoc. 5. 6. dum. & in Apocalypsi dicitur ipso leo uincens; & exisse uincens,
 ut uinceret: qua in uictoria suis etiam cultoribus facultatem uincen-
ad Heb. 11. di dedit. Est Apostoli ad Hebræos epistola plena uictoriis sanctorum
 hominum, qui per fidē deuicerunt regnā, obturauerunt ora leonū:
 & quæ sequuntur. Ex his uero, quæ sic acta legimus, eas uictorias
 cogitatione complectamur, quas quotidie reportant ex intimis, &
 externis dæmonum præliis homines fide, spe, & charitate præstā-
 tes, quæ tam multæ sunt, tamque insignes, ut, si sub aspectum
 caderent

caderent oculorum, nihil frequentius accidere iudicaremus, nihil gloriosius; de quorum hostium clade his uerbis scriptis sanctus Iohannes: Scribo uobis, iuuenes, quoniam fortes estis; & uerbum Dei manet in uobis, & uicistis malignum. Vincitur autem Satanas non otio, somno, uino, comestatione, libidine, sed oratione; labore; uigilia, abstinentia, continentia, castitate. Vigilate, & orate, inquit, ut iam diximus; ut non ineretis in tentationem. Qui ijs armis ad illam pugnam utuntur, in fugam conuertunt aduersarios: qui enim resistunt Diabolo, is fugiet ab eis. In his tamen sanctorum hominum uictorijs; quas diximus; nemo sibi placeat, nemo secesserat insolentius; ut se suis uiribus hostiles demonum tentationes; impetusque sustinere posse confidat; non est hoc naturæ nostræ, non humanæ imbecillitatis. Hæ uires, quibus prosternimus Satanae satellites, dantur a Deo; qui ponit, ut arcum arcum; brachia nostra; cuius beneficio arcus fortium superatus est, & infirmi acies sunt robore; qui dat nobis protectionem salutis; cuius nos dextera suscipit; qui docet manus nostras ad prælium; & digitos nostros ad bellum: ut uni Deo pro uictoria sint agendæ, & habendæ gratiæ, quod uno & auctore, & adiutore uincere possumus. quod fecit Apostolus: inquit enim: Deo autem gratias, qui dedit nobis uictoriam per dominum nostrum Iesum Christum. Eundem auctorem uictoriæ prædicat cælestis illa uox in Apocalypsi: Facta est salus, & uirtus, & regnum Dei nostri, & potestas Christi eius; quia proiectus est acusator fratrum nostrorum, & ipsi uicerunt eum propter sanguinem agni. Testatur idem liber, Christi domini, partem ex mundo; carneque, uictoriam eo loco; Hi cum agno pugnabunt, & agnus uincet illos: Hæc de causa, & de modo uincendi. Quibus expolitæ, proponunt fidei populo Parochi a Deo paratas coronas, & constitutam uictoribus sempiternam præmiorum amplitudinem. quorum ex eadem Apocalypsi diuina proferunt testimonio, Qui uicerit, non lædetur a morte secunda. & alio loco; Qui uicerit, sic uestietur uestimentis albis, & nō delebo nomen eius de libro uitæ, &, Confitebor nobis me eius coram patre meo, & coram angelis eius. & paulo post Deus ipse ac Dominus noster ita loquitur ad Ioānem: Qui uicerit, faciam illum columnam in templo Dei mei, & foras non egredietur amplius. Tum inquit: Qui uicerit, dabo ei sedere mecum in throno meo, sicut & ego uici, & sedi cum patre meo in throno eius. Denique cum sanctorum gloriam, & perpetuam illam bonorum uim, quibus in cælo fruuntur; exposuisset, adiunxit; Qui uicerit, possidebit hæc; &

1. Ioh. 2.

1. Ioh. 2.
Matth. 26.

Iacob 4.

1. Reg. 2.
Psalm. 17.

1. ad Cor. 15.

Apocal. 12.

Apocal. 17.
2. Thim. 2.

1. Ioh. 2.
Apoc. 2. 3.

Apocal. 3.

Apocal. 21.

LIBERA NOS A MALO

Postrema hæc petitio, est instar omnium, qua Dei filius, diuinam hanc orationem conclusit; cuius etiam uim, & pondus ostendens, ea usus est orandi clausula, cum e uita migraturus, Deum patrem pro hominum salute deprecaretur: Rogo, enim: inquit, ut serues eos a malo. Ergo hæc precationis formula, quam & præcepto tradidit, & exemplo confirmauit, quasi quadam epitome summam complexus est uim, & rationem ceterarum petitionum. Cum enim id, quod ea præce continetur, impetrauerimus, nihil, auctore sancto Cypriano, remanet, quod ultra adhuc debeat postulari: cum semel protectionem Dei aduersus malum petimus: qua impetrata, contra omnia, quæ Diabolus & mundus operantur, securi sumus, & tui. Quare, cum tanti sit hæc petitio, quanti diximus, debet Parochus in ea fidelibus explicanda sumam adhibere diligentiam. Differt autem hæc, & proxima petitio, quod illa uitiationem culpæ, hæc pœnæ liberationem postulamus. Quare non iam monendus est fidelis populus, quantopere & labore ex incommodis & calamitatibus, & celestis egeat adiuenti. Nam quot & quantis miseris proposita sit hominum uita, præterquam quod & sacri & profani scriptores hoc argumentum sunt copiosissime persecuti, nemo fere est, quin intelligat & suo & alieno periculo. persuasum enim est omnibus, quod exemplum patientiæ Iob memoriæ prodidit, Homo natus de muliere, breui uiuens tempore, repletur multis miseriis, qui quasi flos egreditur, & coneritur, & fugit uelut umbra, & nunquam in eodem statu permanet. Nec uero ullum præterire diem, qui propria aliqua molestia, aut incommodo notari non possit, testis est illa Christi domini uox, Sufficit diei malicia sua. Et si conditionem humanæ uitæ declarat ipsius Domini monitum illud, quo crucem quotidie sumi, seque docuit sequi oportere. Ut igitur quisque sentiat, quam laboriosa sit & periculosa hæc uiuendi ratio, ita facile persuadebitur fideli populo malorum liberationem a Deo implorandam esse, præsertim cum nulla re magis ad orandum adducantur homines, quam cupiditate, & spe liberationis eorum incommodorum, quibus premuntur, aut quæ impendeant. Est enim hæc insita ratio in animis hominum, ut in malis statim ad Dei auxilium confugiant. Qua de re est illud scriptum; Imple facies eorum ignominia, & quærent nomen tuum Domine. Sed si illud fere sua sponte faciunt homines, ut in periculis & calamitatibus inuocent Deum, cetero, quo modo id recte facere possint,

ab ijs,

ab iis, quorum fidei ac prudentiæ commissa est eorum salus, maxime docendi sunt. Non enim desunt qui contra Christi domini iussum præpostero utantur ordine precationis. nam qui iussit nos ad se confugere in die tribulationis, idem orationis ordinem nobis præscripsit: uoluit enim ut prius quam precaremur ut nos liberaret a malo, peteremus uti nomen Dei sanctificaretur, & adueniret regnum eius, & reliqua postularemus, quibus quasi gradibus quibusdam in hunc locum peruenitur. sed quidam, si caput, si latus, si pes condoluit, si rei familiaris iacturam faciunt, si minæ, si pericula ab inimicis intenduntur, in fame, in bello, in pestilentia, omissis mediis dominicæ precationis gradibus tantum petunt ut ex illis eripiantur malis. at huic consuetudini repugnat Christi domini iussum: Quærite primum regnum Dei. Itaque qui recte preces faciunt, cum deprecantur calamitates, incommoda, malorum depulsionem, id referunt ad Dei gloriam. Sic David illi precationi; Domine ne in furore tuo arguas me; subiecit ratione qua se Dei gloriæ cupidissimum ostendit: inquit enim: Quia nō est in morte, qui memor sit tui, in inferno autem quis cōfitebitur tibi? Et idem, cum oraret Deum sibi ut misericordiam impertiret, subiungit illud: Docebo iniquos uias tuas, & impij ad te conuertentur; Ad hanc orandi salutarem rationem, & ad exemplum Prophetæ incitandi sunt fideles auditores, & simul docendi, quātum intersit inter infidelium, & Christianorum hominum preces. Petunt uehementer illi etiā a Deo, ut possint ex morbis, uulneribusque conualescere, sibi ut ex urgentibus, uel imminentibus malis euadere liceat; sed tamen illius præcipuam spem liberationis ponunt in remediis, natura, uel hominum industria comparatis: quin etiam sibi datum a quouis medicamento, etiam si cantionibus, si ueneficiis, si dæmonum opera cōfictum sit, sine ulla religione adhibent; modo aliqua ualitudinis spes ostendatur. longe alia est ratio Christianorum, qui in morbis, & in omnibus aduersis rebus habent summum perfugium, & præsidij salutis Deum, unum illum omnis auctore boni, & liberatorem suū agnoscunt, ac uenerantur; remediis uero quæ inest ad sanandum uis, insitam a Deo esse pro certo habent, rātumque illa ægrotis prodesse existimant, quantum ipse uoluerit Deus. est enim a Deo data hominum generi medicina, qua morbos sanaret. Hinc est illa Ecclesiastici uox; Altissimus creauit de terra medicinam, & uir prudens non abhorrebit illam. Itaque qui Iesu Christo nomen dederunt, nō in illis remediis summam spem reponunt recuperandæ ualitudinis.

sed ipsi medicinæ auctori Deo maxime confidunt. Quare etiam in diuinis litteris reprehenduntur ii, qui, medicinæ fiducia, nullum
 3. Paral. 16 Dei auxilium requirunt: immo uero, qui uitam agūt ex diuinis legibus, abstinēt omnibus remediis, quæcūque ad curationem a Deo non adhibita esse constet. quod si etiam eorum usu medicamento-
 rum illis sit explorata spes sanitatis, tamen ab iis, ut cantionibus & dæmonum artificijs, abhorrent. Ad id autem fideles cohortari oportet, ut Deo cōfidant: ea enim re iussit nos beneficentissimus parens liberationem malorum postulare, ut in eo ipso, quod iussit, spem etiā impetrationis haberemus. multa sunt in sacris litteris huius rei exempla, ut qui minus rationibus adducuntur ad bene sperandum, exemplorum multitudine cōfidere cogantur. Abraā, Iacob, Loth, Ioseph, Dauid sunt in oculis, locupletissimi testes diuinæ benignitatis. sacræ noui testamenti litteræ tam multos enumerant, qui ex maximis discriminibus erepti sunt, piæ pōdere precationis, ut res exemplorum commemoratione non egeat. una igitur illa Prophetæ sententia contenti erimus, quæ uel infirmissimum quemque confirmare potest; Clamauerūt enim, inquit, iusti, & Dominus exaudiuit eos, & ex omnibus tribulationibus eorum liberauit eos. Sequitur huius uis & ratio petitionis, ut fideles intelligant, nō omnino petere nos hoc loco, ut a malis omnibus liberemur: sunt enim quædam, quæ communiter mala putantur; quæ tamen sunt illis fructuosa, qui patiuntur, ut ille stimulus qui Apostolo erat adhibitus, ut Dei gratia adiuuante uirtus in infirmitate perficeretur. hæc, si cognita sit eorum uis, summa uoluptate pios afficiunt: tantum abest, ut a Deo petant, ut auferantur. Quare tantum ea mala deprecamur, quæ nullam animæ utilitatem asferre possunt, reliqua minime; modo aliquis inde salutaris fructus existat. Omnino igitur huic uoci ea subiecta uis est, ut a peccato liberati, a tentationis etiam periculo, ab intimis, externisque malis eripiamur, ut tuti simus ab aqua, ab igne, a fulgore, ne grandino noceat frugibus, ne annonæ caritate, seditionibus, bello laboremus: petimus a Deo, ut morbos, pestem, uastitatem arceat, uinacula, carcerem, exilium, prodiciones, insidias; ceteraque omnia prohibeat incommoda, quibus maxime terreri; ac preui solet hominum uita; omnes denique flagitiorum & facinorum causas auertat. neque hæc solum, quæ omnium consensione mala sunt, deprecamur: sed illa etiam, quæ pene omnes bona consistunt, diuitias, honores, ualetudinem, robur, hanc ipsam uitam, petimus, inquam, ne ad malum & ad animæ nostræ exitium hæc conuertantur. Oramus etiam

etiam Deum, ne morte opprimamur repentina, ne in nos iram Dei
 cōcitemus, ne, quæ impios manent, supplicia subeamus, ne igne pur-
 gatorii torqueamur, a quo ut alii liberentur, pie & sancte precamur,
 hanc petitionem & in Missa, & in Litijs sic interpretatur Ecclesia,
 nos uidelicet ea præterita, præsentia, futura mala deprecari. Nō uno
 autem modo Dei nos benignitas eripit a malis: nam impendentes
 prohibet calamitates: quomodo legimus magnum illum Iacob esse
 liberatum ab inimicis quos in illum concitabat Sichiamitarū cædes:
 extat enim illud, Terror Dei inuasit omnes per circuitum ciuitates,
 & non sunt ausi persequi recedentes. Et quidem beati omnes, qui *Gen. 35.*
 cum Christo domino in cælis regnant, omnibus malis Dei opelibe-
 rati sunt. nos autem, qui in hac peregrinatione uersamur, ab omni-
 bus incommodis solutōs esse minime uult, sed eripit a quibusdam.
 etsi sunt instar liberationis malorum omnium ea solatia, quæ dat
 interdum Deus iis, qui rebus premuntur aduersis. His se consola-
 batur Propheta, cum illa dicebat, Secundum multitudinem dolorū *Psal. 93.*
 meorum in corde in eo consolationes tuæ lætificauerunt animam
 meam. Præterea a malis homines liberat Deus, cum illos in summū
 discrimen adductos integros seruat, & incolumes: quod & pueris
 illis in ardentem fornacem coniectis, & Danieli contigisse legimus; *Den. 3.*
 quem Leones nihil læserūt, quemadmodum neque pueros flamma *Den. 6.*
 uiolauit. Malus uero. etiam ex sententia sanctorum Basilii magni, *Den. 3.*
 Chrysostomi, & Augustini præcipue dicitur dæmon, quod hominū
 culpæ, id est sceleris, & peccati auctor fuit: quo etiā ministro uritur
 Deus in repetendis pœnis a sceleratis & facinorosis: dat enim Deus
 omne malum hominibus, quod illi peccati causa patiūtur. in quam
 sententiam loquuntur diuinæ litteræ illis uerbis; Si erit malum in ci- *Amos 3.*
 uitate, quod Dominus non fecerit? item, Ego dominus, & non est *Isa. 45.*
 alter, formans lucem, & creans tenebras, faciens pacem, & creans
 malum. Malus quoque dicitur dæmon ob eam causam, quod, etsi *3. Reg. 12.*
 nihil eum læserimus, tamen perpetuum bellum nobis infert, & ca-
 pitali nos insectatur odio. quod si nobis & fide armatis, & innoçen-
 tia rectis nocere non potest, tamen nullum finem facit tentandi nos
 externis malis, & quacūque potest ratione diuexandi: quamobrem
 Deum precamur, ut nos a malo liberare uelit. Dicimus autem a ma-
 lo, nō a malis, ob id, quod mala quæ in nos a proximis profiscun-
 tur, illi assignamus tamquam auctori & impulsori: quo minus etiā
 proximis irasci debemus: quin odium & iracundiam in ipsum sata-
 nam conuertere oportet, a quo homines ad inferendam iniuriam

impelluntur. Itaque si te aliqua relaserit proximus, cum preces facis parenti Deo, pete ut nō inodo te liberet a malo, id est ab iis, quas tibi proximus imponit, iniuriis; sed illum ipsum eripiat proximum ex Diaboli manu, cuius impulsu homines in fraudem inducuntur. Illud denique sciendum est, si in precibus & uotis non liberamur a malis, debere nos, quæ premant, ferre patienter, intelligentes placere diuino numini, ut toleranter ea patiamur. Quare minime nos indignari, aut dolere par est, quod preces nostras non audiat Deus, sed omnia ad eius nutum ac uoluntatem referre oportet, existimantes id utile, id esse salutare, quod Deo placet, ut ita sit, non autem id, quod secus nobis uideatur. Postremo docendi sunt pii auditores, dum in hoc uite curriculo uersamur, eos ad omne incommodum & calamitatum genus non solum æquo, sed etiam gaudenti animo ferendum paratos esse debere. Omnes enim, inquit, qui pie uolunt

2. ad Tim. 3.

Mat. 24.

Luc. 24.

1. Reg. 11.

Mat. 5.

Psal. 118.

uiuere in Christo Iesu, persecutionem patientur. Item; Per multas tribulationes oportet nos intrare in regnum Dei. Rursum; Nonne hæc oportuit pati Christum, & ita intrare in gloriam suam? Non enim æquum est, seruum maiorem esse domino suo: sicuti turpe est, e sententia S. Bernardi, mēbra esse delicata sub spinoso capite. Præclarum illud est exēplum Viræ propositum ad imitandū, qui, adhortāte Dauid, domi ut se contineret, inquit: Arca Dei & Israel & Iuda habitant in papilionibus, & ego ingrediar domum meam? His instructi rationibus, ac meditationibus, si ad orandum ueniemus, illud assequemur, ut, si minus undique cincti, malisque circumdati, quemadmodum tres illi pueri intacti ab igbe, sic nos inuiolati seruemur; certe, ut Machabei, casus aduersos constanter ac fortiter feramus. In contumeliis, & cruciatibus sacros imitabimur Apostolos, qui cæsi uerberibus, uehementer lætabantur; quod digni habiti essent qui pro Christo Iesu contumelias paterentur. sic nos ita comparati canemus illa summa animi uoluptate; Principes persecuti sunt me gratis, & a uerbis tuis formidauit cor meum: lætabor ego super eloquia tua, sicut qui inuenit spolia multa.

A M E N.

S. Hieronym.

Hanc uocem, sicuti est, signaculum orationis Dominicæ appellat sanctus Hieronymus in Commentariis in Matthæum: Quare ut admonuimus antea fideles de præparatione quæ adhibenda sit prius quam aggrediantur ad diuinam precationem; sic nunc faciendum duximus, ut clausulæ ac finis ipsius precationis causam, rationemque cognoscant. Non enim plurius est diuinæ preces diligenter ordiri, quam

quam religiose absolvere. sciaturque fidelis populus multos esse, & *Eccl. 7.*
 eos uberes fructus, quos ex dominicæ orationis sine percipimus. sed
 omnium uberrimus ac lætissimus fructus est eorum impetratio, quæ
 postulauimus, de quo supra satis dictum est. Non solum autem con-
 sequimur postrema hæc parte precationis, ut nostræ preces audian-
 tur, sed quædam etiam maiora ac præclariora, quam ut uerbis expli-
 cari possint. nam cum orando homines cum Deo colloquantur, ut
 sanctus Cyprianus ait, fit quodam inexplicabili modo oranti diuina
 maiestas propior, quam ceteris; quem præterea singularibus ornat
 muneribus, ut qui pie Deum orant, quodam modo cum iis, qui ad
 ignem accedunt, comparari possint: qui si algent, calescunt, si ca-
 lent, æstuant: sic illi assistentes ad Deum pro modo pietatis, ac fidei
 ardentiore euadunt: inflammatur enim eorum animus ad Dei glo-
 riam, mens illustratur admirabilem in modum, omnino cumulan-
 tur diuinis muneribus: est enim illud proditum sanctis litteris. *Psal. 10.*
 Præuenisti eum in benedictionibus dulcedinis. Exemplo est omnibus
 magnus ille Moses, qui a Dei congressu & colloquio digrediens di-
 uino quodam fulgore collucebat sic, ut Israelitæ eius oculos, & os
 intueri non possent. Omnino qui uehementi illo studio preces fa-
 ciunt, Dei benignitatē ac maiestate admirabiliter perficiuntur. Ma-
 ne astabo, inquit Propheta, & uidebo, quoniam non Deus uolens *Psal. 5.*
 iniquitatem tu es. hæc quo magis noscunt homines, eo Deum ue-
 hementiori cultu ac pietate uenerantur; eo etiam sentiunt iueiundius
 quam suauis sit Dominus, & quam uero beati sint omnes, qui sperant
 in eo; tum uero clarissima illa luce circumfusi, quanta sit eorum hu-
 militas, quanta sit Dei maiestas, considerant: est enim illa sancti Au-
 gustini regula: Nouerim te, nouerim me. Itaque fit ut suis uerbis
 diffidentes, totos se committant Dei benignitati, minime dubitantes,
 quin is ipsos paternæ illa sua, & admirabili charitatē cōplexus, abun-
 danter ijs omnia suppeditet, quæ sint ad uitam, & salutem necessa-
 ria, hinc se ad agendas Deo gratias conuertant quantas animo maxi-
 mas capere possunt, quantas oratione complecti: quod magnū in
 Dauidem fecisse legimus: qui cum ita precationem instituisset, Sal-
 uum me fac ex omnibus persequentibus me, sic tam absoluit, Coni- *Psal. 7.*
 fitebor Domino secundum iustitiam eius, & psallam nomini Domini
 altissimi. Sunt eiusmodi sanctorum preces innumerabiles, quarū
 exordium est timoris plenum, clausula spei bonæ, lætitiæque refer-
 ta: sed mirabile est quam eo in genere eniteant Dauidis ipsius preca-
 tiones.

- Psal. 3.* tiones. nam cum metu perturbatus sic orare esset exorsus, Multi insurgunt aduersum me; multi dicunt animæ meæ, non est salus ipsi in Deo eius: confirmatus aliquando, gaudioque perfusus, subiungit paulo post, Non timebo millia populi circumdantis me. alio etiâ psalmo, suam cum deplorasset miseriam, ad extremum Deo confisus, incredibiliter lætatur sp̃e sempiternæ beatitudinis; In pace, in
- Psal. 4.* id ipsum, inquit, dormiam & requiescam. Quid illa? Domine ne
- Psal. 6.* in furore tuo arguas me, neque in ira tua corripas me; quanto cum tremore, & pallore Prophetam dixisse credendum est? Contra, quæ deinceps sequuntur, quam fidenti ac lætanti animo? Discedite a me, inquit, omnes, qui operamini iniquitatem; quoniam exaudivit Dominus vocem fletus mei. Cum uero Saulis iram, furoremque pertimesceret, quam humiliter ac demisse Dei opem implorabat:
- Psal. 13.* Deus in nomine tuo saluum me fac, & in uirtute tua iudica me. & tamen hilare ac fidenter in eodem psalmo subiecit: Ecce enim Deus adiuuat me, & Dominus susceptor est animæ meæ. Quare qui se confert ad sacras preces fide, speque munitus, parentē adcat Deum, ut se id consequi possit, quod ei opus sit, nullo modo diffidat. Sunt autem in extremo hoc diuinæ precationis uerbo, AMEN, multa quasi semina quædam earum rationum, cogitationumque, quas diximus. & quidem adeo frequens fuit hæc Hebræa uox in ore Saluatoris, ut spiritui sancto placuerit ut in Ecclesia Dei retineretur. cui uoci illa quodam modo subiecta sententia est: Scito tuas auditas esse preces. habet enim uim respondentis, & illum, qui precibus, quod uelit, impetrarit, cum bona gratia dimittentis Dei.
- Act. 1.* Hanc sententiam perpetua Ecclesiæ Dei consuetudo comprobauit, quæ in sacrificio Missæ, cum pronunciatu oratio Dominica, non rei sacræ ministris, quorum partes sunt illa dicere, Sed libera nos a malo, attribuit hanc uocem AMEN, sed ipsi sacerdoti, accommodatam, seruauit; qui cum Dei & hominum sit interpres, Deū exoratum esse populo respondet. Nec tamen hic ritus communis est omnium precationum, quippe cum in ceteris ministrorum sit munus respondendi, Amen; sed proprius dominicæ orationis. nam in aliis precibus consensum modo, desideriumque significat, in hac responsio est, Deum orantis postulationi consensisse. Ac uarie quidem a multis est interpretatum hoc uerbum, Amen. Septuaginta interpretes uerterunt, fiat; alij reddiderunt, uere: Aquila, fideliter, conuertit. Sed parui refert, hoc, an illo modo sit redditum;

modo

INDEX CATECHISMI.

A ASATI AVS PERMISSUM EST UT INTERDUM MINORES ORDINES ADMINISTRANT. folio 106	Angeli plurimi ex caelestibus se- dibus de turbati. 16	Quo tempore a Parochis de baptis- mo differendum. 98
Abrahae peregrinatio. 123	Angelus nihil edocuit Tobiam. 37	Baptismi vox quid significet. 98
Abrahae finis. 38	Angeli quomodo adorantur. 127	Baptismi sacramentum quibus no- menibus significatur. 98
Abfoluendi forma. 164	Angeli quae humana specie effin- gantur. 130	Baptismi ut sacramentum est desi- gnatio. 99
Abfoluendi potestas quibus datur. 175	Angelica salutatione Deus lauda- tur. 100	Baptismi sacramentum quibus rebus conficitur. 99
Accidit in Eucharistia sacramen- torum ment sine subiecto. 147	Angelorum custodia erga homi- nes. 106	Aqua quae in sacro fonte ad baptis- mum conficiendum affertur. 98
Actio Deo gratas sine adumem to diuinae gratiae fufcipere no pos- sumus. 113	Angelorum obedientia erga Deum. 118	est sacramentum. 99
Actio gratiarum erga Deum quo modo fit in petitione de facienda Dei voluntate. 118	Ab anima Christi numquam sepa- rata est diuinitas. 111	Baptismi materia est aqua elemen- taria. 99
Actio gratiarum est una de partibus orationis. 126	Anima Christi deficiens ad inferos communicant meritum passionis animabus patrum. 40	Baptismi figur. 100
Adam sibi & posteris donum institui- ti originalis amiser. 114	Anima piorum ante Christi mortem ad finem Abrahae deferrebatur. 119	In baptismo quare christina adda- tur. 101
Adam cibo indegit in stata inno- centia ad reficiendum uires. 130	Anima quae peccaverit quomodo moriatur. 121	Baptismi forma. 101
Inter Adam necessitates & nostras multum interest. 130	Anima non nihil deest ad summam felicitatem dum est separata a cor- pore. 73	Baptismi forma apud Gracos ua- ria. 103
Adam non indigniffet multis rebus quibus nos in gerimus. si non pe- ciffet. 130	Anima immortalis. 73	Cur baptizabant apostoli in nomen- ne Iesu. 103
Adam in paradiso voluptatis ocio- fos non erat futurus. 130	Anima separata a corpore propen- sionem habet ad corpus. 73	Baptismus tribus modis confici po- teft. 103
Adam in paradiso nulla moleftia affectus fuiffet. 130	Anima duabus aliis ad caelum per- uenit. 126	In baptismo unica an trina ablutio fiat. nihil refert. 103
Adam posteritas fructu italis ar- boreis primitus & horribili fenitua maledicta. 130	Appetito proprio boni rebus omni- bus ingeratur. 126	In baptismo caput abluendum. 103
Adam & Christi comparatio. 138	Appetere Deum a principio homi- ni ut damm. 126	In baptismo verba final cum ablu- tione proferenda. 103
Adulterium quid. 164	Appetitionis corruptae naturae enim reclamantibus & adversariis wo- luntas remittenda inuita fufficit. 133	Baptismus a Christo domino institui- tus & quando. 103
Adulteri interdictio quae peccati prohibeantur. 164	Argumentum de deftorata salute. 133	Quando ui sanctificandi aquis fue- rit tribuit. 104
Adulteri detestatio. 166	Artibus malis quae acquiruntur no- stra non sunt. 133	Baptismi lege quae tempore homines teneri compent. 104
Adulterium quare prohibitum. 166	Christus ut homo est. corpore & anima in caelos afcendit. 44	Baptismi mundit. 104
Adulteri interdictio omne inopu- ritas & impudicitia genus quo con- ui potuit. prohibetur. 166	Christum federe ad dexteram patris quomodo intelligendum. 45	Baptizare sacerdotes quare gratiam terram epifcopo polluit. 107
Adulteri inimici animi libido pro- hibetur. 166	Alcedit Christus propria virtute. 44	Ordo inter Baptismi ministros fer- uandus. 106
Adulterium infignem turpitudinis notam imittit. 167	Alcenfo Christi est etiam finis ad quae cetera myfteria referuntur. 45	Baptizandos fufcipere quibus non licet. 108
Adulteriorum fupplicium & dama- na. 168	Articuli fidei. primus. folio. 7	Baptismus ut necelfarius ad salute. 108
Affectus carnis ita domitos habere ut omnis non excitentur. no est in hominis etiam iufiticia poten- tiat. 114	Secundus. folio. 11	Baptismi sacramentum pueris dare- dum. 108
Affinitas patrimonium cum quibus contrahatur. 107	Quartus. folio. 19	Baptizandi funt fili qui primi. 109
Amen quid figmfices. 110	Quintus. folio. 17	In baptizandis adultis diuerfa ratio est feruanda ab ea quae in pueris. ria. 109
Amen interpretatio. 110	Sextus. folio. 43	Baptismus adultis quando fit ita confertendus. 110
Amen cur in facrificio niffa refer- atur facerdoti pronunciandi. 118	Septimus. folio. 43	Baptizandi quomodo affectu effe de- beant. 110
Amer Dei in redemptione erga ho- mines offenfus. 110	Oftimus. folio. 17	Baptizandi interrogantur an uelint baptizari. 110
Angelorum creatio. 116	Decimus. folio. 66	Quando baptizandi amertus & do- centes. 110
Angeli ab ortu fui initio genu pro- duci. 116	Undecimus. folio. 72	Ad Baptismi gratiam confequendi fides est necelfaria. 110
Angeli epifcopi & potestas omni. 116	Articulus de afcenfione Christi cum maieftate & gloriam declarat. 45	Baptizandum peccatorum prauitatem oportet. 111
Angelica salutatione admittit Eode- mo. 116	Affentiones Christi in calci caufis. 46	Baptismi sacramentum uane pecca- tum condonatur. 111
	Beneficia quae ex afcenfione Christi nobis donantur. 46	In Baptismo proflus tolluntur. pec- cata. & radices euelluntur. 111
	Affentatio uicium determinem. 111	
	Affentatores homines uicio obte- rationis peccant. 111	
	Auari reprehenduntur. 116	
	Baptismi cognitio maxime necelfa- ria. 98	

INDEX

In baptizatis concupiscentia remanet, sed vere peccata rationem non habet. 112
 Baptismi proprius effectus peccatorum omnium remissio. 113
 Peccata & peccatorum poenae per baptismum remittuntur. 113
 Poenae cruciatibus subiectis persolvenda per baptismum non condonantur. 114
 Post baptismum quare non restitua mor in statu naturae integrit. 114
 Baptismi fructus. 115
 Baptismus characterē imprimit. 116
 Baptismum iterum sacrilegium est. 116
 Baptismus calis adisti patefacit. 116
 Cerimoniae & precatōnes, quae in baptismo fiunt, ad tria capita rediguntur. 118
 Fons baptismi consecratur addito oleo mystice unctōnis. 118
 Certe dicit expectantur ad consecrandum baptisui aquam. 118
 Baptizatus quae nomina imponenda. 120
 Beatitudo essentialis in quo sita. 81
 Lumen gloriae elevarum additivam essentialiam videntem. 82
 Beatitudinis imagines & similitudines. 82
 Beatitudo accidentalis in quo consistat. 82
 Bella intestina hominū. 312
 Bellum sceleratum cum Deo. 312
 Benedictionibus Dei opera nostra prospera erodunt. 313
 Benignitas Dei non uni modo eripit nos a malis. 315
 Elapsivum nomen Dei & factorum, deestabile scelus. 315
 Bona humanae vitae quare iustitiae & pietatis. 319
 Bona temporalia quomodo petenda. 319
 Bona humanae vitae ad bona divina dirigit. 319
 Bona humanae vitae adimenta sunt ad donorum bonorum adeptōnem. 319
 Catarchismi necessitas. 114
 Certe diffusi doctrina ad capem cunctisque accommodata. 4
 Character triuna sacramentorum effectus. 96
 Character quid praestet. 96
 Baptismus characterē imprimit. 116
 Characterem imprimit confirmatio. 118
 Characterem imprimit ordinis sacramentum. 199
 Charitas praecepta duo. 311
 Charitas proximi a charitate Dei ortum habet. 312
 Charitas vera quid moncat. 313
 Calitas non solum virginitas sed qui calidem viri agūt & in qua matrimonio iuncti sunt cōiuncti. 316
 Caliditatis remedia. 316
 Caliditatis remedia quae in actione consistunt. 316

Cautio adhibenda in peccatorum occasione vitandis. 148
 Cerimoniae & precatōnes quae in baptismo fiunt ad tria capita rediguntur. 118
 Cerimoniae & ritus quibz sacramentum cōfirmatio conferuntur. 159
 Cerimoniae quae ad parietatis sacramentum adhibentur. 165
 Cerimoniae quae in sacramenti extremam unctōnem adhibentur. 171
 Cibis multiples & delicatus non potestulandus a Deo. 331
 Cibis multiples animar. 331
 Clerici nomen unde deductum. 305
 Clericorum corona unde ortum habuerit, & quid significet. 300
 Cōmunio unum ex nominibus Eucharistiae. 131
 Ante cōtionē preparatio qualis esse debeat, & quae sit necessaria. 131
 Preparatio ad cōmunionem est pacem cum aliis habere. 151
 Cōmunionem sumptus amorē erga Deum habet. 151
 Cōmunicandum timentibus esse saltem in paschate. 151
 Cōmunicatio sub una specie quare Ecclesia cōsuevit approbare. 151
 Communia tribus personis diuinit & non communia. 151
 Clauum necessitas in ecclesia. 62
 Clauum dignitas & amplitudo. 70
 Concupiscentia in rebus remanet sed vere peccata rationem non habet. 111
 Concupiscentia praua, stirps malorum omnium. 114
 Concupiscentia rerum alienarum & uxorum quid inter se differat. 114
 Concupiscentia quid. 117
 Concupiscentia uis non semper in vitio ponenda. 117
 Cōcupiscentia uis recta Deo auctore a natura nobis insita est. 117
 Concupiscentia primorū parentum peccata deprauata. 117
 Concupiscentia uis si moderata est quamquam utilitates afferat. 117
 Concupiscentia quare a Paulo peccatum sit dicta. 117
 Non concupiscentes quem sensum habent. 118
 Cōcupiscentia non est aliena uxor. 119
 Non concupiscere alienam uxorem quid significet. 119
 Concupiscere alienam uxorem quid periculosum sit. 119
 Concupiscentia ultio qui maxime laetentur. 119
 Cōfessio peccatorum & eius necessitas. 171
 Confessio quare insinuat. 171
 Confessionis utilitas. 171
 Confessionis uis & natura. 171
 Cōfessio a seculo de & quare. 171
 Iudicium ecclesiasticum quod sit in confessione, longe dissimile est a sensibus iudicis. 174

Cōfessio a Christo ubi eius binitate & misericordia insinuat. 174
 Confessionis figura. 175
 Confessionis legi quā parere debeant. 175
 Confessio quo tempore pueri mandanda. 175
 Confessio quando iteranda. 175
 Confessio mulieris sōneus & igitur. 179
 In confessione scelera non excusanda. 181
 Culpa corā qui a seculis impedit peccata confiteri non audent. 181
 Peccata diligenter persuegenda. 181
 Confessor quando a se penitentem dimittere debeat. 181
 Confidere oportet in officio precandi. 303
 Confirmationis sacramentum. 131
 Confirmationis nomen. 131
 Cōfirmatio est vere sacramentum. 131
 Confirmationis sacramentum a baptismō maxime distinctum. 131
 Cōfirmationis sacramenti origo. 131
 Confirmationis sacramenti Christi auctor. 131
 Confirmationis sacramentum quare christina appellatum. 131
 Christina materia. 131
 Christina episcopi cōsecratione consistit. 131
 Christina quare ex oleo & balsamo conficitur. 131
 Christina a quibz cerimonis & quando conficitur. 131
 Sacris peccatoribus christina cōsecranda. 131
 Cōfirmationis sacramenti forma. 131
 In cōfirmatione tria subiacenda. 131
 Confirmatio uis sacramenti mulieris proprias. 131
 Ad cōfirmationem quare paruos vocetur. 131
 Altitas quae cum patris cōfirmationis contrahitur. 131
 Cōfirmatio quae erat esse debet. 131
 Confirmationis sacramentum quomodo sit necessarium. 131
 Confirmationis sacramentum ad uoluntarios fideles & quae pertinet. 131
 Cōfirmationis sacramenti suscipiens adulti dolere debet de peccatis. 131
 Cōfirmationis sacramenti praecore debet confilio in adultis. 131
 Confirmationis sacramentum non gratiam tribuit. 131
 Confirmationis vocabulū unde deductum. 131
 Confirmationis effectus. 131
 Confirmatio non potest iterari. 131
 Confirmationis sacramenti cerimoniae & ritus. 131
 Confirmationis sacramentum quomodo potissimum administraret. 131
 Contritio quid. 167
 Contritio non est bona uia tamen sed male acta uia odium & expulsiō quomodo suscipere debemus. 167
 Contritio uis & efficacia. 167

Conu-

C A T E C H I S M I

Contritionis dolor quam vehementer esse debeat.	168	imagines pingi, non interdicitur	130	Deus quare pater vocatus.	13
Deceatior peccati nullus modus definitur.	169	Christi frater noster.	310	De Deo quid significet hanc vocem pater.	14
Lacrymæ in penitentia summo prece optantur.	169	Christi resurrexerit fraternitatem Christi cum hominibus non dimittit.	311	Deo omnipotens vis tribuitur.	15
Contritionis proprius dolor ad singula peccata mortalia adhibendus.	170	Christus quoniam in nobis regnat.	319	Deus omnium creator.	15.17
Ad contritionem veram quæ sine necessitate.	170	Christi causa libenter stulticia famamur.	36	Deus quare creatus confertur.	17
Ad contritionem excitandum cum quæ de peccatis non doleat.	171	Christus imitandus in reverenda vita volens esse ad voluntatem Dei.	319	Deo & non sanctis sacrificium offertur.	17
Coronæ unicuique parata à Deo.	171	Christus dominus, parus est.	311	Deus est legis auctor.	210
Creationis opus ab eis facilius creditur quæ de Deo omnipotentia non dubitant.	17	Christi passionis mysterium maxime de potentia & benignitate ostendit.	336	Deum amare facile est.	213
Quare Deus creaverit omnia.	17	Christi passionis patrocinio nemini peccatorum impetramus.	340	Deus quare zelotus appellatur.	213
De creatione angelorum.	16	Crucis Christi precium quam sit.	340	Deo multa imposita nomina.	215
Homo non in naturâ sed deo non in immortalis.	17	Colere Deos alienos quare Deum prohibetur.	210	Deus quibus modis laudandus.	215
Deus creator universi & invisibilis.	17	Cultus divini cupidos homines effe oportet.	213	Deus non habet infirmam eam quæ non est frustra asumptum.	215
Deus quare creatus confertur.	17	Cultus externus Deo precipitur ad haberi tertio precepto.	213	Deus primus diligendus & deinde parentis.	215
Creatura nostra in Christo quæ.	222	Cultus sabbati quo tempore tollendus erat.	244	Dei voluntas in quo maxime fit.	219
Verbi humi, credo, in materia fidei evangelica acceptio & professio.	8	Cultus dei festi quare instatur.	245	Deus desideria exaudit.	304
Quis sit qui credit.	8	Cupiditas damnata, quæ.	248	Deus utrum hominem pater vocet.	306
Quid primo credendum.	7	Cupiditas in nos quare prohibetur.	248	Dei providentia erga homines.	307
Credens inquirendi curiositas est liber.	7	Cupiditas proximi etiam iustis adveniat.	248	Deus hominibus non obliuiscitur.	308
Credendum esse Deo.	9	Cupiditas proximi etiam iustis adveniat.	248	Dei benignitas & misericordia erga homines.	309
Credens interiori fidei actum aperta esse professione profiteri debet.	9	Cupiditas proximi etiam iustis adveniat.	248	Dei amor erga homines in redemptione ostenditur.	309
Christianismus omnium unus spiritus est.	311	Cupiditas proximi etiam iustis adveniat.	248	Dei manus cum nos tangit, id non hostilitas facit sed amantia.	309
Christiani hominis scientia uno capite comprehenditur.	3	Cupiditas proximi etiam iustis adveniat.	248	Deus quare caligat quod amat.	310
Christiani doctores opera in quo præcipue versari debeat.	4	Cupiditas proximi etiam iustis adveniat.	248	Deus calamitates nostras non spernit.	310
Christiani vita omni in oïto degit.	4	Cupiditas proximi etiam iustis adveniat.	248	Deus omnium Deus est.	311
Christiani philosophia & seculari sapientia in quo differant.	9	Cupiditas proximi etiam iustis adveniat.	248	Deus est ubique, & quo modo.	312
Christianus homo quoniam Christo debeat.	34	Cupiditas proximi etiam iustis adveniat.	248	Deus quare in carnis esse dicitur.	312
Christi regnum spirituale.	21	Cupiditas proximi etiam iustis adveniat.	248	De quo modo est animi amicus.	312
Christus a diversis naturis diversis proprietates accipit.	23	Cupiditas proximi etiam iustis adveniat.	248	A Deo quid primo petendum.	314
Christus quare dominus noster dicendus.	23	Cupiditas proximi etiam iustis adveniat.	248	Dei gloria quo modo petatur.	314
Christus non est dicendus filius Dei adoptione, sed natura.	26	Cupiditas proximi etiam iustis adveniat.	248	Dei nomen quo modo sanctificatur patris.	314
Christus à Davide originem trahit secundum carnem.	27	Cupiditas proximi etiam iustis adveniat.	248	Dei nomen in non verbis tantum.	314
Christus quare novissimus Adam appellatur.	28	Cupiditas proximi etiam iustis adveniat.	248	Dei nomen in non verbis tantum.	314
Christi humilitatis exemplum, est maxime accommodandum ad nostram superbiam deprimendam.	28	Cupiditas proximi etiam iustis adveniat.	248	Dei nomen in non verbis tantum.	314
Christus nascens libertatis doctrinam militavit.	29	Cupiditas proximi etiam iustis adveniat.	248	Dei nomen in non verbis tantum.	314
Christi sanguine scelera nostra expiantur.	70	Cupiditas proximi etiam iustis adveniat.	248	Dei nomen in non verbis tantum.	314
Christi sacramentis omnium auctor.	93	Cupiditas proximi etiam iustis adveniat.	248	Dei nomen in non verbis tantum.	314
Christus totus in sacramento Encharistie continetur.	145	Cupiditas proximi etiam iustis adveniat.	248	Dei nomen in non verbis tantum.	314
Christus qua ratione in sacramento.	146	Cupiditas proximi etiam iustis adveniat.	248	Dei nomen in non verbis tantum.	314
Christus qua ratione penitentia sacramentum inducit.	164	Cupiditas proximi etiam iustis adveniat.	248	Dei nomen in non verbis tantum.	314
Christi & eius matris & sanctorum		Cupiditas proximi etiam iustis adveniat.	248	Dei nomen in non verbis tantum.	314

I N D E X

Dei voluntatem quare maxime co-	318	pravatione.	61	Eucharistia fructus.	145
lamus.	318	Ecclesie caput visibile.	61	In Eucharistia Sacramento totum	145
Dei uir inextinguibilis.	318	Ecclesie unitas.	61	Christus continetur.	145
Deus tibis melius consulit quam	319	Ecclesia sancta appellatur.	63	In Eucharistia Sacramento quod sit	145
nos optare possimus.	319	Ecclesia catholica.	64	ex concomitantia.	145
Ad Dei gloriam omnia ad usus uire	330	Ecclesie uere dignoscenda a	64	Dux oblationes quare separatim	145
necessaria sunt referenda.	330	certissima regula.	64	sunt in Sacramento Eucharistia.	145
Dei infinita potentia colebatur.	334	Ecclesia est apostolica.	64	In quibus nrisque specie parum	145
Deus promptus & paratus ad eodem	339	Ecclesia non potest errare.	65	la Eucharistia totus Christus con-	145
namque peccata praesentibus.	339	Extra ecclesiam uerus calvus non re-	65	tinetur.	145
Deus peccatis offenditur.	339	petitur.	65	Panis & uini substantia post consecra-	145
Deus beneficentissimus patris.	339	Ecclesia ante Deus.	65	tionem in Sacramento Eucharis-	145
Deus iustitiam retinentissimus.	340	Ecclesiam clausi regni celorum ha-	65	bit non remanet.	145
Deus quomodo tenet suos.	347	bere, fide intelligimus.	65	Post consecrationem quare Eucharis-	145
Deus quo tenari sunt bonos.	348	Quare credere sanctum ecclesiam &	66	sive sacramentum panis & uinum	145
Deus quomodo nos in temptationem	348	non in sanctam dicatur.	66	uocatur.	145
inducere dicitur.	348	Eleemosyna necessitas.	274	Conferro admirabilis in sacramen-	145
Deus dat uires ad Satanam proster-	351	Cohortatio ad eleemosynam facien-	274	to Eucharistia tribulationis so-	145
nendum.	351	dam.	275	carum.	145
Deus praebet uires ad uincendum ho-	351	Labore ac manibus ea querenda	275	Eucharistia sacramentum non curio-	145
stes.	351	quibus inopum indigentia leuari	275	seruandum.	145
Dei benignitas non uno modo eri-	351	possit.	275	Qua ratione Christus sit in Eucha-	145
pit nos a malis.	351	Eleemosyna orationi addenda.	305	ristia Sacramento.	145
Deus non uult nos ab omnibus in-	351	Eleemosyna medicina est accommo-	305	Panis & uini species in Sacramento	145
commodis solutos esse.	351	datis sanatis animis uulneribus.	344	Eucharistia sine aliqua re subiecta	145
Dei dat solatia iis qui aduersis per-	351	Episcopi tunc & sacerdotibus positi	344	manent.	145
minuntur.	351	tem habent remittendi peccata.	344	Eucharistia sacramentum quare sub	145
Deus utitur demone ministro in re-	351	Episcopi administratio qua.	345	panis & uini specie administrari	145
petendum panis a secleratis.	351	Episcopus tantum ordines coheret.	345	Christus instituit.	145
Diaboli crudelis domitor.	351	Elcarum eo quod si sunt genera per-	345	Eucharistia sibi omni gratia.	145
Diaboli quare mundi principes &	351	sequi non licet.	345	Eucharistia quod graui tribuat.	145
tenebatur dicam.	351	Eucharistia uis quod aliquando caret,	345	Prima gratia nemini tribuitur nisi	145
Diaboli proprium officium.	351	plurimum dam patitur.	345	Prima Eucharistia sacramentum non	145
Diaboli quo a secleratis dicatur.	351	Eucharistia institutio.	345	to percipere.	145
Diaboli quare tenebatur dicatur.	351	Eucharistia dignitas & excellentia.	345	Eucharistia omnium sacramentorum	145
Diaboli quibus modis utatur ad	351	130	345	finis.	145
terendum.	351	Eucharistia sacramentum pluitibus	345	Eucharistia figura est manna.	145
Die dominica quid agere & a quibus	351	nominibus appellatur.	345	Eucharistia unitas.	145
abstinere fideles oporteat.	351	Eucharistia quare dicatur coe.	345	Eucharistia sacramenti sumendi res-	145
Dicitur non amanda.	351	Eucharistiam potu cibum & potum	345	rationes.	145
Dives quare paucis quotidianum	351	sumere non licet.	345	Maximus bonis se priuant qui cum	145
petere debent.	351	Eucharistia uere est sacramentum &	345	parati sunt sacramentaliter sumere	145
Dives facultates suas Deo acce-	351	uinum ex septem.	345	corpus Domini, spiritus tantum ac-	145
ptas referant.	351	In eucharistia Sacramento adoramus	345	cipiunt.	145
Dives quare bonis cumulantur	351	corpus & sanguinem Christi.	345	Eucharistiam accipere nemini licet	145
Deo.	351	Quare proprie sacramenti rationem	345	ante sacramentalem oblationem	145
Dei uis legiti fidelis opera ne-	351	habent in Eucharistia.	345	Si sacerdoti facultas data sit, si pao-	145
cessaria.	351	Eucharistia cum ceteris sacramen-	345	cati mortalis coe tota sumit.	145
Doctrina catechismi ad capsum co-	351	differentia.	345	Teuini ad Eucharistia sacramentum	145
uiscque accommodata.	351	Eucharistia sacramentum perfectum	345	accipere debemus.	145
Doctrina fidei catholice quibus re-	351	facit materiam consecrationis.	345	Aliquot dies ab uiribus abstinen-	145
bus continentur.	351	Eucharistia est unum tantum sacra-	345	dum ab his qui matrimonio iuncti	145
Doctrina Christianae capta qua-	351	mentum & non plura.	345	sunt, cum ad communionem acce-	145
tor.	351	Eucharistia sacramentum tria signi-	345	dere uoluit.	145
Dolor ex peccatorum cognitione.	351	ficat.	345	Eucharistia coe sepius iteranda.	145
Dubitare in oratione non debet.	351	Eucharistia sacramenti materia du-	345	da est anima.	145
Prophecia planius de ecclesia quan-	351	plex.	345	Eucharistia olim fideles quousque	145
de Christo locuti sunt.	351	Aqua modica uino quare admiscer-	345	sumebant.	145
Ecce uitas nomine quid sit proprie	351	tur.	345	Ab eucharistia communione eno-	145
intelligendum.	351	In eucharistia Sacramento quid li-	345	piunt qui per etate rationis usum	145
Ecclesie & synagoga differentia.	351	quiscet panis & uinum.	345	non habent.	145
Ecclesia melius nominibus uocat.	351	Eucharistia sacramenti forma.	345	Eucharistia quare infansibus nege-	145
Ecclesia militans & triumphans qua-	351	Forma consecrationis uini & eius de-	345	tur.	145
re dicitur.	351	claratio.	345	Eucharistia sacramentum inueni-	145
Ecclesie militantis & triumphantis	351	In Sacramento eucharistia tria sunt	345	bus non dicitur.	145
differentia.	351	maxime admiranda.	345	Eucharistia sub utraque specie laico	145
Ecclesie figura & similitudines.	351	In Eucharistia uerum corpus Chri-	345	sumere non licet.	145
60.65	351	sti & sanguinem contineri.	345	Quare ecclesia oblationem & cibum	145
Quare ab ecclesia excluditur.	351	Eucharistia sacramentum non est tri-	345	sub utraque specie prohibuerit.	145
Ecclesia catholice proprietates &	351	ut signi corporis Christi.	345	Solu.	145

C A T E C H I S M I

Solis sacerdotibus potestas tradita est sacramentum Eucharistiae conficiendi.	155	Fiducia qui habere debemus.	334	Gratiam actio cum oratione in agenda.	307
Qui non est consecratus, sacra uasa tangere non audeat.	155	Finit dominice orationis fructus nullus habet.	337	Gravitas relaxandum.	307
Eucharistia est sacrificium.	155	Finit humanæ uitæ in quo consistat.	337	Hæretico avm artes quibus sunt nisi ad impia dogmata munda.	31
Eucharistia uicima Deo gratissima.	156	Figura conceptionis & natiuitatis Iesu Christi.	337	Hæretici qui dicant.	31
Eucharistia a Christo instituta duobus de causis.	156	Figura crucis Christi.	337	Hebræorum gitem quare Deus de legebat.	124
Eucharistia, ut sacramentum est, non solum merenda sed etiam famulandi uim habet.	157	Figura confessionis.	337	Hebræorum populi liberatio ab Aegypto.	123
Eucharistia sacrificium quando ministratur.	157	Filius Dei & uere deus Iesus Christus.	337	Hebræorum durissima seruitus premi quare Deus permisit.	124
Eucharistia figura & oracula.	157	Filius Dei quomodo generatur.	337	Hebræo populo promissa præstata post 400. annos quare.	124
Eucharistia sacramentum inextinguibile pignus charitatis.	335	Forma sacrancti Eucharistia declaratur.	336	Locus & tempus in quo Israel legem a Deo accepit.	124
Eucharistia sacramentum quare dicitur panis uoluit.	335	Forma sacramenti penitentiae.	336	Homicidium prohibens præceptum auditu secundum.	159
Eucharistia sacramentum quare dicitur quotidianus panis.	335	Forma sacrancti extremae unctionis.	336	In præcepto, Non occides, duo cõsistentur.	159
Exempla quæ ad bene sperandum nos inducere possunt.	336	Forma cõfirmationis sacramenti.	336	Homicidium quod in hoc præcepto non ueretur.	159
Exempla humanæ infirmitatis.	336	Formula orandi diuersa ad Deum & sanctos.	336	Occidere uenium est omnibus.	160
Exempla rerum Deo permittendus.	336	Fornicatoris peccati calamitas propria.	336	Omnes honores huius legis uis, non occides, defenduntur.	160
Extrema unctio.	336	Fornicationis detestatio.	336	Seipsum non licet occidere.	160
Falsum testimonium quid.	336	Patres sent omnes fideles.	336	Lex non occidendi, non solum non sed animam colubet.	160
Falsi testimonii damna.	336	Frugalitas consulendum.	336	Homicidium peccatū est nefarium.	161
Falsum testimonium non solum in iudicio sed extra iudicium uenit.	336	Fructus arboris uitæ.	336	Homo ad impium & similitudinem Dei formatur.	161
Falsum testimonium dicere contra se, non licet.	336	Fructus uberrimus orationis est imitatio.	336	Homo postremo creatus non ut nascatur sed diuino beneficio immortalis.	161
In falsi testimonii mendacium non metatur.	336	Furti præcepti uia auditoribus inculcanda.	336	Homo hominū ruina.	161
Fellorum dixerunt præceptum.	336	Furti præcepto Dei benignitas erga nos maxime præcipitur.	336	Homo christianus quætem Christo debet.	161
Festus dies culum quare instituitur.	336	Furti præceptum est aliquam custodiam qua externa res & nostre facultates muniuntur.	336	Homines diuini cultus, cupidos esse oportet.	161
Festus dies præter diem dominicum quare instituitur ab Ecclesia.	336	Furti præceptum in duas partes diuisum.	336	Homo quid debet Deo.	309
Festus dies celebrantur in Ecclesia.	336	Furti nomine quid intelligatur.	336	Hominum uisus.	309
Festus debet quibus opibus christianis se exercere debeant.	336	Rapina mal' peccatū quid furtū.	336	Hominum uisus propter peccatum primum peccatum.	309
Felicitas in quo consistit.	336	Quare septimum præceptum furti nomine non rapina uocatum sit.	336	Homo quæ bona per peccatum amittit.	309
Felicitas femel adeptus nunquam amittitur.	336	Furtum quod est iniusta possessio, scilicet rerum alienarum uariis nominibus notatur.	336	Hominem comparatur ægis & iis qui gustum amiserunt.	309
Fides ad salutem consequendam necessaria.	336	Furti etiam animus lege Dei prohibetur.	336	Homo pueris comparatur.	309
Fides ad salutem consequendam necessaria.	336	Furtum quam graue sceler sit.	336	Homo enim iustificatus non ita habet dominos carnis affectus, ut illi posita excitari non possint.	309
Fides ad salutem consequendam necessaria.	336	Furti immanitatem declarant quæ furtum consequuntur.	336	Hominis uoluptas a diuina uoluntate alieni.	309
Fides ad salutem consequendam necessaria.	336	Furtorum multa genera.	336	Hominis inuoluntaria.	309
Fides ad salutem consequendam necessaria.	336	Furtum uaria genera.	336	Hominis imbecillitas.	309
Fides ad salutem consequendam necessaria.	336	Rapinae latius patet quæ furtum.	336	Homo quæ maledictione cõdemnatus post Adæ peccatum.	309
Fides ad salutem consequendam necessaria.	336	Rapaces qui sunt, et rapinarum uariis genera.	336	Hominis ista & imbecillitas.	309
Fides ad salutem consequendam necessaria.	336	Furti excusationem nullam accipit Deus.	336	Præceptum de honore Dei.	309
Fides ad salutem consequendam necessaria.	336	Furtum non excusandum.	336	Præceptum de honore parentum.	309
Fides ad salutem consequendam necessaria.	336	Excusationes quibus se homines defendunt in furtis.	336	Honore quam uim habet.	309
Fides ad salutem consequendam necessaria.	336	Furti diuinus nomen dedecorat.	336	Honoris uia cito in præcepto posita.	309
Fides ad salutem consequendam necessaria.	336	Gratia in iustis sanctorum.	336	Honorandi a nobis patres cuiusque generis.	309
Fides ad salutem consequendam necessaria.	336	Gratia Dei quomodo in oratione peccatur.	336	Honoris officia quæ in parentibus conferri debent.	309
Fides ad salutem consequendam necessaria.	336	Gratia quid.	336	Honor mortalis parentibus tribuendus.	309
Fides ad salutem consequendam necessaria.	336	Gratia quibus ad orationem accedimus.	336	Improbis etiam Pallenibus obediendum.	309
Fides ad salutem consequendam necessaria.	336	Gratia quid.	336		
Fides ad salutem consequendam necessaria.	336	Gratia quomodo eucharistia confertur.	336		

C A T E C H I S M I

Mala animæ & corporis deprecari debemus. 317

Maledictio qua cõdemnatus est homo post Adæ peccatum. 310

Materia sacramenti Eucharistiæ duplex. 133

Materia sacramenti penitentis. 164

Materia sacramenti extreme unctionis. 190

Matrimonium unde dictum. 190

Matrimonium sacramentum uariis modis appellatum. 190

Matrimonium differentia & eius declaratio. 190

Matrimonium inire nõ possunt qui legibus a matrimonio cõfesso c. 190

Matrimonium uis & natura in quo cõsistit. 190

Consensu matrimonii efficitur. 190

Consensus uerbis, quo præfens tenet, quo significat, & exprimitur. 190

Consensus alterius tantum ad matrimonium coniungendū satis esse non potest. 190

Verbis opus est ad declarandū mutuum consensum. 190

Matrimonium ad contrahendum per uerba futuris tẽpus significata. 190

Si quæ conuentiones post matrimonium parenter, quod factū est inane non potest. 190

Verborum loco in matrimonio nuptia & signa sufficiunt. 190

Præter consensum or uerum matrimonium existat, concubitus necessarius non requiritur. 190

Matrimonium duplex ratio, or est in officium naturæ & ut est sacramentum. 190

Matrimonium ut est officium naturæ a Deo institutum. 190

Matrimonium indissolubile. 190

Crescite & multiplicamini, non omnibus hominibus matrimonium necessarium imponit. 190

Virginitas summo opere commendatur aucto iam humano genere. 190

Matrimonium quibus causis inhibetur. 190

Quem finem sibi proponere debet qui nuptias cõtrahere debet. 190

Quibus de causis in habendo uxore delectu hanc illi proponere liceat. 190

Matrimonii natura or sacramentum est. 190

Matrimonium quid significet. 190

Matrimonium sacramentum esse, & unam de septem legibus euangelicæ sacramentis. 190

Matrimonium sacramentum a Christo institutum. 190

Quare uir uxorem diligere debet. 190

Matrimonium gratiam significat & tribuit. 190

Matrimonii sacramentum quantum præstat matrimonium ante legem. 190

Matrimonia Iudæorum. 190

Matrimonium a primo ortu sui decore decidisse. 190

Quare antiqui patres plures simul uxores ducerent. 190

Libellus repudiij quare in lege Moysi concessus. 190

Polygamia a matrimonio natura aliena. 190

Matrimonium diuini tantum & non plurimum cõiunctione definitur. 190

Isidelus ad ueram religionem cõueneris primam ceteri relatis pro uxore habeat. 190

Matrimonium uinculum nullo diuotio dissolui potest. 190

Matrimonium dissolui nõ posse uinculatum est. 190

Fidelium cõiugia perfectione & nobilitate gratulor & iudiciorum matrimonium longe præstant. 190

Matrimonium bona inu. 190

Munus uiri & uxoris officia. 190

Matrimonium clandestinum neque uera neque rata est. 190

Matrimonium impedimenta. 190

Matrimonium contrahentes quomodo affectu esse debent. 190

Matrimonium clandestinum minime contrahendum. 190

Matrimonium uisus qui esse debeat. 190

A matrimonio officio interdum cõdi causa abstinendum. 190

Marchia prohibitum est præcepto lexto. 190

Morchia quare post homicidium prohibetur. 190

Præceptum de mercha quibus uerbis tractandum. 190

Morchia præcepti duplex uis. 190

Medicina a Deo hominibus data. 190

353.

In medicinx remedij quo modo specia ponenda. 190

Medicatio in petitione fiat uoluntas sua. 190

Medicatio pia circa nomen patris in diuinus. 190

Meditationes de Christi passione. 190

Mendaciorum esse genus iugidū. 190

Mendacium plenissimum impietatis. 190

Mendacij fallere loco & officij causa, indignum est. 190

Mendacij summa miseria & turpitudine. 190

Mendacij pater Dæmon. 190

Mala quæ mendacium consequuntur. 190

Mendacij uinū esse fere insaniabile. 190

Mendacij uinū latissime patet. 190

Mendacia excusare, error. 190

Mens bona a Deo postulanda. 190

Mentis a Deo propolice huius qui tum commutatur. 190

Minister sacramenti baptismi proprius. 190

Ministrorū baptismi ordo qui seruandus est. 190

Ministrum confessionis scientia & prudens pradiū esse oportet. 190

Minister sacramenti ordinis. 190

Ministri sacramenti faciētes Christi personam suscipiunt. 190

Misericordia hominum. 190

Misericordia hominum & causæ. 190

Misericordia hominum unde. 190

Misericordia sacramenti idem est cum eo quod in cruce oblatum est. 190

Misericordia sacramenti non est nuda commemoratio sacrificij in cruce peccati sed uere propitiatorum. 190

Misericordia sacramenti pro mortuis offertur & illis prodest. 190

Misericordia non superuacua. 190

Animus Christi qui ad inferos parum cruciatu. 190

Cur Christus in legem mortem perpeffus. 190

Chelus uere maritus & sepulchrum Christi locum, modum, & tẽpus. 190

Chelus mortis elegit. 190

Mulier quæ ex latere uiri formata non ex pedibus aut ex capite. 190

Mulier uirō subdita sit. 190

Mulier libenter se domi cõstat. 190

NATURALIS rationis expertes in cõfessu & cõdictione qua creantur manifestant. 190

Necessitate nostra cognita ad patrem adire cogimur. 190

Necessitati nuntia que superfluit cum alijs comunicanda. 190

Nequitia carnis & spiritus. 190

Nomina imponenda baptizatis. 190

Nomina gentiliū imponentes. 190

Nomina reprehenduntur. 190

Nomine Dei Tetragrammaton nõ pronuntiare inanis est superfluum. 190

Nomina Deo impolita. 190

Nomini dæmoni quæ uerus honor attribuitur. 190

Nomen clerici unde deductum. 190

Nomen Dei quomodo sanctificatur. 190

Nomen Dei sanctum & terribile sanctificatione non eget. 190

Nomen Dei quomodo sanctificatur in omnibus. 190

Nomen Dei re non uerbis tantum sanctificandum. 190

Nota certa iudicandi quæ sit præcipua quæ recta peritio. 190

Obedire tenentur omnia diuine iustitiam. 190

Obreclatio uisum pessimum. 190

Obreclatio multa genera. 190

Odium Dæmonum in nos infunditur. 190

Officium Parochi, quod auditōis præstare debet. 190

Opus redimendi hominum genus emaciat inter opera gubernandi & creationis. 190

Opus. 190

C A T E C H I S M I

habites.	315	Pericula quibus affidue versamur ante oculos ponenda.	345	Præceptum omnium primum & maximum.	116
Peccatorum posthorum imminuta- te inserius a nobis Deus operibus nobis non benedicit.	331	Permiffio in Deo quo modo intelli- gatur.	349	Præceptum primum transgressores.	116
Peccato omnes adflicti esse.	317	Personarum diuinarum proprietates.	12	Præceptum primo non prohibetur sculptura, pingit, & fingit.	117
Peccatorum recognoscere qualis esse debeat.	318	Persona prima in diuinis quare pri- ter dicitur.	13	Præceptum primum quare a secundo separatum.	118
Peccatorum turpitudine.	318	Quæ ad diuinas personas pertinent lubus exquirere non oportet.	13	Præceptum secundu leui quod prohi- beat & quid iubeat.	117
Peccata petis.	318	Petiores & accusatores quo mo- do sint monendi.	123	Præceptum diligendis parentibus usuf latissime patet.	117
Peccatum, est eius actio transire macule tibi & rati permanet.	319	Petere quid primum a Deo debeat mus.	114	Præcepta decalogi duabus tabulis mota & quare.	117
Peccati tempus inquitur Dei.	339	Petere regnum Dei non satis est ad illud acquirendum.	317	Præceptum de diligendis parentibus quare matrem explicet.	117
Peccatorum dolor & sensus quam sit necessarius.	339	Petere ut Deus oculus cupiditan- bus non satisfiat, difficultus ani- mum inducimus.	316	Præcepta ultima duo quare final conuicta.	118
Peccata penitus obdonare, sem- per propius est & parat Deus.	339	Petere non debemus abundantem & exquisit copiam ciborum.	313	Præceptorum duorum vltimorum duplex necessitas.	119
Peccata Deus offendunt.	319	Petere subsidia rerum humanarum a Deo possumus.	313	Preces Deo affidue faciendæ.	304
Peccata quæ dicuntur.	142	Petere non sibi sed omnibus est pro- prium Christianæ charitatis.	314	Preces cui pro proximi faciente. inque christianorum & infidelium inter quos differunt.	312
Peccatorum remissionem petentes ex- cusatione non sumus.	341	Petere diuini debita quid sibi ue- lit.	316	Preces cum non audit Deus, indigni- tati non debemus.	305
Peccata sine Dei auxilio uitare non possumus.	342	Petere non debemus ut omnino non tentemur.	349	Preces cruci Christi quanti sit. Prædictio diuini uerbi nunquam intermittenda.	340
Pecatoris in quorundam iustis desinit.	34	Petere non debemus omnino ab om- nibus malis liberari.	314	Prædictio uerbi Dei fidem animi acquiri.	1
Pecare uariis modis solemus.	143	Petere debemus ut domini manum cibus suppediet.	314	Prædictio uerbi Dei auctoritas.	1
Summa hominum productus ad petendum.	316	Petens his quæ ad usum rerum terrenarum pertinet, animus ad Dei prescriptum intendatur.	319	Præmissa uerbi Dei proposita.	311
Propter petiurum diuersis supplic- iis affligimur.	242	Petensibus pax hominibus si quid negat Deus, argumentum est id eis utile non fuisse.	317	Præparatio ad orationem in quo consistat.	301
Pecare oibus non licet ut proximo commodum & utilitatem concu- piscamus.	119	Pecino de regno Dei enim omnibus cōiungenda & separata facienda.	317	Præparatio ante cōmunionē qualis & quam necessaria.	301
Pecare grauius quam Christus per petis est.	31	Pecio his uoluntas tua quem ordi- nem habeat.	311	Præparatio ad cōmunionem requi- ritur primum accedamus.	311
Pecare postulat est liberatio.	311	Pecio quæ reprehendi possit.	317	Præsentia Dei erga homines.	307
Penitentia necessitas.	68	Peciones quibus corporis & ani- mæ subsidia petuntur.	319	Proximus qui.	118
Penitentia uis carere plerima di- uis affect.	92	Philosophia Christiana a seculari sapientia quid differat.	9	Pudicitia & continentia omni fide colenda.	146
Penitentia sacramentum est neces- sarium.	159	Philosophi quid de Deo referunt.	10	Pugna carnis & spiritus in hoie.	319
Penitentia reuerari debet.	159, 163	Pontifex romanus catholice eccle- siae pontifex.	105	Purgatorius ignis.	311
Penitentia secunda naufragi tabula.	163	Pontifici romano summa dignitas & inuictio diuinitas data.	106	RAPINIA & quod eam genera.	173
Penitentia uaria notio & potestas.	160	Pontifex romanus moderator uni- uersalis ecclesie, petri successor.	106	Ratio impetrandi quod a Deo po- tens.	311
Penitentia multiplex.	160	Christi uerus & legitimus Vica- rius.	106	Redemptionis pondere quid acco- perimus.	309
Penitere Deum per translationem dicimus.	160	Postulatio de regno Dei magnam uim donorum & copiam continet.	112	Regnum caliche.	316
Penitentie uariis significationes in quo differant.	160	Postulatio dimittendi debita de qui- bus intelligatur.	319	Regni Dei ante oia postulandum.	316
Penitentie diuersæ.	160	Preatione dominica singulis quoti- die uti debent.	314	Regni Dei postulatio magnam do- norum uim continet.	317
Penitentiam fides antecedit.	161	Precatio non parentum inimicis quo modo esse possit fructuosa.	311	Regni Dei postulatio magnam do- norum uim continet.	317
Penitentia iuxta quare sit uirtus.	161	Precantes omnes ecclesie nomine precantur.	311	Regni Dei postulatio magnam do- norum uim continet.	317
Penitentes uere quid sibi pponant.	161	Decem præcepta ex duobus pen- dent.	110	Regni Christi quod est ecclesie.	310
Quibus gradibus ad penitentiam li- cet ascendere.	161	Præceptum primum decalogi.	111	Regni Christi quod est ecclesie.	310
Penitentia regnum celorum sacræ literæ pollicetur.	161	Præceptorum ordinis ratio.	116	Regni ecclesie propagatio.	310
Penitentia exterior est sacramenti.	161	Præceptum duplex cōtinetur in uer- bis primi præcepti.	116	Regni Christi quod est ecclesie.	310
Penitentia sacramenti quare Deus insinuat.	161			Regni Christi quod est ecclesie.	310
Penitentia sacramenti materia & forma.	161			Regni Christi quod est ecclesie.	310
Penitentia cerimonie & ritus.	161			Regni Christi quod est ecclesie.	310
Penitentia sacramenti fructus.	161			Regni Christi quod est ecclesie.	310
Penitentia omni in Dei gratiam re- stituit.	161			Regni Christi quod est ecclesie.	310
Penitentia partes integrales.	161			Regni Christi quod est ecclesie.	310
Penitentia quare ex partibus con- stat.	161			Regni Christi quod est ecclesie.	310
Penitentia publica quare publico peccato indicatur.	161			Regni Christi quod est ecclesie.	310
In penitentia duo adhibenda.	161			Regni Christi quod est ecclesie.	310
Præsentia pœna a nobis suscipi- Dei adhibetione antequam.	161			Regni Christi quod est ecclesie.	310

INDEX

- Regni Chrii quomodo petantur 311
Regni calorum excellentia 311
Regni alicuius consequenda admiracula a Deo nobis concessa 311
Regnum aliorum ingredi cupientes petere debent a Deo ut huiusmodi sint 311
Remedia ad diuersas noxas cupulantes 311
Remedia ad diuersas animae periculis, & Eucharistia 311
Remissio peccatorum in ecclesia reperitur 68
Remissio peccatorum in ecclesia reperiuntur 68
Remissio peccatorum beneficii quod studio sit suscipiendum 71
Remissio peccata potestas Christi episcopis & sacerdotibus in Ecclesia concessit 71
Peccata nostra Christi sanguine remittuntur 70
Remissionem peccatorum nemo si ne penitentia consequitur 166
Remissa culpa non semper pena peccato debetur condonatur 184
Quare pena omnis in penitentia sacramento aequa ac in baptismo non remittitur 184
Reluctatio penitentis est necessaria 178
Qui cogendi sunt ut resiliant 188
Reluctatio definitio 174
Resurrectio Christi & de eius glorioso mysterio 40
Christus sua uirtute resurrexit 40
Resurrectionis beneficium Christus primis omnibus affecit 40
Resurrectio Christi uera die, quo modo intelligitur 41
Resurrectionis Christi mysterium maxime necessarium 41
Resurrectionis Christi finis 41
Resurrectio Christi quae nobis exempla sumenda proponit 43
Resurrectionis spiritalis signa 44
Resurrectionis mortuorum fides fides nostra innuitur 73
Resurrectio hominis quare resurrexerit carnis dicitur 73
Resurrectio carnis exemplis & testimoniis comprobatur 73
Resurrectionis uaria conditio 74
Resurrecti, omnes mortui sunt omnino excepto 75
Resurgens corpora nostra immortalia 77
Eorum qui resurgunt dotes 77
Ex resurrectionis articulo qui fructus capiuntur 78
Sabbatum celebritas quare in sacris litteris sepius praecipitur 144
Sabbatum quid significet 146
Sabbathi sanctificatio quid 146
Sabbatum quare domus coelestium 146
Sabbatum signum fuit 147
Sabbatum celeste 147
Sabbatum quare in diem Domini cum traclatum 147
Sabbatum quare ratione colendum 148
Sacerdotibus sola data est facultas sacramentum eucharistiae conferendi 155
Sacerdotes quando Christus instituitur 157
Sacerdos silentio peccata in confessione audita comprimit 180
Sacerdotes Dei & apostoli uocantur 196
Sacerdotes noui testamenti ceteris omnibus praestantiores 196
Sacerdotum potestas maxima 196
Sacerdos iudicandi quae finem sibi proponere debent 197
Sacerdotes merentur 197
Sacerdotes per nihilum ecclesiae ingreditur 197
Sacerdotes in omni lege 198
Sacerdos ab episcopo quando potestas traditur 199
In sacerdotibus ordinandis cerimoniam 199
Sacerdotis ordo tametsi nouus est, uetus tamen & dignitatem & potestatis gradus habet 199
Sacerdotes simplices 199
Quid in eis qui sacerdotes creandus est requirendum 199
Sacerdos quam cognitionem habere debeat 199
Sacerdos duo munera 199
Sacerdotij ambiguitas & excellentia 199
Sacerdotij onus nemini temere imponendum 199
Qui ad sacerdotium uocari dicantur 199
Sacerdotij potestas duplex 199
Sacerdotij legis euangelicae potestas plurimum praestat sacerdoti legis naturae & scriptae 199
Sacerdotij euangelicae potestas a Christo ortum habet 199
Sacerdotium duplex 199
Sacerdotij munus 199
Sacerdotij sanctio praecipua 199
Sacramenti nomen quo modo accipitur 199
Sacramentum quid 199
Sacramentum salus & iustitia componitur 199
Sacramenti definitio ex Augustino 199
Sacramenta inter eas res quae significant referuntur 199
Sacramenta sunt signa rei sacrae 199
Sacramenta sunt signa a Deo tradita 199
Sacra res est gratia Dei 199
Sacramentum sanctitatem significat & efficit 199
Sacramenta non sunt imagines sanctorum & crucis 199
Sacramenta plures res significant 199
Sacramenta legis euangelicae quare instituta 199
Sacramentum quolibet ex duobus constituitur ex materia & forma 199
Verba inter omnia signa maximum uim habent 199
Sacramenta nouae legis formam uerborum praescripti habent a qua si discedat, sacramentum nullo modo re non potest 199
Sacramentorum cerimonie sine peccato praetermitti non possunt 199
Sacramentorum cerimonie si omittuntur, nihil reuera de sacramentis ratione mouetur 199
Sacramenta quare solemnibus ceremoniis ministrantur 199
Sacramentorum necessitas 199
Sacramentorum munera 199
Sacramentorum praestantia 199
Sacramentorum differentia inter se 199
Sacramentorum auctoritas & huiusmodi 199
Sacramenta quare per homines deus ministrari uolent 199
Sacramentorum minister Christi personam gerit 199
Sacramenta nouae legis in peracta scientia ministrare quam permittimus sit ipsi ministris 199
Sacramentorum effectus 199
Sacramenta gratiam multiscienter conferunt 199
Sacramentorum nouae legis excolenda ad uetera comparantur 199
Sacramenta tria characterem imprimunt 199
Sacramentorum uisus Christianum x-dificum fulcit 199
Sacramenti Eucharistiae soli sacerdotes conferunt 199
Sacramenta per improbos, si quare ad rem ream ratione arant, nite feruentur, conferuntur 199
Sacramenti & sacrificii differentia 199
Sacrificium uni Deo & non sanctis offertur 199
Sacrificium unum sunt cruenta & incruenta hostia 199
Sacrificium idem est quod in missa & quod in cruce oblatum est 199
Sacrificium commune quam uisum, & quid significet 199
Sacrificium communionem omnes Christiani unum corpus sunt 199
Membra mortui corporis Christi membra esse non desinunt 199
Christianis in ecclesia quae sint communia 199
Sanctorum cultus, in sanctis uenerandis Dei gloria non minuitur, sed augetur 199
Sanctorum patrocinium non est superuacuum 199
Christus est mediator propitiis sit non propterea sequitur quin ad sanctorum gratiam consergere liceat 199
Sanctorum imagines pinguis non prohibetur diuino praecipio 199
Sanctae uirginis 199
Sanctae uirginis qui maxime omnium petantur 199
Sancti non possunt tentare, quando & quatenus uult, sed quod a Deo permittitur 199
Sancti quibus cibus uincantur 199
Sancti quae sint 199
Sancti quare necessarii 199
Sancti quare nomen uisum 199
Sancti quare uirginis accipiuntur 199
Sancti quare nobis Deum placitum reddunt quae sit 199
Sancti Christi est pene selectio omnium sanctificatio 199
Sancti canonici 199
Sancti a nobis sumpti 199

C A T E C H I S M

Satisfactio quæ est sacramenti pars.
183.

Satisfactio definitio & necessitas.
183.

Satisfactio vis.
186.

Satisfactio nostra Christi satisfactio nem non obicitur sed multo clariorem reddit.
184.

Satisfactio quæ requiritur.
186.

Qui facit iustus est.
186.

Opera penitentia & afflictio suspiciuntur in satisfactioe.
186.

Omne satisfactiois genus ad tria præcipue confertur.
187.

Satisfactio nam habent incommoda & labores a Deo iniuncti, si patientia animo ferantur.
187.

Satisfacere unus pro altero potest.
187.

Satisfacendum est proximo si quid de re cuiusdam detraxerit polliceri debet & penitus priusquam a peccatis absoluantur.
188.

In satisfactiois pena irroganda quid sit servandum.
188.

Satisfactiois modum culpe ratio compensabit.
188.

Satisfactiois opera a sacerdote indidita penitens sepe etiam ultra satisfaciunt.
188.

Scrivere decubitali magnificientia.
188.

Servire Deo alii multis modis possunt.
188.

Sepulchre Christi tui fiat expressa mentio.
188.

Sepultura, passio, & magis Christo ut homini non ut Deo convenit.
188.

Signa a natura adiuventa & divinitus data.
188.

Signa quæ dicantur.
188.

Inter omnia signa verba maximam vim habent.
188.

Signaculum totius orationis dominice.
188.

Spei impetrandi maximum pondus ad impetrandum affert.
188.

Spe caritatem proximorum quo modo nos Deo dicere debeamus.
188.

Spes nostra in amore in Deum tota.
188.

Spes nostra.
188.

Spem habere debemus impetrandi unam peccatorum.
188.

Spem in tentationibus ex quibus docetur.
188.

Spem habenda, tam ex amoris, in Dei patrocinio.
188.

Superbia magnopere Deum offendit.
188.

Spiritus sancti personam non debemus ignorare.
188.

Spiritus sancti propria significatio.
188.

Quare personæ tribuitur in divinis proprium nomen tributum non sit.
188.

Spiritus sanctus patri & filio in omni bus omnino æqualis.
188.

Spiritus sanctus est Deus.
188.

Spiritus sanctus a patre filioque procedit.
188.

Spiritus sancti admirandi effectus.
188.

Spiritus sanctus quare doctum appellamus.
188.

Symbolum ab apostolis cõpositum & quare sic appellatum.
188.

Symboli in tres partes distributi.
188.

In tentatione ne inducamur credulus est Deus.
188.

Tentatio quid.
188.

Tentatio quid.
188.

Tentandi genera multa.
188.

Tentat Deus & quomodo.
188.

Tentat homines in mala parte.
188.

Tentat quare diabolus dicatur.
188.

In tentatione quid inducitur.
188.

Tentat qui non impedit temptationem.
188.

Tentatio est vita hominis opereterram.
188.

Tentationes quo animo se edat.
188.

Tentat quid a Deo veniat.
188.

Terra in media mundi parte constituta.
188.

Tellimonij falsi non dandi præceptum.
188.

Tellimonij falsi non dandi præceptum lingue alium cohercet.
188.

Tellimonij falsi non dicendi lex leges continentur, altera prohibens.
188.

Quid præcepto non dicendi tellimonium probetur.
188.

Tellimonij iuratum iudex recipere potest.
188.

Tellimonium falsum in se dicere licet.
188.

Tellimonium falsum quid.
188.

Tellimonij falsi damnum.
188.

Tellimonium falsum non solum in iudicio sed extra in omni etate.
188.

Quot modis falsi & ergo exaltatio hominis offendet.
188.

Tellimonij est confessio laudis Dei.
188.

Tellimonij veri i rebus humanis maius usus.
188.

Testes in iudicio cavent ne quod ex ploratione non habent pro certo asserunt.
188.

Vetera pastorum ecclesie tamquam Dei verba recipienda.
188.

Verbi divini prædicatio nunquam intermittenda.
188.

Verba inter omnia signa maximam vim habent.
188.

Verbi prædicationis & sacramentorum usus Christianum ad fidem suscitatur.
188.

Verbi incarnatio.
188.

Verbum Dei cibus est animæ.
188.

Verbi Dei sumus quare a Deo mixta sunt.
188.

Verum confiteri debet & si & scilicet cum ex iudicii forma interrogantur.
188.

Verum tacere interdum licet sed extra iudicium.
188.

Vigilare tentationes vincunt.
188.

Vir quare uxori diligere debet.
188.

Viri officium erga uxorem.
188.

Vita æterna quid significet.
188.

Vita æterna magis explicatur horum felicitatem quam beatitudo.
188.

Vita bonitatis temeritas.
188.

Vita & salus nostra ex Deo petenda.
188.

Vivum lingue lustrum patet.
188.

A vita æterna numerabilia beneficia proficiuntur.
188.

Virtutibus extremis sacramentis quare sic dictum.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

Virtutibus extremis sacramentis assidue uxoris & pietatis memur.
188.

FINI

1522954







